民

或

叢

書

第三編

. 7

哲學・宗教類

東方大司

東方大同學案

劉仁航著

康有爲著

大

康有爲著

9

同

書





[2]

京 濁

地 高 D, 米 年 為 沉 樂 3 大 淪 大 造量 ス

心勒

百海先女是香为好不其作出 俾可見诸亥行者則自 想 易回同人称野禮云天下為公大同 我國自古有之而南原理设方案

维為

2 以 वि

嚴。 等也世界進化之公理必始於據亂進於升平至太平而極矣據亂之世人民苦多而樂 少升平世人民之苦樂相等至太平世則人民共樂萬物熙熙矣是故據亂之世階級 於人樂無所加苦無所減者則其政治衰亂言論退化者也雖然其進化也以漸不可躐 言也人之生也與憂俱來其營營擾擾者曰惟求樂而已聖賢豪傑仁人義士者曰惟爲 下爲公之義爲衆生除苦惱爲萬世開太平致極樂之作也夫先生仁人也是書仁者之 人除苦求樂而已是故能令人樂益加苦益減者則其政治淸明言論進化者也反是其 其俗 、 農工商民則爲時王之私屬詩所謂普天之下。 莫非王土率土之賓莫非王臣是也生 其國體則爲君主專制其執政者皆貴族世爵其人民爲奴爲臣不得自由其男女異 重三綱其時之人心則崇拜英雄凡能殺人而建其私國之功者則俗謂之豪傑 書者先師康南海先生本不忍之心究天人之際原春秋三世之說演禮運天

兄此則據 安之詞 民 界之苦也至若婦: 降卒二十萬)偶遇 雖 有 英俊下僚莫之或情此則據亂世 陰陽 之苦於斯爲極。 、於是而 聖 此 如 既去專制之君主及世祿之貴族且男女漸 一智神 庭 則 豕 章宋若憲之經術列於鬚眉男子中亦屬鳳毛麟角乃以女子身不得一 之異而權利實宜 據亂世分種族之苦也先生昧 亂 者既見拒於窈窕之白女亦見絕於秀美之黃 明亦惟從夫從子以敬姜之德班昭之學秦良玉之勇毅辛憲英之淸識李易 進之升平焉雖然升平之世 世有家之苦也易曰天地氤氲萬物化醕男女搆精萬物化生男女雖 故 姑勃谿兄弟鬩牆仁愛如張公藝尚須百 身儕 屠伯崇城遽成灰燼(如俾士麥火燒法師丹) 平等乃身是男子則雖蠢 於蟲魚命等於草芥每逢喪亂殺戮動輒 男女異視之苦也又若鐵 味而 人類亦未見盡樂也蓋此時 思之戚戚而 本。 種族漸同家庭之制 若 鹿豕。 。 殊不 憂之思所以救其苦而騎之於 依然爲綱爲紀。 忍賢智如唐太宗猶 面 國牙科領 許同席而 也雖人類之階級 百萬。 此 亦由大而 食。 圓 則 身是 不 鼻手足深黑。 據 如 准同 亂 項 小雖然。 官 女 世有 射 羽 半職。 席 形 體 面 國

敵體焉。 民 之所謂 奥 動 疾 前 而 焉。 者之潤 此 病 因 我 愛 男女 貧富 物。 則 顚 同 豹 同 心且斯時 登極 也。 升 連。 然 聖 氣。 階級享用紹 雖漸平等然女子之嫁 蓋 Ä 困 平 餘造成特殊階級組織托拉司(Trust)壓制羣衆釀成市面恐慌促成世界戰 象蛇龍而放之菹後人頌其 人 刳腸食肉以寢以處是何忍 君主雖 類 苦 矣。 世 樂於是而進於太平大同之世矣夫大同之世天下爲公無有階 君主之權雖已旁落而財權 此 以 無 私產之苦也張子有言民吾同胞物吾與也孟子亦云親親 告誠 則升平 靈 去尙有民主統 一明驕 絕殊富者尊嚴若 如 世 <mark>ر</mark>ه 杜詩所謂朱門酒內 視殺生爲 有 類 之苦· 也。 領焉。 尚冠以夫姓且一切政權尙屬男子之手女子不得 (德者何· 也。 也。 固 帝王娛樂若 然而益 世爵雖 先 然入其庖廚烹羊 上 方萌芽賽· 生 也則凡能 臭路有 昧 除政權 烈 昧 而 Щ 神 思之威 澤而 凍 仙貧者衣食同 本主義繼起至使同是圓顱方趾 尚 殺物以建其私類之功 死 **"骨矣蓋資-**焚 屬 宰 鳥 牛。 少數之黨員。 戚 ·殺雞屠 黝則 而 憂之思 牛馬。 世 本 人 豕。 主 未普及 所 歌 而仁民 義 起居 夫 者掠 其 衆 以 盡 者。 功。 生 儕 周 奪 狗 於 即 熙 民 彘。 熙。

雲散 擔益 抱。 肉品 職 體 戒食之次漸 有公共之考終院則於子無靠慈義可廢人民旣受公共之敎養二十年後公家又給之 於父母無恩孝道 生仁人也雖然大同之道固宜遵守是書以循序漸進不可躐等爲之今夫共產主義無 也。 業。 有職官之任男女既平等獨立則以情好相合而立和約定有期限不名夫婦三年懷旣無專制之君主亦無民選之總統國界既破則無政府之可言人民皆自由平等更 之精 輕則其 愛物 矣且於斯時。 一十年教養均由公共之人本院育嬰院慈幼院小學中學大學院以教之養之則 雖有懶惰成性者亦罰之入恤貧院作苦工如此則永無失業之人且旣無室家頁 爲 華而滋養相同者至是又不食鳥獸之肉而至仁成矣獸與人同本而至親首 戒食鳥。 私產自無所用之亦不 大同之至仁矣於斯時 人類既安居極樂思想日新 可廢及其老也又有公共之養老院疾病則有公共之醫病院考終則 次漸 戒食魚次漸戒食有 也人 必藏之己也如 物平等是之謂 進化 生之物焉蓋人 1無疆新器 此則私產制度廢資本 政府之可言人民皆自由 大同 與萬物。 矣此先生仁 日多新製日出 在天 視 心 主 之術 之固 必有能 義自煙 同 也。 先 消 其

當其革命之時大屠殺流血且不惟革資本家之命凡勞働界中之勞心之智識階級均 之言曰「一聲炸彈可當十萬報紙鼓吹」則暴戾甚矣不仁甚矣俄國昔年推行共產 從先生游時先生嘗詔之日人有殺其子而養其孫者可謂之慈乎旨哉言乎仁哉言乎 之說故雖如俾士麥 (Bismarck) 之流嘗斥之民賊屠伯之列蓋惡其殘害同胞也憶昔 在 是也。 此先生大同主義之所以異於今之共產主義也孟子曰道二仁與不仁而已矣且夫大 **履見蟲不殺其餘化亦仁矣且佛嘗割臂飼鷹割股飼虎矣此仁之至也雖大同世亦無** 同之道苟非其時不可行也今夫婆羅門佛敎戒殺放生人道之至仁者也印人見蟻不 先生大同之所以異乎佛教也蓋先生承十三世之爲儒其取精用宏既早承其家學更 打倒之列致使其國家元氣大損先生平生最惡用兵時稱誦子輿氏善戰 主義非不旨且美也然其主張暗殺暴動主張破壞現在是故巴枯甯(Rakunin) 然 而 印 人肉何有於鳥獸乎孟子有遠庖廚之義庶幾近之旨哉言乎時哉言乎此 人因以衰亡至於今不復是故先生嘗言當亂世國與國爭家與家 者 等人與 服 刑

K

是書焉故小大精粗六通四辟無乎不在無乎不備也後有言大同者當折衷於夫子矣 弟子錢定安謹 新城於中華書局謀梓以行世蓋距先生之卒已七易寒暑矣定安撫墜緒之茫茫獨愴 是書凡十卷前二卷早已印行餘均草藁歲在甲戍由武進蔣竹莊先生之介獲交舒君 度希臘波斯羅馬古哲之懿言及近世英法德美先哲之精英損益今古斟酌至當以成 然而涕下爱為校訂其全書既竣幷爲鈎元提要弁言簡端以告世之讀是書者甲戌冬 其天縱之資從名師游潛學於西樵身體心會含咀於吾國數千年來之文化以及印

大同書目錄

6 体	第一章 有國之害	乙部 去國界合大地	第五章 人情之苦	第四章 人治之苦	第三章 人道之苦	第二章 天災之苦	第一章 人生之苦	緒言 人有不忍之心	甲部 入世界觀衆苦	序
							五			

第五章 中學院	第四章 小學院	第二章 育嬰院	第二章 人本院	第一章 總論	己部 去家界為天民	戊部 去形界保獨立	去種界同人類····································	丙部 去級界平民族····································	第四章。立公政府以統各國爲大同之中	第三章 初設公議政府為大同之始	第二章 欲去國害必自弭兵破國界始	
·····································	1110		九二九二			一九三—二五四	一七七—一九二	一六七—一七六			101	,

第六章	第五章	第四章	第三章	第二章	第一章	庚部 去產	第十章	第九章	第八章	第七章	第六章
獨工與公工之比三六一	獨商與公商之比三五九	獨農與公農之比二五八	商不行大同則人種生詐性而多餘貨以殄物三五六	工不行大同則工黨業主爭將別成國亂	農不行大同則不能均產而有饑民	去產界公生業三五三一三八二	考終院二四六	養老院二三二九	醫疾院二二三四	恤貧院	大學院一二一七

Ħ

第七章	第六章	第五章	第四章	第三章:	第二章	第一章	辛部 去鼠	第十章	第九章	第八章	第七章	7 1
公闢二二九七	公通二九六	各度政府政體二九二	全地大同公政府政體	地方分治以度爲界三八五	全地通同三八四	分地爲百度三八三	去鼠界治太平三八三—四三〇	總論欲行農工商之大同則在明男女人權始三七九	公商二七五	公工二七一	公農二六二	3

癸部 去苦界至極樂	壬部 去類界愛衆生	第十五章 四禁	第十四章 刑措	第十三章 學校	第十二章 獎仁:	第十一章 獎智	第十章 競美	第九章 公金行	第八章 地方自治
四四一一四五四		四二六	四一九	•		四〇九			

甲部 入世界觀衆学

緒言 人有不忍之心

枝 也已而强國有法者吞據安南中國救之船沈于馬江血碟於諒山風鶴之驚誤流羊城。 之神游於諸天之外想入於血輪之中於時登白雲山摩星嶺之顚蕩蕩乎其鶩於八極 年之文明而盡吸飮之又當大地之交通萬國之並會薈東西諸哲之心肝精英而酣飫 康叔爲士人者十三世蓋積中國羲農黃帝堯舜禹湯文王周公孔子及漢唐宋明五千 華遊學於南海濱之百粵都會日羊城鄕於西樵山之北日銀塘得氏於周文王之子曰。 獸之期際開闢文明之運居於赤道北溫帶之地國於崐崙西南帶江河臨大平海之中 之種體者吾地二十六周於日有餘矣當大地凝結百數十萬年之後幸遠過大鳥大康有爲生於大地之上爲英帝印度之歲傳少農知縣府君諱蓮初及勞太夫人選 夕大驚将軍登陴城民走遷窮巷無人康子避兵歸於其鄉延香老屋吾祖是傳隔塘

甲部

被。 非 朕 殺 困 人。 鳴 觸 姑 射毒 《大牢獄》 皆憂患之人而 雞 叔 呼 夕 人雖然鄕人之酧酢里婦之應接兒童之撫弄宗姓之親。 歟吾自爲身彼身自困苦與我無關 (嫂之勃) 乏形。 痛 臥 救 屠 於黃 於竈 園。 豕。 哉。 須 生民 樓 或寡婦思夫之夜 衆 史。 而 眉或 臼澹 生 霧而塞於寰瀛 谿。 而 一 熙 與 之禍 何補 諸聖依依入病室牢 與接爲搆憂痛 廢疾 已普天下衆生皆 如晚 於苦 烈。 我 窿 而救之之 臨三塘吾朝 **医**篤持鉢行 悲。 同 火災或孤 康子 氣刳腸食肉。 也若夫民賊國爭殺人盈城流血塞河。 慘悽號 ·悽楚傷懷c 無術 乞呼 獄 · 脫殺之衆生而已蒼蒼者天搏搏者地不過一大殺 子窮餓之長啼或老夫 夕擁書於是俛讀 中。 也人 爲 而惻惻沈詳行憂坐念若是者何哉是其爲 劃燭 以寝 號 承 平其實 患無 日 而 月噫 以 以照之煑糜而食之裹藥而 無歸其貴乎富 處蓋 國。 欷。 而 普天之家室皆 不 全世 仰思澄 有國之害如 絕 界皆 無衣。 於 昵耳聞皆勃谿之聲目 心何 · 平 則 神 憂 扶杖於樹 離 於萬斯年 為 此哉若 患之 兄弟子 形歸 怨氣之冲 感 世而 我 對 醫之號 如 夫 底。 姪 妻 是哉 己普 烹羊 大劇 之鬩 盈。 或 見° 爭 病 是何 慘瘥。 爲 宰 牆。 覩 亭 嫗 婦 無

不能 也。 數 種 形聲於彼傳送於目耳衝觸於魂氣悽悽愴愴襲我之陽冥冥岑岑入我之陰猶猶然 之爭 也而 及觀影戲則尸橫草木火焚室屋而怵然動矣非我無覺患我不見也夫見見覺覺者 歟。 X使我無覺無! 尼自己者 其 日 耶宵我獨 國。 我 其 何 為不 百千萬億於白起之院長平卒四十萬 有 何朕耶其歐人所謂以太耶其古所謂不忍之心耶其人人皆有此不忍 郭而我何 知則草木夭夭殺斬不知而何有於他物爲我果有覺耶則今諸星人。 感愴於予 爲深深感於。 心哉且俾士麥之火燒法 項羽之阬新安卒二十萬者 師丹也 我年已十餘 未 有 所哀 不 可 勝 而

之周 質 之塞 於地 於身 康子 道將滅 於 通 而無不 空而 息於 乃曰若無吾身耶吾何有知而 絕矣滅絕者斷 八者其能紹 無 澈也山絕气 不 有 也。 一如電 絕乎其不能 其文 則崩身絕脈則死。 之行 明而還於野蠻斷其野蠻而還於禽獸之本質也夫 於气而 絕乎其能絕也抽刀可斷 何有親吾既有身則與並身之所通氣於天通 無不 地絕气則散然則人絕其不忍之愛質 通 也。 如 水 之周 於地 水也其不能 而 無 不 貫 絕 也。 也。 則 如 脈 如

甲部

,浩浩元氣造起天地天者一物之魂質也人者亦一物之魂質也雖形有大小而

神惟元惟人微乎妙哉其神之有觸哉無物無電無物無神夫神者知氣也魂知也精爽 其 之力也故仁智同藏而智爲先仁智同用而仁爲貴矣 也靈明也明德也數者異名而同實有覺知則有吸攝磁石猶然何況於人不忍者吸攝。 露生神者有知之電也光電能無所不傳神氣能 分浩氣於太元挹涓滴於大海無以異也孔子曰地載神气神气風霆風霆流 無所不感神鬼 神帝生天生地全神分 形庶 物

吾同 有其 必思償之若預債而匿逃衆執而刑不刑其身則刑其名其覓一家之債及一國天下之 其國其國亡種滅而文明隨之際壞其覓責亦太甚矣生於大地則大地萬國之人類皆 **過者亦何不**: (生則有家人之荷擔若逃之而出其家其自爲則巧矣其覓恩則何忍矣譬貸人金康子曰吾旣爲人吾將忍心而逃人不共其憂患焉而生於一家受人之鞠育而後 胞之異體也旣與有知則與有親凡印度希臘波斯羅馬及近世英法德美先哲之 然生於一國受一國之文明而後有其知則有國民之責任如逃之而棄。

聯袂 精英吾已嘬之飲之葄之枕之魂夢通之於萬國之元老碩儒名士美人亦多執手接茵 相 捨 悴。 地之生番野人草木介魚昆虫鳥獸凡胎生濕生卵生化生之萬形千彙亦皆與 耶。 日受而用之以刺觸其心目感蕩其魂氣其進化耶則相與共進退化則相與共退其樂 吾欲仁之遠無所施恆星之大星團星雲星气之多諸天之表目本相見神常與游其 之世界吾更何忍出此也火星土星木星天王海王諸星之生物耶莽不與接杳冥爲期 接。 相與共其樂其苦耶相與共其苦誠如電之無不相通矣如氣之無不相周矣乃至大 身雪窟中以煉精 生趣慘悽吾亦有憔悴慘悽動於中焉莽莽大地吾又將焉逃於其外將爲婆羅門之 分羹而致其親愛矣凡大地萬國之宮室服食舟車什器 魂 識者卽與吾地 女禮樂文章之樂與兵戎戰伐之爭浩浩無涯爲天爲人雖吾所未能觀而苟 知 相 通愛磁相攝而吾何能恝然彼其色相好吾樂之生趣盎吾怡之其 魂。 **吾人無異情焉吾爲天游想像諸極樂之世界想像諸極苦之世界** 然人人棄家捨身則全地文明不數十年 政教藝樂之神奇偉麗者 而復爲狉榛草木鳥 色相 我 有物 耳 國 爓 憔

知 少者其愛 康子不生於他天而生於此天不生於他地而生於此地則與此地之人物觸處一為比例焉名諸天。生日前卒矣此先生晚年自娛之作足為見大心矣之資,為此例焉名別有書。定安謹按諸天講付梓於民十五冬由中華代印出版時,者其愛心亦少其覺知大者其仁心亦大其愛之無涯與覺之無涯愛與覺之大 **吾樂之苦者吾救之吾爲諸天之物吾宵能舍世界天界絕類逃倫而獨樂哉**

親 所 地 識文字之人而爲十三世文學傳家之士人日讀數千年古人之書則與古人親周覽 **松矣不爲邊** 及。 數十國之故則與全地之人親能深思能遠慮則與將來無量世之人親凡其覺識之 相 遇爲親 不能 閉日 **松矣不生爲五** 一僻洞穴生番獠蠻之人而爲 而禦之掩耳而塞之 毛羽鱗介之物而爲人則 數千年文明國土之人不爲牧豎爨婢耕 與圓首方足形貌相同性情相 通 者尤 奴

患苦惱者矣雖有淺深大小而憂患苦惱之交迫而並至濃深而厚重繁賾而惡劇未有 天若殤子逸若僧道繁若毛羽蓋普天之下全地之上人人之中物物之庶 於是起而 上覽古昔下考當今近觀中國遠攬全地拿極 帝王 一賤及隸庶 無 非憂

能少免之者矣

理之未精數抑醫術之未至耶蒙有憾焉或者時有未至耶 胥溺之滔滔終無能起沈痼也略能小<u>廖</u>無有全愈者或扶東而倒西扶頭而病足豈醫 諸先羣哲怒然焦然思有以拯救之普渡之各蝎其心思出其方術施濟之而橫覽

者受之不適宜者拒之故夫人道只有宜不宜不宜者苦也宜之又宜者樂也故夫人道 尤靈神魂尤清明其物非物之感入於身者尤繁夥精微急捷而適不適尤著明焉適宜 於腦筋適且宜者則神魂爲之樂其與腦筋不適不宜者則神魂爲之苦況於人乎腦筋 者依人以爲道依人之道苦樂而已爲人謀者去苦以求樂而已無他道矣。 夫生物之有知者腦筋含靈其與物非物之觸遇也卽有宜有不宜有適有不適其

收 愛之收之卹之時有友朋則以利害愚難而易心不可憑藉號之曰孤寡鰥獨名之曰窮 相 卹者不以利害患難而變易者人之所樂也其無父子夫婦兄弟之人則無人親之 夫喜羣而惡獨相扶而相植者人情之所樂也故有父子夫婦兄弟之相親相愛相

入世界觀衆苦

緒言

人有不忍之心

民憐之曰無告此人之至苦者也聖人者因人情之所樂順人事之自然乃爲家法以綱。 紀之曰父慈子孝兄友弟敬夫義婦順此亦人道之至順人情之至願矣其術不過爲人

增益其樂而已 不能免順人事時勢之自然而爲之立國土部落君臣政治之法其術不過爲 則爲人所捕虜隸奴不能保全其家室財產則陷苦無量而求樂無所聖人者因則爲人所捕虜隸奴不能保全其家室財產則陷苦無量而求樂無所聖人者因 之法所以保全人家室財產之樂也其部落已亡國土無託無君臣無政治蕩然如野鹿 死之術以求生天證聖之果輪迴不受世界無邊其樂浩大深長有逈過於人生之數十 求永樂於神魂聖人者因人情之所樂而樂之則爲創出世之法煉神養魂之道長生不 而已人者智多而思深慮遠而計久旣受樂於生前更求永樂於死後旣受樂於體魄更 年者於是人途願行苦行焉棄親愛之室家絕人間之榮華入山面壁裸跣乞食或一年者於是人途願行苦行焉棄親愛之室家絕人間之榮華入山面壁裸跣乞食或一 食或三旬九食編草嘗糞臥雪視日喂虎飼鷹彼非履至苦也蓋權其苦樂之長短大 結黨而爭勝從强而自保者人情之所不能免也故有部落國種之分有君臣政治 人免其苦 人情所 日

令而 台。 舍· 貞 低 焉是尤 故 而 甘行 也不修 命不 自炊。 撫 子瓊琚至於憂死其苦至矣然廉恥養之於風俗節義本之於道。 其 陳瑤為 渝守死善道名節 求樂求免苦之至者也孝子忠臣義夫節婦猛將修士履危難蹈險艱茹 小 則名亦不成也則雖苦行耶而榮譽在焉敬禮在焉所樂有在是故不以其 苦短苦以求其 巡 撫。 廚 僅 瓜菜吾家 凛然文天祥史可 長 樂大樂也。 從伯 彼 排 法以忠君 陳。 以 生老 自 刎 病 而 不 死爲 國 - 嫁吾伯姊 死楊繼 一苦故將求 盛以諫 逸 學莊子謂於 其不 紅。 仲妹 亡。 于 苦 成 瓊 丽 曾参 龍 苦 琚。 如

樂者 心 故 普天 立 而 不 少。 法 厭 之下有生之徒皆以 歌, 創 不 善 者。 死 教。 無服。 令人 者 亦以求樂而已雖人之性有不同乎而! 100 "吉者有 介樂 类葛 以爲衣莊子曰其道大觳離天下之心天下不 MI 墨子 無 苦善之善者 求 者 大 樂免苦而 教 主 也能令人 已。 也。 其 無 寫 他 敎 道 也尚 、樂多苦 矣其有迂其途 可斷斷言之曰人道無求 同 少善而 兼 愛善 假 矣。 未 堪。離 其道 盡 而 其 善 於天 者 曲 爲 也。 苦 狮。 折 非 去 以

所苦易其所樂

机。

Ħ

入世界觀衆苦

緒言

人有不忍之心

糞草衣壞色之衣跣足而行或不衣不履視赤日臥大雪嘗糞其苦行大地無比之者矣 彼以煉魂故棄身然施於全羣人道則不可行 一也遠矣印度九十七道出家苦行一日一食過午不食或一旬一食或不食或食

皆不能娶道觳不行於是路德新教出焉頃刻而易天下則以其道近於人而易行故也。 行不食棲山閉處亦猶佛敎焉今在西班牙之可度猶見之也基督不娶絕其後嗣神父 猶 夫印度自摩弩立法嚴階級別男女人生而爲寒門下戶之首陀也則爲農爲賈爲 太羅馬及穆護教之抑女亦猶然也基督樂在天國故亦土木其身其清教徒苦

法 者 夫亡燒死或閉高樓永不履地其爲禮法也如此故男爲奴而女爲囚焉苟非藉出世之 遵將令而威士卒之法行之於國則有尊君卑臣而奴民者矣家法也因新制而生焉以 百工爲獵夫爲婦婢百世不得列於吏士焉若生而爲女以布掩面終身無觀旣嫁從夫 從 耶。 蓋原 何脫其煩惱耶婆羅門諸哲九十七道思爲人脫煩惱其不得已而鳴出 从出世法· 之立創於强者無有不 自便而陵弱者也國法也因軍法而移焉以其 家 禁殺生

中國 至焉神明聖王孔子早慮之憂之故立三統三世之法據亂之後易以升平太平小康之 之善法者終爲至抑壓至不平之苦趣於是乎則與求樂免苦之本意相反矣印度如是 不因其時勢風俗之舊而定之大勢旣成壓制旣久遂爲道義焉於是始爲相扶植保護 其尊族長而統卑幼之法行之於家則有尊男卑女而隸子弟者焉雖有聖人立法不能 後進以大同日窮則變日觀其會通以行其典禮蓋深慮守道者不知變而永從苦道也 |亦不能免焉歐美略近升平||而婦女爲人私屬其去公理遠矣其於求樂之道亦未

治之至也雖有善道無以加此矣人道之苦無量數不可思議因時因地苦惱變矣不可 法舍大同之道而欲救生人之苦求其大樂殆無由也大同之道至平也至公也至仁也。 **吾既生亂世目擊苦道而思有以救之昧昧我思其惟行大同太平之道哉徧觀**

人生之苦凡七

窮紀之粗舉其易見之大者焉

投胎

一水旱飢荒

四三蟹蜂

大同

五邊地

六奴婢

七婦女別爲篇

天災之苦凡八室屋舟船亦有關人事亦有關天災者故附焉

四水災二蝗蟲

五火山地震山崩附

**

(三)

八疫癘 七船沈汽車碰撞附

六屋壞

人道之苦凡五

鰥寡

二孤獨

二疾病無醫

四貧窮

五卑賤

人治之苦凡五

一
苛
税 刑獄

甲部 入世界觀錄苦 精言 人有不忍之心

(六)

人所尊羨之苦凡五

一富人

二貴者

二老壽

丘神 星山

五神聖仙佛

第一章 人生之苦

呼命哉投胎之異也一爲王子之胎長卽爲帝王矣富有國土貴極天帝生殺任意刑賞 朱尊男卑女貴人賤狙華族寒門別若鳥魚蠻獠都士絕出智愚燦然列級天淵之殊嗚 巢居自聖智日出文明日舒宮室服食禮樂文章上立帝王下設虜奴貧爲乞丐富爲陶 投胎之苦 太古之野人甫離獸身狉狉榛榛全地如一而無等差茹血衣皮穴處

入世界觀索苦 第一章 人生之苦

仕雖死 之胎。 從 心心 呼 出 吸動 節烈而不得贈位雖爲義僕 世即 風雷。 水為 舉動壓山岳一怒之戰百萬骨枯一喜之賞普天懽動不幸而爲 奴虜矣修身執役而不得息聽 列子子孫孫。 人鞭撻而不敢報雖有聖哲而 、世襲為 隸。 不得 奴虜

加 不 廁 Ä

奴身永無升拔無涯之苦已自胎生彼亦天之子也何一不幸沈淪至此 乃公理也夫淫兇如高洋楊廣乳臭如嬰殤質冲以誕生王家居然帝矣自非然者。 孔子之聖終爲陪臣若爲奴者古今萬國非無衞青豐臣秀吉之才而終身奴使矣 遺賤之宜只論才德大賢受大位小賢受小位故九德爲帝三德有家天工人 雖以 隳

並 聲 一作瘡瘍偏體手足斷落血液膿穢腥氣臭惡號泣叩首一錢喜躍終日行乞而 所 色管絃嘔 其 **《喝逐垢汚塞體蟣虱交啄或遇大雪僵倒村落其有凶饉人肉同削熏風** 投胎爲巨富之子也生而錦衣玉食金繡山積僮指盈千田園無極妾婦雜 生 而 超褐 啞不分旦夕。 |不完||年菽| 一擲百 不 得終日行乞餓委溝壑烈風 萬呼盧博激揮金如 土富與國家 吹膚被席帶索 敵。 如 投胎為 、嚼葉疾疹 夜 不得 寒人乞 宿 門廊。 沓縱

狂。 肉 饋種菜而食乃至餓死吾外太祖陳子剛秀才操行孤介日食一欖朝飲其湯而暮咀其 聽 其聲查三標夜開京城之門先一時而費萬 一終身未嘗作一日之工也阿斗擲金葉於城上一時而盡百萬日破百千金之古 故 而 焉其他一爲寠人子則終身力作窮老餓病舉世是矣是遵何故。 無有少贏以娶一妻築一椽買寸田者矣夫人之生也量工受食一夫不作時謂 大才受大 (溝壑而) 不得一 **「祿小才受小祿各出其力以供公業令若查三標大良阿斗之流** 席其寠人子終身作工計日得金勤勞備至未得一飽 ·金而吾鄉方蓀壁進士獨行介節不 歟。 有終 語經過 受贈 瓷而 世勞

羅門刹利之子 不得高 世舒則公侯繼軌乳臭承襲歐 若夫華族高門膏腴世爵春秋則代爲執 一登科雖有博學奇才老困場屋多終身而不售視登第如登天若夫印 世爲王 爲 師。 而若投爲巫士哈若拖卑若咩打若冬之胎則世爲獵人爲 土千年之封建貴族及大地各國猶是 政六朝則世戴金貂著作祕書不屑省 也。 其 他投 度婆 於寒

糞 蕒 卽 鳴 防 因 仁 禁 夫。 果 幽 如 爲 由 作作雖有· 耶 以 辱。 人。 脈以爲天 生命 爲 不 解釋也 齒 人 如 數。 鳥。 才哲限於階級 即同為 在歐 賜日殺充庖視爲固 其 慘毒 美不 尤不 人類等是男身而生落邊蠻僻居 得 無由振 叫 爲 公民 思 議。 然曾不 之列在 興老 至 若 際落 見女身永知 少憐無 全地 爠 身。 不 得試 披 可 奈 毛 爲囚緊無貴 何嗚呼此 仕宦之途 戴 山穴片布蔽體藜藿果 角。 割 內 佛氏慈悲所 爲 至 無 饌。 於 智。 剝 贱 役 皮 爲 隸 爲 婢 於 腹。 由 裘。 妓。

叉曰。 雖 不 同 他 麈 是 識 尾。 有 之穴處 夫物 裙展 文 字蠢 不能拯 實 非 風 人 流。 陽 爲 如 同 、猶然也凡此體膚才智等是人 左圖 馬 不 拔雖有天 生非 胞。 鹿。 不 右 丽 陰不 書。 乃偶 知服食之美爲 古今博達 生非 地不能哀憐雖有父母不能愛助 誤 投胎。 天 終 不生三合然後 不 幾若 身 何物。 隳 棄。 人 不 八禽之別 心孔子所謂 生 知 賤 學問 生。 螻 | 故謂 之事 蟻。 歟。 以歐 命 輕 爲 之母之子 人非人能 土之化 天 鴻 何方。 地固 毛。 不 其 能 多 也 為天 而 典 困 奮 可。 西 都邑之士隱 班牙尚 苦而投胎之 天 所 飛。 之子 永 生 分淪 也。 有氣 也

·實

為苦惱之萬原是豈天造地設而無

可振

救歟而普觀

大地禽獸之多固

無

可

卽

族高 論 同 女 、身實居: 罹 門之胎者舉世無幾也嗚呼悲憫之仁人若之何爲茲少數而坐令無 無量之厄災而不 生民之半而寒門窮子邊蠻奴隸又占男子十分之七八若爲帝 思所以救之歟抑無術 歟得非數千年聖哲仁人之 涯 大 多數之人 王亘富華 恥

苦著 父母 啜氣 難。 經 啼 扼 商。 泣。 若預. 志 述。 讀 伯 欲 夭折 期 瞋 其 屈 而 書 絕豈識患苦若自髫此以上比及壯 叔含哺而抱持兄弟姊妹扶挾而游戲 欲 於短年雄心埋於坏土苟非上士學道視死生爲旦暮者能不悲哉若中人以 之苦 目。 獲 知人生之患苦哉然人之有苦生於有知嬰孩無知雖使隕於母胎夭於襁褓 方有志於古今學問 利。 親覩其汗青或經營功業 若夫良 在 必 人之生也壽夭無常 成。 工 創器。 旦藥 慘淡 更激 石 無 於精 靈。 切於時事文章方望其長進學業尤遲其 天 而指 雖 年 思。 百有 中 將 垂成於旦夕卽 年知識日開。 士力征。 天志事皆敗學術 命蓋 或妻妾新婚好歡 亦 唾手 有 聰明日長六親 人 於破 或耕田 事不 ·初合或子. 無 修者焉。 敵。 成。 或 力穡望其有秋服賈 功 壯 土 業 日固。 呱 夭柾。 女幼 報 呱 克成。 仇。 鄊 墮 忠 妙提攜 身名 里情深。 地。 或辛 赴

九

入世界觀衆苦

第一章

人生之苦

其 憐良朋走視而咨嗟兄弟相持而涕泣文書則付之炬火琴劍則空自摩挲其或家無次 泣 手妻子號泣而環跪於床父母吁嗟痛若敖之鬼不祀妻子哀啼恐溝壑之餓不遠或 父母望其嗣續室徒四壁妻兒待以爲生忽際重病彌留共知不起老親 別六親顧念郷里念老父慈母罔極之恩不能報養顧寡妻幼子伶俜之苦誰爲哀 垂涕 而 來 握

無靈凄凉 腸斷。 籌難捨山河之燕樂方酣猶欲延術士以問長生求神仙而希不死若至玉棺下墜 結愁思之夢長居離恨之天惋其傷焉嗟何及矣卽使富連阡陌貴爲帝王而田園之牙 叫 乃指某兒當鬻爲奴婢某子當送與僧尼骨肉仳離死後立散當此時也鐵石爲肝爲之 而 沉爲 遂 絕其 掩袖擁美人而悲歌悲咽銅臺念分香而啜泣蓋夭折之苦人生最傷此 人類本自多情結合已深補救無術艱難撒手遺恨終天腸九轉而猶迴 與閨婦別士怨曠而胷身倩女懷春黯傷而離魂皆目瞑爲難鬼靈不 死。 魂

或傷生太過以斯之故坐至天殤拯救此因亦非無衡今各國政日改良天民歲少矣豈

夭折冠六極之顚也究其原因或生事不完或感時病疫或無力攝衝或

傳種短惡

可令普天衆生苗而不秀秀而不實遭罹此極歟

娛 花 受生 獨 兄弟之親日熟其聲音而終身不 地 呼。此 仰 交一言盤辟蹣跚企跂不能行一步廣坐交言而不覺疾雷破 手足斷殘支離其 奇偉之工撫其器 天。 不得 草虫魚鳥獸之絢爛機器用物之奇巧錦繡 痛 天之憾也更有身被大癘手足拳攣肢體踑躒面目赤腫親戚斷絕荒島流 何 廏 與馬夫聰 疾之苦 虧。 苦 惻 耳目 肺 痛 腑。 者 矣若 或 口足人人所共有之官也而彼獨缺之視聽言行人人 如師 由 舉日月星辰雲露之偉 身侏儒短小不齊於人天之生是耶均爲天民彼何獨廢缺而不全陰 夫跔瞜贅疣曲僂 而不 傳種之恶或感疫癘 曠德若王駘醫若龎公皆資絕異之才而猶不 見其形 摩其物 知其容貌豈非最可哀之事耶若懷抱莫白至親不能 **發背上有五** 之毒雖以冉耕之賢猶 而 麗山川林野海岳之壯觀宮室園囿池沼之清 不 知其象斯亦最 珠玉之輝煌凡 管頤隱於齊眉 山而不聞凡此瞽喑聾跛 可 、 憐者哉。 數千 不 高 免歌芣苢 於頂。 (所同享之福 免形體不全 年文明之物 甚 肉 万父 贅指 也。 連窺 此 母 天或 也。 全大 爲 而 鳴 并 彼 廢

入世界觀衆苦

第一章

人生之苦

陽之氣 a 缺其子亦 。 有診耶乃無以補其憾事歟人旣有廢疾傳種亦然吾有僕 張福 缺其脣者其女

結繩為 淫 **鑿孔足胝岩鐵赤身無衣熏鼠以食雜臥於地牛豕同藉日晒糞蒸面黑如臘穴處** 門冠年二十六以肺癆卒吾哭之慟傷傳道之無人焉蓋其母有肺癆也如其傳種何哉 國 之苗人狪人狆人狄人耶爲雲南騰越之野人毛人耶爲印度之島人耶爲美洲之煙剪 脣 有此原人之俗如在數千年狉狉榛榛之前豈不哀哉卽進而上之西藏廓爾喀布丹哲 凡有廢疾者愛莫助之豈非天人之大憾歟。 亦 土之間飛樓 耶爲歐洲之氣他那人唼氏人陰蘭人耶爲非洲之黑人耶腰圍片布頭插羽毛耳鼻。 蠻野之苦 識刳全木以爲舟取魚蝦以生食窺鳥發彈射獸分炙殺人竿首以多示力。 **(缺)而其孫復缺也肺癆之疾亦然吾門人陳千秋通父者絕代才也爲吾** 四十層以侵天鐵道電線百數十萬里 **荷爲連州之猺人耶爲瓊州之黎人耶爲臺灣之生番耶爲廣** 以縮地禮樂文章縟若 霞 繡 西 貴州 而尙 奪女

雜 孟 足無屐席地坐食略知文字無所知識。 航普拯其溺 處 雄之蠻人南洋諸島 於牛羊雞豕潦糞臭穢之中酷日蒸之摶飯而食圍布而飾雖其王者及其后妃赤 也若冰海之冰人穴於冰中衣皮飮鯨掘鼠食之其視歐美之民廣 巫來由之種族暹羅安南之諸蠻屋高可俛窺編崔竹以 皈依佛回度引無力享受無量之苦難而終 《爲瓦棟。 無慈

漿以 **饍飲精潔園囿樂游香花飛屑均爲人也何相去之遠哉不均不平豈至治之世耶** 糞充塞耳鼻斯則大河南北且有然矣山西且有陶復陶穴之俗雖富家爲屋數十進亦。 穴地中其貧者架草爲棚編草爲裳日得數錢食餑餑數枚殷然果腹臥草終日陶 熏炭父子兄弟夫婦叔嫂席炕炙火雜居於大蚊牛糞之下大風飛塵則騾馬之糞與人 大江以北各邊皆然若南方則自演點之間湘粵之鄙閩徽江介之僻縣編竹爲屋飼豕 夫婦之懽矣其富者開 充飢渴氈裘穹帳以爲居服及鮮卑之土人使鹿使犬費雅喀諸部反皮踏雪 地 之苦 但以中國言之今自蒙古新疆東三省之民俗或蒙游牧之舊羶肉酪 酒麵之房修牛馬之槽坦然極天人之樂世間. 無復 餘 事矣此 一
助
地 然復

入世界觀衆苦

第一章

人生之苦

主 如 見 人。 白 有不從者撻伐大申於是 種 稻 豕。 數 奉 邱薯芋代食以其鄊縣號稱 巫 一
現
以 爲 神。 尊 監 二鄉自 生 以 爲 爲二 君。 學 中國荷擔赴市行數十里十日 國。 問 止於論 姓自爲一羣以衆暴寡以强凌弱 語。 書 藉 且以充 元薪官遠不 記 ___ 見黄 及。 牽隣 强

苗 為 孝。 雄 通。 之餘風。 事。 牛割隣之禾視爲固然窮鄉 於深 蓋 百 里視 少 無 有 有 山 關爭。 窮 爲遠途漢書以爲僻 而至今尙不殄焉其有志士欲爲學問講書無所求師無從道里邈 到 京 鄕 ·合羣而 者蓋閩 師 者焉故其 出有偸 粤皆 愚 然也。 鄙終古不 書其至京 退 小 **²者衆治其** 姓。 否 亦遂憤 則 率 開。 ·衆行 師多以數月其至省 以明世之七篇 罪。 起教子姓咸以拳技相 **郑置蠱暗害也兄** 溺之於水以警 五 大衆・ 一府 爲 會亦數十日荷 第共 如 方今之政 尚集公貲咸 派斯巴達· 妻贅客無礙。 之治兵以 隔舟 體。 非 以 以 典 車罕 廉 蓋 刀 小 舉 有 槍

何遠也。 香樂玩 備 即歐美諸國近號升平而吾見其工人取煤熏炭則面黑如墨沾體塗足則手 中外飲食窮水陸雖 不極談 大地。 而能通古今雖不 窮極 人 天而能 知 名 理。

封

神

水

滸

國。

爲不二之典謨

其視

彼

都

八士裘馬

麗

都林齋

幽

靘。

珊

珊玉

珮。

冉

冉

鄙。 赤 之不樂。 足 氣 瑞 泥。 自以 他 臥 典 那 那 地。 其所耕之地大於中國 雜 人今猶穴處 威之雪界葡班之窮民 於羊 亥。 倫 敦乞婦。 者。 於迦 一件拿 牽 其大半 成肉不可 大故 此 車 索 則 都 食。 與 得。 擲以 也蓋 中 醉酒 國蒙古東三省之窮 (皮骨俛) 可哀憐矣夫滿堂飲酒 臥 地。 執婦 酒者。 拾 於地。 女 甘之 而 牽笑若 民同 如 其 餄。 人 耶。 苦 若 愛爾蘭之小 向 患若 德 隅 俄 M 四 奥]班牙 則

爲

今向

隅

而

泣

不

止

居

然則滿

堂

飲

其

爲樂

耶

否

爨負 字其有 意。 齒 貧見鬻或以弱被擄 発 於 Pol 譴 人 薪。 奴 婢之苦 忠賢 數 答 荷 加 首 撻。 志。 重 側媚跳 主人 惕 謝 息跪 罪 强弱 退英 盡 好 透光則男為是 詔。 悪。 死。 而 性氣 號 呻 貧富 甚則踢殺老者優養! 脫 嚏子子 履。 爲 義僕。 之操 難 立 識。 而 奴女爲婢矣或投胎不 以稱之而 倚 壁。 終身執 孫 縱 孫。 V 世 洗 類。 襲爲 役。 亦 衣 飢不 奴則 甚 刷 得同 隸雖 矣哉。 地。 捧盤 · 得食。 異是少主童 .食不廁人列名分當 均是圓 有 夜不得 幸爲 聖 執席。 智。 不許 為灑 奴子者則終 顱 心息喜 方趾之人员 神。 肅 官 爲 仕。 恭 掃。 一而賞 奉侍。 抑 或 其身為 然。 艺。 同 耕 不 得 殘杯 無 雖 爲 或 學。 在 織。 14 民 升 耄 冷 奴。 不 也。 小 能 拔。 耋。 不 而 不 如 執 以

有

死節。 朝有贈留若爲奴隸不恤義烈聖有謨訓褒賢貶惡不幸爲奴擯如禽啄若

婢賤辱由人主婦之慈破被殘羹主婦之酷鉗炙烙身飢不許食與死爲隣未明早起掃。

歷夕而: 地開門汲水作息井臼幷身米鹽瑣碎雞虫得失深夜不息頭睡觸壁主婦 鋪床掃帳安席奉烟搥骨勤身蝎 力少女嬌傲曲 腰承足小兒病 啼。 大呵雷 襁 負作 没。 指 霆 霹

之鞭責千百鎖之空房賣之山客或醫作妓聽其所極投水懸梁求死不得嗚呼慘酷所。 背撫搔竟夜供職少主淫虐誘奸恐嚇强僕交加强奸迫勒不敢不從强忍是極主人知

不忍述世雖承平身當亂酷上天之生奴婢亦人以何理義降此苦辛不幸爲奴永永沈

淪

第二章 天災之苦

不 開樹木不多宣洩無自不能調燮陰陽然天行之劇亦有平地涌水大旱累年者焉故。 水旱飢荒之苦 歲之有水旱豐穰天之行也未有能免之者矣雖 水 防未修 溝洫

公守隄不 忽而 流。 種 築登登燈火映帶其家人多者稻畦之上不擇生熟且以守隄且以刈稻其家人少者奉 須 綠。 之劇而歎江河灌決之慘益不可言也若其旱也赤雲蔽天熱陽煜煜飛塵滿地樹枯, 京 師 而詈之幸隄之不 朱九江琦 望走 一歲五六月收 潦 師 納 而 租。 白浪滔天牛馬輕舟犂沒於田上矣當潦水驟來之際鄉人竟夕守隄鑼聲震 無 水之大洪流萬頃浩浩懷山襄陵早荒之甚赤地千里漠漠草樹盡枯哀彼農民勞 見襄陵人而問之乃餘二萬人襄陵猶如此他邑可知蓋十去其九矣若鄭州之河 **奉祀**。 少穫舉家勤動終歲不休而入口嗷嗷粒食不得吾家粵之南海當牂 鬻子莫贖若 - 暇兼顧 氼 歌舞牲玉神巫則肥農夫則 先生之治也地近平水先生爲開其水利號稱富穰戶口二十餘萬吾在 穫之時則江 決則又惜生者誤 及其隄決也哭聲 光緒 二年 水 山 大漲驟至丈許決隄漫陂頃刻浸灌禾稻穰穰黃雲徧 西 全省之大旱飢人相食易子 刈不能爲食徒得禾杆相與歎惜以吾牂 盈耳鳧水走避家人提攜什器 酷。 日視其苗黃菱枯縮米瘠且落望絕 而骸其骨襄陵者吾 相 興 掩面 湿灰下呼天 柯江 柯江 無屬。 耳版 之下 衝 流

樹 術能開生面仰口終難符天甚矣農夫之苦堯舜禹湯屢遭其毒而無術振之矣 而嗟上帝之不仁也談運命者僅付天行信因果者只嗟刼數其能祈而製雨求晴者妙 全地若此者歲歲而有地地皆然不可勝數也近者歐美鐵路旣通運輸較捷水利漸啓 之功也雖然農民窮苦胼胝手足以經營之而終歲之勤一粒無穫宜其怨蒼蒼之大憾 |木旣多雨澤漸勻泛濫不少就有水旱而以鐵道移粟以飼之民命尙易保全此進化 沒無數朝廷乃至鬻爵而賑之此皆最近目覩之事水旱之大者若徵之古史考之

口 之施粥有竭欲搜蝗根須窮天地之偵測故待人人之自謀苟有災焉而何食卽井田之。 古有之豈唐太宗吞之所能格耶自除螟蟊之害禾稼皆傷一夫不收則八口不食 之不盡震之不去炮轟不滅火燃不息所過郡縣稻麥皆絕貧農仰天呼泣嘔 分世業猶遇蝗災水旱而術竭也欲博施而濟衆堯舜猶病其不徧 蝗蟲之苦 漫漫蔽天而來樹木沒葉萬頃千稼連州幷邑者其所謂蝗災耶蓋自 也。 血雖 一而撲 欲

火焚之苦 赫赫烈烈嘻嘻出出朱霞絳天赤風煩熱者其火焚之炎炎耶宮闕不

鼓蕩 愼。 高 聚 煙 奔 都 中 焚 雨 不 逃。 庖 竅。 歌 而 焼 盡 舵 人 更 破窗 億千。 八人衙署 樂惶。 熾。 蓋 迷 廚 其 沉 耶。 焚燒三 臥。 哀 舟。 縣。 亦 不 爐舍七千一 或萬 觸 板 滅。 無 萬衆同擠舉足莫逃可憐 或 前 戶或赤體 炭 能 懸 屋 壘舍民 不 一縣廬舍千克 里遠復 能 樓 木 屑 嗔 幸 構。 煙 咽。 生 而 聽 焉。 其 燈 鐵 灰。 居 死 顚 人風揚暗熱。 墜莫不 聲焉。 而難 而視 火服 背 者 於是妻子覓尸 屝 萬 銅 盡。 萬 其孥或志 岩夫石 未已。 煎。 遁。 瓦盆 五 亘 或戀財 千 血 萬頭鱗鱗其樂 死者 餘 肉 其燄 人。 (唐憲宗時] 鼓 二炬。 里。 交 星之火燎原。 而 凡 士壯 有 耳。擺 如 飛。 而 **體骸腐** 五萬 鯽。 衆 回顧。 聲。 不 煙 辨。 骨同枯其有焦 數 遊 磨 八千 洪 可不 或折 家 而觀 且 氣 四 州 人 延。 爛。 垣。 遂 火 乎 外 一 使城郭 九十七家都城九燬其 一煨魚 紀若晉之永昌二年 望 臭氣 大 起。 及夫揚棹渡江。 桷 火。 草 魂 飛 焚民 《熏蒸尸骨』 木 而 而 瓦 火不 號 頭爛 致傷。 礫神 飛 如 会萬 祭哀 炭。 灰。 愼。 焦 或 赤 額。 號 煙燄 七千 逃水 馳輪 民 分撲。 全屋 塊 鬼 動 飛 爛。 爲 鬱攸檣 京 家。 止。 地。 m 其 覆 炭 跨 天 宋嘉 師 天 七民灼死 跳 灰 鳧 有 而 焉。 海。 大火三 者。 火 煙 盡 舟 戲 地 於 滿 忽 丽 泰 傾 客 場 碎。 踔。 時 野。 時。 吞 或 無 盛 男 橋 怒 及 月。 大 有 煙 數。 折。 風

部

入世界觀衆苦

第二章

大門書

之燒河陽火延三月不止民爲之盡而德之破法焚燒師丹全城皆燼是雖兵禍亦火之 火同盡夫人之慘死雖多而有莫甚於火焚者若夫項羽之燒阿房赤眉之燒長安董卓 逃躞 踏死者不計其數百官僦舟以居此尤火災之大者倫敦昔猶板屋二百年前大

救者蓋千一 舟浮柴漂 鄕 什 淹郭廬宅園館所過傾漂怒波捲巨石椽瓦隨流轉懷山襄陵無所不倒其聲勢浩瀚洶 車白馬之擁怒潮轟轟而來城市猶爲之淹高塔僅露顚木杪揚波小舟穿之況於村舍 隄防浸灌廬舍滔漫田園人民奔避攜幼扶老升於岡陵緣木登顚岌岌墜傾牛馬 毒烈最甚者也嗚呼人非水 器牀几輾轉於滔天白浪中雜沓浮沈隨流而靡其近決口居下旒者白波泱泱若素 落 之在田間者乎原野千百里渺渺無丘陵人民無所避則浮尸沒頂積骸飄泊 水災之苦 百 水 而 而不一二也其或 並下。 夏潦時至山水奔迸交集於河下流壅阻放洩之不及坌溢泛濫決裂 動以千萬 火不生活而修火之利亦受火之害乃如是哉。 山水坌出地水驟涌。 全家連村同時漂沒其有御枝漂 頃刻尋尺旦夕數丈衝崖崩岸沈城 流浮沙依岸者幸 與覆 而 雞

道之而 浸溢。 亦 涌。 濤之溢 塿 家。 國 府 敗 開 干九 萬 流 君 萬 神 房 舟 訓導 楫 宗 至千 均 餘。 斷 頃。 元 時發關· 徽宗 熙寧時。 骸胔 皆覆。 牛 荆 雨。 猶 衝 石餘痛 壤 餘 山谷 頭 於 襄諸州民居及田產殆盡大中時徐泗水溢深五 相 城 田 里宋太宗太平 連 政 山 望。 水 廬。 洮 和 水 中 州。 垣 ·並阳所在· 時。 出。 純 漲 卒 西 死 河 也夫火水之害春秋謹記之漢成帝建始三年三輔霖 明門地 滄 溢。 救 壞官寺民舍八萬三千餘所當桓元篡時江濤 儒 至二十餘 公營州營穀· 漂溺 州河 動 也適 輙 决。 穿涌 興國八年穀洛 數 陝 進 人民 萬。 及平陸二 城不沒三版民死 文 湾 山 其餘 水上夜 水 水 無 、毀門扇立 之涌。 州 有能 水 江 災。 一縣又河 **遂**沒 水。 半 発者。 八殆不 達州溪 伊淮 唐高 Щ 於是。 水 其死傷慘絕尤爲 勝紀。 暴至溺萬 四水 百餘萬蓋自宋 決 宗 南 水。 今祀昭 永淳時 心中國如 暴發壅 徙壞 暴漲壞官署軍 郡 文漂數萬家朱全 河 餘人文宗太和 忠 此。 州城壤 縣 南 祠 四十五。 可驚 全 主 北 焉。 丽河 地 鳴 大 入 廬 呼慘怛 營民舍萬餘 口 水。 石 吾 民舍數萬 推。 患最 含萬 壤 頭。 先 雨三十餘日郡 美國之南 時。 民 祖 方 劇 餘。 忠時。 江漢 舟萬 哉。 居 述 矣岩 死 予小子 漲 計。 河 餘萬 溺 漂

部

不可 蓋洪水爲患大地最劇而生民之最慘者哉美哉禹功灑沈澹災然終不能奠後世之水 羅 打 市一夕爲 數算 矣夫洪水之患下民爲魚神禹治之閱二十一年而創世紀稱挪亞方舟避水。 海水沒吾嘗觀其影戲矣慘哉然則伊古以來地球人民之死 於水 患者。

則不 是得 彌 屑耳離日而成質自轉而周行受天空之氣積久而成穀若陳粥牛酪久之有糜也地殼 腡 日 積久愈厚則爲花剛石焉地中之火皆爲流 心奈何。 相 山蒙古之阿爾泰山北亞之烏拉嶺皆火之依附崐崙而後起者也於是枝藝附生花 決爭 能 萬之火爆而後高 ·緣附而居焉食焉蓋地形之成物類之衍皆火山之爲力哉無火則不能成 火 山之苦 成 海 裹包愈甚於是成凸凹之形凹者今號爲 陸而 生萬 純日之體皆火也火力蒸動而自 物火山之功之最偉者也崑崙者火山之最先起點也印 山大海邱陵原隰川澗成焉苔介生焉而後草 質如金汁焉為殼所裹氣不得洩! 轉則 海。 凸者今稱爲 火屑爆裂飛跳焉地者日之火 山經經 木鳥獸生焉。 無量 爆裂 度之 Що 量 無 飛

蜿 其 閣。 山 火山之造成地形其功最大哉雖然時各有宜因各有適及人類旣多占地徧 山 地 近 城 刻 己害亦最認 殼 鳥 連 海 徂 而 蜒 其 灾。 拉嶺 一个《《《《》 燬。 火 九 碣 地 綴 自城 騰播 地 萬 石 近 山蓋多矣當火山迸裂之時火煙四冒山石 中 里。 渡 連 北 匪 海遂為 枝。 空 劇 面 蘇 之 而 葉枝幹相交故其中遂爲 中田園 火力易 入於歐 爲峯嶺。 矣大概大陸之地殼厚地中之火力不能 橋 爲崑崙之背焉 匪 梁街 火 泰 Що 人民立 裂後 夾流 破。 洲。 Ш۰ **衢廟宇室廬皆如故也室中衣冠會集筵宴如故縫** 南自岷 故 則 而成川 最遠 火 百 致 今美 里 山之爆也 芝田 灰没。 著也。 峨走滇黔五 與 河。 大陸焉。 落機 廬 無 若 巴西之高 多。 人 可 我 今太 走 中國 家。 山 水 沈 没 忽 焉。 避吾觀意 者。 北沿黃海至甘查 嶺。 不依 者。 平洋諸島皆火山之新 山 而至天台雁 大 轟飛環山數百之人居城郭廬舍頃 北 自天山南 、陸皆 (附崑崙) 上達故 今於二千 國奈波里之古城 因依其 而最 蕩。 **〒西走波**5 北折徽皖 走祁 火山之爆也 後起焉。 火力以; 餘 年 連賀 後 爆 匠 成 出 掘 獝 前 斯而 丽 蘭 手針線縫 少。 居於是· 枝葉 地 者 洲 可 太行 爲 海島之 下。 見 也。 者 火 入 然則 非 而 也。 山 與 狀 火 故 祖。

如 故。 也。 街 希 中策 臘哥 馬 林 士之古城 馳 車 如 故。 亦 而 然細 大 刼 細 同 里島近蔵・ 盡億 萬 衆 大災死者三萬尤 無 可免焉今此 山 劇 尙 矣。 數 其餘 年 + 數 四 洲 年 火

檀香 噎 壤 谷 城 不 1坼裂壞敗: 流。 郭。 能 陷 吸致之亦· 殆 開 殺 山 廬 地 震 人元 六 舍。 元 瓜 不 時秦州 干餘 哇 可 張 Ш 崩 勝 城 蘇 掖 寺傷害 之苦 火山之類 拉 數。 酒 人。 公安帝 擺 年雋 送我 泉 地震坼而復合經時 亞之火 尤 時漢 甚。 地震 人民。 人 心若漢隴 物。 數 河乃山 Щ۰ 後 陽 山崩之害尤苦矣皆地 何 火焰 地 周 罪 坼涌 瓊 何 **全**涌。 叉 州 幸。 四 一地陷一 水壤 鹿宵晉地震數 地 不止壞廬舍盡。 地 前 震壓四下 頻 至 居 震。 今未 屋 近 城郭 殺 火山遂蒙大慘人居立盡金鐵 入順 百餘家宣帝時。 息焉。 里 壓 死 多 内 丈沙 壞。 帝 火力 壓死數千餘人至德; 唐 建 石隨 武 發動。 康 德 時。 、數乾符時: 時。 水 瓊 北 而 流 瓊 州 以 海 出。 州 地 地 瑯 平 震 琊 厚不 地 時。 震 地 地 百 能 壞 震。 河 山 八 交 (壤宗 廬 飛。 摧。 + 洩 西 舍。 氣瓷蓋 日。 若 地 江 震。水 壓 山 Ш 廟

死

數

百

和

九

州

地

震

晝夜

入

三十

人無

雄

州

地

月

城

廬舍盡摧地陷水涌傷死甚衆宋景祐四年忻代并三州地震壞廬舍壓吏民忻

31 丈 陽 底。 六 尺。 崩 江 士 百 州 廣 民 地 शा 東 塡 Ш 九 元 死 逆 -10 忠 谿o 崩。 正 初 軍 --萬 流 兵。 Yi 水 時。 殺 皆 Ti 人。 九 量 六 數 廣 H 壅 慶 113 M 百 死 于 蜀 1 浦 41 丈 歴 南 餘 七 井 ŽĹ 者 長 人 thio 郡 溢。 地 地 六 水 無 百 安 处 41. 脳 几 八 Ili 壤 圻。 逆 數。 华。 4. 崩 人 始 寺 長 帝 弘 十二 流。 漢 年 無 4 14 殺 屋 百 壤 州 水 高 數 郡 No 殺 甄 1º 丈 八 城 初 后 地 唐高 語 人。 六 士 石 城 -殺 震。 傷 時。 鼓 靈 無 人。 Alf 存 年。 武 岠 五 117 故 村 1/1 H 里。 于 帝 河 地 都 岨 震一 II. jo 摸 應 嗣。 水 地 東 延 八 Ш 山 裂成 -H 独 楊 m 崩。 摧 光 百 111 崩 十 - -水 東 四 地 治 殺 五 華 井方六 餘 出 地 L 年。 陷 ___ 七 平 十 州 丈。 提 蜀 城 Fo 東 -時。 五 百 赤 Ľí 于二 壤 百二 郡 14 六 潮 人。 文深 11:0 水 殺 代 越 + 百 州 方的拳 APP--1-處。 + K 售 人。 儿 地 州 And and the second seco 易 各長 支。 地 山 --四 震。 成 死 L 地 水 陷 崩。 步。 動。 七 帝 地 裂二 移 出 promise promise promise + 殺 南 和 裂。 河 百 文。 -殺 里。 É 四 北 帝 平 水 H. 隋 所。 A 一度三 餘 丈 直 百 時。 時。 涌 + 人 大業 廣 步 虔 餘 秭 犍 九 州 三丈長 家 --常 --A. 歸 人 爲 郭 時 水 水 陷 餘 井 相 歩っ Ш 相 及 流 壓 祇 处。 丈。 深 高 帝 林 州 江 村民 柱 深 居 Th 時。 几 Ш 縣 死 自 年 c 丈 H 庸 不 郡 崩。 千 白 屋 餘 洛 見 地 國 五 丈。 捐

H

部

人世界觀錄舊

外二章

十餘家代宗大歷十三年郴州黃岑山摧壓死數百人憲宗元和時苑中之山摧壓死數 千人近歲美國三藩息士高地震幾陷全市推之全地崩震無量數慘酷更無量數若地

動之儀更精他日當有以預避之而古今無是是以至於若是其慘也

木柱。 落傾 茅飛傾覆乃其必致者若夫牆垣之用多以土泥築之登登削之憑憑號稱版築久則剝 加 世祖 日在我板屋。 羊城外館大風雨全屋瓦桷墜下幸賴床之上板斜蓋得以幸生此室固吾讀書之籐花 拿 大日本河 阳矣卽造磚作瓦日進文明而磚瓦之重愈甚歲久剝壞勢欲崩頹小人惜費支以 經羊城華德里飛磚壓頂幸隔寸許不然吾死於光緒乙酉歲矣吾叔父玉如公居 宮室傾壊之苦 涵 有烈風雷雨之交加即有牆仆瓦飛之懼吾家老屋蓋二百餘年而歸然自十三 滄公丁明末之難全族亡盡涵滄公以幕營業創此老屋前年崩倒傾壓 緬 而日本則舉國皆然矣今中國猶稱堂構也旣以木爲室木久則蠧壞瓦墜 向猶然蓋新闢之地蟠木蓊欝無所往而不以木爲屋大地皆然也秦風 棟折榱壞人將壓焉承古者巢穴之後創宮室者皆伐木爲之今

免 昔 蔵 齋也。 之。豈 一吾適還鄕幸免念之驚心吾遊廬山夜宿破室 可量數卽歐洲印度多爲石室較堅穩矣而水火之禍危樓顚墜仍不能 北京 大水屋倒八千凡吾中國之古屋頹牆日就傾壞以殺人者以吾所閱 風雨夜屋瓦皆飛走避室外露立 発 高 非太 歷 推

平

·世文

(明精良

之極安能免此患苦哉

丈之貢艦 則 所 亦僅矣若夫巨灘奔湍尖石旋渦 色。 海。 流漂蕩聽風澎湃其有抱木牽竹仰偸鼻息經閱幾畫夕幸而依沙近岸遇救得 立旋入 破膽 用擁而泣忽而巨濤如山翻然舟覆貨重累壓杳然沈下萬舟如覆葉浮尸如泛蟻隨 颶 舟船覆沈之苦 風觸 者 於深淵觸危石則破裂成碎板人物並壞呼救無從萬石之運航 矣。 · 碎於艷頒杜工部所謂使者 礁石。 大地 遇 川 流 河。 沙碎 皆出 大風忽至波浪怒號浮舟簸蕩纜斷檣傾榜人呼號舟子旁皇變 飛輪。 兩 山之澗。 · 舟行若· 沈巨艦千客立盡絕海無救父母倚閭聽信而 然則 乘春色迢迢直上天此固舟子之所戒 奔盤牽以上忽爾牽斷渦 危難旋 渦。 破舟沈 溺 者。 歳 旋觸 不 可 石 數至 沈於砥柱百 破 心行 舟隨 於 生 者。 盤 渦 蓋

甲

部

入世界觀衆苦

第二章

天災之苦

答 膽 難者尚千百計也哀哉如何 11: 供製是役 招 焚 地。 望祭前呼號若光緒 而 沈 知交多有死焉此則盡備水火之慘其酷毒尤甚矣大地一歲 下。 予幾 不免焉後一旦自港歸 丁亥香港華洋船 ** 見 之慘禍先白火焚焦 有 i tr 衸 路 船 桅 出 頭爛 水 面 數 額。 中汽舟 尺 th 心。也為之心 前遭

而能免此

語圖

幼子 交道 以 則 川 有 飄 車 瞥。 車 童鬠無不以汽車爲行役而託命焉 事 相 3 非 T. 件。 造 車碰撞之苦 常之險相三 危馬 車 少不 新世界之靈捷第 碰 及防。 咄 壊計 咄 乘 者不可量敗也上自聖哲賢豪 有 (II) 戒 相 有相 縮 心 因疇則能免雖吳日飛船創起亦難免飄隳之苦而今茲之患 天地於一 哉。 碰 一物者矣 2 患全車 ß . 掌视萬 如 汽車战 而災變非常出於不意有人事非常之巧。 立 碎人 里如 然其 物背飛 咫尺過都越國。 帝王 、挟火電 郭相。 頭臂 名士 乏力。 交 不盈山 加。 越馳北 畸人以及匹夫 血 肉 夕長龍 狠 藉。 駛。 今 往 蜿 亦即 或 PU 蜒。 無 Z 前。

疫癘之苦

滿大地多相

殺機也金與水相樂水與火相傾大小相軋强弱相凌潔

潦交横器的 多竹笪載日 吸而 者較. 以疫之死人愈甚 微 屬 穢 夫 富貴之家 高 尘毒 於道。 相 穢。 而 物 入故人遇之者苟 爭。 房室 ED 少焉而歐美之都會市廛輻輳戶口百萬然其街衢廣 吳聲動鄰 都邑之間三 固 度 緣 F 天 疏 此 物堆積犬雞牛豕糞便維杳死鼠腐蛇毒虫敗葉闇屯積久而蒸 熱 於 理之自 化 地。 廣。 堂 成。 窗 河 貧 関然 也夫是以 而死 牖開 廣廈。 邊。 則 人 人不自 積 然。 市 者萬 声。 非壯盛之夫殆難免焉故疫癘一 洞 通。 而 薪而焚之尸汁 無 狹室 凡猥穢 起。 可 房疏闥苑囿 ·頃刻繁育 數。 保。 生物之生也。 如 一數尺。 親戚 何哉。 而南洋及亞洲諸國街渠不淨穢物成堆室少人多牖閉 塵 舊腐 人 相 疫 氣 數逾千億 廣 穢 棄。 癘 起於穢 大花 友朋 敗之物皆棄之不 氣。 相 者。 積器 流 積 木 不 入 無 氣育子: 扶疎。 於河。 物 量 如 敢相 交逼。 蚊 乏微 、漢香 中如軍 視。 而 起死 毒 若 異診故房室隘 生 河 層種植樹. 密。 出 干 ED 物 而 [腐葉素] 一之飲者 被服。 度熱 亡于 灑 隊。 也。 掃 橫 所 過 淨 聖粉 地。 萬。 飛 潔。 披 疫氣 白旐 氣 木溝渠清疎。 浴 蔽 故 靡。 湫。 成 而 者 天 祲。 衣服 震
察
棺 疫 塗 觸 氣 尤 相 而 垣。 盛。 氣 各 於 故 來。 寒 則 片 不 亦 上。 精 EII 也。 死 不 厠 鮮 感 潔。 夫是 死。 柩 微 留 少 疫 微 淖 相 隨

行掃穢清室之方其愚何可及也吾覩吾中國之歲患此也南洋印度亞洲諸國之尤甚 器積壅此恶氣釀成癌疫人只知口之飲食不知鼻之呼吸以歲斃其同胞無數者殆甚 割斫其外尤酷矣而人不知防之治軍者知行堅壁清野之法而治疫者不令大衆預知 於兵燹也夫兵爭之死人也割斫其外體疫癘之殺人也割斫其內體夫割斫其內者比 **心惻惻哀之而不能救人之貧則終無以絕疫之根也今北京東粵歲遴其災以爲天行**

之常也大地固有之矣吾久居其地而亦汲汲危之矣奈何。 前故聖人順天之道因人之欲知其不可已也故制爲夫婦以相判合始之以順天性令。 天道而行之者也有以發揮舒暢其質則樂室塞閉抑其欲則欝太古之時雌雄亂作於 有 陰陽獸有牡牝鳥有雌雄卽花木亦有焉人有男女之質乃天之生是使然人道者因。 第三章 人道之苦 鰥寡之苦 人爲有知之物則必惡獨而欲羣人爲有欲之物則必好偶而相合道

乳 傷 芬 出。 悴。 其 就 結 1i 北 而 有 挈。 켒 生 傭 蒼。 死 哺 無 相 無 而 背 E 女。 懽 1 月 人。 殞。 生 视 而 人之樂冺 泣良 以手 勇 則 或 缺 相 者 負 遠 同 執 樂繼 矣。 兒 花 媼 手 別。 適 撫 其 失業 繭。 女 飛 者。 僕。 永 見っ Z 寡 成 遠 矣且其鰥寡 111 卽 加 面 修造 以 以 此 者。 行。 使 怒索飯而 仳 而 何 成 瞋 亦人 哎 inj 示。 衣 離。 不 撫育 能 貧 座在 ्रागि 床 政 有 有 道之至 薦 得 無立 或 1 1 啼門垢! 多出 賭蕩 道: 令 資。 食。 强 無 無 女女 强 錐。 人。 破 其 田 ंग्रेवि 修愎者 鏡 誘淫。 產 破家 家 復 對 於已 相 H 追 足 食 腻 多 閣 此 保 小盘器以 遺債 有 食 然。 貌 逋 不 相 以 矣。幸 粥。 藧 仰 妻 変。 而 H 孤 有 之 其 视 鄕 傷 至。 啊 顺 流。 雙翔。 夫之 鄰 產。 或 则 牽 呱 有 心 寡母祝 · 衣以織 之豪 至有投繯 II 有 <u>}</u> 撫 神 壯 || || || || || || || 後。 能 結。 fi 盆 女 大 以 豕 無淚 瘦 髮 思 而 而 欺 償。 繡 中道 此。 骨 之 故 無 人授室謀 柴支。 劍之思 入獄 佔。 惟 水 餬 嫞 下 妻 早之大 其 主 有 姑。 摧 口。 無 剖 親 以 則 下 鰥 夫 垂 喪 腹自 業。 之 涕。 淚 情。 省。 者 執 有 者。 灰不 業 叔 有 而 洗 繞 则 或 点。 孤 膝之 明 伯 聽離 仰 私 面。 而 有 伯 陰 者 其 時。 不 凌 縊 有 觸 道 獨 ·能育 幼子。 爭。 妻 則 鸑 而 病 無 目 浴若夫 ÷. 呼 莫 捨 兒。 傷 É 别 掩 男遠 不 醫 父 稻。 左 鵠 兒。 懷。 沮 蚁 印 兄 顧 氣 以 蚁 左 神

聑

部

舊俗苛暴無倫抑更不必言焉歐美號稱平等而人羣宴會罕及寡妻子女懽遊賓客雜

耳連夜達日人道如此目擊慘傷而亂世尊男以女爲屬飾爲禮義崇爲高節寡婦之苦。 杳而寡者別室寂處蓋未亡人之生意亦有索然者焉吾少多郷居而寡婦盈目秋砧。

焉國家無事家室和平人喜春臺世稱休盛而寡妻怨毒之氣已上通於天可得謂之太。 無可救焉吾旣少孤寡母育我吾姊逸紅才慧甫嫁百日夫卽病亡吾妹瓊琚靜貞好學 生有三子夫喪中年以貧自傷數載遂殞嗚呼寡之酷毒人道所無蓋天上人間所難者

平盛世哉。

孤獨之苦 物之精神筋力肢體足以自養者雖極苦非苦也若其精神筋力肢體。

皆不 幼而無父者矣夫父子之道雖本天生而人道之始不以母子傳姓而以父子傳宗者實 能自養必待於人以爲養而所待之人忽逝矣無憑矣茫茫矣倀倀矣無以爲 無聞矣則其憂傷憔悴有不能爲生人之勢則其苦不可言矣則未有若 **2**老而無子 生矣。

高言 怙 離 言 以 於 則 卽 於 餘 含。 同 解以其易 人為 心然 男 **奉從** 人有 施 者 有 而 多矣假 報。 執 仁 恤 **丏**殘羹冷 奴爲 之强易於養生故 而已 人提攜 業。 放 後 而 人之孤。 實 齋 梨 回 合故 獨 從 而諸 婢。 文 長 爲 姓籍 几。 竹 炙 相 無人齒梁內。 撫養視猶己子則以 施 矣。 父之賢 報之至 林 易 不 託 厚 . 數載 不 褥 離 也人 嘯 知。 咏。 隱 ----也惟天紐者難解焉故父子 衣 之 精 能 寄生而已或流亂爲丐漆身如癩牛馬其體僅具 囊。 而倦忘矣至待於諸父諸兄乎則彼自有父子 也。 也。 而孤 服。 情。 舍 故子非父無以長成。 恤 孤 且分形之子。 子 絃 奉從 經窮 兄弟 則 誦。 子**厭糟糠矣或且飯後之鐘抱腹而** 麗都 之子。 為高 禍 下 而 室 孤 患 旁含破 諸 傳體之人天性之親愛不 子. 而 難。 義矣夫以爲 濉 孤 母 則 掃 子 出 變而 床 垢 自 父非子無以養老。 承 筐。 無被 敝 雖怨經窮禍 異 相 望 襤 高 姓。 棄 矣。 厚 褸。 其能 矣亂 義 文之物 豈人· 若 舍 或 世之俗雖古 期 且 视 啊 月之 砚 爲 垂 患 交相需 涕。 褐 難 可 生。 解。 呼荷 體 人 不 不 而 完。 能 所能 喪 何暇 乎。 相 有 惟 荷者。 失 肘 進 故 收 其 至 而 矣同 父 見履 心故交友 交遇 同 哉。 恤 愛不 爲 母。 或且 人之子。 則 用。 轉 穿 飲 無所 難 雖不 pj 榻 食。

Z.

檀。 疾。 被。 動 夫 持。 亦 他 從 子 (甘旨子) 誰 誰能 大雪 喘 須人扶持賴子手足無力作工 人 養。 中 其 柳子厚之祭身後子 父亦 喘殘 則 結 來。 而 無裳曝背於市眼昏體枯有若 恤 免 恩 託 不 莫 忽云 愛 息。 彼。 此 愈 口 以惟有子 也獨 無藥無醫 我 深。 旣 斷 台上衣食奚品 結。 顧謂 則其纏 絕。 者 壽 遂 者夕饍晨 乎耄老之年精 與 他 夭 然。 幼孤 綿 人君· 無 忽 具。 常。 而 愈 司 擎其希望 亦莫 中道 喪 空曙之詩一星孤 殞 卽 浴 將 杖 材 絕閉門 父者皆 有 **不能營商** 我聞嗚 夭 弟 八亡傳後日 望愈 姪。 神 半死至於遭病不 潔 已衰。 不 時 爲 - 知若是者 被問 加 厚則其訣別愈難。 呼。 人 鞭明已: 生 體 失利記性模糊 文 無 炎青箱誰思 寒滌穢搔 一終天 託賢 恤。 地雖大豈有慘悽 異 之憾 夥哉 居 苵。 如子 筋 殊 時疫癘罹之無人問 爬盥洗: 寄。 万已 也。 夏。 夥哉若其富 家。 遺書何 誰克 蓋老年喪子 百事不辦公 因 何 以 以 弛。 弭 喪 起居察其 耳聾目 若 奉 託宗祀 明。 事。 孤子 達若楊 貴精 飲食 風 後望幾絕英 垢 暗。 者 安否。 將 滿 哉。 紳 丽 杖 之家。 侍。 已。 斬。 彪。 身。 而 等 飲 無 敗 祠 猶 後 墓 起。 深 人 絮 於 不 食 無 待 扶 具 舐 廢

疾

病

無醫之苦

萬物相靡

也陰陽相攻也犯於刑

律法禁則人刑之犯於霧露寒

甲部 入世界觀察苦 第三章 人道之苦

深 宇 苦 皆 明。 暑 H 病 於 神 一醫者 卑汚。 止。 奉 力 虐。 昏 者 山 風 上失機 敗事 。 侍。 釐 道 窮 累 待 其 潛 不 六親斷 道 能 人種。 路 之。 五勞 谷。 無多醫具不精雖重 百 · 始哉 親 衞 僻壤 路不 病 理體 生之未 之類此 七 者之舍業供養 ノ生難繁さ 於當前。 患苦 噫 窮 潔飲食未精 傷。 弱 則 天刑: 唏。 鄉。 不 宜。 藥店 卽 者。 無 能 以 而治 貴 一始不 歐美施醫有院醫學 起足 已若其疽背大發喉腫交合喘氣並 心此始 其 不 富 衞 合 病 及開醫生遠 微 賌 勝 軟 不 生之不 大 於既發之後就 以 勝 生物害之空床 數。 不 地 更或 延 其 能 無能免者 人 、 聘惟救起之難靈若 苦賤 行。 講故殤天之多艱痿瘤腫黃遘疫即 類算 縣 手顫 **阿連**年 難 貧 漸精蓋 之其 也夫蒙 來。 者 不 使立 呻吟。 尤 百 能 所 里 臥床 舉目 為 並高言其: 失 無醫。 無良醫之日 無 疾臥病。 可 敗 力 憐。 擁 **| 骨鼻塞**| 於冥冥問 以 延 蓋 夫貧者糟糠不給難謀醫 氈。 醫以 巫 莋。 大 不 據 敗 代 內臟 亂 癩 舌 必其 之禱 入精 日 此 之 痲 喉焦澀。)世醫學不 診 **壅毒食** 巧 坐 瘋。 彌 斃。 力。 视。 歷 選疾 洞 重 飲食宮室 豆. 損 祭 不可 飲食 心首 僵故 能 人 祀。 臥不 纏 算 神 書符 紀 肩。 不 重 之哉 魂費 稱。 医 子 下。 進。 不 藥室 然 能 衣 法 游 贶 孫 呼 水。 且 倦

黑人昔數百萬者今僅百萬夏威夷島昔數十萬今僅三萬散沙維島人昔數十萬今亦 無靈者自古及今嗚呼大地何可勝算哉彼獨非人歟不得終其天年而中道夭於疾病。 巫 來由人 種日削不增然則呼號於雜病之刑殺戮於衞生之不精誅殘於巫醫之

之以 醫術最明醫生最多日日視人疾無自來茍非天年之自終者蓋終身不知有病苦焉佛 同之世生人最樂內無五勞七傷之感外極飲食宮室什器服用道路之精而醫學最盛 痛苦纏於當身者豈非生不遇大同之世而無衞生之精醫生之日診以善全之耶蓋大 之病至是皆無大同之人豈復知今據亂之苦耶而今悁悁之衆生同罹疾苦大聲吟號 與生老同驚憂者其不知大同世之樂哉普渡已盡何所容其超度耶凡野蠻亂世

側耳如聞哀哉何日能拯之。

育身者有父母 至切而不可少缺者也若夫歲時佳日懽慶樂遊酒食饋贈親友應齡是豈非人情而不 。身育者有妻子有身則飢寒有衣食之需有家則俛仰有事畜之任是皆 今·曾天下人之所焦思菜色奔走營營者豈非爲貧哉夫人生而有身。

能 抑 醫風雨怒號屋破瓦飛大雪行道指落膚胶夜寒無氈瑟縮捲衣父母賣罵垂首忍之妻 夫衣食家室之需迫人主急牛日不食即 養 爲 隻身棄家渡海萬里開 則 而 加馬 自免者乎至於喪葬之哀紀吉慶之儀文祭祀之禮典尤人道所重 且 **《妓屈身爲奴廢泣自傷謂天何辜其有農夫失收而狼顧工人罷業而家食主吏追** 哀號歎息垂涕其凶喪飢饉甚且賣 物之數有限而無多以有限之數供無盡之生其必不給矣若新法不日出則人 有 銀 呼天誰 事 鐺。 跼 不能 致亂 天 室 蹐 人交謫而遠適又或商業倒閉。 率比於非人傷哉貧也生無以爲養死無以 之患孟子曰天下之生久矣一治一亂世以爲天連之固然不知生齒 地。 知若夫寡妻失夫幼子無父自營 尋死 自盡者矣其他 山拓殖 或非或美賣身爲奴聽主鞭笞驅若馬牛瘴毒纏罹 貧 緊傷生者 見割削恩愛任其棄離豈不眷戀爲貧所欺其 士子 受之飢超褐不完朔風刮 落魄貨 無力人莫我顧朝哭夜啼飢寒無訴 不 可勝數也蓋 (臺高築) 為葬雖子路之賢不能 而莫避田廬盡賣 生 肌疾病恶苦臥 之數。 一無財不足以爲悅 日繁 不 而 而 生之 床 死亡 無盡 痛 無歸。 蚁

入世界觀察苦

第三章

人道之苦

養物不 歲糜千萬磅而以工廠商本皆歸大富小本者不足營業故貧者愈貧試觀東倫敦之貧 足致之也故中國二三百年必一大亂以生齒已足故也夫不足則爭矣雖 有以善其救貧之術而欲致太平無由 也卽歐美號稱富盛英國恤貧之費

無補 釆宮室則麗其棟梁重其樓閣器用則繁其鋪設備其儀文親友則通其弔賀致其。 矣然且人道不文則爲野蠻若愈文則患苦隨其文而爲增至故文者食美八珍衣珍五。 多天者聚成大團風俗愈壞監獄愈苦病須醫愈多英國特立部歲費干萬磅以恤之終 里如游地獄巴黎紐約芝加哥貧里亦然菜色襤褸處於地窖只爲丐盜小兒養膽不足。 也他日卽機器極精謀生較易而貧民終不能免議者致比爲人之排洩物尤爲慘 日增需費更巨於是乎車馬 **鎌從琴瑟書畫園林古董慶賻宴游妻眷童僕皆人** 贈賻。

之所好而中人以上之所欲致者苟非有之不齒上列故財力內實不逮而門外日以强 者紙筒糴米而坐轎如故仕官候補者衣服典盡而宴客盛張雖未當不强作笑語呼指。 持以大不逮之財而日行勉强支持之事東撏西撦憂苦莫當以吾所聞粵之富中 人 中落

道。不 僮 彼貴 息飢 及。 者。 翹 別 地。 頭 太平之樂豈可得耶。 都邑相 彼爲 左右 翹 痛 租 奴。 啻 小室。 而 **贱者之苦** 車 若 主高堂深廈華旃細席踞高 渴不得自 追 刺瓷 陳息聲咳所逮 廣設陷穽網羅以陷縛之也彼憂貧抑塞溥天皆是不拔其根不除其源。 禮俗所驅遂陷於貧而 乘皆是憂生衣服麗 田園玩器 害紛來債客盈集內廚不爨妻子無衣媼僕將散 屬苟非野人窮子驟致多金自此之外雖極巨家豪費皆是鬱鬱患貧之人故 中家官 曲。 一勞動 爲奴 急於賤售 人之所同 **デ得休職** 福諾 隸爲婢媼爲胥役爲 百億。 都盡爲貧子外面甚 自刑 病 面 座而指揮擁 冒 或行為前 而 尙 君是疇能知 無人沾。 風 共憂 雪而 **汽** 馬 雖 歐 驅或坐為 輿臺奔走服役伺顏候色拳跪 跣征窮晝夜不 喪婚賓病急待 車 解之哉是故增其 樂中情甚 馬而辟易侍者如雲簇擁排 美之文盛其 執役。 (彼此豈 ·獲少息者並 苦如 舉 而駡其無工錢。 事。 中 文明禮 灸如 **一而借貸** 人 非天生之人乎胡爲 患貧尤 其 湖且有不可 (賤者之 物。 無 鞠躬。 而 甚 得。 大屋 列。 耳閭 不 憂 顧 苦 側 而 願 易 暗鬻。 心 欲致 盼 耶。 身 其 爲 閣 如 所 屏

甲

部

入世界觀衆苦

第三章

人道之苦

四九

門伺候風塵鞅掌執版下與立班鞠拱唱喏連聲伺色而動其或脫屨膝行卑栗退屈伏 已卽在平人有所白事長官踞座立不得與呵叱睨詰惟其戲詈卽爲卑官進謁長。 語之誤一事之失鞭撲交加駡詈無已加以刑罰剝盡廉恥欲奮飛而不能惟淟涊而悲 **晋賤若此其貴主之仁者耶或少恤下情感恩罔極叩頭泥首銘心刻骨其暴者耶則一** 地騎背跪足結襪野蠻等級威嚴尤密是故志士挂冠壯夫不屈以是歎息趨走鬱鬱若 上轅

爪哇人之長跪緬甸人之屈身無論矣凡此者豈太平世人所識哉 其手足而錐其陽者焉或油布卷而火焚之有石壓而驢磨者焉若失車裂馬分炮烙湯 有自腹而項自背而胸者焉有以錐自穀道穿至項有自項至穀道者焉有屈腰而合縛 世愈野蠻刑罰愈慘吾見法班巫來由人之刑具矣有剖腹而用鋸者鋸有自項而腹又 第四章 人治之苦 刑 獄之苦 傷矣哉亂世也人累之太多天性之未善國法之太酷而犯於刑網也

毀體備 幸 猶 111 金 蠅 鄰。 幸 宝人永絕 断首 mj 忠肅 逢 見 虫 ill. 取 過最 残羹。 繞 入於獄 獄 薄 賄。 Jij 侧。 曲 折 罰。 極 吏 非 之家蓋不能 呷 太裳垢 一怒則 腰凌遲寸磔挖眼彘 慘毒者非生人所忍言也 而 -1: 或 刑 制 迫索若 相 遇 頭愴 施 酷 也桎梏身首鉗鎖手足便溺迫蒸臭穢交迫據地眠坐伸縮不得蚊 大 更周 見 杖 行 而不得 赦。 無 地其他受其烙死蒙其毒藥施以 肉 頻 兖。 期。 數。 身 夫 刑。 鉗 嗚 凡當 (娟娟 來網。 免爲奴妻女爲樂戶 漢文免之改爲 語 浴。 呼悽慘豈能道 觸 備極五 亂 飲食 妙女可人如 世之刑 件 鞭死: 人猶以爲未足則有蠍盤焉九族之株連未 穢 毒蓋 此 而 莫 罰者豈人道之可言今歐美升平 囚 則自古仁人志士躬受其害者不可 或乏黑暗無光不見天 訴。 徒。 哉其或荷戈遣 玉。 亂 既爲 世之常刑 聽其 粗 **髡鉗鬼薪** 兵武· 樂戶。 倡 淫輪 鞭撻塞以穢磯卽幸而 人性橫情暴側 則 役作隋文代之以答 而賢 (執弦捧) · 戍瘴 姦相 士多有不 地 逐故 日獄吏來臨淫 冰 巵。 廁 周勃以 天。 身 事 身 謹 免焉。 刑 長 倡 事。 去繯 如 妓。 勝 太 杖 足而 猶 不 傷 數矣其有 死。 帝。 以 逢 尉 威 矣 流 **含首囚**。 心之尊如 大如牛。 與死 文 見恶喜 恐嚇。 而 波及十 徙。 哉。 破家 亂

求

國

頗

潔略乏苦境然比之大同之世刑措不用囚獄不設何其邈如天淵哉然苟非太平之。

追 皆取民以爲有國之常經治世之大義焉雖有仁聖在位然旣當亂世旣有國爭不能天 營業器用飲食而並稅之其名則或貢或助其輕則仟一百一其重則什一伍 世性善之時終無以望刑措之治也而生人刑獄之慘苦終無由去也。 賊。 下爲公則無有能易其義矣然人民生丁斯世旣有仰事俯畜之需而租稅所需迫於星下爲公則無有能易其義矣然人民生丁斯世旣有仰事俯畜之需而租稅所需迫於星 之實而直取之始於其漁獵耕稼而分其物繼於關市舟車而征其貨甚或於人口室屋 情誰救牽裙揮淚嗚咽涕零然且骨肉分離於前吏徒敲朴於後故元結以爲官叝過於 火徵符雜下胥役紛來雞豕任其牽割室屋聽其摧毀或當水旱疾病公租不償男子押。 **苛稅濫征詭名百出至暴也自租庸調之爲兩稅兩稅之爲一條鞭地丁合征千乃稅一** 於牢獄田園典質於他人甚或鬻妻以償賣子相繼爲人奴婢分棄夫妻慘狀難聞苦 而 苛稅之苦 孔 子以爲苛政猛於虎也若暴君之肆其臺沼征伐之欲貪吏妙其剝脂敲髓之能 自有强弱之爭而强者取諸弱者或以保護之名而巧取之或行供億 二二。然

辦 臺築城違農時絕生業而役之此固孔子春秋之所深譏也今土司大田主之役其私屬。 甚食肉而遠庖廚云爾猶非公理哉自王安石行免役之法實爲千古未有之仁政而 南 民智大開乃甫能脫之耳然則征役之苦固大地萬國數千年生民之不能免者也若夫 馬光妄改之遂至於今幸而聖祖行一條鞭法乃令中國得免焉然邊省之倚勢作威抑 家之私事皆役之今爪哇地主猶七日一役其民殆視爲義所固然焉野蠻之國若安 緬 夫馬以供行李者蓋猶未盡解焉歐洲佃民奴籍之苦以供役使固亘數千年至近世 甸巫來由等其征役尤重矣孔子憫之減爲使民不過三日以爲仁焉不過去 兵役之苦 甲部 等是圓顱方趾皆天民也及有君國立而力役生矣爲一君之私而築

太去

炮之需數十萬一鐵艦之成動輙千萬水漲隄高競持而不知所止生今之民維持國力

者莫不苦之以視大同世之絕無租稅且領公家之工資其爲苦樂何其反哉。

苛及於窗戶瓊碎及於服玩僮僕車馬雖云爲國而以兵爭之故耗盡民力以事兵費。

民猶苦之然釐金雜稅又出焉沮擾留難其弊多矣歐美以列國並立而賦稅更重繁

而

德與人以充兵時多逃去者非至大同嚎能教之哉 世萬國競爭俾士麥改創國民為兵之義各國從之嘗聞之美國之人聞選兵者家人畏 耶遠虎,百戰有歿難知白**骨莫收掇魂望祭師丹之役全城皆焚兵役之苦有國所共今** 皆相抱,而哭爺娘妻子走送哭聲直上雲**胥豈不以無定河邊之骨猶作深閨夢裏之人** 製死中兒遠成小兒役歿孤村無人窮巷**慘悽田園鹣轗狐狸遊人誰不爲之淚下也近**

第五章 人情之苦

理而後能顯闊今古宰割萬物神鬼神帝生天生地卽獨得天下特別無限之全權焉吸 大地諸天之精英而獨飫嘴之集邃古聖英之神明面收攝焉下至一草一本一鳥一獸 愚蠢之苦 人之能橫六合經萬却證神明成聖哲者皆智之力也故吾自窮極萬

千人 教之 字之人十猾 書。 摘 我 哉。 識 所 聰 生 埴 獨 土 腦 知 明 同 旣 隸 自喜。 帳。 識 尊 良物理之新文學之美皆曹無所聞焉如聲者不預文章之觀聲者不預音樂之妙。 爲 睿 根 愚。 而 之勢皆 石 北 則 哲。 人。 限 所 之形 冥行 於國 無所 而 人 制 聞 知 有一。 不信 也自 皆竈 所 作 狀亦足以 智之為 知 自誇問七星而 亦 不受今愚陋 各國 以天 萬斛船 婢 乃 痊。 之餘論。 與 以 試 八牛馬等不得 也岩 下莫大 球 人民皆不能 觀 貧 巫 今 圆 愚者 博 來 若 日打 中 地 心嘗問 物而 繞 不知 由 國 此。 是 所 人之閉 爲 及 得 平。 奇事 數萬 旣 考名 煙 割 ----発焉。 入。 皆村 剪之器物無不醜惡其 人以暹王與彼地孰 地自 接 不能 處領鄉 冰人溶 理當其新識驟得 視 國 其 棄暴 孝 MI. 考 曲 同 不識。 之陋 類 書 大 於冰海。 珍天 者益 先 地 而 學問 風以 哲之奧妙懿偉以 無机。 萬 (地敦大鑽石敦多豈不可憫)(與豈不哀哉爪哇之梭羅王) 物 猶 為天 奉文 之 耒 止 火雞守於 於論 理。 踊 兇 與 躍狂喜亦 哉。 地 叉 物 之大盡在 進化之害莫 不 岩 語。 而 能 夫 而以南華 火 無 沃 山所 知。 不 收 有天 今古 通 其 凡 、魂靈豈 算數。 此 大 謂 地新 矣。 漢書爲僻 諸 上 南 聖之華。 夫 地 不 且 世治 識 哉。 下。 文

Ħ

既蠢愚則一人不足一人之用其勞作甚苦而逸樂甚少傷人之生莫甚焉況腦根熏濁

受害以此愚根流傳不絕是猶在黑暗地獄也豈可使流轉於世宙間乎夫人獸之異不 必少高明廣大之神勢必嗜利無恥少禮寡義留此人種以傳家則俗不美以傳種則種

爲其形質只爭其智愚大同之世豈容獸種且愚則必頑以此而欲致太平大同是猶蒸

沙而欲成飯也必不可得矣

有

警怨之苦 人之魂夢不寧神明不安鬱鬱不樂者其莫如響怨哉人自有身界則

興矣故據亂之世必崇復仇之義我父母之仇則不與共戴天兄弟之譬不同國交遊不 爭利爭權之事至於有家界有國界而爭利爭權之事愈甚則相詐欺相奪殺而 仇怨

成爲 發難切齒腐心飲恨尋仇卽貴暴若嬴政狠鷙若趙襄而子房奪於博浪豫讓隱於橋下 反兵甚且九世之譬猶可復誠以據亂之法子不私其父則不成爲子臣不私其君則不 臣故不復讐則非臣子忘仇讐則爲不忠孝故一人有遇變之慘卽舉族枕戈累世

則可令人內熱而死中毒而亡況於常人其可防哉起居出入無有安心蛇影杯弓動於

能 以 造 飲食則有李林甫一夜遷二十五之床曹操以詐 此。 也。 謠 幽 **今之帝王將相尤所恐懼是故操心危慮患深戰戰兢兢如履薄冰言身處亂世之難** 刻安哉卽非貿首之仇而亂世之俗多忌多爭多疑多毀一有不合怨毒從之則 憂死。 誇以交攻陰彈射而相 甚 且同室起乎戈矛石 軋或有傾險之行危殆之事。 交化爲豺虎蓋怨毒之於人甚矣哉 睡殺人者矣雖 飛文構章 為 一誣陷囹 帝王。 雖在 如俄之霸 大賢。 圖或 安能 致 然豈 流 放。

其同 號 子天性也立愛之道自父子始故教之以孝獎之以慈而慈孝之至則愛戀愈深 疾 病 無 撫 術。 類有愛戀之性哉然得 愛戀之苦 已此固普天人人之公憾而無一人能免之者也吾見撫於先君知縣公號 以 摩割股爲藥愛日祈 顧 復 鞠育之深恩。 人 類之相生相養相扶相長以薙除異類而自蕃衍其本種者豈非 年祝 失同 日 一付於蟲 **哽**祝噎强健則 源。 禍福 沙土木終天 同祖始於愛戀保種者復卽以愛戀生累矣父 竊喜衰羸則私 、永恨相 見 **心憂至於屬擴** 無期。 雖壽逾彭籛 彌 留。 事 亦 親 則 呼 則

入世界觀錄苦

第五章

人情之苦

骸 欲 毎 斷 柏 而 養 歸。 也。 反 於 声年二 也則 身首 先 加 苦痛 異處至今思之心痛豈非親愛愈切則懷戀彌 連 一十先祖 州公韓魏 茶 毒。 無 溺 之修 可 於 救矣。 + 連 ____ 州 齡 若夫子女之 大 水之難吾弟 失怙侍牀執手至今念遺囑 弟幼博津宇廣仁 戊戌,并至人 愛越 犢 有情。 既自生之又日撫之似續 欲 、絕之言。 與天之所 戮 猶 於 哀 柴 咽 市。 面 賴

異體 則 遇。 枝 以 實 比 艱 囓 抱 嗣。 合懽以 愛深 翼。 臂 危 情 盟 戶 萬 切故毀傷的 深。 賴 意 狀。 而以事 甚 愛爲宗旨以戀爲實行此天地所同也。 以 旣 5持即非孝宗 洽。 且 軟愛無窮 死 尙 見阻。 生以 少。 謹。 好 而 求 合難完。 形 同 喪 或 影不 穴者。 明最 尙 童 多豈非以 離。 雅循 鄊 或以門戶不 以 邑頻 視 爲 天 憐之若· 見。 長 則 愛戀至大故痛苦尤 齊。 地 全 久矣而 然立 地 或以名義 夫 才子。 日 月萬億 義旣嚴困人益 壽 尤望亢宗外 有限海 命 不 可 大乎若夫 常。 知 必有鰥 也。 枯 其 甚。 若 淚 竭。 旣 則 呵 寡。 夫婦 有 心 得 譴 握 痛 嚴 聯 兩 之道。 婚。 美 山 重。 永 連 相 內

不 淚 棺 傷 側 葬。 心者乎當此時也天地泣 凝 塵 滿簟遺琴在御摩挲故劍披展繐帷聽錦瑟之哀聲聞寡婦 昏魂靈 恍蕩曾不知 人間何 世生死 何端 也即 之夜 亦

飲泣 故佛氏欲斷煩惱首除愛根由愛生纏纏纏相縛而父子夫婦之親人所難去而强欲以 乎若夫寇難忽臨刧疫相繼夫妻父子分散倉皇不死於兵刃則喪於水火不塡於溝壑。 宦達之牽累從之乃至辱焉夫有父母而不孝養則不成爲子然竭力致養矣而父母有 腸百結而如迴心哀痛而欲絕若斯之遇哀慘至劇而皆由親愛過結眷戀太過致之也 則餒於饑病其得爲奴虜苟幸生存爲幸多矣覓遺尸於鳥鳶口下得破鏡於權貴家中 之寒猶在遠客吟懷之念生離死別悲莫悲焉而大地橫目之民夫婦交歡誰能免此者 而 牽累哉人以有家而爲樂而家之牽累從之乃至苦焉人以有國而爲安而國之牽累從 出家破愛根豈人情之所能從哉不卽人情者其過不行則人類愛戀之苦終莫由拔也 之乃至憂焉人以有財產而爲利而財產之牽累從之乃至害焉人以有宦達而爲榮而 征役當從或飢來驅我近賣河梁之茶遠就河陽之戍歸期無定死喪堪憂把臂牽衣 而別神搖搖其無主心鬱鬱而欲結無定河邊之骨猶爲閨中夢裏之人雲鬘香霧 奉累之苦 人之魂神不淸明智慧不發越者憂心沈沈昏昏若墜若凝者其皆由

疾病 呼天神明益失事業益廢矣若夫父母考終追慕哀思號泣哭踊望柩而痛臨穴而悲久 夫 日 腸 喪哀毁固損生人之性短喪不服亦非人情所安蓋愛情之結旣定則孺慕之牽無窮若 心 多財之累 衣食之累愈多死病之事愈多故夫貧者以妻子之故賃衣而售屋富者以妻子之故煩 哺以食以衣學業爲之就傳疾病爲之延醫長大爲之授室垂老爲之馳驅繞膝者多則。 角枕 而縐 出死亡相續終日怨懼長愁蹐跼多子者人之所望也自孩提保抱童幼提攜以養以。 九 官貴顯高則多危有五鼎食者卽有五鼎之烹上蔡逐獵之布衣豈不勝於長安車裂 或 迴神魂皆落或佳麗列屋誇多縱欲愛甲棄乙恩怨不睦供奉無垠家業爲覆疾病。 喪名玷及祖宗禍延父兄其爲牽累之大豈有償哉有財產者人所藉: 錦衾琴瑟好合綢繆愛眷終身相託比翼交頸親愛爲縛別遠離懷中情若 連年則孝子捧藥焦然而神明爲之喪失矣其或父母有罪禍而 眉然且人之性善者少而恶者多故子之長也亦賢者少而不肖者多 亦甚矣或業倒產傾田淹船溺火焚盜劫人欺官騙有一於此損魂喪 奔走營救搶 以爲)敗行失德 战魄若夫 生 也。 地

家孥幽 **病莫能** 爭。 更有 念 可 神 聖遊戲 舊 重 痛 稅 相 此濁 鄕 神 叫 興。 悲其 辱其爲慘酷豈忍言哉其或逋臣奔亡流離異城刺客載途晝夜相警衣糧交絕。 則 州 而 哉近者各國后王迭遭刺殺固知衣繡之犧不若 世旣 之道旣遊地獄度脫爲難人間何世大累相牽悲憫旣多則神智衰落。 陸沉之恐斯則 迢 同 隔老母 |海萬里洪濤漫天欲渡不得思歸未能 擔。 或 兵役則[君 未至於大同。 后柔昏國土 生別。 同 憂從 荷。 妻子久訣興宗 叉不 號稱國民之責所必然也一 中 危 心削骨鯾力試 來不可 忍 於絕 世。 邦而無期救故 斷絕悲憤填胸鬚髮盡白雖有人天超脫之思 **| 諫迎天**| 一家國 爲 《累損》 變法 **凄凉胡天迥望漢月思故** 坐遭 有 君 曳泥龜也若夫國則 短靈智爲之奈何爲 戦 而 戳 無 禍滅亡隨之長 毒。 術。 既有泥 頸血 濺 中 赤。 之奈 身首 强弱 式 國 爲 微之 人 奴 而 何。 危亂。 異處 爲

時 太 得息焉。 陽 炎炎甚暑酷蒸炙背若 彼採 礦 者深 瀰 漫 入涧 種種 之生 穴潦水露膚燃火以作煤礦尤甚炭氣 火冒之以耕大風淫雨簑笠而行日出 一人勞苦 亦 甚 矣哉。 以農者 胼 手 |而行日入| 重灼。 **塗泥** 身手 厥 身。 乃歸。 ·漆黑觸鼻 以 耡 無少

鄆

部

作 艙 底終身執熱機局掌火火炭爆屑汗臭迸流。 恶常人一刻而 難受礦 夫終身而力作洞穴或裂壓死不覺燒炭製鐵蒸輪火烈熱帶 流面目若· 鬼敲冰下 取魚引足入 水寒氣澈骨。

際膚裂指流 深 山樵人貧薪百斤百里崖阻烈日艱辛乃易魚米用以救貧其他曳輿 扛 轎。

非人之子歟其他百工勞力苦作朝起而動中夜關閣無來復日之休息無限時之輪 **覔擔行舟喘息大呼終日不 休縮肩挽背貼地而** 吼。 或 挾疾行僵仆道周。 、嗟夫苦哉彼豈

不 孺子弱女饑驅同縛竟日劬動錙銖乃獲腰背彎曲咳喘並作面體黃瘠廢疾以 改。 人道衰落其富 而 爲商。 坐櫃終日血氣凝滯 神氣 恍惚無活潑之氣 無發揚之識。 死。 進

傳

種

美之有節限作工之八時勞苦亦甚焉得不衰旣未至於大同亦無術以救之嗟爾窮 士爲官治事爲學皆以終日無定時之游眺無復日之止息體昏氣索神明役役卽

可

歐

而

爲

何人人之所得者吾其不欲得之乎哉其不可得之也則恥不比於人數也其能得之 願 欲 之苦 人 生而有欲天之性哉 欲無可 盡則當節之欲 可近 盡則 願得之近盡

甲部 入世界觀索苦 第五章 人情之苦

車 也。 焉丙處數十層之瓊樓數十里之閬苑而丁不得蓬蓽焉戊珠衣鑽石玉孺面已不得帶。 至樂而大同之世人人可得之者也然當亂世雖侯王曾不得備此樂焉何況黔首之民 於心耳也多書妙畫古器異物之欲羅於眼底也美男妙女之欲得我意者而交之也登 預聞預議也身世之欲無牽累壓制而超脫也名譽之欲彰徹大行也精義妙道之欲入 疾病也養生送死之欲無缺也身之欲游戲登臨從容暇豫嘯傲自由也公事大政之欲 氣熏塞丑居溷廁焉寅高坐於汽舟電車汽球飛船卯塗泥步而脛涉焉辰左右百器皆 山臨水泛海升天之獲大觀也精神洋洋覽乎大荒縱乎八極徜徉乎世表此人之大願 則 也用之欲使美機器也知識之欲學問圖書也游觀者之欲美園林山澤也體之欲無 身之欲美衣服也目之欲美色也鼻之欲美香澤也耳之欲美音聲也行之欲靈捷舟 生人之趣應樂也生人之樂趣人情所願欲者何口之欲美飲食也居之欲美宮室 庚接目皆文章五彩辛處黑暗若囚焉壬雜陳百國音樂癸不得鼓缶爲子花草香 相耀都鄙相驚貴賤相形愚智相傾耗矣哉其窮也是故甲願入珍而乙不得藜藿

園林 焉。 甲生死 臺沼甲天下酉不得一花竹而徘徊焉戍身體强健畢生無病亥有廢疾或多病 若鬼神巳皆楛窳之物焉午之博極羣書當面百城未不識一丁挾一册而

窮憾軻 坐摊 而不能窮巫來由之王跣足行道俗牝未至無如之何故野蠻之王者之受用不如文明 卽有一二更無有兼收其勝者也雖以帝王之力求之而秦皇望海而不得渡漢武鑿空 爲人形體 **偏遊大地絕海窮漠大都勝地名山異境靡所不屆巳則足跡不能出閭巷焉若此者其** 聞法焉子徧遊於博物院備見太地之珍奇丑則自家人筐篋外耳無聞目無見焉實則 名字闇然與草木同腐焉壬親近善知識日聞中外古今之大道癸則不得見有道不得 從容焉戊預聞政事發言自由己朝不得立公事不得預焉庚大名洋溢人皆加敬辛則 佳麗從心所欲卯則終身鰥寡怨曠或攤黑人黃馘魋顏縮項而慰情勝無焉。 侘傺甚者憂能傷人不復永年此則曾天人士所同悲而寡有能 同才志同而境之得失榮枯相懸相反若是則不得不怨運命悲不遇嘆老嗟 無憾身名俱泰乙生於憂而死於囚焉丙閒暇娛遊丁拘累之愁苦無一日之 如願相償 辰則

菽不 皆獲以視亂世生民之終日皇皇**懷而莫得願欲不遂憂心惻惻何相去之遠哉若夫**半 之匹夫之受用據亂之大帝之樂不如太平世之齊民之樂也大同之世人人極樂願求 凍死骨嗚呼人生亂世聖哲無術豈可言哉豈可言哉 飽褸襤無衣行乞路斃臥病乏醫其爲願欲尤淺而亂世皆是也朱門酒肉臭路有。

辱於樂娼。 限 道所號爲大經也此非天之所立人之所爲也而君之專制其國魚內其臣民視若虫沙 下 臣民爲妻者何劉邦朱元章之流以民賊屠伯幸而爲帝其殘殺生民不可勝數所謂天 恣其殘暴夫之專制其家魚內其妻孥視若奴婢恣其凌暴在爲君爲夫則樂矣其 連數萬甚至以一則字音近於賊中其忌諱殺文士百餘其他廷杖下獄淫及忠賢妻子 **|禁體制之迫壓託於義理以爲桎梏比之囚於囹圄尙有甚焉君臣也夫婦也亂世人** 洶 為為吾兩人也至於韓信彭越之葅醢李善長藍玉之誅戳淫刑及於三族黨禍株 壓制之苦 親族死於流 凡人之情身體受縛則拘苦無量魂知受縛則神明不王若夫名分之 放义或以文字生獄失言語之自由答逮隨時無身體之保護 如爲

部

入世界觀衆苦

第五章

人情之苦

言之失死亡以之卽使不然而長跪白事行道辟人或强選秀女於良家或苛派征役於言之失死亡以之卽使不然而長跪白事行道辟人或强選秀女於良家或苛派征役於

焉大抵壓制之國政權不許參預賦稅日以繁苛摧抑民生凌鋤士氣務令身體: 之理者也夫人道相倚而生成者賴父母之恩而人道獨立而自至者則亦非私恩所能 父聽後妻之言而毒其子母有偏愛之性而虐其孫皆失人道獨立之義而損天賦人權 母所得專也人人直隸於天無人能間制之蓋一人身有一人身之自立無私屬焉然或 比者也卽父子天性鞠育劬勞然人非人能爲人天所生也託藉父母生體而爲人非父 投胎之不幸爲壓制之荼毒一爲奴賤等於禽鳥其爲背公理害人道大逆無德未之有 鬻賣殺毒慘不忍言姑挾尊威以虐其媳旣於婦女之苦言之矣若夫民族階級之分以 見其民枯槁屈束絕無生氣者是也若婦女之嫁一夫許以身體其囚役終身以之甚 恥凋喪志氣掃蕩神明幽鬱若巫來由之民蠢愚若豕卑屈若奴而後已焉入專制國 士庶妄定宮室衣服車馬之禁若賈人不得乘車衣絲而緬甸安南且禁其民瓦屋 拘 曳屨 屈。 或 而

全制

也有所壓制而欲人道至於太平享大同之樂亦最爲巨礙而不得不除之也

、皆天所生也同爲天之子同此與首方足之形同在 一種族之中至

平等也然太古之世人以自私而立則甲部落虜乙 非賞 託體 其 民奴隸之分焉其部落之酋長以武力而 雖 日 自 以 無 同 別 為 婚宦皆 難 上制作日新。 4 奴 異 族。 神 11/10 賤之位是謂佃族工族皆據亂 成片階級之為之也 平民而生於田主之下世服其役或在輕商買之世而 於衆 累積 丽 天駕王族而上之是為神族其或執業卑猥凡民不 世為 不 與 庶矣。 事 勢而 則道術之士創教傳種以任師長飾智驚愚其體尤翹然於人羣之表或 凡 士人以服於貴族藩侯之下耶 庶 致 ___ 伍於是貴族之名自 之也積智 部落之中以材武 天 地各國埃及印度為至古而埃及王族士族農族等級 既 成[。] # 則 以强凌弱以衆暴寡以智欺愚以富轢貧 別立 雖聖哲豪傑 力智佐酋長有功者。 魁服其衆自私其子世傳其位於是王族 官執 於平民之上矣人類已繁文明 戟超: 一部而奴役之於是人類之階級。 視為 然 固然人 肯與齒焉是謂賤族。 世執商賈之業對其貴 自異於齊民是謂 亦 7世傳其 道 所 公爵位以握i 極 苦。 日 啓。 無 族。 其 人 心之尊。 種幾 或 政柄。 有 治 义 進 所 或 體 化

作 麻。 首 Ell 除掃 陀為 作賤 度 喀 農 私德之制第一 糞者又下曰各荷擔死尸者皆不得爲吏而諸族之中各世其業婚姻不 I 大 者 |工商族| 也又次日巫士哈業獵食蛇 而首陀之族下又分數族之等焉一曰配哈爲工服役於王者次曰 婆羅門教言道術者第二刹利為王族者第三階士爲貴族第 鼠作 路工 者义下日常 拖 · 卑 洗 衣者义下! 得 白 一 样 打。 通

千年 波斯 奴族之分 絕 大地 之競 亦爲 筝大 **、古國亦有階級歐洲號稱文明而貴族** 愈 者其爲寡階級乎當太古春秋時僅貴族平民兩種故魯之三桓鄭之七穆楚 甚。 一数而諸級未能盡去至今貴族平民兩爭時焉。 大抵愈野蠻則階級愈多愈文 明 則階級 僧族士族平民族 愈少。 此其比 緬甸馬孺 佃民族奴族雖經今 例 也。 王族貴族平民 中 國 有 事

階級 之屈 過 之制。 景。 齊之國高周之劉尹 譏 世卿立 大夫不 世爵。 世執 士 政權雖以孔子之聖顏子之賢不得大位 無 世官之義秦經漢滅後貴族掃 盡。 入人 焉孔子 平等皆 首

至唐世以科舉取士人人皆可登高科而膺膴仕有才者則白屋之子可至公卿非才則

雖

陳

羣

立

九品之制晉復

有

華腴寒素之分顯官皆

起自高

門寒族

不

得

居

大

位然

賢豪英不能免焉而貴族乳臭之子據貧勢行無道以役使誅戮一切被其蹂抑無所 不通 哉夫以階級之限人以投胎爲定位而不論才能也不幸生一賤族不許仕宦不許學業。 視印度歐洲辨族分級之苦其平等自由之樂有若天堂之視地獄焉此眞孔子之大 公卿之孫流爲皂隸自非樂丐奴虜之賤無人不可以登庸遂至於全中國絕無階級以 階級之制與平世之義至相礙者也萬義之戾無有階級爲害之甚者階級之制不盡滌 在人類之太平今既有階級又有無數之階級焉不平謂何有一不平卽有一不樂者故 訴階級壓制之苦豈可言哉天下之言治敎者不過求人道之極樂而全人生之極樂專 婚姻不列宴游甚且不通語言長跪服事或且卑身執役呵叱生殺惟貴族命雖聖 控

第六章 人所尊尚之苦

蕩而汎除之是下級人之苦腦無窮而人道終無由至極樂也

富人之苦 人之所望者富所求者富富者宜無不樂也耶則又大有不然者吾見

性情 生者 倒 城 是逃而之美國其室充公爲學堂焉是多田翁之大苦也富者廣置多店以收租吾見羊 大之鳥士威士開埠有富人焉全埠皆其地也及英國加稅而埠不盛彼力無 富者之憂苦又與貧者無異矣夫凡富者必有田疇而田則有水旱之苦加稅之苦加 輪 商業某富人以商於柳州致大富柳之木排盡其業也已而柳州大亂則大憂其 富者有之貧者寡有也卽使家室平和財帛豐溢子孫繞膝此則兼備富壽多男之慶尤 之境遇無常外變之牽連無盡地水火風旣皆有刧而國土 心大疾幾死某商以開錫礦於南洋致巨富旣而錫礦倒則憔悴憂傷而死矣又有開。 船 南門火災全街盡火某富家盡失其業闔門大哭是富而多店之大累也富者必多營 遇相 業 也且家既富矣其用度奢闆積久亦若習與俱安少不如意卽懊惱大生矣夫生人。 不 投。 於南洋致大富者已而輪船二艘背沈家業幾失遂發狂疾者凡此皆以富害其 其 乖刺者富無終身之可保則憂患卽隨時以紛乘若夫有家之累則倫紀强合 乖 爭忿憂益富益甚若兄弟 《爭產夫婦》 角氣至於累年訟獄桎梏 爭亂盜賊縱橫。 在在皆與富 在身此皆 以供稅於 商業之

爲人生所至難者矣而子孫多則子孫未必賢妻妾多則爭競且時有於是而富主且因 路之富冠大地矣而養壯士備輪舟日防不虞人生各有所憾所憾之處不能解卽無物 而吐血殞命者矣若庇能鄭某謝某富千數百萬華人之冠也而鄭妻憂子不肖而吐血 能解之故文物愈多禮俗愈設則憂患愈隨之而生物之機器簡者難壞繁者易壞富者 謝妻憂夫納妾而內傷此豈鑽石耀其頭金屋安其體所能解其憂哉乃若美國落基花 平世貧無立錐之士也人之情在心之樂耳豈在家之富耶 終日持籌日以心鬭一處有失蹙眉結心誰能超度之哉故亂世富可侔國之人不若太

焉脚靴手版趦趄進謁朝輿暮騎迎送不遑有十次而不得一見終日而無少暇者其有耶捋鬚參政由竇尙書折節無不至矣卽奉公守法之人當官而行然貴者之上又有貴 馳喜賞怒刑豈非貴者之尊榮耶然寧知其事權要之側媚奉人主之屈伏有不可言者 失權要之歡心立見貶戮遭言官之彈劾惶恐無常憂心惴惴鬚髮爲白者卽使位極人 貴者之苦 坐堂皇建高牙擁衙役出則武夫前呵從者塞途趨走之人夾道而疾

入世界觀索苦

第六章

人所尊尚之苦

將相其於事主尤有甚焉人主喜怒不測羣僚疑問交攻或妃后之爭權。

風。 之酷遭逢喪亂尙不必言卽當世際承平地居貴要而傾軋排毀憂讒畏譏憂心殷殷魂 其 權 間。 兼 他布襪之塞蠍盤之設車裂之痛孰非王公卿相哉若夫族誅之慘排牆之殺 於是 亞夫搶地於獄卒崔浩羣溺於臺下淮陰侯榜掠於鐘室斛律光杖死 或宣寺 投河

魂驚湯 乎人固不能盡貴而車前八騶食陳五鼎何所益於憂患如山之寸心鬱鬱耶太平之世。 火其繁憂煩憺大恐縵縵豈可言哉若夫河橋 而思鶴 唳上蔡而念黃 犬庸·

失亞夫之怏怏退朝殷浩之咄咄書空靈均之行吟澤畔史遷之著書蠶

室。

東

坡之

魄岩

、皆有樂而無憂豈此冠帶天囚之所能 入耶。

华 人。 老壽者人情之所祈禱而願望者也然非當 其苦方彌 鬧鬧莫莫其氣淒冷而蕭索此固天之無如何者也第一則死喪也妻妾子女兄弟孫 **甚矣蓋人少之時如日方出皜皜曦曦其氣雄進而樂嬉人老之時如** Ŧi. 二福之首第 一日壽蓋 無年命以持之雖有富貴行 大同之世徒以老壽爲 、樂則據亂世之老 樂孰從受之故永 日將

理

哭

念

迭

死。

押

部

入世界觀衆苦

第六章

人所尊衍之苦

大

亦 也。 多歴 其三則困窮 怒困 一數月富 記 憂感。 也何也以壯者易於食力就功人樂用之老者難於奮身營業以 者 絕 因以中之內外交迫疾病易作綿綴床縟纏綿湯藥久則 無 生人之樂貧者遂有破產之憂與死 為鄰以病 度日亦 或 何能 彌 人畏用 年 発此 少

之也則 家亦漸窮至於六七十後孫曾子媳數十口集焉則有食粥不能均者有病不能醫者築 平 光 壯 者 得 家 女稚皆待食之人分利之人而非生利之人也故四五: 金多而老者不若 且老者妻孥孫曾之多人則分而累之愈多 十後子女漸 長。 則 中人之 雖 亦

拄杖 興 嘆。 不足居者人買一履而盈箱不足人裁一衣而傾篋猶缺故下之乾餱起愆 齒危 爱秃奔波於萬里累錙積 寸立散於婚喪窮老不 一息齎恨: 以終者 皆是也。

而

其身乞水不得呼天無聞雖邁百齡亦何益也歐美人人自立然老而貧者子 夫老疾已 **违困窮無依一** 家視 爲陳人棄諸委巷牛豕溷廁雜沓其側 虱垢敗絮擁滿 養窮

獨 無 告老而 富 者親 戚毒 亡以分其 產寡得保首 [領以沒者] 是故貧賤 為而壽的 則有 溝

棄之憂富貴而壽則有死喪疾病之苦人道本與憂同來苟非大同極樂之世則壽者愈

長得憂愈多耳久憂不死何其苦也。

萬幾崇高益危早朝晏罷業業兢兢一夫失所皆君之責爲牲祈旱吞蝗減災其有邊烽 數離宮三十六臣民億萬極人世之尊崇榮赫者其帝王耶然今者或爲過去矣然一日。 傳警潢池弄兵敵國外患之來羣盜滿山之變偶有失誤則淋鈴夜雨蜀道艱難煤山海 臣弄權則有靴裏着刀或索蜜而呼荷荷者矣或內寵亂政淫炉擅權則有賈南風武 棠望帝不返甚或青衣行酒凄凉五國之城歸命錫侯痛絕牽車之藥或倒執太阿而賊 爭國煎豆摘瓜而建文之仁金川門改爲僧或父子起禍巫蠱祝詛而唐太宗之英武且 或韓金蓮之毒弑者矣或宦寺作孼門生天子則有仇士良之廢駡唐文宗者矣或兄弟 后妃 自撞床下者矣若是之事不可比數至若喪亂之際公主流離而爲婢王孫困苦而爲奴 國競爭互相擒虜革命日出黨號無君波斯王之頭可爲飮器宋理宗之頭可爲潺器宗 而掠爲人妾者不可勝道故憤極之言曰願生生世世不生帝王家豈不然哉若列 有國土人民而君之操生殺予奪之權處富貴之極食前方丈後宮萬

第六章

人所尊何之苦

緬之王 狀焉。 理士斷 室王主皆爲奴虜近者印度故王抉雙目而在 陶。 帝 人 右 也。 不 手 知憂 俄王 以上 震懾恐懼王族旁皇奔走而荆軻博浪之徒尋間而發歲月頓易蓋有一刻不 不改粒易轍掃除更張無以度之乎佛慈悲能仁强以空爲普度法五濁 **远公主** 頭之臺路易殺身之所尼古 一亞力山 急哉夫以帝王猹 首 揕 一竹棚無席。 其胸愚夫不 大意王伊曼奴核美麥堅奴可鑒也昔人有言曰。 斗食 **「爲今以亂** 苦惱如此故據亂之世舉世間人皆煩惱人也皆可悲可憫 無衣飢寒若 喇被弑之宮罅禮飛蝶南逃避之路革 世之帝王其 完 誓 不 一獄其餘購一巾買 苦若此豈若 嫁人者是皆帝王之家者 大同 ___ 餅皆須請· 左手 世之一民其 據天 命軍 悪 下之圖。 也若 令英 世愚 朝 安之 樂陶 起。 而

地 獄 救 神 人而不苦不 聖 仙佛之苦 惱者也然言則易矣若實行之則經無量患苦經無量死 神 聖仙 佛以 自 度 加 度人者也入濁 3世而救人不同 厭不倦 九生經無量 者

衆生豈能受之哉就

使人人受之而强攝之境豈能

久乎。

險難。 苦其心志餓其體膚空乏其身行拂亂其所爲以故斷頭殺身。 破家沈族以 救 世之

樂豈不羨

哉康有爲若生

大同世也的

一惟有極樂豈須捨身萬死日蹈危難哉嗟哉生於亂

世

也。

凡人之有

神

聖仙

佛之名者其

亦不

幸也

既爲 夫有 十字架 立義。 苦心而與之救之則爲聖者之至道矣而丁是亂世竭其智能或託天以勸仁 亦 之民憂患滔滔 之普度亦人人皆仙佛神聖不必復 以 雖 人之形。 人矣則入而與之俱不易其形不易其情因以爲波流因以爲弟靡時其得失達其 浩 救 教主皆苦矣哉而尙未濟也豈若大同之世太平之道人人無苦患不 或多方以開智或濃 索格 **於神聖仙** 氣剛 底 而 大萬級不變然當其難也心憾目怵情傷神苦肢解魄動蓋 佛 無 大刧源源無 無人之情身若枯 捨 待 下獄。 身救度之苦焉蓋 佛無待苦行出家摩 熏以禮樂文章或直捷以明心見性要皆小補無裨 以 救 也於是冒險以嘗之犯難以濟之故亂世之神 木。 有 心若死灰是避世之士 孔子 神聖 無所用其 仙佛故吾之言大同也非徒救 訶末無待其萬死征伐令諸聖皆優遊 周流 削 也滅絕之果 跡絕糧耶蘇 心非大道。 亦有萬難者焉。 勞神 無所 ĬŲΓ 网之凡 或設 大方橫 聖仙 聖仙 用 其 法以 也。 釘 民。 佛 佛。

凡此云云皆人道之苦而羽毛鱗介之苦狀不及論也然一覽生哀總諸苦之根源。

皆因九界而已九界者何

二曰級界 分貴賤淸濁也一曰國界 分疆土部落也

三日種界 分黃白棕黑也

四日形界 分男女也

五日家界 私父子夫婦兄弟之親也

六日業界 私農工商之產也。

七日亂界 有不平不通不同不公之法也

八日類界有人與鳥獸蟲魚之別也

九曰苦界 以苦生苦傳種無窮無盡不可思議

甚矣人之不幸也生茲九界投其網羅疾苦孔多旣現形於宇內欲奮飛而無何沈

八八

何以救苦知病卽藥破除其界解其纏縛超然飛度摩天戾淵雖浩然自在悠然至樂太 沈億萬年渺渺無量生如自繭之蠶撲火之娥彼去此來迴輪織梭俛視哀酸感不 去懷。

平大同長生永覺吾救苦之道卽在破除九界而已

第一日去國界 合大地也

第三日去種界 同人類也第二日去級界 平人民族也

第六日去產界 公生業也第五日去家界 為天民也

第四日去形界

保獨立也。

第七日去亂界 治太平也

第九日去苦界 至極樂也第八日去類界 愛衆生也

甲部 入世界觀樂苦 第六章 人所尊尚之苦

大同會

K O

乙部 去國界合大地

第一章 有國之害

所稱之中國四夷乃僅亞洲之一隅大地八十份之一耳夜郎不知漢而自以爲大中國 帝網 之時地國土以布化隔於山海限於舟車阻於人力滯於治化無由超至大同之域然且 **幷而成邦國積邦國吞幷而成一統大國凡此吞小爲大皆由無量戰爭而來塗炭無量** 則萬聖經營所無可如何者也夫自有人民而成家族積家族吞拌而成部落積部落 兵戈釜炭生民最不寧哉故屯難之生卽繼於乾坤旣定之後吁嗟危哉其險之在前此 之序大地由隔塞而開闢之理天道人事之自然者也雖有至聖經綸亦不過因其所生 人民 而至然後成今日大地之國勢此皆數千年來萬國已然之事人民由分散而合聚 重重層累無盡古者以所見聞之中國四夷爲大地盡於此矣今者地圓 易曰天造草昧宜建侯而不寧蓋草昧之世諸國並立則强弱相幷大小相爭日 盡 出。 而嚮

去國界合大地

第一章

有國之害

之大· 戰之禍! 盡則 爾二 千 之禍 有 止 輒 也。 息 百 萬 以爲 國 萬 或以 也。 小無盡則合并國土亦無盡窮極合并至於星團星雲星氣更無盡也合并 以 七千里 土 毒 吾瞑思盡 而 而 戰 笑 吾不 大國 己然國旣立國義遂生人人自私其 生 柄。 若· 爭。 民 芝小 生靈塗炭亦無盡 、 者 合 知 吞 大 也卽吾大地 小或以强國 去諸星諸天之爭而未能 球。 地旣通合爲 大地數千 不等於微塵乎。 ·年計之途 | 削弱。 大同吾之仁能 也今火星人類國土之相爭其流 一國豈不爲大之止觀哉而諸星旣通之後其 或 連諸 而 非 不 也則 可 大國 夜郎之自 數不 及大地矣其能 **、國而攻奪人之國不至盡奪人之國** 亦惟 斻 已然 可 就吾所 大乎然 識。 因相持之故累千 生之 救諸 则 合國亦 血數千 大地。 星乎然 終 丽 ·百年其戰 ·萬里死· 思少弭 则 無 戰 葢 國 哂 爭 也。 其 終 人 國 视 而 土 數 無 爭 無

或撫 死 母 腹中。 吾曾 之數日而殤死或數月數年十餘年而殤死其數月數歲十數歲之中子疾病之畫 前 觀 母子 生子 同 矣其母之將生也艱難痛苦或呼號數 死。 或子足 先 出 而 子 死。 或 以樂强 下之而子 養夜 流未已也。 出 亦 死∘ 或剪臍 及其 生也。 誤 而

艱苦而後幸得一人之長大也 夜呼號頁抱拍摩不得睡眠或累數月而未已也飢而分食寒而分衣幾經提攜顧育之

當無 鬱而 率土地而食人肉謂之民賊而已師丹叉其小矣若白起之坑趙卒四十五萬項羽之坑 並炸城屋半坍尸骸蔽地或猶持槍窺發而後股中彈死矣其婦女奔走流離或屋塌烟 體傷臥而餓疫繼死觀近者德焚法師丹之影畫草樹粘天山河雄鬱而火烟觸野船樓 國爭之慘酷 秦新安降卒二十四萬史文一語讀者忘形若將其坑降之迹演以雜劇累一月描寫之 刳腸斷頭血濺原野肢挂林木或投河相壓或全城被焚或伏尸徧地而犬狐嗥嚙或半 人不 全家盡矣雖悍夫强人覩之猶當垂涕況夫仁人其安能忍夫法民亦人也孟子曰。 及 有國則爭地爭城而調民爲兵也一戰而死者千萬稍遇矢石鋒鏑槍炮毒烟。 **惻動其心哀矜涕泗目不忍視耳不忍聞矣夫以父母生育撫養之艱難** 洞 毒 如此嗚呼以自私相爭之故而殃民至此豈非日有國之故哉 如 卽

杜少陵詩日車轔轔馬蕭蕭行人弓箭各在腰爺娘妻子走相送哭聲直上干雲霄

入四

蓋 兵役之苦生死所關人道所同 無間中外古今焉。

多則 吞而 慘。 百餘 國 第 而 唐宋之土司也土司之始如今亞齊諸酋溪澗 而 能 可 同。 大實勢之無如 并吞亦復同之蓋亦秦至漢時羅馬乃混 地 國。 容萬國其國土之纖小可以推矣蓋初人之始才智有限山川阻隔卽難相 後 以今日非 此可爲進化之定理矣印度波斯之先亦莫不皆然蓋當太古줠長土司之世及中 勢 婦 令 天 運 至 以 爲 人願嫁之再進則如唐宋演黔之土司日月攻爭不可紀極三代之封建諸侯 戰 大 中國之故考之部落相爭之始其民未經敎化人如野 鬼主都大鬼主 國 人事之不能不 時僅餘七國。 洲之黑蠻臺灣之生番 何者也 至商湯時得三千國至武王時得千 一禹會塗· 然也埃及希臘敍里亞 而 卒混 Що 一於秦蓋上下二千年間 · 執 玉 亞齊之巫 一全歐其分合之大勢幷一 稍隔。 來 國書稱 巴比倫之先其部落之蕃庶各立 無船渡之卽別立國無量 由 人 例之居室徧挂人頭 協和萬邦以北五 由萬 八百國至春秋時 定性如猛 國漸 之年限皆與 次合并 鬱。 省之 小 以 其 多為 爲 所 通。 土 (爭殺之 積漸 司 國。 次 幷 卽

古封建之風國土萬千其爭戰殺死之慘眞可以度量算數不可以思議測也

戮滅亡隨之夏商以前不盡可考但綜春秋二百四十二年間晉以聯邦伐他國者四十 則 土已成人民得藉國土以爲保護者考之旣有此疆爾界之限即有爭地爭城之戰而俘 人 衞鄭伐他國者八他國伐衞十五伐鄭十九吳陳伐他國八他國伐吳陳皆六蔡伐他國 十一聯邦來伐者三宋以聯邦伐人國者九聯邦伐之者亦九魯伐他國九他國來伐六 四合聯邦伐晉者十二楚以聯邦伐各國四十各聯邦伐楚者十一齊以聯邦伐人國二 在春 他國伐蔡六燕伐他國二越伐他國三幾三百戰其餘曹許莒邾滕薛及一切小國從 伐而被人滅者無歲不有及削邑圍邑者亦不計以上皆據春秋言之春秋無事不書 太古人類之間十數萬年其野蠻爭殺之慘今可遙揣而不可考今就文化已開國 **秋外者尙不可數計也故當春秋時文化已成而士夫卒伍歲死於兵膏塗原**

於戰國戰禍尤慘今但以秦兵言之惠文王七年公子卬破魏虜其將龍賈斬首 乙部 去阙界合大地 第一章 有國之害

後七年韓趙

岸 滿 其 軍 白 年。 年。 不 客卿胡! ,樛攻韓斬首四萬攻趙取二十餘縣首虜九萬秦始十三年桓此擊趙平陽斬首十萬 門斬首萬十三年擊楚於丹陽斬首八萬秦武王四年拔韓宜陽斬首六萬昭襄王六 及萬者不計其末王剪之用兵六十萬李信之用兵二十萬以破六國者亦不計 他 起破趙抗趙卒四十五萬四十九年王齕攻晉斬首六千流死於河二萬五十一年將 紙 司馬錯滅蜀庶 斬首 伐 一十數萬。 毋傷破魏芒卯斬首十五 五。 代韓趙· .或坑數十萬之文試想父母生子之難而殺戮過於虫蟻不忍卒讀若 長魚伐楚斬首二萬十四年白起攻韓魏於伊闕斬首二十四萬二十 魏燕齊帥匈奴共攻秦秦使庶長疾與戰斬首八萬三千十一年敗韓 十八伐楚九伐齊伐燕三伐蜀三虜義渠滅之其他 萬四十三年白起攻韓拔九城斬首 滅 五萬四十七年 國 取城首虜 但著

此 魏伐趙四十八魏伐韓四十一魏伐秦楚宋鄭中山各二伐翟燕齊各一而滅中山齊 但 就 秦 國言之耳計 戰 國時楚滅越蔡杞莒魯救鄭伐鄭二攻魯三伐燕 齊案各

耳。

以德 。

法之戰。

有影畫以拓觀

之豈可言哉是遵

何故。

有國界之故思幷吞

他國

之故

擊秦二而秦又與韓趙魏燕五國之師擊齊又秦韓魏齊四國之師擊楚其他韓趙魏三 魏 子大一統之言爲定於一之說誠深鑒於有國之禍慘殺無窮也 其時戰禍徧地故仁人深惡而痛絕之孟子謂爲率土地而食人肉諡曰民賊故原本孔 國伐楚韓魏楚三國救趙秦魏合兵擊楚秦楚合擊齊齊趙合伐魏皆以傾國之師爲之 各三而滅鄭再伐宋一救魯其聯邦之師尤盛韓趙燕楚五國之師伐秦二齊魏韓三國 相伐九齊伐魯燕各三趙一莒一趙伐齊衞二燕一燕伐齊趙一韓伐魏入伐秦齊鄭

安寧率得數百年人民得父子夫婦白首相保者比之戰國首虜之禍其相去豈不遠哉 子大一統之義得保民息兵之宜者也自是以後中國一統雖累朝之末猶有爭亂 咸陽計秦徙天下豪富十二萬家於咸陽及秦故民必有數十萬戶是屠數百萬人也其 及楚漢復爭項羽以兵四十萬劉邦以兵二十萬滅秦項羽阬秦新安降卒二十萬又屠 天下初定又復立國是樹兵也而求其寧息豈不難哉乃定罷封建而立郡縣此實因 始皇既平六國議者將行封建李斯持不可始皇乃曰天下苦戰關不休以有侯王

去國界合大地

第一章

大 八八八

餘萬 他 劉 人 邦 入 所 雎 過。 水水為不 亦 輙 屠城。 - 流其慘毒| 劉 邦 亦以諸侯兵五 更過 於戰國今視劉項二人之爭 十六 萬伐 項 郊。 爲 羽 败。 十餘 如兩犬狺狺眞屠伯 萬 人 入 泗 水。

民 新安之阬咸陽之屠試 賊 哉。 劉 邦曰。 天下洶 洶。 父子夫婦 想 像其 **隳阬就戮之時痛可言战故爭國者非有屠伯民** 不相保者皆爲吾兩人然則有 國 有 君 之禍 叫 知 賊

如 張獻忠李自 |成者必不| ·忍爲 也。

西 漢之末光武破王尋王邑兵百萬伏尸百餘里赤眉破長安肆意殺掠縱燒宮室 八相食! 再遷長安等

路燒洛陽宮室 無 **《人三輔 入家二百** 城郭皆空白骨蔽野及董卓之亂 里 一內蕩盡旣一 而 李催 郭氾 樊稠 張 濟 (徙居) 柏 攻。 民數百 百 官士 卒。 死 積

萬

長

安

無

數。 長安城 空四 十餘日二三年間 網 中 無人迹袁紹破公孫 瓊殺死 十萬。 袁 曹官 渡之

者 戰。 大 阮 半。 可 劉 殺 備 勝紀三國時魏伐吳五嘗兩親征大破吳於江陵至王濬而滅之四伐蜀而 爲 孫策 陸遜 败。 破豫章旬晞斬首溺死數萬孫曹赤壁之戰曹操軍八 七 4-萬 兵幾盡。 自餘黃· 巾 數 百 萬。 互 相 屠 戮及 諸 雄 Ħ. + 爭。 萬。 敗走 屠 城 死 破 師

乙部 去阈界合大地 第一 章 有國之害

擊 蜀 魏 廬 雍 一分裂之禍。 伐 江。 州。 伐新 魏。 圍 狄道 諸 葛 城 敗之徐唐襲晉江 洮 則 敗街亭 西 洲陽。 圍凍 此。 吳一敗蜀九伐 倉。 夏汝南總三 斬 王雙拔武都陰平 魏圍江 國五 夏大 十年中三十大戰皆傾國數 、敗曹休於石 圍 祈 Що 戰 鹵 亭三攻 城。 斬 張 敗魏於合肥。 卻。 姜 +

如

及鄴。 殺 巴 曜 地。 生 而 蜀。 無 兵爭之慘 攻 則 石 勒 斬陳 數。 趙 四 陷廩丘黎平幷州凌儀 六國時。 寇 叉陷 攻 河 这長安學 が維持 安平 南。 劇 取 幽糞并三州又寇譙 涼州。 雖 漢 坂。 司 如 石勒 兩 此。 大破之於洛 豫兗徐寇晉 爲索淋 李雄 生民當 入鄴。 兩 破成 所敗。 其 幽州雖兩爲荀晞王浚所破而旋殺荀晞陷洛陽執懷 破 陽。 兗 汝 時。 南。 何 虜 都陷涪而自立。 拔 寇 而 **魏及頓邱**: 劉 東 石 卒 小山殺徐龕 聰 聰沒晉壽春襄 陷 不 幸 北 顺 滅趙石 也。 地 馮 攻 拓 翌。 寇彭城下 鉅 虎盡取秦隴地皆懷愍時 拔猗廬破劉曜敗宇文 陷長安執愍帝 鹿 陽陶 常 山徐 ·邳陷青 保破之 **兗豫** 趙擊敗張 屠殺 州 冀 東 河 莞 無 内 數。 氏 襄 東 駿。 而 海許 叉 陽。 取 取 平 據 氏 潦。 昌。 帝。 河 襄 屠 劉 南 羗 國

逡 彭 陳 拔 没。 與 中 LUO 姚 伐 城 匈 郡 還 Ш٥ 秦降 破 涼 拔 魏 嗣 奴 洛 而 秦襄 降 而 劉 陽。 鄴 邽。 後 興。 寇兗 三輔。 褚裒 之。 衞 及 慕 自 圍 立 襄 陽 再 容 辰 皝 己 國。 伐 敗 國。 河。 兩 州 筑 戦秦王 乞伏 遂 趙。 南 陽 陷 而 克 攻 凉。 魏 敗還。 滅 遼 淮 洛。 司 國仁叛 殺其 興 陰。 後 馬 東。 而 Ŀ 寇 猛 趙慕容恪擊段龕 苻 勛 又 桓 竟陵是: 敗石 鄴。 主。 取燕 庸 溫 健 拔 秦亦 叉 斬 趙 新 敗 洛陽。 爲 艺。 宛 虎燕 城。 姚 北涼所 時 拔濤 據 取 襄。 城。 秦隴。 苻 擎張 河 人晉陽圍鄴 謝 趙 堅以 合兵滅 南 春。 尙 克許 攻。 擊 進 圍 乃 平。 鮮卑三 自立 與 兵九 廣 鄴 爲 夏 國定 取 燕 昌。 段 益 滅燕。 累 + 攻 爲 氏。 大 部。 萬 秦燕 齊地。 戰。 州。 敗 張 燕 是時 叉滅代 而 南 於 遇 趙 而 爲 叛 下。 敗荷 姚襄 一般浩。 枋 相 秦自 秦呂 夏 爲謝 頭。 大 滅。 一據許 取晉南陽 秦寇 羨。 戰。 敗 姚 立 光 玄 而 於 趙 莨 爲 破 姚 桓 荆 陷 昌。 兩 攻 神 西 四 桓 州。 襄 攻 河 襄陽。 新 秦既 域。 所 溫 南 燕 凉。 桓 討之入 還 許 平。 破。 豁 拔 而 圍 攻盱 全 則 昌 而 趙 攻 大 敗 秦 軍 宛 蘇 无. 汝 敗 將 於 胎 洛。 敗。 矡 燕。 代。 南 城

取

長

安

而

自

慕

容

垂 圍

拔

蘇

而

自立

爲

後

燕。

慕

容

冲

起

平

陽。

入

長

安

而

稱

西

燕。

苻

立。

四

燕

敗

死苻登三爲後

秦所

敗爲姚與所殺苻崇立又

敗而

後爲秦所

滅。蓋

滅秦。 州。 慕容垂定河 **愈**少國愈多則戰禍愈多故兩者相較與其受壓於一統專制之君勝受戰禍 之才平定北 滅。 河 爭之慘也後 於蜀爲朱齡石所滅夏赫連勃勃克安定破後秦援晉杏城上邽長安與秦魏互攻旣而 入 教之破 襲魏 北 東。 圍中山慕容寶奔薊又奔龍城拔高麗二城而馮氏代之四攻於魏而爲魏滅慕容德 涼 九年爲後燕所滅若三凉互爭段業禿髮傉檁各攻凉 义 而敗之據滑臺而稱帝克靑兗取廣固都之未幾爲劉裕大兵所破滅慕容冲據 、攻南 取幷 吐谷渾所亡劉裕 河 北破 秦取晉湖陝洛陽滅西秦大破涼攻魏伐南涼及夏皆敗旣 方人民得少蘇息及苻堅敗後四分五 上魏蓋復起 :涼攻秦爲秦敗襲燕不 州。 拔常 西燕 而滅之破秦姚與擊魏爲魏所敗已而克平城魏 山定鄴破高車狗許昌至彭城又襲燕而滅之自晉不能統 於苻堅敗後破柔然衞辰 大舉兵滅南燕伐秦克洛陽入潼關得長安滅後秦姚別 一克李氏稱 西凉北凉滅之而自滅 裂則 諸 部大敗燕: 戰禍又亟矣故國愈 而 取其 於參合陂 四郡。 於 Mj 大舉伐之陷 丽 魏譙 凉 爲 以 劉裕 於多國 爲 少則 步 縱 後 秦所 一字 騎 所 戦禍 四

也。 内。 分國多則兵慘愈甚分國少則兵禍稍紓觀於十六國與三國之別而知之矣 懷 一、愍至 共 分國 此。 百年 太 多。 之間而 過 於五 一代及三 爭 亂如 國。 麻。 死人如草: 國 祚 太 短。 中國數千年之兵禍 亂 世又長亦過 於五 未有若斯之慘 代及三國時 也。 劇

滑 夏四 相持三十八年大戰凡十而齊滅若斛律金韋孝寬皆大戰于僅之破江陵俘虜百 東 臺檀道 十年中二十 깱 几 魏 大 然 大 及 洛 戦梁 于— 戦 南 相 北朝 濟 持 而滅之與北燕三戰而滅之與吐谷渾四戰勅勅二戰高車一戰而盡乎 人 戦。 、魏三十 再伐魏 盡 十七年而十大戰若玉 其一 時。 一沒侯景之攻梁臺城 Jī. 魏南攻東陽 **戰若佛貍之至瓜步臧質之守盱眙皆非常之大戰慘劇** 大 而敗之楊難當陷漢 年間一 戦則 死 十五 取金埔 者三十 百萬 戰而 屋邙山之役各以數十萬之師大敗沒矣若爾朱榮 萬 司豫宋劉彦之伐魏取河南魏復 人盡 韋 中蕭思話破而復之柳元景破魏入潼關。 人矣又宋魏與楊難當三戰齊 獻之大破魏則全軍數 餓援兵百萬皆敗皆! 極慘之兵禍 + 萬 魏二十 渡河 皆 也魏與 没 取 也。 虎牢攻 四 淮 齊周 年 来 水 西 北 域。 魏 凉

蜂鏑 陵 擒 爲 於 而 空矣陳與後梁三十四年凡四戰陳齊凡五 内 戰 年亦可畏矣。 地尙少安不若十六國及五代十國之酷也嗚呼晉一失統而分裂戰爭之禍 而 亡。 大約· 南 北 朝之相 持。 有類三 國。 二戰陳周1 久而 國少故: 凡五 戰而吳明徹 其 兵禍 雖烈邊民 軍 十 餘 日 萬

於三百

入三大舉 幾 破 藩鎭實等列國其視今日各直省民得安枕抱孫長子飽食遊嬉者其苦樂豈 攻 漢既 墟。 河 北。 唐 卽 唐 再 舉而 而周 五. 失統力安史之亂人民塗炭於是河北三鎭日尋於兵衍及天下垂於百 大 末僖昭之間三十年藩鎭爭立遂爲列國歲月互攻暴骨如莽凡數千百戰 代五 舉 而 立。 滅 大 滅晉中原塗炭矣劉知遠自立於晉陽走契丹郭威克河中破契丹凡五 十年間。 破而 與 唐遂割燕雲晉既自立楊光遠以契丹入寇敗之符彦卿又大破契丹。 北 北漢三大戰 滅之叉滅蜀三敗契丹旣而蜀孟 梁與唐 而 大戰者五攻岐擊趙襲晉者紛 周 大破漢於高平世宗又取蜀伐唐十 知祥 自立。 如。 **累**製 唐日事 石敬 攻梁克 州 塘以 而 服之兩大 可 契丹 此 年。 幽 名雖 中國 拔 德 大 師

乙部

去國界合大地

第一章

有 國之害

破

年兵禍之久且慘蓋鮮如有五季者也。

契丹而十國之互爭與宋之平各國未及詳焉生民水火天下死者戶口過大半數千

當煎 有平 隋破突厥都藍而三入寇會圍煬帝於雁門一月唐時凡七八寇李靖統諸軍破之斥**地** 閩粵越其大略也雖爲中國斥地有百世之功而兵殺則慘矣後漢破匈奴者十四至竇 甌豐以十二將破 河南得右賢王又以十六將出定襄斬萬餘昭帝時田廣明以十六萬騎獲烏孫王 衞青各將五萬攻匈奴而匈奴以八萬降李陵又八萬圍趙破奴衞青以四將擊匈奴取 尤劇自王恢以三十萬兵邀匈奴於馬邑霍去病大戰二破焉支月氐祁連降渾邪王。 意降其二十萬 城馬邑代之戰文帝有蕭關雲中上郡之戰景帝有雁門上郡之戰至於漢 若夫外邦媾兵之禍則自商周之獯鬻玁狁已有戰禍而漢之匈奴兵爭爲烈高祖 羗 沈 氏 武陵象林蠻其戰禍 :衆遂滅匈奴破高勾驪鳥桓鮮卓焉耆三平定迷唐羗! 匈奴其餘破樓欄車師大宛烏丸各二斬郅支平定氐羗先零朝鮮甌 亦 不 少矣南北朝内爭寡有及遠柔然之戰已詳 鍾羗罕羗 た焼當羗 武。 一莽時 戦禍 與

平之回鶻 高 忠嗣 倉而 軍亦多死亡至李世勣拔十七城乃平之若侯君集滅高昌李勣破延陀郭孝洛破焉耆。 復河 蘇定方劉仁願兩伐降百濟鄭仁東破鐵勒於天山劉仁軌破新羅蓋嘉運再破突騎 **麗大敗還後** 大漠張寶相空漠南义兩擊車鼻可汗擒之至裴仁儉乃平西突厥亦兩入王方翼乃 汙骨啜懷義再討默啜楊思勗平安南吐藩二十五次入寇中間唐休璟六戰薛訥王 知節蘇定方再伐沙鉢羅契丹兩入寇張守珪大破之祿山兩敗又攀之高仙芝擊大 敗王元策襲天竺執其王梁建方大破處月朱耶薛延陀一入寇李靖再破而降之。 E jų. 取維 降北庭沙陀韋皋三伐之大破於雅州維州降牛僧孺歸患但謀則屠之其後克 君奧崔希逸皆大破之其後陷七軍三城入長安李晟三破之又陷石保土銀鳞 :破突厥盡得其地凡三入寇而張仲武亦三破之隋煬帝三徵天下**兵百萬伐** 州吐蕃與唐俱盛衰南詔陷雲南安嘉黎雅州攻成都鮮于仲通十餘萬人。 再舉百二十萬兵死亡略盡太宗四以數十萬兵征之任雅相率三十五 施

-1-六大戰而曹彬岐溝之敗數 十萬 人皆沒太宗 幽 州之敗。 亦 數 十

邑盡 宋 叉 队 蜀 於 江 破 [n] 以 涇 苻 淮 坝 中 鶻c 口 離 原鞏 以 百 西京 諸 飛 全 兩 韓侂胄 北。 -}-郡。 萬 陷 再 伐 追 焚 趙葵趙 兵南 **这**入 取 洮 夏。 大掠諸州已而圍燕京拔河北河東取遼西克潼關分兵滅夏及高麗暨西城 遼 大 北 金之 主 河 入 八臨安爭 戰 胸。 潼 京。 伐 下。 於 關張俊 李寶 起而 徧 雲 范 金 死 金 义陷之吳璘 亡 陷 **兵潰於汴蒙古陷荆蜀孟珙敗之蒙古四大舉伐宋襄** 410 而 劉錡處 於國 無 破 滅 州 河 大敗於富 北。至 郡皆 數 遼。 夏 入 遼 干 東 四年 之 淮 文 金 mi 陷。 入大破之金 劉錡 来 金復 救 北。 十 間。 亡。 न्ह 兀 六 師。 吳玠 遂 大敗 术 戰 數 网 屠戮之慘不 大敗 滅 道 而 娴 復 遼。 於 入 滅 Wi 大 趙。 敗金 三兵禍. 攻 金。 舉 遼。 混 方孟宗政扈 海 若 同。 兀朮乂南陷。 南 可 旣 再 州。 於 伐 金 慘急 取黄 思議。 張子 宋陷 W 和 陷 尙 《龍及東京》 原宋諸將 宋都。 盖 矣及元之滅 遼之伐高 淮 場派中 魏將 再興。 泗 停二帝 及 李 又 南 全數 敗 之。 大敗 繼 復 京 麗 金 破 兩 河 臨 搜 敗之蒙し 也。 之。 叉 南。 括 大 樊大戰累 安 上 京 破 鐵 破 張 明 子 而 木眞 金 大 敗。 俊 劉 越。 女。 京。 復陷 大 麟。 躪 14 伐 始 车。 敗 金 都 陷

敗沒於是而 南黎利 海朵 擴 西平堡大凌河旅順廣寧大戰入上方堡宣府下朝鮮入畿南山東大戰松山蘇州屠揚 特而英宗敗於土木而見獲也先犯京及寧夏王驥一。 州嘉定粤城乃定中國焉 十三年既 廓 顏 李思齊之內 自立毛伯溫 犯塞二察克圖錫林阿蘇巴爾噶綽哈土 成祖亦親征焉又親征阿魯台二鳥梁海一朱勇又擊鳥梁海嘗大破衞 西圍汴蔡而滅金屠戮無數兵禍之烈又過於金遼時矣明之逐蒙 爭。 再討之而諸軍盡沒若清朝之起滅科爾 舉而 以三十萬 兵滅之然大戰尙 一默特伊勒敏達春皆 擊思機發奄達內犯五。 ----四與韃靼· 沁等 四十 大戰者六 內 犯而 餘 國 而 張 土魯番青 邱 古。 輔 入 關。 滅 自 安 拉 乘

春 至 國。 陷 初 秋 其 गि॰ 爲 泰 。都竭其食而馬基頓王取希臘埃及波斯及亞細亞各國戰禍 一个不詳及惟波斯大流耳以海 西 額 兵禍 利 伊 貝羅 尤 劇自埃及巴比倫 及 卡 魯達鄂博哀尼兩大戰大破馬基頓及西 西里亞啡尼基希臘各國相爭互 陸軍數十萬攻希臘爲希所敗 里亞既 攻時 慘烈若羅馬之立 而 斯巴 戰時 而 〕達屢攻之。 滅馬 和。 基頓 與

乙部

將蘇

且滅

邦都

反阿

於是平 及 魯 拉破之盡復各地 一定各國 達 劉。 焚 奴其 博 哀 人 尼 民時 數百 年 黑海之邦 强霸繁盛之大 都 年尼亞於是服猶太破安息滅埃及。 國殘意 八都奴其· 大利 入八 入民。 萬。 與 虚服 項羽 《希臘各國子 之坑 焚 咸 而 陽 羅 無 馬 異焉。 大

九八

國。 南 爲 牙 大 波 牧。 破之陷其都幾滅 叉 西 四 斯突 Ħ 國。 渡 波 德。 歐 刨 斯 耳 曼種 成 自 厥 洲。 破 俄 服 君 嚈 大亂夫羅馬 羅 脫 噠 士 人 斯之起。 避而 交 拉 但丁。 之而 喀。 爭。 與希 互相疲弊而 於是與羅馬 南侵於是四 全軍潰亡凡數百 滅 立國七百 伊倫 臘 大 戰。 米 分 年。 而 顚 並 摩 诗累戰 Ħ. 訶 國內安寧皆一 滅 阿 於馬 裂。 末 卑尼亚高 起滅 |國爭 在。 和 基 干 惨酷。 戦 頓當 四 年。 里 無 加 一亞埃及· 巴。 索利 統之故及其 東漢 有 **)**及羅馬 如 五 時 典 東滅 巴比 胡 復 亂 地 耐。 解紐。 波 華。 克 魯 與 斯 里生帝 羅 尼安息 亦 同 蒙古之富 印 盟 時 度。 並 時分羅 焉。 四 大。 大 滅 羅 (夏八大 其 思 馬 後 内 羅 馬

爭之大禍英嘗 F H 曼 旣 南立 膨法 帝 王。 國。 再大殲法學 與教 王互. 一爭諸侯爭 得疆 大 华。 亦為法勝 權。 日 尋征伐。 ൬ 後 復之時蒙古縣興滅 英法 並競於是古 有 回 百 鶻 年 遼

意志。 意志波 夏及 亞細 兄先定察哈台國時俄破欽察帖· 臘。 波 **仮蘭服尅倫**2 减侵匈牙利· 亞滅 金以兵滅波斯焚其都城死者百萬北攻俄各屬入匈牙利而焚之破波蘭 4 蘭 俄 俄羅 羅 四爾皮亞大國及不里阿利亞國阿巴尼保司國大破各國聯軍幷馬基 陷意 斯而建欽察又破印 大破德法 斯脫發之聯軍。 大利之惡脫朗拖盡屠其民其慘甚 十餘萬之聯 恣其焚掠滅北印度破突厥而虜其帝突厥避蒙古入小 度北 木兒乃攻陷俄 軍後與帖力 部及小亞細亞埃及俱藍馬八等國其 木兒大戰被虜破君士但丁 木斯寇都又以兵四 矣。 一十萬滅 滅 東羅馬割 欽 裔 而窺 察。 孫 破 頓 帖 希 德 木

略 大敗 軍。 大 戰 陷 各國意以分爲五國之故德法西班牙及教王共爭之凡兩入意五動聯軍爲二十 於波斯。 俄 羅 之再 馬 其 都。 後 與服 抄 四 而破 掠殺虜。 班 匈 牙與法爭 喀利尼及諾 牙 無所 利。 殺其王路易叉圍維也納西班牙王加羅率全歐聯軍破之 不 雄。 西王加羅。 至。 弗哥羅滅欽察幷利脫 义伐突尼斯時 **廣法王而** 突厥 割其 發而 驟 强? 地。 又大破 勝瑞 服 西 里亞埃及 典破封建而 法英意及教皇之聯 巴勒 變兵制侵 七登雖 年

去战界合大地

年 章

可國之法

厥波 聯軍 亦叛 曼死 亦百 與葡 厥 後攻奥法又聯突厥與加羅戰 人千八 戦拒 大 大敗法瑞典之興也大破丹麥俄羅斯及波蘭其後俄大彼得破瑞典又破波斯突 西班牙自立大破西軍先是法攻荷英人助荷兩破法又大破西奧突厥英又與德 略 南洋印度闢南北美洲 归 百萬。 而獨立於是爲三十年新舊教 人口大耗都邑零落土地荒蕪。 大戰法人大殲突厥於是德荷 而加羅聯英敵之相拒累年又與日耳曼各國大 爭西法英德迭爲 荷瑞因此自立。 百戰死人數千萬 各邦 英法合拒西 漸圖自立葡萄牙 班 矛。 但 荷蘭 戦。 又 日 耳

萬人 雖 乃止然歐人死五百萬故夫亞歷山大嬴政摩訶末成吉斯拿破崙者皆古今命 海 里覆巴泰亚 蘭近百餘年奧女王結俄法英與普非特力大戰號七年之役而普遂 攻俄死者三十萬各國皆反擊法軍而復立其後殲法軍於滑鐵盧而 軍爲英將鼐 及 拿破崙起三年間破意 非。 利孫所破る 滅 西 班牙葡萄牙與英大戰大破奧而 义與英奧俄突柰波里五聯軍戰及爲帝破 大利。 并倫巴國侵奧而再破之虜敎王平埃及 割其 人地且併荷曹 蘭後以五· 奥俄 流拿 强。 之聯 攻 **子破崙兵** 四 世之 里亞。 十 軍 Ā. 取

而殺人如麻實莫大之民賊也

萬人大破意德兵八十五萬破法兵三十二萬於師丹焚其全城圍巴黎百日俄復攻突 年而後成其後奧普聯擊丹麥大破之普奧各以三十萬人大戰曹大破奧而奧又以入 大戰三年統歐洲自羅馬以還大戰八百餘小戰勿論其膏塗原野慘狀何可言 近年俄大舉攻突英法大戰俄而救之意各國內攻逡圖統一聯法破奧戰禍十一 耶。

立互攻而回敎得全破滅之所過屠戮殺人無算焚毀寺廟城邑不可紀極帖木兒復入 正統一之敗割於馬基頓王至漢時巴迦膩王統一之皆經無量大戰而後定各國復分 死人二千萬卒爲英有其戰禍至烈矣 各立凡二百餘國自相剪伐遂爲英滅印人二十六萬兵一夜起而盡屠英人血戰兩年 陷北印度復拒於印人而五世孫婆伯兒復滅全印及近世英德交爭之印人背蒙古而 印度自上古日王月王相爭千載戰雲已慘其後日王併吞爲一後復分立而阿育

凡此皆就文明之國言之兵禍之慘劇已如此矣若夫非州無來由諸蠻南北美諸 第一章 有國之害

國競 上 ||香無文字可考者其戰禍之劇更不待言觀亞齊之人見異族人卽殺之可以推 《爭勢必至 矣有

毒 若斯之甚者也愈文明則戰禍愈烈蓋古之爭殺以刃一人僅殺一人今之爭殺以火以 所 以 陿 傸 隆殘忍之論。 養 故師丹數十萬人可一夕而全焚嗚呼噫嘻痛哉慘哉國界之立也 作 注識見議論皆爲國所限以爭地殺人爲合大義以滅國屠人爲有大功勒鼎 中 第二章 兵縻費無量驅人民以爲兵失業無量雖有仁人義士不得不。 史。 於人性根種相傳展轉而己故其爭殺之亦無己世界人類終不能遠猛獸强盜之 夫以有國對立兵爭之慘如此人民之塗炭如彼此其最彰明較著矣若夫蝎 大號於天下後世以自誇炫不知其爲屠伯民賊也養成爭心養成私心於是褊 視爲宜然實 一此故夫有國者人道團體之始必不得已而於生人之害未有宏巨碩大 欲去國害必自弭兵破國界始 如 **羣犬之相摶猛獸之相噬强盜之琡掠耳** 各私其國故 積成爲義。 刻碑鑄 其 則 心志 其 民 力

道也而古今人恆言皆曰天下國家若人道不可少者此大謬也今將欲救生民之慘禍 舉行近者弭兵之會日盛其餘各國凡訂和約者皆本自弭兵之義然而國界未除强弱 心是則有國乎而欲人性止於至善人道至於太平其道相反猶欲南轅而北其轍也古。 弭兵者非去國不可是故國者在亂世爲不得已而自保之術在平世爲最爭殺大害之 之仁人哀之亦多爲弭兵之論蓋自宋子罕晉趙武楚屈建己創行之而希臘各國亦常 大小相錯而欲謀弭兵是令虎狼食齋茹素也必不可得矣故欲安民者非弭兵不可欲 心敝舌以圖之者除破國界外更無救民之義矣 致太平之樂利求大同之公益其必先自破國界去國義始矣此仁人君子所當日夜焦

也然則雖有仁人欲弭兵而人民安樂欲驟去國而天下爲公必不可得之數也 法所可抑非虛義所能動也其强大國之侵吞小邦弱肉强食勢之自然非公理所能及 雖然國者人民團體之最高級也自天帝外其上無有法律制之也各圖私益非公

則欲弭兵而 乙部 去 界台大地 去國天下爲一大地大同豈非仁人結想之虛願哉然觀今之勢雖 第二章 欲去國害必自弭兵破國界始

國義

能 去。 **兵爭不能遽弭而以公理言之人心觀之大勢所趨將來所** 至。 有 必訖

於

與回教 馬 舜 并 耳。 吞 凡二千年馬代滅千餘國而爲波斯印度之先佛時亦千餘國阿育王乃一統之色膩 大同而後已者但需以年歲行以曲折耳孔子之太平世佛之蓮花世界列子之甔羝山 達爾文之鳥託邦實境而非空想焉。 時 緬 於王 潚 若 **|吞弱小之滅亡亦適以爲大同之先驅耳而德美以聯邦立國尤爲合國之妙術令諸** 甸日幷高 爲 統 埃及之屬英 **國界自分而合乃大同之先驅** 萬 權德二十五 歐 再一統之及英繼統之希臘十二國歷二千年而: 非之衆國若夫歐洲封建千年德候三十萬法十一萬 國主湯三千國武王一千八百國春秋則二百餘國戰國爲 麗琉球近者非洲皆瓜分矣其小國存者暹羅阿富汗皆以甌 摩洛哥之隸於法已不能久矣蓋分幷之勢乃淘汰之自 聯邦义合爲一意以十一國合爲一俄奄 夫國界進化自分而合乃勢之自然故自黃帝堯 統一 亞北法取安南 於馬基頓义統於羅 奥英各一萬餘 七國。 然 秦則一統矣。 脱為 其 突尼斯英 强 近 緩衝 大之 馬羅 併

弱 小忘共亡滅他日美收美洲德收諸歐其在此乎此尤 漸致 大同之軌 道

也。

自各私 於大同 爲大同之先聲也若立憲君主旣已無權亦與民主等耳他日君銜亦必徐徐盡廢而歸 之大革命繼起而各國隨之於是立憲徧行共和大盛均產說出工黨日興夫國 合乎人心大勢既倡人望趨之如流水之就下故民權之起憲法之與合羣均產之說皆 民 耳。 而難合若但爲民權則聯合亦易蓋民但自求利益則仁人倡 權自下而上爲大同之先驅 民權進化自下而上理之自然也故美國旣立法 大同之樂利。 有君權。 自能

聯邦自行 次第以赴蓋有必至大同之一日焉夫聯合邦國之體有三有各國平等聯盟之體有各 於公政府之體 合國有三體 內治而大政統一於大政府之體有削除邦國之號域各建自立州郡而統 凡此三體皆因時勢之自然以為推遷而不能 **今欲至大同先自弭兵會倡之次以聯盟國緯之繼以公議會導之** 一時强合者 心

乙部 去闽界合大地 第二章 欲去国害必自所兵破國界始

各國平等聯盟者如春秋之晉楚權力相等訂盟弭

兵而諸

各國平等聯盟之體

是也。 萬國弭兵之會是也凡此聯盟之約主權旣各在其國旣各有其私利並無一强有力 制之忽尋忽寒今日弭兵而明日開釁最不可恃者也然既各國並立無一 小國從之岩希臘各國之盟近世歐洲維也納盟後諸約及俄法之同盟德奧意之同 其 政體 主權各在其國並無中央政府但遣使訂約以約章爲範圍即今者 大力者以 在荷 制 者 蘭 盟

治體不 人其餘 則 代之夏商周春秋之齊桓晉文今之德國是也普王與各聯邦王公平等與齊晉同然桓 之則謀弭各國之兵爭亦必自平等聯盟立公議會之制始矣此聯合之據亂 其餘海陸軍郵政鐵路皆歸德意志帝國統之則大政府極有權力但不及內治 文之霸權體未堅固若三代之與德則統一之體甚堅固矣但三代及德國皆有於 舉二人其餘十七國及自主市府各舉一人而普魯士相爲德意志大宰相遂有大權 聯 同而皆以强力爲之如德國聯邦治體雖並許各國舉議員而普魯士得占十七 邦受統治於公政府之體 大 國若湃認則舉六人薩遜滑敦堡則舉四人嘻順巴登則舉三人阿論卜公國 各聯邦自理內治而大政統一於大政府之體若三 世之制 耳聯合 帝 王雖

彈壓各國則亦類於德國聯邦之制矣但皆出於公舉無帝王耳此聯合之升平世之制 之後公議會積有權力則設公政府立各國之上雖不干預各國內治而有公兵公律以

也。

郡統於全地公政府由公民公舉議員及行政官以統之各地設小政府略如美瑞於是 國瑞士之制是也公政府旣立國界日除君名日去漸而大地合一諸國改爲州郡 去國而世界合一之體 削除邦國號域各建自主州郡而統一於公政府者若美 而

無邦國無帝王人人相親人人平等天下爲公是謂大同此聯合之太平世之制 也。

美國諸 州聯合之始而虬其亞州不允矣國俗不同利害殊科皆不願合況强大之國無

然聯邦之事欲於衆邦中設一中央政府以統之其事尤難觀

事迫之尤難聯合此國情難者一也

聯

邦合一有六難

其開戰講和 自其一千七百七十五年十三州皆與盟創成聯合政府是時內政聽其獨立自治 通 商諸 大事。 凡關於聯邦公共安利者皆聯合政府主之然聯合政府不能

此

亦 直 公政府之萬難開其難二也。 無 轄 國民 君 主。 也苟非迫於背英之情勢不得不合一者則聯邦難成觀 而 不能 聯 爲 大邦可 知也若今各國並立誰肯別開聯合之大政府以轄治之 今中美 諸 小 共和 國。

政府 蓋 拓 主 諸 地。 之時諸州尙多梗議難於施行其難三也。 國各具完全無限之權力斷不肯受人之範圍而國 且假聯合政府已成也而能使强大諸國受其範圍基址堅固人心不 商國利於獨 占利 權皆萬萬不肯受制於中央政府者如美國初立憲法聯合大 到勢私情点 各有利害 散其事 大國 利 於開 尤 難。

府之先大州小州爭論難定其難四也利 不 能 少 夫國之大小不同 屈 於 大 國。 則 選 大國既自恃其廣土衆民不肯 派 議員 之多寡受用 同弭 等兵 權 亦會 利之同否皆難 然爭 權 俯同於小國小國亦 律如美國創議 各自 主 聯 合政 自 立。

議人多論雜益難聽從而畫一 及議 員既定 而法例所草。 之如美國議院法例之初立各州多不 · 尙非 一二議員 允許 所能行。 又還 聽其 (各國立) 願從彌兒敦佛郎 法院所

克作報以十餘年之力極論聯合之義人心大感動尙待再歷兩年然後次第聯成然非 有拒英之故亦必不能成也諸州且然何况萬國其難五也

放奴一事南北美大動兵戈死人如麻苟非北美之得勝則分國久矣合州且然何況合 國其利害之各殊尤爲浩大其難六也。 又聯合政府能結合堅固行之數十年而各國苟有利害不同卽復決裂如美之以

瑞士僅二十二鄕其聯合至易至平非天下所可學卽如美者削去邦國而盡爲自主之 州郡爲聯合已成之太平世也不可以一蹴幾也蓋必先爲德國聯邦之勢而後可望如 美之漸削邦國也夫自冬寒徂夏暑者必經春之溫和乃能至焉自平原以至山巓必經 後可積漸至焉大勢所趨已見合同之運已至其始似甚難其終必漸至於大同 山麓之攀躋乃能登焉德之聯邦亦非能驟至故今者大勢必自聯合弭兵立公議 **关方今各國平等對立而欲驟期至美國瑞士之界固萬無可得之勢不待言也夫** 聯合之始萬國遠行聯合乎抑各爲小聯合而後大

第二章 **狄去國害必自弭兵破國界始** 聯邦自小聯合始小吞滅始

後全地 聯合乎則必自小聯合始矣小聯合之體其始兩三國力量同等利害同關之邦聯之其 勢相持相等無有一國能爲混一之勢卽强大如俄專制猛進而民義旣明數十年內不 國時之權在 大國成無數聯盟國之體以相持爲今者國事權在公民利害至明非若古者戰 君相也又不能以一二人之言議因一二人之利害而變易之也故均 不 力均

歐洲亞洲。 洲當美人自治之不許他洲人干預之是也假歐亞人衆國强或干預之則美洲各國本 夫政體既改民權則幷吞之勢自不能猛矣且昔者俄之攻突厥也始則英法二國為民主共和亦必成君主立憲之體矣二十年而俄立憲矣 皆共和必合爲一大聯邦設一公政府是成一半球合國之勢矣美洲旣合其勢莫强則 下之事乎同體同力之聯盟國旣成則亦有同洲同敎同種之聯盟繼之若美國之治美 合縱拒之後則英法德奧意五國合兵拒之俄卽不能得志豈復慮有秦吞六國 則亦如美例別自獨立或亦附從他國而爲聯邦矣夫以半球衆國之聯合其規模體 或亦爲聯洲法以抵禦之則大合縱成矣澳洲於時自立成國非强英所能 二統

乙部 去國界合大地 第二章 欲去國害必自弭兵破國界始

制。 行民黨平權必將大熾文明之國民愈智劣下之民種漸微自爾之後大勢所趨人心所 相 向。 其必赴 合乎故 與 大 百 地 年 今百 大同幾無異矣但尙有兩半球對待之體耳夫旣能半球相合亦 中弱小之必滅者瑞典丹麥荷蘭瑞士將合於德歐東諸小或合於俄 於全地大同天下太平者如水之赴壑莫可遏抑者矣 年 -之中諸弱-小國必盡夷滅諸君主專制體必盡掃除。 水 共和立 意 何難 於全球 亞洲之 必 ~將盡

年交通 之改民· 厥同爲回 度卽能 汗高 不能 起立。 主或不遠矣波斯突厥二國之守舊其亡其亡或難推測以回國守教之堅數百高麗暹羅埃及摩洛哥是也不二十年而高麗亡其班葡初合於法繼合於英班 而 教 保 改 少變則於 共 」則與波斯突厥合國最宜也然則亞洲之國惟中國與 國。 全 字不 而印度人才最多新學日盛雖爲英所制 和。 則 可知心。 國 後此百年之難全變可決也後此百年各國之强勢霸 勢亦 危或 或者以其同教 中 國 與 H 合乎印 本印度合乎南美各國別爲宗教治法未具 度而成 而英有內變或 中 並一 大國 日 本或存 平。 與 / 德戦 義。 前 乎。 度波 磅礴 面 敗印 斯突 而 迫

其不遠矣。 遽倡共和必爲歐人藉口所侵入然美人必力拒之此必爲大激爭乎南美爲人所侵必 合爲一國而都於巴西或合爲一大聯邦而統於北美也若中美五國近已有合幷之說

實不過爲弱小將幷於衆大之地以便合一爲大同之先驅耳將來僅餘數大之鼎峙然 以主持之也然近數十年來弭兵之說日倡雖霸國之義風潮盛涌然天運人心之所趨 也今雖不過各國遣使議事其主權仍在各國如美國十三州之初議未有公立之政府。 同。 交通日繁故郵政電線商標書版各國久已聯通特許專賣及博士學位之類皆各國合 數十年歐洲諸大國未嘗相見以兵爲此也其出於平和之公議以圖各自相保勢之必 數大鼎峙則兵力愈堅厚以相持力愈相持莫敢先簽蓋恐一旦敗失則國勢大危故近數大鼎峙則兵力愈堅厚以相持力愈相持莫敢先簽蓋恐一旦敗失則國勢大危故近 歐美先倡日本從之近於金錢貨幣各國亦日謀通用之法卽閉關之中國亦事事從 小弱之國波斯突厥暹羅亦日儗變而入萬國交通之會禮律幾於漸一弱小旣盡矣 俄弭兵會即開大同之基 俄羅斯帝之爲萬國平和會也爲大地萬國聯交之始

故凡兩國失和多請鄰邦公判至於是時立國日少鄰邦各有交誼未必盡公然而大地 足以啓釁然近者民權既盛咸畏兵戎非如君主專制好大喜功能假事以逞其雄心也 然也夫平和之議既熟交通既多交涉尤繁則薄物細故易於失和或有梟桀無禮者亦 主無權難發混一之異想人無他望惟思大同公議會會議既多人心大變日思統一於 合一萬國公院之學說日盛於時矣在各大國利害相等難占獨一之利權在各政府君 未固也不能無變然始基旣立條理漸密大利日見基址日堅則二三百年中必見大同 平之運會開矣諸國之爭漸弭矣人生之安樂漸可無憾矣雖進化有序又會合之始基 是時必議設一大地公議政府矣有大地公議政府乎則大地大同之時期至矣大地太 之實效矣破大同之運不過百年之實效矣近者飛船日出國界日

第三章 初設公議政府為大同之始

各國力量同等體制自同等則聯邦政府之體不設總統但設議員故不可謂之

公政府但謂之公議政府且各國主權甚大公政府不過爲遺使常駐常議之體體稍近

瑞士不能如美也地隔甚遠又不如瑞士也

舉爲之以舉者多數充選如聯軍之有統帥也然議長並無權不過處衆人之中凡兩議 大小為派人之多少如德制然恐大國益强此制或未能行也此爲第二三等國言也 一公議政府執政議事者其始必從各國選派或每國一人或每國數人或視國之 各國主權甚大公政府不能設總統並不能立總理但立議長於派遣各員中公

人相等者多一人之數以決所從耳自爾之後公政府體裁堅定孔子曰見羣龍無首吉

乾元用九天下治也

交通之大綱其餘政事皆聽本國之自主略如德國之各邦萬國交通同一之議 公議政府專議萬國交通之大同 公議政府當各國主權甚大之時則專議各國

確定之務求精詳一以公平爲宗旨各議員隨時提議由各國認可施行全地焉。 第 一議定各國公律凡國與國之交各國人民與各國人民之交因今國際公法而

第二各國有交涉之事按公法而判決之議員公議從其多數既公議定後各國不

得不從。

第三凡關稅之出入當漸求其平不得限制他國及以一國壟斷

第四各國度量衡之名稱長短大小輕重當力求劃一以免參差而煩計算以損人

腦。

能廢去但當定一萬國通行之語言文字令全地各國人人皆學此一種以爲交通則人 學之有一定而人所必須也故以删汰其繁而劣者同定於一爲要義但各國並立國界 無用之各國語言文字費歲月而損腦筋若定爲一增人有用之年歲公益之學問其益 未除則各國教育當存其本國語言文字以教其愛國心爲立國之根本也故一時慮未 無窮夫語言文字出於人爲耳無體不可但取易簡便於交通者足矣非如數學律學哲無窮夫語言文字出於人爲耳無體不可但取易簡便於交通者足矣非如數學律學哲 但學本國語言文字及全地通行語言文字二種而已可省無限之歲月可養無限之 第五各國語言文字當力求新法務令劃一以便交通以免全世界無量學者兼學

去國界合大地

第三章

初設公職政府為大同之始

腦 力以從事於其他有用之學矣所謂不作無益害有益也且移無用之歲年爲有用之。

以爲 歲年移空費之腦力爲實益之腦力合世界人計之其餘賸年月腦力巧歷不能算其數 ,非常之學思創非常之器藝其文明進化之急豈可量哉及國界已除種界已除後

文篆隷印之霸厘及山士誥烈可也(中國文乃有韵味者不易去也)所無想係付梓時加入 乃併本國本種之語言而並捨之其文字則留爲博古者之用如今之希臘拉丁文及古

第六各國有不公不平不文明之舉動公議院得移書責之令其更改

第七各國有大破壞文明及公共之安樂背萬國之公法者公議院得以公調合各

國之兵彈禁之若仍不從則同攻伐其國土改易其政府

第八公議政府有預算之貲費當由各國公力供給各國當依歲定之數撥給之

第九公議政府當有公地其人民來住公地者許脫其國籍准其爲世界公政府之

人民

第十各小國有願歸公議政府保護者其土地人民皆歸公議政府派人立小政府

第十一各國甌脫之地皆歸公政府派人管理

凡未闢之島皆爲公地居者卽爲公民其漁於海者其舟之自此詣彼經過公海者皆納 第十二大地之海除各國三十里海界外皆歸公政府管理其海作爲公政府之地

税 焉。

管轄蓋雖某國之人爲某國所遣而實圖全地之益也與國會議員之式舉於其鄕而不 第十二各國所舉公議員每歲一易惟不得名大臣以其入公政府時卽脫本國之

第十四各國公議員可留於公地爲公民或復其本國皆聽其自由受其鄉之責任同也民國旣多行之漸來則必行

敢 迎拒者卽爲奧全地萬國作公敵也公政府得破其國取其地以爲公地取其民以爲 第十五海既爲公地公議政府得爲海軍六艦分出各國以備彈壓各國爭戰若有

公民其海艦海軍之數隨時議增

十六公議政府以弭各國兵爭爲宗旨各國現有兵數軍械及械廠戰艦皆應報 去國界合大地 第三章 初散公職政府爲大同之始

告公政府除其國必應自保外有議增者公議政府得干預之太多者得禁止之並歲議 減兵之法其兩國交界彼此重兵嚴防者公政府既有公地公民當練公兵代爲鎮守兩

界之間以免兩國之互嚴防爭則兵數可以日減矣。

第十七各國屬地自治之區有願投歸公政府者卽作爲公地歸公議政府派小政

府統轄[。]

第十八公地之民不論何種何國一律平等

第十九各國不得別偕結約及祕密條約

第二十各國人民聽其意入各國籍不得以民族之殊限制禁格

第四章 立公政府以統各國為大同之中

人利己之心必減各國凌奪人以自利之事必少以公地旣立公民日多投歸公政府之 若能立公議政府行各法不及數十年各國聯邦必成矣各國聯邦法必固各國損

亂不能吞幷焉至於是時則全地公政府之大勢成矣全地大同政府之基礎固矣大公。 必如德之聯邦各國各國之自治政體則如美國諸州瑞士諸鄕雖有强大之國不能爭 如美國聯邦矣各國公議政府必漸成中央集權如華盛頓矣卽各國雖有世襲君 地必無數各大國勢力必日分日弱各國民權團體必更熾各國政府主權必漸削 主亦

政府之大權行矣 利器資生民之樂事其利益豈可計哉一也既減兵費可輕減各稅又可省全地 年國減一萬不及數十年可使各國無兵矣夫各國並爭兵稅之費最重若能去兵其大 樂世界無戰場可弔矣四也全世界人無戰爭之慘無兵燹之禍不知干戈槍礟爲何物 可窮識三也全世界人不須爲兵可無陣亡死傷一將功成萬骨枯之慘全地球皆爲極 **資擔其仁無量二也全世界數千萬之吳移而講士農工商之業其增長世界之利益不** 利有六移萬國之兵費以爲公衆與學醫病養老恤貧開山林修道路造海艦創文明之 公政府大綱 第一歲減各國之兵每減必令各國同等減之又減以至於無計每 人民之

可以數量五也全世界槍廠軍械皆廢而無用移其殺人之工而作文明之器移其殺人 不知屠焚凶疫流離爲何苦其保全全國之人命不可以數量保全世界之事業器物不 之料以爲有益世界之料其大仁大益又無量六也古今仁義慈悲之政未有比於是者 必如是乃可爲濟世安民也

第二各國之兵旣漸廢盡公兵亦可漸汰及於無國然後罷兵

可也且至此時平等之義大明人人視帝王君主等各號爲太古武夫屠伯强梁之別稱 號雖爲世襲改其名稱日尊者或日大長可也或待其有過而削之或無嗣而廢之無不。 第二各君主經立憲旣久大權盡削不過一安富尊榮之人而已其皇帝王后等爵

皆自厭之恶之亦不願有此稱號矣

即戰爭殺人之禍慘而積久相蒸人人以爲固然言必曰家國天下以爲世界內外之公 有聚落而漸成部衆積部衆而成國土合小國而成一統之霸國蓋有部落邦國之名立 第四禁國之文字改之爲州或爲界可矣蓋大地自太古以來有生人而卽有聚落

理不能 去而 地 根 可 心 如 未 永 國字者哉便當永永删除無令後人識此惡毒國字國義於性中則人道爭殺畛 如 而 拔矣。 不和。 性無由至於善也昔者大地未能統一分邦各立各私其國賢者不免固時勢之無 何。 爲保種族之故誠 無者陳大義則必日愛國故自私其國而攻人之國以爲武者在據亂世之時全 至於公政府之時天下統一天下爲公何可復存此數萬年至慘至毒至私之物 永有私 心 而 不公焉故國之文義不删除 不得 不然然一 有國· 之文自爲域界其賊害莫犬令人永有 淨盡之則人人爭根 殺 根 私 根 無從 爭

洲自為 裹海 東 之若國已滅 亞 州。 第五分大地爲十州歐羅巴自爲一州中國及日本高麗安南暹羅緬甸爲 西 俾 南洋屬焉西伯利部爲 州阿非利 路 盡 之愛鳥 不立監政府亦可 汗波斯 加爲一州共十州每州置 阿 刺 一州曰北亞州 伯 西 土耳其爲 自裏 一監政府焉令其州內各舊國公舉人充 州。 海 日 東 四 中亞及印 亞 州。 南 度爲 北 中美 ___ 州。 各 爲 日 中 州。 州。 亞 州。 澳

六每舊大國因其地方形便自治之體析爲數十小郡因其地方自治之體而成。

小 政府焉皆去其國名號日某界每州大概數十界

其 之中分爲十引每引之中分爲十丈每丈之中分爲十尺每尺之中分爲十寸古衡容皆 分爲十分實方百分每分之中分爲十里實方百里每度每分每里皆樹其界繪其圖影 像凡生人皆稱爲某度人著其籍可也卽以里數下引爲量每里之中分爲十量每量。 第 七以大地圓球剖分南北凡爲百度赤道南北各五十度東西亦百度每度之中。

以寸金之輕重大小起算焉凡全地共爲一萬方度一兆方分一陔方里一壤方量一 方引一載方丈一恆方尺一沙方寸每度約將倍今度之二一切稱謂界限之主皆以度 澗

爲差若大地人滿時旣無分國之爭亦無陰陽之別各自治政府卽 以度為 主。

第八全世界紀元皆以大同紀年不得以教主及君主私自紀年以歸統一其前時

皆以大同前某年逆數之

第九全地度量衡皆同不得有異制異名。

簡便易通若舊法之以十二宮三百六十度爲測天十二月十二時六十刻六十分秒以 地之度數月日時之紀數權衡度量貨幣之用數凡一切萬物之數皆以十數行之以取 哲學士合而考之擇其舌本最輕淸圓轉簡易者製以爲音又擇大地高下淸濁之音最 有晉異者則募置之無所異者則一人可矣既合全地之人不論文野使通音樂言語之 音室製百丈之室爲圓形以像地球懸之於空每十丈募地球原產人於其中每度數人 四進數自四而八十六三十二尤爲遲難於腦有損皆宜去之以歸十數之簡易畫一也 十二佩尼之爲先令二十先令之爲鎊二十四時之爲日十二爲打若印度波斯突厥以 紀時又二十四銖十六兩之爲斤三十斤之爲鈞百二十斤之爲石英國十二寸之爲尺 易通者製爲字母凡物有實質者各因原質之分合因以作文字其無質者因乎舊名擇 大地各國名之最簡者如中國採之附以音母以成語言文字則以用力少而所得多矣 第十全地數目皆因十進之數自一至十百千萬億兆京垓稊壞溝澗正載極其天 第十一全地語言文字皆當同不得有異言異文考各地語言之法當製一地球萬

當採歐美新名補之惟法意母音極淸與中國北京相近而過之夫欲製語音必取 以執事談言算之中國人壽亦增於印度歐美數倍矣惟中國於新出各物尙有未備者音故文字語言之簡中國過於印度歐美數倍故同書一扎中國速於歐美印度數倍若 高者乃宜於唱歌協樂乃足以美淸聽而養神魂大概制音者從四五十度之間廣 夫獸近地故音濁禽近空故音清今近赤道之人音濁近獸近冰海之人音清轉如鳥故 音爲字母則至淸高矣附以中國名物而以字母取音以簡易之新文寫之則至簡速矣 博物院中備好古者之考求可也 文字既定以爲書頒之學堂則數十年後全地皆爲新語言文字矣其各國舊文字存之 制音者當取法於四五十度也聞俄人學他國語最易而似豈非以其地度高耶 言之簡中國一物一名一名一字一字一音印度歐洲一物數名一名數字一字數 制語言 取多 極清

故 大地古今萬國皆有歲月日時之紀以授事而記時故以晝夜爲一日歷三十日之晦 第 十二凡定曆第以地爲法吾萬國人皆生於地上所見皆同始所受用皆因 於地。

背日 朔。 自離日而行即有熱力拒日自為動轉在地中溫熱帶之人視之向日而受其光則爲**晝** 類居溫熱帶爲多故從多數以地爲有畫夜凡一畫一夜之間則經自轉一次古之人不 知地轉以爲日之繞地也遂以有定之數號爲地自轉之定數然此必不能兩合者也凡 外爲他星所牽故萬無一定之時而紀時者不能不出於有定此不得不然者也於是零 地繞日三百六十五轉有奇或緩長則七八時急短則三四時蓋地爲生物內爲日所控 乃不得已之法故每年强定爲四分度之一積四年則合爲一日之數故積四年可閏爲 餘無所歸不得不立閏以整齊之矣雖閏月閏日不同而以人事補天以得整齊之定數。 以爲一月歷十二月三百六十五日以爲一歲此萬國所同也蓋地爲日熱質之分點 周古人不知以爲諸星繞天故名日歲又北方以禾歲 轉常年爲三百六十五轉當四年之閏爲三百六十六轉也三百六十五度四分度之 丽 一歲大地萬國之曆所同者蓋地自轉三百六十五次又略當轉四之一而地繞日 無光則爲夜雖南北冰海之人半年全向日半年全背日無一晝一夜之別兩人 一熟故假名日年實皆非也宜

去國界合大地

第四章

立公政府以統各國爲大同之中

大

寅爲 皆以周紀之爲宜或日期亦無不可則十年日十期百年日百期可也然不若周之切矣 因 地繞 正若今歐美則近於周正建子日本從之俄則用商正建丑爲近其餘馬達加。 其 《全地立朔當在春分爲改正焉孔子立三正周建子商建丑夏建寅皆可而以 日一周之實名之曰周十歲則曰十周百歲則曰百周推之千萬億兆無量數 月緬 向建四月印度建五月波斯建八月秦漢建十月唐代宗時 斯 加

今澳洲 月全地各國處處不同夫論周期之算地球繞日也本自圓周則無日不可起元吾古者。 曆元多起冬至今歐美亦同蓋地北半球人因日影至短之故天寒易測故就此起算然 南美既 通。 則以北半球冬至爲夏至矣然則以二至起元亦無 不可惟二至 者地

暹羅

回教

建 九

曾建

四

當高冲卑冲之極點地爲動質又爲日晷諸星所吸高下本自不等冲無定位非巧曆 時而妄定之雖相去不遠而實已大誤矣故用二至無定之冲不若用二分有定之平爲 測算夫以無定之冲而欲以有定之算推之其必不準不待言也以不能決定準數之

得其準矣。

宜全行之。

藏之後於種植旣得時宜於作事便於謀始若秋分則草 意蕭條又上承夏熱生物方盛於種植及作事皆截然不能分爲兩歲故大地文明之國 春分之時百花爛漫草木萌生水源溢盛而河 華 之地皆在熱帶 慶典水草香溢種植得時以作事謀始不亦可乎雖南半球少有不宜然南半球美澳洲 之國終歲水木 盈冰木枯不 二正皆用涼時 實 至不若用二分以經凍論用秋分不若用春分當花開凍解之良辰以行立朔改元之 尚 茂不至 秋二分同處地平本無少異以爲朔元亦無所不可惟以全地論之處北半球當 ·花氣候沍寒宴會不便繁華無象於立朔改元之慶亦不若春分之美也故 乃時 花草如一則或可九月紀元若溫冷帶則萬不可行者也故以地轉論用 大淒清也且今各文明國以三正紀元然多在冷帶之地 爲 多熱帶地本無春秋之異其在熱帶外者地亦無多春。 地自然之勢也兩相比較故立朔改元斷無用秋分之理惟在熱帶 冰解凍氣象惟新 木黄 落水源復涸。 生機盎溢自經冬冷收 木葉盡脱 分僅當 氣象淒慘生 八 月 令。 大

行之時名之日夏游自秋分至冬至之時地更上游名之日秋游自冬至至春分之時地 以春分爲元朔則自春分至夏至地下游之時名之日春游自夏至至秋分地上

識故以月之晦望定時以便民也大地所同矣然以用月之故定朔日甚難强爲。 以月紀時矣而今之陽曆旣已廢月仍用十二爲數旣無所取義且非十進之數於推算 器甚少人民望月以紀時本自爲便若大同之世道路大通儀器尤多人易知時不待測 也約以二十九日又八時與六時不等以月行之無定而以有定之日數强爲牽合必不 測之又爲正朔定朔經朔均輪次輪以求之而晦朔終不可得正也蓋月亦動質其繞地 下行之時名日冬游通日四游 月且紀元專以地爲主月但轉地與地轉無關我爲地中之人何必以父而從子故可不。 可得準也於是分以二十九日致三十日爲閏月以求之五歲再閏在太古道路不通儀 不便致有三十一日二十八九號之不等參差太遠而難記則尙不如陰曆之以三十日 月為地之行星與地轉不相關古人草味曆學難明以懸象著明莫大於月民所易 九道以

所 功 海 朔之繁難矣。 商 王星之人而爲地人行立瞻視皆以地爲主則月可盡删可無十之畸零亦無立閏測 繞。 九 業 兼 不宜則 明 日各牛算之較整齊也回教九執曆以太陽太陰各別爲紀專從太陽以正 太陰以便民之所視義亦尤宜吾國 應從回曆法陰陽合用爲宜也然今大 今改陽曆 地既通合既非金 而民間 久習 陰 木 曆驟改之於農 水火土天 地之 E

晝夜僅 刻分 而 上。 之九在 紀 所關於書夜者 南 百 數以十爲便十二廿四皆爲紆曲左傳曰人有十時中國古者十時每時分百 北 秒則至方整故定時爲 地 冰 十分之稍疎 轉之號 洋且以 冰 帶 甚 少從 一半年為晝夜若以十日為 甚大雖近赤道者晝夜平分自此冬夏之間。 中國分十二時分而析之義更精細 不 書夜 便作 之正 事不 一,其義較妥惟以鷄 名之亦何害焉 若晝夜各爲 、晝夜刻似不盡得其宜 十時地之向 今歐美人二十四時亦分 鳴 則爲 日哺等爲名亦未以支干紀 日 廿四今歐美時表 背 或晝長夜短或夜長晝短 日。 然 皆自然之勢人 八類在 兩 次實先行 溫 所 熱 通行 刻。每 帶 居 時。 地 或 也。

乙部

去國界合大地

第四章

立公政府以統各國為大同之中

之然既有百刻百秒以分時則與歐美二十四時相去無幾行之至易矣。

夜中恰合中國正可用之若一時之內今中國分百刻於一刻之中分六十秒於一秒之 定之凡此皆人爲之事宜以整齊爲主不得爲六十或十二之畸零焉。 時之中分十刻如息緊之此每刻之中分十秒每秒之中分十微其針輪之遲速卽以此 字十五眉尼每時凡六十眉尼每一眉尼分六十息緊其數不由十進皆未爲善宜 中分六十分於一分之中分六十微歐人於一時之中分四骨每骨三字亦同於時數每。 若其 改日則孔子先立三時有以平旦者有以夜牛者有以鷄鳴者泰西則以日中 一於每

周也故易緯日一變而爲七印度至古之婆羅門即一切有七日之義七日考而猶太有 方之說埃及巴比倫亦有之此其不易解之奇理而實人道之至情蓋五日一 七日造成天地人之說於是有七日休息之義甚合於孔子至日閉關商旅不行后不省 十日一息則太遠七日適得其中不疾不徐於人爲宜 以七紀事乃大地上諸聖之公理孔子作易曰七日來復蓋卦氣以六日七分爲 息則太繁

復。 宜游與復不能合若參人事之宜則論復不論游可也或兼游復亦不厭其詳 秋游有八十七八轉者夏冬游有九十三轉者名曰某游第幾轉於地游轉之理最爲得 二日爲始則第八日爲第二復可也但此爲人立之義非地理也四游之日有長有短春 周而復始四年歸餘之日作爲閏轉即閏 地一周凡三百六十五轉有奇凡五十二復餘一時以爲歲首日此外七轉而 與歲首兩日不入五十二復之數自歲首 也。

書某周某復某轉三者皆可也一轉之中書某時刻某秒某微如斯則上合地道下通人 層既以 大同紀元今請定其曆名日 大同第幾周某游第幾轉或不書游日某轉或

争矣

當閨轉之年則刻三百六十六度是爲地周表審年者準焉東爲地轉表則畫夜爲白黑 百六十五 色各劃十 凡 都邑大道皆爲時表塔樓正表爲內外圓球形內刻日形外轉者爲地形 轉四分轉之高下分上下中平 時。 內分十 刻刻中分十 秒秒中分十微作地球形向背日而轉之是為地轉 -四游轉高 卑而運移之附以七日來復之數其 劃

乙部

去國界合大地

尔四章

立公政府以統各與為大同之中

交之表 若是則人:

人 可

知地與

日月五星之行以授時焉此外小表可以藏於懷置

與地之三百六十五度相對取 轉者準焉西爲月繞地表爲月球繞地準其朔望脁晦上弦下弦而運之並置閏月。 準攷月者察焉北爲金水火土木天王海王諸星。 興 地

可改而月躔可删復日可通而人道可息時運可游合周轉之宜曆行之最切備 五星之陵犯食入人人皆曉月之晦望弦朔不患不知此則陰曆可廢而不礙民用陽曆 者 也。

至秦漢間。 以 無 自發甲子亦不得已者哉古者部落族衆未有文史觀今哲孟雄布丹巫來由人種皆自 數百萬年皆推測之說 日趙廿五年是也然禹時萬國湯世三千周初千八百國春秋時尚二百餘國各以其君 君主。 史以紀上世而託於藏僧乃能紀之紀年亦然則必大有文化乃能紀。 第 十二大同之世全地紀元當從何起曆乎大地之生不知其始或謂 或 諸侯各自紀 以 教主或以立 元。 未有確據也人民之生安得其始狉狉榛榛算無從起大橈算書 國。 此蓋上承夏商之舊制至漢中葉尙然今見於漢 大率始 於小君主 中於大帝主而終於大敎主 元紀元 也。 碑趙王上 數萬 古 旣 年。 ijο 或謂 秋 或

漢武 紀 是 紀年今其碑刻皆可考其進化等第當亦略與中國同也三國時君士但丁始從耶敎於 甚 紀 與以敎紀 洲 立 百二 年於義最一 《省勝於以 於 年。 之國。 者 諸 耶 帝 今爲 則 敎 十九 國 帝紀 採其 讀 若日 並 大盛於六朝唐時於是以耶教紀年追推 然。 年。 在。 起。 百國之寶書者。 數元其煩 大於力最高 此王者乎天下歸往之謂王通天地人謂之王蓋大帝主而兼 本之 義而定一尊自爾之後惟帝者而後改元立號以至於今焉 以 而印度僧人亦有自尊其敎因以佛紀年者此如司馬遷史記稱孔子卒後 而效皇獨尊其以敎主紀元以歸統 君紀 孔 新 子紀年同也凡人服從君主之權勢不如服從敎主之道德且以敎 立。 元者也從後百年君主當不現於大地上君主紀元之義不俟大同 省尤爲宜的 重 則 其 一累人· 以 其 煩而累腦甚矣故孔子正定之曰惟王者然後改元 亦甚矣埃及印 初 也若 立國。 或以 中國 其 旣 非耶教。 度波斯羅馬皆以帝 初 궲 一實便於人事 上世並定前數以紀之而 紀 育宜 年。 雖 以孔子 無道 业是時日 德 紀 王紀 pj 稱。 年。 亦 其 回 然 元。 自唐宋間 於 敎 其 無 大教主者也。 帝紀 亦極 人之記憶 敎 小 立號以 主 國 盛相 ൬ 王 獨 歐 元。 亦

去國界合大地

第四章

立公政府以統各國爲大同之中

世 能 廿世等字終非孔佛婆回之敎之人所甘願且新理日出舊敎日滅諸敎主旣難統一全 自主之權自由之理不能以多數勝少數論也若今日耶元之國至大至盛矣然十九三 存矣然則所存者惟敎主紀元一義而已然諸敎競爭各尊其敎誰肯俛就人人各有 而 先絕矣非文明大國亦必不能久存至於大同之世然則建國紀初祖之義亦必不 世

欲爲 之紀 教法律度量權衡語言文字無一不同然則不以大同紀元而以何哉吾敢斷言之曰來 元並廢或以諸教主並列配天而獨尊上帝則以奉天紀年可也然吾謂: 大同世之紀元卽以大同紀年爲最可地既同矣國既同矣種既同矣政治風 奉天太拿

地或當各有見廢之一日大叝難挽亦與國主略同但少有久暫之殊耳然則君師國祖。

者萬年必以 大同紀年雖萬國之文字有殊而義必不能外之也否則以奉天紀元所謂

後天而奉天時義之宜也

綿遠以千數百年計何時乃能行大同之實乎將謂自公國立之年乎則强國尙多未大 以 大同紀 年將何時託始乎是難言也蓋合國合種合教以至 |無種無國無敎相去

乎今日大地旣通大同之說必日盛可斷言也今歐洲久以敎主紀年中國人亦多有 服 孔子與君主並稱者矣旣因現時通俗之便宜又順將來大勢所必趨莫若以敎主 將至國種教俱合一之年乎則大勢所趨人心咸定於一如潮之奔如湍之激豈能久待 同並紀元焉則直於當今紀用大同以便人心趨向以便復元易算而與通俗無礙豈不 萬國同盟矣是事也起於己亥終於庚子庚者更也子者始也庚子之冬至爲西歷一千 祝之預期之矣夫近年以大同紀年當以何年託始乎凡事必有所因端必有所指大同 之於歐洲之史皆不待大算而改之其各國之史記則如考中西曆比對等耳其庚子春 月朔日其自茲以往順十百千萬年而順數之其自此以前逆一十百千萬以 因之所託必於其大地大合之事起之近年大地萬國大合之紀事其莫如荷 九百零一年耶紀以爲二十世開幕之一年者當卽以庚子春分爲大同元年託始之正 從者如德之聯邦立法而郵政關稅巴威尙自收之是雖立大同紀元而終未盡從也。 舉而三善備哉諸國競爭小國日滅併於大同近者萬國同盟之事日多矣可於今預 前 蘭喀京之 而 夷 以

第四章

分至冬至三游之事紀年稍難則注明之如漢武時十月曆改爲正月曆唐代宗時四月

歷改爲正月日本由正月改爲十一月曆亦同耳中間超辰加注自可不誤何得過慮哉

自此日趨大同合大地之人考覽自便其省腦力便記誦鼓人心導太平之功豈少也哉 大同之進化不一而自集議聯邦之始至於大同太平之時更變甚多不能一律今

大同合國三世表

以三世表而分之政體雖多略不出此。

大同始基之據亂世 大同漸行之升平世 大同成就之太平世

造新公國

無國而爲世界

聯合舊國

各國政府握全權 始立公政府有議員 全地皆爲公政府有

開萬國公會各國 各派議使公議 有行政官以統各國 行政官行政有議員 而議政無 **派有國界**

割其國地或海上島 世界全地盡爲公國

四

有公議會無公政

八 公議會有議長無		七 民服於舊國			會集議	六 各國隨時附入公	上無政府	五 陸地各歸本國海	府
公政府有議長無統	歸於統一公政府	人民漸脫舊國之權	作數國	一國惟許以一國分	國不得以兩國合成	各國可隨時附入公	小島嶼亦然	海上爲公政府之地	爲公政府

裁去國字

各國背歸併公政府

全地海陸背歸公地

乙部

去國界合人地

立公政府以統各問為大同之中

以各國帝王充議長

領更無帝王亦不得

行政官無議長無統

公政府只有議員無

領更無帝王大事從

一三七

界公民以公議為權

無舊國人民皆為世

統領

闁

各國有帝王統領 或不設議長

九

各國多為統領亦略

多數決之

一三八

7

有帝王而統於公政

各有自立權

領而統於公政府 無各國各地只有統

各國全權自治公 府

各國限權自治大事

歸於公政府

一無公政府但有公

議會不能徵用各

會但有集議

公政府得徵用各國 人民官吏聽其自便

無國人民合爲一公

治而全統於公政府

罷國悉由民公舉自

政府而公任其事

國人民官吏

十二有公議院無公政

府之地

有公政府其設都會

公政府可在任何地

設都會駐官司造船

立庫

用各國地皆由各國

駐官司製船立庫購

7

許諾其規則隨時議

十三公議會不及各國

公政府雖不及各國 定

全權無限

內治故各國內法

內治而兵稅郵電法

與公政府各有權限

無國而各地小政府

十四公議會有調和維

持各國之責

律大政皆有權限

隨時議定

之責鎮撫其內亂調 公政府有保護各國

無國公政府統治各

界度

和其外爭

十五公議會條例爲公

公政府法律在各國

法律之上各國法律

律

全世界皆同屬公法

法駕各國法律之

不得背反之

上

十六各國聽公議會之 去國界合大地 第四章

議院法律證明各國

立公政府以統各國爲大同之中

統歸公政府法律

法律審判

十七各國聯盟條約 十八各國可結條約各

十九公議會無權力限

國可別訂同

盟

一十聯邦政權及於各

禁各國

國

國不及於民

廿一各國自有權不歸

於公議會

廿二不入公議會而 攻者不得爲公議 駁

之法律

各國半條約半憲法

各國不許別結條約 各國不許別結 同 盟

公政府有權限禁各

漸達於民 公國政權達於各國

各國政權皆視爲公

政府所出

爲最 叛公政府而駁攻者 大罪

無攻駁者

無國但有憲法

國 無國無條約可稱無 一無同盟 可言

雖爲公政府而各界

各度自治不待限禁

無各國不分土不分

無國同出於公政府

民但合爲一以治之

人人皆公政府公民

四〇

乙部 去國界合大地 第四章 立公政府以就各國爲大同之中	公議會但議國際 公政府-	本國不歸公議會 國而全時	一 各國立法權各在 各國立法	政府無大權 無限之權	於公政府之外公 政府之時	廿四各國自有法律出 各國法院			之權利	者擯之不與公法 者視為	廿三國有不入公議會 國有稱
為大同之中	公政府上下議院 政府之上下議院公	地公法權歸 權而全地法律歸公	法權雖歸各 各地亦有立法自治	權於各界各度	政府之外公政府有 公政府公政府復散	國法律不能出公 無各國法律同出於	罪	爵者皆爲叛逆最大	長之尊號及欲復世	換國 	有稱兵犯公政府 凡人背公政府有謀

大

法

公議會議各國所

提出交涉公法之

大案各國皆可隨

案於公議院議之

時提出政治事理

案

公議會之例各國

議員議定各國君

主總統簽名宣布

有公政府並公議院

議各國法律不定不

一之案及有缺謬之

歳提議

世界政事有變可歲

議定法律而通行之

長同署名以多數宣 公政府之法律各政

布之

數宣布之或待各國

員政長同署名以多

公政府之法律各議

君主總統之尤然後

宣布

各國立法部有三分

四

公議會員有三分

無各國只有公議院

議立法

改法則可改各 一改公法則可改公 及各地公院議員立

改公法則可改 國政府有三分二

議員有三分二改公

法從人數多者

公議會數年一集

或有大事各國有

五

法則可改

請集議者則開議 則開議

有過半數請集議者

舉無集散其各地有

議院毎歳一開各國

議院終歲常開有公

有上下議院須兩院

集有散 同上惟無國無所候

畫諾乃行不畫諾不

議定卽行

行或候各國政府簽

簽名

議院候本國政府

有議會而無上下

議員派於政府必

七

上議院由政府下議

院由公舉官吏人民

悉爲人民

名乃行

議員皆由人民公舉

乙部 去属界合大地 第四章 立公政府以統各國爲大同之中

由政府官吏

各半

議員由各國政府

議員必用本國人居

議員由各地公舉其

四四四

八

派出或聽其棄使

於本國者不得以他

久居本地之人

國人充

上議員政府或議院

九

議員由各國政府

舉每國二人下議員

毎度舉之下議員以

無國上議員以每界

人民多寡出之

略由人民公舉

以各人民多寡爲率

如德國之制隨時

國三人中國一人

派一人充使或大

議定

議員爲本國之代

上議員爲本國之代

表

下議員爲世界之代

表

之代表

議員但爲世界人民

表

十一公議會派員無年 限 各國議員或每年一 或每年一舉隨時議 議員各地三年一舉

遺**导議**定 選舉或三年一選舉

十二公議會可立議長 公議會不立議長以 隨時議定 定 議院不立議長以多

多數取決

數決從違

十三選議長及書記皆 同上

無議長一切由公選

由公定

十四議員有本國之祿 議員受公政府之俸決數以多數定之 同上

本國政府查有罪 院自查有罪由公議十五議員合格與否由 議員合格否由公議

乙部

去國界合大地

第四章

立公政府以統各國爲大同之中

同上

同上

同上

一四五

由本國政府判決

院判決

十六議員於本國受告

於本國不受告訴不

訴有責任

受責任

議員一切罪犯除

議員有犯本國不得

本國召還外所在

之地不得治罪

院公議

十七議使有罪由本國 罰之

十八各國議使若有事

故或謬誤病疫由

一乃得施行

國然必議員三分有

治其罪不須待其本

病疫由本國選舉人 各國議員有事故或

疫由其本地公民再

之責任 議員有過誤法官不 不受法院告訴場外

召還治罪一切由議

得治由議院公議

同上

議員有罪公議院得

各國議員有事故病

四六

補充議院選上議員

行公舉

其本國政府再派

人民舉下議員或議

員補充

院閉時由政府派充

暫署

公政府行政官皆由

公政府行政官卽由

十九公議會有各國公

議員無行政官

各國議員公選每人

上下議員公舉

若大地尙有多國則 至少有三國人合舉

大之國或如德國聯須五國並舉其有强

邦例許有議員多人

者或許用一人

一四七

議員皆各國所派

惟各國大臣可列

列席可表本國之意

各國大臣議員皆得

席聽議表本國之 見

意見

一十公議會無官吏

公政府有官吏皆聽

政長之任免黜陟然

於其本國職任權利

無損

公政府有要務各國

或聽派官監理其强 郵電之權皆聽指揮

令各國郵電從速

而無指揮之權

公議會有要事可

大國不允者暫緩之

全世界名譽人皆得

列席表其意見

公政府官吏皆聽政

長黜陟無國亦無本

國權利

郵電全歸公政府

四八

		五					四		Ξ			
乙部 去國界合大地 第四章		無公鐵路	盡交通	內河水路舟楫不	通	防大道不能盡交	各國鐵道水路國	設而自取其費	郵政電線各國自	同者在外	有大國及僻地不	郵政電報皆交通
立公政府以統各國爲大同之中	所過邦國皆可買地	有公鐵路以便交通	通	內河舟楫水路可交		盡能交通	各國鐵道國防道路	費則公政府自取	公政府有設郵政電		交通	各國郵政電報一律
一四九	鐵路	無各國私路皆爲公		無國界一切交通劃			無國界一切交通劃	府	郵政電費皆歸公政			無國界郵政電報歸

但不害本國主權

各國鐵路規則法

各國鐵路法式規則

鐵路規則法式歸於

漸歸於一

式不

無監定鐵道運價

公政府有監定鐵道

運價權俾石炭礦料

樹木米肥料與農工

應須之物令運價公

同上有饑饉時可制

定最賤運價

平全地大利强國不

從者在外

與運輸

保護本國之貿易

公政府保護各國之

無國界不須保護

貿易

各國貨幣紙幣漸歸

各國可任各鑄貨

無國貨幣由公鑄紙

五〇

幣行紙幣 於一 幣由公造

八 度量權衡各不同 而公議會可議之 公政府擇善而從各 度量權衡同者甚多 度量權衡大同

國漸從之

新書器專賣特許 新書器專賣特許通

九

漸通行

行 同上

版權保護漸通行 版權保護通行

同上

+

各國衞生禁疫歸

無國界禁疫歸一

一律

十一各國衛生禁疫漸

議通行而不一律

律

各國人過路不須稽 無國界無稽查

十二各國人過路須稽

銀行可盡通行

銀行歸於公

去國界合大地 第四章 立公政府以統各國爲大同之中 十三銀行不盡通行

查

查

五

十四未有公政府各不

納稅於公

有公政府以海上爲

地以徵其稅徵其船

擔之其有强大國暫

費不足則公政府分

不納者聽之

公政府議定各國之

各地自行徵稅而分

切船稅歸公政府

輕減及不應徵稅之

之公政府

關稅通商

無國無稅無商稅

租稅全歸公政府 五二

收稅而通行之或議 海船税歸公政府

十六內國各稅各自收

十五各國可任收船稅

事

律

通行之界而行

十七關稅通商之事編

之其有大國不允

者緩之

十八進口出口有稅

十九募公債以鎭各國

進出口有稅

募公債以興公商業

之亂

養民

募公債以公養民公 進出口無稅

與無債同以人人皆

頁之而公運之有債

公產業皆公也

會計由公政府核算

公會事

一十各國會計不干

會計許公會輪查

一一歲計由各國自主

各國歲計皆告公政

府

全地歲計皆歸公政

無國各地人口核報

府

各國人口皆報其確

二一各國人口公議會

去國界合大地 第四章 立公政府以統各國爲大同之中

乙部

五三

不預開

公議會以弭兵爲

會

主各國漸入弭兵

數於公政府

公政府聽斷各國之

訟而禁其兵爭 各國皆聽公政府而

無國廢兵

不敢兵爭

各國不聽公政府弭 兵可調兵攻之或合

無攻

無國無聽不聽無兵

各國之兵攻之

公政府同上

無國無兵無假道

無國廢兵

一、五四

價賤而速

攻之

不聽者可合各國

公議會弭兵若有

公議會有弭兵會 彈壓之聯軍過可

假用各國之鐵路

治海軍

限禁加海軍

警察

限禁增戰艦

治戦艦

盡罷各國戰艦改爲

海上警察

盡罷各國海軍改爲

警察船

農工之器

盡罷各國軍械改爲

盡禁毒藥焚燒方法

不許流傳

役但人人二十歲後

盡罷全地人民服兵

一五五

公政府罷各國人民

五

各國人民皆爲其

國服兵役

治毒薬

限禁毒藥

治軍械

限禁軍械

之服役但許募兵

乙部 去國界合大地 第四章

立公政府以統各國為大同之中

Ģ

盡罷各國陸兵改爲

公政府取民稅所得須服各院看護之役

各國軍兵歸其本 各國軍兵雖歸本國費而服公養費

所統而公政府得監

國所統

各國兵官皆聽公政督之務以日減爲主

海軍海艦漸歸公政 公平

六

各國得有海軍海

由各國自用

府聘用

有警察

各國軍人兵官皆

艦聽公議會議之

府

各國商舶得成海

各國商船歸公政府

定其法式

軍隊

之半爲公養費

無國罷軍兵

無國無兵無兵官惟

公政府罷海軍但置

交通郵商船

無國商船皆歸公政

府編治其法式

			-}-			九				八		七
乙部 去國界合大地 第四章		殺傷	各國軍士相戰有	無公軍械	無公覧艦	無公兵			聽各國自治	城塞险要堡砦皆	國軍兵之權	各國君主有統其
立公政府以統各國為大同之中	人	縛人傷人而不許殺	各國罷戰卽有戰可	置公軍械	置公戦艦	置公兵	者暫緩	强大之國一時不允	之城塞險要堡砦其	公政府得漸去各國	兵之權	公政府漸去君主統
五七			無國盡弭兵	罷公軍械	罷公 戦艦	罷公兵			城塞險要堡砦	大平無國盡去一切	無兵權	無國無君主亦無兵

十一人民貯藏兵器皆

有限禁

人民不藏兵器

盡銷兵器

十二有國訟歸公議會

断之不立司法官

有公政府司法官以

聽國訟而不理民訟

國無國訟只聽各界

公政府有司法官無

凡一私人之訟一公

各地人民控訴

人之訟皆歸本國惟

兩國人民之交訟或

於土地者聽之

國民人之訟而關

公政府法官聽海上

大地皆歸公政府無

海陸之異

之判事凡海權全歸

公政府

議會

公議判可移於公

海上判事聽兩國

五八

Ö

	五							四		=		
乙部 去國界合大地 第四章	裁判事規則不盡					各國君主	之事而不能審判	公議會得判各國	君主統領於議會	人民不敢控告其	議院審之	凡國訟提案到公
立公政府以統各國爲大同之中	裁判事規則略同公	亦得訴告再決	位隨時勢議定君主	減名譽削權即奪職	不得作定其科罪或	判之然非三分有二	事君主有罪亦得審	公議院得判各國之	統領於公議院	人民得控訴其君主	國審訟	公政府可派員至各
一五九	無國界裁判法律皆					之人之事皆得科罪	之事所有權要重貴	上議院得審判全地	議院	人民得控其長於公		無國大案由其上控

同契約刑法商法

政府議定契約法刑

同 無國界法律隨時

訟法公議會不預

證書法治罪法

訴

法商法證書法治罪

議定而施行

大同

法訴訟法大略各國

從同而斟酌之

速無陪審人無辯 自由訟事審 理不

雖犯罪亦計自由

人不犯罪

六

非犯罪不得奪人

聞

訟事要審而審理必

速被訟人有用證人

無訟亦無審官辯護 人只有公論人

護人

辯護人之權

有罪罰金可重 大

不罰重金大罪不施

七

酷刑

罪施酷刑

民

無殺刑一

次亦無苦

刑措人皆安樂無苦

八

罪人之身可殺不

可兩次受辱

無罪無刑 刑罰但有恥辱人

無

痛

Ö

九 刑 護維居營業 各國人民一 有 死 罪 律保 面 服 不 各國人民彼此 各國公民權無差異 立死罪但設 泳監 可互 權 同爲 刑罰皆措 利 刨 大同 無別 但 人無疆界 異 有 恥 辱

官參政有限 制 或 居營業服官參政保

人民權利為 不能雜居營業 本國 民有公政府之權利 護 體無異

及各外國制 限 不許為· 本國及外國 公議 法律之制

無國

權利

自由但受

限

所制 限

本國 遷徙住居各國 可以 無國界人民聽其遷

於各 國 各國 人以 叫 '受各國 大地

人民所在之地

四

各國

人民

他國

不得自己

由

自由

徙住居

と部

去鹹界合大地

第四章

立公政府以統各國爲大同之中

無

有特權特許

各

三

遷徙住居自

特權特許各國 人犯 權 利 同 無國 犯而

六二

1

國人犯逃他國者

互交

救濟本國貧民亦

可不交

五.

治本國之病者間

在外國病者一律治

病者皆歸公醫院治

六

分本國外國

公政府救助貧民無

時及外國

療

之

及外國

埋葬本國死亡間 本國外國死者一

七

埋葬

及外國

非有大故不得收人

收之必給價

人民各有私產官

八

人民之身體家宅

民私産

文書財產無故不

索押收之事 化行俗美然時有搜

有公犯

六二

貧民歸公政府恤養

死者歸考終院料理

律

喪葬

人民無私產

待搜索押收之事 人民風俗全美無有

受人搜索押收雖

官府亦必形 跡 μŢ

憑乃而 搜押

人民不盡有保身

體自立之權

九

人民皆有保身體自

立之權非萬不得已

立之權自然無罪不 人民各得有保身自

不得侵奪

不限人民權利

權利皆一切自由

待侵奪

各國人民漸平等而

1-

各國人民權利不

限禁人民權利

平等

平等 無國界無種界人民

人民擔貧國稅

種未平等

人民聽國取稅

人民養於公無擔負

人民無罪皆有公權

有事求民供應 人民不盡有公權

舉國人皆平等

不求民供應

人民有罪削公權

乙部 去网界合大地 料 立公政府以統各國為大同之中

一六三

六四

十一公民因人種奴隸 公民不得因人種形 公民不因婦女形體

十二甲國之奴而逃於 婦女而異視

體而異視

各國盡禁奴

而異視 無國人類平等無奴

各國人民平等無人

各國禁奴而不禁人

服役

服役

十四國教各聽自由公

會不定之

十三各國有奴而漸放

他國卽不爲奴

公商教義尊天而兼

採諸聖之長以配天

義皆公尊之不獨尊 大地諸先哲及諸新

天亦不尊但尊先哲 一教而兼取其義

以爲新教

各神皆不尊而稱尊

及各人之神

十五尊天而更尊各神

爲大同者爲大人

天

十六專爲一國者爲小

人人皆大同至公是

十七各國有帝王君主

位號權力

有世爵貴族平民

奴隸之別

漸除而未盡

漸削帝王君主位號

改爲總統議長

無奴隸而世爵貴族

等 無世爵貴族盡爲牛

民平等只有議長

無帝王總統位號人

爲天民

一六五

大 门

£

.

コボボ

丙部 去級界平民

族

夫不平之法不獨反於天之公理實有害於人之發達觀印度而知之矣印人在昔有四 人類之苦不平等者莫若無端立級哉其大類有三一日賤族二日奴隸三日婦女

一旦刹帝利爲王種奕世君臨続轄其餘之三姓者 日婆羅門爲凈行者或出家或在家修凈行而涅槃者

三曰吠舍舊曰毘舍爲商賈貿易有無者

四日戍陀羅舊云首陀爲農民及奴身勤稼穡者首陀內分賤族七十餘今略舉數

種如下。

二曰撫麻作下工一切肉皆食一曰配哈爲工服役於刹帝利者不食肉葱不飲酒

西部 生象界平民族 一一切 內 皆會

三日巫士哈打獵食蛇鼠作路工

四日拖卑洗衣者。

五日咩打作掃地除糞之工者

六日冬抬死 人而燒之者。

其職不得改役他業不得通婚姻子子孫孫世之 以上皆賤役而以咩打及冬爲最下賤族之中皆不得爲官爲士而各賤族各專

婦 族雖有至聖人豪不得爲仕宦師長不知不識以了其生世故印度人雖有二萬萬餘除 女嚴禁外實一萬萬而此一萬萬人者去諸劣下種外僅婆羅門刹利不過一二千萬 凡此各種族皆分級隔絕不得通婚交接皆限其位業不得踰越上達故苟生於下

級奴隸之別東方亦然歐洲中世有大信貴族平民奴隸之異壓制旣甚故以歐人之慧 所以一敗塗地而不可振救也蓋不平之法自棄其種族甚矣自埃及巴倫希臘皆有族 人耳全國命之所寄在此一二千萬人中其餘二萬萬餘人雖有智勇無能爲役此其國人耳全國命之所寄在此一二千萬人中其餘二萬萬餘人雖有智勇無能爲役此其國

富强 權 千 授田制: 爾、 以蕞 矣故 與 歐 自 人民 流 華 春 华 血。 平民奴隸五等故突厥弱俄雖外强而中僵美之人民主平等既不 日 之効 黑 家則 主為 力 盛 秋 與奴隸之制盡釋雖有貴族大僧而事權。 爾之諸侯而魯之三桓鄭之七穆楚之屈景齊之國高宋之罕蕩皆以 暗。 頓立 時 戰 去奴 日著。 治 相 不能進化法大革命實 雖 ൬ 世。 爭之故 憲 强富樂中國 日 以 類。 隸作春秋之憲法以限君權不自貸其徒屬而去大僧 此其大驗矣。 法視 自 本 孔子之至聖僅攝 維 維 美國 新 世舒為叛逆雖有大僧而不得衙署干公事林肯之放 新 後。 以前 之人舉國皆平民 當春秋以前。 八日本背 掃 矣。 Ĥ 而 空故能驟 爲 孔 相 去此 子 事。 有封建於是有王 有封 **顔閔之上賢不** 創 平等之義。 階級。 主為 强。 建 世 日落與君權而 故 今埃及突厥波斯俄羅 一何諸侯 **严等雖待** 各 朔一 國 |効之而 得 南公卿有藩侯有 統 旣 命當時常 世 黑 以 收大効近 其國。 人未平。 並替蓋平等之理日 去 封 雖 大 於是中國之俗階級 建。 立君 斯有 夫 譏 亦升 無 叉世 士族。 即 # 百 主而爲 度之 世卿爲 深奴 年 平 君 卿 有 其 則 世 以 不家故雖 之先聲 弊。 大僧、 平民。 也。 去 平 之。士 明故 頗 動 統 民 世 領。 類 兵 世 頗

厲無喀私德之害此眞孔子非常之大功也蓋先歐洲二千年行之中國之强盛過於印。 盡掃人人皆爲平民人人皆可由白屋而爲王侯卿相師儒人人皆可奮志青雲發揚踏盡掃人人皆爲平民人人皆可由白屋而爲王侯卿相師儒人人皆可奮志青雲發揚踏

矣但一間未達耳眞可以一變至道矣夫人類之生皆本於天同爲兄弟實爲平等豈可 之禁抑未解三者尚未改良故平等之義未盡而愚弱亦從之雖然人民男子之自由至 爲良人而明以後投大戶者不絕及樂戶丐戶蛋戶之名尙有不盡得爲平民者而婦女 度皆由於此惟君權雖有義理以責任之而專制不除奴隸雖經光武用孔敎之義頻免。

而苦國必弱而忘印度是矣凡掃盡階級人類平等者人必智而樂國必盛而治如美國 妄分流品而有所輕重有所擯斥哉且以事勢言之凡多爲階級而人類不平者人必愚

平之爲義大矣哉故孔子之於天下不言治而言平而於春秋三世進化特以升平太平 是也其他人民國勢之愚智苦樂强弱盛衰皆視其人民平等不平等之多少分數爲之

方今各國奴隸之制盡解賣買人口之風已盡卽俄最多奴亦已除免我國孔子創

奴之異類異狀猶以人類平等之義捐白人無量之肝腦膏血而救之而我國奴隸皆出 之風動大地然尙爲光武之後學而已然方今中國奴制未除以同爲黃帝之子孫不幸。 貧而見鬻遂抑及世世子孫不得此於人列傷哉同類自相踐踏何其愚也夫林肯於黑 無奴之義光武實施免奴之制實於大地首行之其於平等之道有光哉林肯以鐵血行 愧於林肯豈可言哉故以天之公理言之人各有自主獨立之權當爲平等不當有奴以 三皇五帝神明之裔考其遠祖皆爲弟兄而忍以一日之貧凌辱其兄弟無量世胄此其 仁心故免奴之制他國卽不行而中國當先行者也中國今而不行可爲大恥也 系言之則同出一祖同爲族屬兄弟不忍有奴上之失孔子之聖制下之愧光武林肯之 人之事勢言之平等則智樂而盛强不平等則愚苦而衰弱不可有奴以中國 人類之譜

手定六經滅去奴隸其於人類有天子諸侯大夫士庶民之等無有爲奴者也故六經無 **今以中國之奴制考之自古戰爭俘掠人口於是用以爲奴隸又有鬻賣** 婢以供富貴者之用然三代皆有井田以授民人人有百畝之田安有爲奴者孔子。 入口者收

奴隸字論語箕子爲奴蓋攻紂之暴以叔父爲奴耳非眞奴也戰國及秦漢之爭多虜掠

人口而 隸夷隸貉隸諸名以爲周公之制然光武尊用儒術特舉大典累下詔書免奴婢爲良· 又有髡鉗爲奴之罰故復有奴劉歆僞爲周官以漢制緯之乃託爲罪隸閩 隸

今以後漢書光武本紀按之建武六年十一月丁卯詔王莽時吏人沒入爲奴婢者皆免

爲庶人。

建武十三年平蜀十二月詔益州叛民自八年以來被略爲奴婢者皆一切免爲庶

民或依託爲人下妻者欲去者悉聽之敢拘留者皆以略人法從事

建 武 十四年十二月癸卯詔益涼二州奴婢自八年以來自在所官 切発爲庶人。

賣者無還直。

嗟乎孔教之行**免奴之制中國先創二**千年矣真於大地最先哉。

常人臣庶民之家能虜人者卽以爲奴而人主亦以羣臣爲奴而中國實無是也不幸有 其後蒙古以兵力滅服各國虜其人民以爲奴隸蓋胡狄之俗專以强 力故 以 奴

餘省亦: 矣雖謂購 投大戶以求免稅故近世奴隸雖不多而不能絕焉然十八行省中惟廣東 劉歆周官之制故人忘孔子之大義以爲周公所有故明世復盛行之糧稅日重故人皆 也違公理而失孔子之聖制甚矣吾先祖連州公(諱贊修)嘗爲連州訓導有弟子自安。 江披甲爲奴之制此皆爲蒙古之遺風而復秦漢虜掠人口爲奴髡鉗爲奴之制是退化 興旣免有奴 奴籍悉予除 有千數百人自服田力賈除以歲時供祠墓之役皆與主人無關 於人民之所益無幾免之於人民之損無幾蓋舉國皆用雇役久矣廣東大姓之奴 今中國之奴不多卽有之皆以名分抑之但供祠墓洒掃之役非一私人所役使也有之 南買得奴還皆放之又在連州得奴還其券而遣之謂豈可以數十金抑人累世乎仁哉 、殆無奴矣異旗之制旣以奴才爲稱而旗戶之下復有包衣又於罪罰有發黑龍 奴有費而用數世之償已多今宜發明公理用孔子之義引光武之制將所有 於 完 盡 爲 良 · 之恥。 又得多民之益,舉而三善備孰有過於此乎夫人爲天所生民爲國 人悉聽於原地雜居庶黃帝子孫同盡平等而才傑之民得 m 也近多有: 《江浙略有之 出洋致富 以奮 隸。

所 奴之家必生怨心宜有以分別處之 《有非一家一民所能私也觅奴之制固所宜然而購奴之費究有自來驟出令免之有。

或五 多求是宜概行豁免不許苛責惟奴於本主及其祖宗究有恩義宜當報効可各捐十圓 圓以酬原主許其分年攤交以代掃除屙墓之費則其原主可無怨 一奴已有子孫者及已聚族者其服役已久足償所費以仁人之心豈宜沿惡俗而 矣。

同此改爲雇役免除婢名皆以年限扣除准其以銀捐贖其有主人加以烙灼苛暴者許 工未滿者准照年限捐贖無力捐贖者再從工役如其年限其奴之名義先爲除免婢亦 其告所在有司立予免除不扣年限 新買之奴改爲雇僕不論買價多少以十年爲例攤算扣除其年限滿者准其免

自主獨立之權賣者失己自主獨立之權皆不可也其有犯者罪之 自定除免奴婢例後不許買賣人口蓋人者天之所生民者國之所有買者侵人

蛋戶樂戶丐戶之別異流品不過以其執業過賤而抑之耳然蛋戶操舟與爲農

丙部 去級界平民族

義。將 獨 永遠 賤而身近官人恐其轉瞬變化卽服官在上以濁流雜淸流以賤人凌貴人耳此在君權 之過 夫皂 恶 夫優者實爲樂人古之賢者所託 人 而 何 一夫人必有希望之心乃有進上之志今旣絕之於進上之途則彼不叢惡而包羞作奸 亦多戲及此更無待於擯斥矣皂隸雖役於官然力抑其進上之途則彼爲無發揚之 私之世故慮防宜深若憲法旣立淸議盈塗報紙溢國豈易私一下流而授以官哉若 犯法將何爲矣是迫之使爲惡甚不然也立法者將以導人以上達則人爭 也古之府立 黜棄擯 異樂戶執籥尤爲雅業何賤之有丐戶則宜編於恤貧院督以作工而敎誨之豈 一矣民受其害甚矣爲良吏者開口輒言嚴胥差蓋由習俗之深而先以惡人待之也 **抑人以下達則人爭向** 隸 旣 不能 出平民俾其世代子孫賤不得 免則豈 史胥徒皆爲庶人在官漢之吏役並與登進各國同之然則擯斥皂隸乃 可使環官之左右者皆惡人而待官之一人嚴之乎此 下 流 而今各國學校之所學風俗教化恆必由之今中外貴 而爲惡夫何事 伸焉若夫優倡皂隸並斥流 導人爲恶哉今中國皂隸之無 外原 亦立 向 其執業太 恥。 上 法 而 丽 爲

民一變至道近於太平矣 所有蛋戶樂戶優倡皂隸皆多爲品流有害平等之義有損生民之用宜予蠲除概爲平 近世不平之法也人權之自立旣明婦女交合皆聽自由時無倡家可不須禁然則向來

是時也全世界人類盡爲平等則太平之效漸著乎。 改爲民主統領亦無帝王亦無君主自無皇族不待平而已平男女之權又已獨立至於 因之哲學日明各教日少日弱新教日出大僧日少而日衰久必化爲平等矣各國旣盡 百 首陀中之配哈撫麻巫士哈拖卑咩打各等名目族級宜予淘汰删除概爲平等先獎以 通業次導以通姻化之旣久平等成風然後大同可期也埃及突厥波斯尙有級俗皆當 年後民權日盛各國之爲民主日多必從美國之例世虧亦除而禁之視爲叛逆矣天 律劃除以昭太平之化各國奴風旣掃盡爲平民惟世爵未除大僧佝拿皇族尙在數 印度種族階級之制最害故其衆多種族貴之若婆羅門剎帝利占打偕士賤之若

一部 去種界同人類

府異縣異局、異郷異姓異房者至矣故人道以大同爲至樂而人道之始則以多分異爲縣局鄕姓房之界旣立而私其某省某府、某州、某縣某局、某鄕、某姓某房以仇敵異省異 界之害愈大故有家界以保人國界以保民而大同太平之發達愈難若吾中國省府州 自保皆無如何之勢也今家界去矣國界去矣而尙有一 道者則種族之界其最難者也 人之恆言曰天下國家凡有小界者皆最妨害大界者也小界之立愈多則進於大 非常大界以妨害大同太平之

面 本自全同固易合一卽亞洲之華夏族蒙古族日本族一 敎同養卽無自分其民族之高下則平等相親固自易易若歐洲之羅馬條頓斯拉夫族**。** 國旣合一矣旣大同矣而民族之混同為難其敎化相等面目相等旣經混一之同 和同。 則亦至易合同而化矣所最難合同而化者人種顏色絕殊異者也今世界 被同等之敎化其智慧皆相類

中 之也。 有白 色種者有黃色種者有棕色種者有黑色種者血色絕異神氣逈殊如之何 而能

絕眞 北地更易山人於江濱不過百年黃種之人皆漸爲白色加以通種自能合化故不待大 國人久遊英澳或在國中而精選飲食能採西法之良而養生者顏如渥丹與歐人同若 同之成黃人已盡變爲白人矣是二種者已合爲一色無自辨別惟棕黑二種與白人遠 多行太陽之中挹受日光游居通風之地飮受空氣加以二三代合種之傳稍移 世界白種之强固居優勝而黃種之多而且智只有合同而化亦萬無可滅之理吾見吾 難爲合者也。 於全世界中銀色三人種橫絕地球而金色之人種尤居多數是黃白二物據有全 南 人 於

者則歐洲之白種亞洲之黃種非洲之黑種太平洋南洋各島之棕色種焉是數者雖於。 **今有强弱而亦最宜於其地者也就優勝劣敗天演之理論之則我中國之南舊爲三苗 今全地之大人類各自發生種族無量而以優勝劣敗之理先後傾覆以迄於今存**

貌獮惡以其地熱英人居者傳種皆變爲黃藍之色故亦畏居之印人貧者居宅卑狹穢 列國並爭必干數百年後乃漸入大同之域而諸黑棕種人經此干數百年强弱之淘汰 千數百年後皆爲白人所夷滅否則白黑交種同化於白人此天演之無可逃者也方今 卽印度數千年前之土民亦爲亞利安族所夷滅以此而推今若非洲之黑人雖有萬萬 餘不及百萬澳洲之土人百年前數幾百萬今僅萬數檀香山之島人今亦零落餘數萬 之地而爲我黃帝種神明之裔所關其餘至今湘粵滇黔之苗猔狪獞狆狄等類乃太古。 耗矣哀哉恐其不能遺種於大同之新世矣卽有遺種乎存者無幾矣印度人種皆黑色 土著之民也而今遁處深山種類零落幾於盡矣美洲烟剪之土人今皆爲白人所驅所 有存者亦多遷之四方而稍變其種色矣 吳故每歲疫死者輒數十萬是豈能繁其類乎經千數百年英人之居者日繁印種殆亦 漸少故至大同之世只有白種黃種之存其黑人棕種殆皆掃地盡矣惟印度人略

夫大同太平之世人類平等人類大同此固公理也然物之不齊物之情也凡言平

等者必其物之才性智識形狀體格有可以平等者乃可以平等行之非然者雖强以國 可得哉。 償命之律物之不平也久矣惟人亦然故放黑奴之高義林肯能縻兵流血以爲之而至 律迫以君勢率以公理亦有不能行者焉夫見犬馬而拜者人必狂之食鷄豕者無 美國人猶非笑之然黑人之身腥不可聞則種界之難平不獨學識在下者不能平等卽 許黑人入客店黑人之被選舉爲小吏者美國人猶共擠之黑人之有學行者總統禮之 今美國之人不肯與黑人齒不許黑人同席而食同席而坐不許黑人入頭等之舟車不 望之生畏此而欲窈窕白女與之相親同等同食蓋亦難矣然則欲人類之平等大同何 以平等其黑人之形狀也鐵面銀牙斜頷若猪直視若牛滿胸長毛手足深黑蠢若羊豕 學識才能絕出而以形色不同猶共擠之故大同之世白人黃人才能形狀相去不遠可 科以

節事業親愛自不能同夫欲合形狀體格絕不同而變之使同舍男女交合之法無能變 夫欲合人類於平等大同必自人類之形狀體格相同始苟形狀體格旣不 同則禮

形亦變矣。 間 迷道 古 作 有出 之者矣以白女之都麗與黑人之怪醜而欲交合以變種此人情所萬不願者也今 子 酋 身 無由沙汰不盡則世界終無由至於大同也夫人之形色體格有出於人種有出於地宜 向有之然未常 甲至 綠 孫 未 形。 之先尚 以此推雲南野人山之毛人皆由不火食之故故生毛耳若改火食毛卽 而 於天時有出於飲食起居宮室運動相錯相合而後成加拿大有一華人入山 尚 色者亦能寫中國字自稱中國人誤入深山不能出採樹葉果實及鳥肉爲食途 知 豆拉 依於烟剪人隨之食生魚樹葉而變爲喉音皆作卡埠忌之聲其後遂如 有 火 化以前吾人類之先殆皆毛人耳而加拿大與美之烟剪人待吾華 而能作中國字自稱 地名李陵臺焉墨西哥文亦方密類吾古文考美洲土人實自鮮 藏 幾而同化 士加避寒邈海而南得墨西哥而居其蔑罅郁架丹故宫皆類北方 有中國文字謂昔華人泛海 於白人矣然則欲化黑人之形 中國 人又有入亞齊諸島深林中見人形而滿 飄泊而至美洲 火狀體格 **塗流** 奥白人同始無由 落 於此令加拿 卑移種自己 j脱落當· 身皆 人 廟宇· (啞矣) 甚 大 也。 長 親。 長 採 美 其 變 毛。 面

如常人而蓝 燒煎 如白 亦 百 强 黎臺灣之生 雜 必 健在於運動今白人自入童學每日卽有體操皆習兵以强筋暮皆出游以迎風日屋旁 色狀 年之後 方 魄 有 婚。 而歸粵卽復黃瘦粵人之來星架坡肥壯紅白者卽變爲黃黑枯瘦而英人之久居南 密鮮 壯。 花 人焉蓋歐美 兩種 而 心體格。 色 後 木以吸養氣屋窗多用玻璃以透日光興居有時作工有節。 食之故面 卑與 華人鄕曲之童子十二齡往加拿大入於一白人家至十七八歲則紅白肥 男女之交更足爲形色貌體之變大同之世在千數百年後至於此時黃種 內 紅 番。 必與歐 色面貌必與歐美相 肉腴若講體操運動之法長大 面形横闊 (中國通 人日必肉食其牛羊之肉。 美 色多紅蓋紅盛也中 故 無 分其爲 面肉紅黑悍氣如野獸有買其少女歸而育之長大則 相類也以食樹葉生魚故音容盡變靈性亦蠢矣專之生猺 近。 大同殆甚易易若夫專人之居於江 無復有黃馘菜色者矣況他日 華 加游 必全用鬱不洗其 人久為西食者皆 吸風日 之益。 然又血食得 Щ° 而花木玻窗並行 不 內 加以食肉燒煎 碎切而走其 淅者。 地雜 亦 居之後。 於日 復 血肉必 稍 多 光。 漸 增紅 必多 置。 故 娟好 丽 則 體 壯。

天 洋 陸 近 大 度 也。 知 形 海。 時 故 Ell 者皆變黑一二代 淵 H 陸之沙漠。 E 亦 近 與 ൬ 八黑溫帶 光爲 之氣 同 中 下。 人 度 帶 沙漠者純 類之形 而又 巫 之人 也。 國 海氣 來 候者也故近 同蓋處溫帶之地故也歐洲之突厥人面貌秀白與吾江浙人同亦其溫帶之 惟 服食 黃。 由 波 日 摩盪天氣和融故 光蒸 亚 (熱帶· 狀體格視乎 黑此其大略也人種者由地宜天時積成則亦可。 多 羅 非利加人 起居得宜 海 的 之人黑其命 居 海 晒 者 太烈故蒙 ·熱帶· Eli 黄 北 海最北 度者皆變黃 而 乏人 **種之黑皆由** 故 飲食起居 近 心蒙古 愈近 白溫 必黑。 也。 人。 人之黑 八乃最白耳: 赤 刨 帶 之多 道 以歐人論之意 西伯 運 藍。 近冷帶之人 者愈 色有 中國 動。 熱地所蒸積世日甚故傳成黑種 陸 利 而 心黑·若心 及烟 者黃 故 與印 以傳 人 人 、童子之產 剪人雖居 心心白。 種爲 度同 在 類所居之地。 加 冷帶。 近 大利 ·黑熱帶· 一个歐 者蓋 甚。 於歐 加 四班牙葡萄牙人 面 不 五 傳 爲 人之白者以其 之近 種之故因 遷 如歐人之近 美者。 大 海 六 八陸者形黃色 陸相均 地 十 亦皆紅 海者 度。 而移其形色也若 棕黃。 者。 | | | | | | | 不 其 色即黄 白者。 北 爲沙漠者 居 白。 冷帶之人 初亦 熱 海 在. 以 帶 以 積 非 地 此 五 中 近 純 而 + 於 然 而

則童嬰尤易矣惟黃人又多與棕人與黑人交形色體格必日變而進上如謂棕黑人醜 以棕黑之人遷之四五十度近海之地或三四十度陸地積世易種形色必變如速變乎

則黑如鬼者也皆怪醜者也而歐人華人多娶其婦美之英人多娶烟剪女者蓋凡人久 怪黃白人必不願與之交則不然也以吾所見檀香山人巫來由人皆棕黑者也印度人

同。前 居其地則心目移易視爲固然雖有惡者不知爲惡也吾嘗問一娶檀人女印度女者皆 云然故知他日黃白人之與棕黑人雜婚而化其種者不可勝數也故欲致諸種人於大 :在遷地而居之次在雜婚而化之末在飲食運動以養之三者行而淘汰變化餘亦

無多如大同之世行沙汰惡種之方獎勵遷地雜婚之法致大同亦易易也

人而後來居之以絕其熱地傳黑種之源其舊有黑人皆移致之加拿大南美巴西 遷地之法 凡印度非洲中央南洋近赤道之地皆不設人本院慈幼院諸學院皆

之南三四十度者一以實空虛一以變形色或徙其良於波羅的海北海黑海四 度之間務以大同公政府之力遷徙之其富而能遷者獎勵之其貧不能遷者代遷之務 五六十

使無世守其熱地以世傳其惡種

易變矣徽章名日改良人種。 棕黑人女交女子能與棕黑人男子交者予以仁人徽章異其禮貌則雜婚者衆而人種 雜 婚之法 地既遷矣則與黃人白人雜居於是創獎勵雜婚之格凡有男子能與

棕黑人之遺種無多徧大地皆黃白人之種耳以億萬黃白之美種與一二棕黑之惡種 或曰以優種人與劣種人交不幾令優種復變爲劣種乎曰無傷也計干數百年後

雜婚則一二之劣種少而旋卽以億萬之美種補救彌縫之

當大同之世起居服食之精憂患之少醫術衞生之妙萬不能以今日歐美比之則

其變化甚速何憂人種之隳落歟

腥膻皆以所食成之傳世久而化之矣若改易其食加以火化去其昆虫異草與胃腹不 可食者卽食之其昆虫異草與胃不宜者若誤食之胃不消化胸腹腫脹面色黃瘦體气 改食之法 野人之食不解火化多用生食不知擇有益於胃易化於胃之物但見

宜 不除故白人皆畏厭恶賤之應之曰是其變也亦不過數十年一二世耳以千萬世臭穢 同者久之必亦爲黃白人矣或曰美國之黑人服食與美人同矣而身中腥臭之气至今 若十數世千數百年爲熏香美食與黃白人同可決其腥臭必盡而體气皆香也凡物皆 腥臊之傳種而欲以數十年一二世盡去之固不如是其易也然若假以歲年多歷傳世 不化非所懼也。 久而後化麝食香久則香蜜採花久則甜此芝室鮑肆之異習而漸化耳若慮黑人凝久 者則形色必變所舉加拿大亞齋之華人旣有然矣然則變棕黑人之飮食與黃白人。

宜 不良致然耳欲補救之一日移地二日通種先變爲黃人則再變爲白人不難矣移地之 於人胃者定其宮室之去濕而通風透日者則二三百年代爲改良可進化爲黃色不 凡熱帶棕人皆移居冷帶近海沿江之地改其服食易腥食者爲熱食去其虫草之不 近矣然頭尙端正下顏不出則腦質非極下也但多近熱帶發洩過多崎嶇山谷服食 改 良人種說 棕色者目光黯然面色昧然神疲氣爾性懶心愚耗矣微哉幾與黑

難也通種之法則高懸賞令凡有黃白之女與棕人之男合婚者則優賞而厚禮之贈以 仁人瓊星名曰改良人種若是則進爲黃種人尤易易也經大同後三數百年可矣

雖欲易種而誰與易之黃白二色人豈肯與通婚哉雖重賞無濟矣倫敦昔開人種會有 黑 度尙可非洲尤甚幾無妙藥可以改良矣蓋生當熱帶之極積百千世傳種之所成故其 與白人黃人資格之相遠也有若天仙之與地獄之鬼也豈止南威之與無鹽嫫母哉印 總統 學問之女與非洲黑人交者此偶試之耳必無多人願之矣美國人言平等而不肯舉黑 人入仕不許黑人入客店不許黑人坐頭等車同席有黑人者雖宦學必不 已以英人之白而易變退化若此則黑人之進化改良者當亦以移地而得之矣擬空全 月耳以吾觀英人之久居印度二三世者面卽黃藍華人亦然則皆以土地移人面色而 如漆熱氣發洩傳種既愚念傳而愈甚誠非一日之可變易也此眞聖醫之所束手矣。 力扶之而無補也實色不同也然則如之何然而轉移之亦非絕不可也但多需歲 惟黑種之人鐵面銀牙目光瞶瞶上額向後下類向前至蠢極愚望之可慣可畏其 · 幽焉。 即有

球 拿大中及瑞典挪威之北以實空虛改其服食去其食生虫毒草之脹腹而害體者經二 三百年傳四五世後顏色必可變爲棕色更懸重賞令棕人之婦女與之合婚其賞仁人 熱帶之地不以居產婦嬰兒但供農工商牧之用其現居熱帶之黑人皆移居美

寶星亦同改良人種經數百年必可大改

黑人亦可盡爲白人矣服食旣美敎化旣同形貌亦改頭目自殊虎入海而股化爲翅魚 人不二三百年可進爲黃人不百數十年可變爲白人由是推之速則七百年遲則千 同一長短同 全世界人皆美好由今觀之望若神仙矣 洞而目漸卽盲積世積年移之以漸故經大同後行化千年全地人種顏色同 大抵由非洲奇黑之人數百年進爲印度之黑人由印度之黑人數百年可進爲棕 一靈明同一是爲人種大同合同而化其在千年乎其在千年乎當是時也 二、狀貌

地患在人滿區區黑人之惡種者誠不必使亂我美種而致退化以此沙汰則遺傳無 其棕黑人有性情太恶或有疾者醫者飲以斷嗣之藥以絕其傳種當干數百 **1年後。**

而爲大同耶。

多而遷地雜婚以外有起居服食以致其養有學校教育以致其才何患黑人之不變進

人類進化表

在 留 有 官 例 虽 於 平 日		以爲謬論。過空名無政權與齊民等。盡廢有言立貴族	以世爵貴族執政有去名分爵級者 無貴族執政雖問存世爵華族不 無貴族賤族之別	立統者以爲叛逆	立帝王君長爲叛逆 議員以爲行政器	有帝有王有君長有言去君爲叛逆 無帝王君長改爲民主統領有言 無帝王君長亦無	人類多分級 人類少級 人類多份級	據 亂 世
名爲官	逆	盡廢有言立貴族世爵者以爲叛	無貴族賤族之別人人平等世爵	立統者以爲叛逆	議員以爲行政罷還後爲民有言	無帝王君長亦無統領但有民舉	人類齊同無級	太平世

丁部 去種界同人類

一入九

火
同
徘

無貴賤之族婚姻交通皆平等	族雖有貴賤而少級婚姻漸通	族分貴贱多級數不通婚姻
而立和約有期限不名夫婦		爲
男女平等各有獨立以情好相合	一夫一妻仍以男爲主而妻從之	一夫多妻以男爲主一切聽男子所
	權不得爲公民官吏仍依於其夫	爲平人
女子有獨立權一切與男子無異	女子雖不爲夫之私屬而無獨立	女子依於其夫為其夫之私屬不得
	通	
職業平等各視其才	雖有貴賤之族而職業無限得相	族分貴賤職業各有限制業不相通
	紐	不得仕宦
無貴賤之族皆爲平民	雖有貴賤之族而漸不等皆得仕	族分貴賤多級仕宦有限制賤族或
無大僧	削法王猾爲法師法官議員	有大僧爲法王法師法官
無皇族	皇族雖未廢而僅有空名不執權	有皇族極貴而執權
只有大夫士二等	有統領大夫士三等	有天子諸卿大夫士
官級極少	官級稍少	官之等級極多

人民平等無奴婢亦無雇僕	放觅奴婢爲良人只有僕	有買賣奴婢
	賤	
(一無主國屬部人民平等	主國與屬部人民漸平等不殊貴	主國與風部人民貴賤迎殊
諸種合一無異互通婚姻	棕黑之種甚少各種互通婚姻	白黄棕黑之種不通婚姻
	絕	
等不共殊	白雖有長短强弱美惡而不甚懸	殊
() 諸種體格合一皆長皆强皆美平	棕黑之種漸少或化爲黃只有黃	黄白棕黑之體格長短陽弱美惡迥
	白略有智愚而不甚懸絕	
X 諸種合一並無智愚	棕黑之種漸少或化爲黃只有黃	黄白棕黑之種有智思迥別之殊
	白略有貴賤而不甚殊異	
《 黄白交合化而爲一無有貴賤	棕黑之種漸少或化為黃只有黃	種有黃白棕黑貴賤之殊

大闸车

,

一たこ

•

戊部 去形界保獨立

觀遊不得出室門甚且斷束其腰蒙蓋其面別削其足彫刻其身徧屈無辜徧刑無罪斯 得預議會甚且不得事學問不得發言論不得達名字不得通交接不得預享宴不得出 矣若偏抑千萬人則古今訟者助者不可言矣若夫經歷萬數千年鳩合全地萬國無量。 尤無道之至甚者矣而舉大地古今數千年號稱仁人義士熟視坐覩以爲當然無爲之 理抑之制之愚之閉之囚之繫之使不得自立不得任公事不得爲仕官不得爲國民不。 數不可思議之人同爲人之形體同爲人之聰明且人人皆有至親至愛之人而忍心害 大欲爲未來無量數不可思議女子致之平等大同自立之樂焉夫以物理之有奇偶陰 去無量數女子呼彌天之寃吾今有一大願爲同時八萬萬女子拯沉溺之苦吾今有 訟直者無爲之援抹者此天下最奇駭不公不平之事不可解之理矣吾今有一事爲過 婦女 天下不公不平之事不過偏抑一二人偏重一二人則爲之訟者助者紛紜

陽即 有 雌雄牡牝至於人則有男女此固天理之必至而物形所不可少者也旣得爲

其聰明睿哲问其性情氣質问其德義嗜欲同其身首手足问其耳目口鼻同其能行 之此爲天理之至公人道之至平通宇宙而莫易質鬼神而無疑億萬世以待聖人而 與男子同令著作文詞之事中國之閨秀旣多若夫任職治事明決果敏見於史傳者不 **今**郷曲之農婦無不助耕各國之工商旣多用女子矣以女子爲學仕宦之業其勝任亦 有吳於男子也男子未有異於女子也是故以女子執農工商賈之業其勝任與男子同 執持同其能視聽語默同其能飲食衣服同其能遊觀作止同其能執事窮理同女子未 惑億萬世以待衆議而難偏男子雖有至辨之才至私之心不能濤張之抑揚之者也 可勝數矣故以公理言之女子當與男子一切同之以實效徵之女子當與男子一 切同 坐

今大地之內古今以來所以待女子者則可驚可駭可嗟可泣不平謂何吾不能爲

過 去 無量數苦男子解矣

第 一不得仕宦。 萬國卿相盡是男兒舉朝職官未見女子考念四朝之史文選舉

1

C

從推之各門 不 宦之魚朝恩而足任師 袴之梁不疑而足備尹長洗夫人秦良玉之威鎭百蠻豈不勝於驕蹇之莊賈趙括而足 寒畯而 徒府 愚稚 孔 任將帥辛憲英之淸識豈不勝於昏愚之曹爽而足參謀議宋若憲之經學豈不勝 之投江賈誼以之懷河而後人爲之痛傷惋惜賤歎流連乃至於千年後誅椒蘭而罵絳 聞 子經義 英俊沈 可 史不得備 也然若敬姜之德行豈不 巾 可為公卿身女子也則雖聖神文武不得仕宦匪獨秉鈞開藩不得蒙大任乃至胥 幗披九萬里之地志考職不覩裙釵夫使男子盡是禹皋而女子皆同犬馬則其 致 之平等左思日欝欝澗底松陵陵 國女才當亦有问羅蘭蘇非專懦厄其著也夫任官以治事受事 下僚長言太息於是士人以才高位下歎老嗟卑自傷不遇侘密 奔走豈無量數之女子無一人勝府史之任耶昔人 儒李易安之記誦詞章豈不勝於沒字碑之竇參而足爲 勝於世祿之季孟而足備卿士班昭之才學豈不勝 山 王 古以彼徑 一寸莖蔭此百尺 八禁世官譏: 條。 **#** 以擇才徧 世 世卿。 聊。 屈 胄 文 於閹 於納 原以 學侍 쌿 以 考

_-

灌碗 髮吐 於是 以 數之女子其 漢六 有 致 傳女多以女爲帝王者 而 如 好 若 列 **《奪之男子則襁褓可襲侯封女子則豐功不膺爵賞是又何義也而女子雖握治才積** 承 帝 賢 平著 哺。 縛 沙 朝 Ξ° 以求 則 之士爲之惋歎沈滯握拔蔽抑有蔽賢不祥之歎是則 伯 時。 反許 雞弄丸若使平 以 後 維 女子尚 中才賢若敬姜辛憲英羅蘭蘇菲亞之流何啻億萬 為不祥抑才則以爲竊位惟於千萬年千萬國京該 才而 漢 爲之小官莫如吏士則不許爲豈能爲帝王而不能爲吏士耶是又 多利亞之强 之臨朝六后有若定例 ·祥蔽塞天地災沴萬物孰有大於是歟以爲無才歟則歐洲國統 蔽賢抑才至 有封君侯者 如近 世 **順流以任宰** 盛英國尤著 世班之以列伯沙之開新美洲俄之喀林闢中亞細 一於千萬 如 憂羹侯宣文君是也後世不 矣即中日 執藩鎭其才豈減於李 即至淫篡之呂武 國。 干萬年 國宋之宣仁明之慈聖皆以女 正裁 極 至爲無道 無量數之人才其不祥 德裕: 獨 何 實官 歟。 稀 而 而其才 ·壤溝澗· 張居 未嘗 夫國家旁 不 ·任並· 正 充一 哉夫· 術控制 IE. 末 求俊 虚 主 裁。 八大任莫 何說 秋不 莫 臨 亚。 極 爵 天下。 英之 無子 亦 朝。 有 無

理審德以求進過往未來之種種勿論即在今日用男棄女是使八萬萬之人才聰明俊 蟻。 國。 偉皆湮沒欝瘞以終也暴殄天物之罪豈有倫哉方今立國之强弱視人才之多寡吾有 之任豈足盡女子之才哉其與各國偏抑女子之弊亦五十步百步之此耳其爲棄甲而 國 人 走則同矣蔽賢不祥背天心而逆公理者一 卑微 不 民。 漸 過漆室投梭而已蓋國律所定風俗久成自知不得不復爲 有用 未聞求仕爲東方朔之自荐未聞以懷才不用性際自傷懷河而投汨羅者義 而先自絕棄其半其愚無策 愚賤擯在人外矣旣擯在人外則亦卑賤自安不復講求政事探研文學。 女子爲醫電 各職近有拔爲審判官者餘官則仍不得充焉然茲皆一 何可 量焉。 西人謂商務無女子則其國商務不 非分之望。 如奴 技 典。 ·不復窮 隸。 今美 雖是 如 能 螻

贀 良 孰若救父之提縈以廉而論孰若揮金之柳氏母以秀才而論孰若鄧后班昭謝追蘊 有道 第二不得 語科隋唐以降有進士明經之目然登科只有男子 科 舉。 典 學選才設科拔秀惟能是與豈在形骸漢世創之有孝 應考並無女人夫以孝而 廉 秀才

(良有道) 而論。 孰若儀法鍾郝以進士而論詩詞孰若李易安以明經 而 論經學孰若

身則逆貪 哉。 況 若黃崇嘏之爲蜀狀元則假男子身而後成蓋女子一出而魁多士矣豈得謂女子無才 宋如茍其视男子之舉秀才不讀書舉孝廉父別居者人才不 遺賢則所遺 愚陋苟竊高科不幸現女子身則雖至德通才不許預試不 無量以言取士必得則所得僅半以言興賢求才則不興不 相 去天壤耶 平孰 求。 乃幸 甚 顚 焉。 以言 倒 現男子 多矣。

非 子之秀彥是於矯俗升平之義知二五而不知十也詩稱釐爾女士夫女而稱士然則王 塞 印 唯 度會首陀齊婆羅門創義之時原爲駭世之舉動乃今也拔擢男子之寒嗳而 文 (明開 絕徑令窈窕含光不克登其徽音秀媛蘊才不克揚其文采固失育才美俗之道 人才以獎勵而愈振以榮名而愈修區區科第之虛名何不假借彤筦之有煒而乃 化之宜昔孔子之立學造士以創科舉 - 也原為 世 卿 不平等而特 、嬌之譬 全遺女 如 亦

制

學校

中之進士選士秀士俊士豈有別焉

夫國家所禁優倡皂隸乃不許試清貨

麗茲形筦豈倡隸之是此而並擯之歟且學校作人凡人皆作女子亦人也豈鳥獸不

耶今歐美各國女得入學然得與博士文學士之選者落落晨屋或且一國無有得非選 逆公理二也。 用之不及激拔不盛風厲學官之道未至故女士不多耶抑人才而塞文明其背天理而 同 羣哉乃漢成三千貞觀萬室不聞女士得列橫經何聽其落英隱秀擯不與人相齒

所在而求與聞國政亦何抑女子攘其權哉女子亦何得聽男子獨擅其權而不任其天 無人以公共平等論則君與民且當平況男子之與女子予貴女且爲帝王過於賤男子 諸民一以明公共平等之義一以選才識通達之人夫以才識論則數萬萬之女子夫豈 領宰相者未聞乃至並數百之議員不聞舉一女子參預其列夫國之有代議員者原取 職若謂女子無才識耶則如羅蘭夫人實爲法國黨魁駈率羣議員而受命矣豈不 權者謂之失天職男與女雖異形其爲天民而共受天權一也人之男身旣知天與人權 議 員之任耶其他各國女才箸書言國政助夫任大事者無待縷數矣而各國舉 第三不得充議員 人者天所生也有是身體卽有其權利侵權者謂之侵天權讓 ·能勝 大統

形黨而力抑女子已爲可怪女子亦自安於異形黨退謝而不求尤爲可奇吾昔入 盧大笑調吾爲女子例不得預目吾爲狂此外頻與歐美女子言之皆笑吾之狂愚 大總議院其下議院長諸女陪吾觀焉吾謂卿等其有才學何不求爲議員議長諸 多矣豈能爲 帝王而不能爲議員歟甚怪歐美日言平等而乃不平若是也男子旣以同

國。 員之人澳洲女子今得有舉議員之權以爲國民矣美國亦有數州得選舉權者比之各 美國女子間有求之則爲衆男形黨所抑欝而不伸不獨不得爲議員抑且不得爲舉議 遏抑旣久受爲固然逡退安分反目人權爲謬妄矣是失天職而不知謝天權而 稍為 升平矣然其未能舉議員不能大平則均也竊謂女之與男旣同爲 人體同為天 不 任也。 心蓋 (加拿 安胡

亦同 民。 之不被舉者。 亦同為國 受天 職。 民同爲天日 非無人才也蓋男子自私其同形黨而不舉之女子又不得爲公民而無學 啊 不可 失同任國職而 民則有天權而不可侵之同爲國民則有民權 不可讓焉凡舉代議員惟問 才識。 而 不論形體令女子 不 可攘之女子

之權故女子不得爲議員遂常絕於宇宙間也此其侵天界而奪人權不公不平莫

. 矣竊以謂女子之有才識者當一律選舉之以大昭公道以無失人才此爲太平世之 们。

盛衰男于受其休戚豈女子獨能外焉漆室投梭愛國同情卽在大地統一之世尙 嘗不能有德行學識也而獨見擯是不以人民待之也女子坐聽其擯是不以人民自待 之側不獨不得爲議員且不得爲國民上不得預選舉之權則國事 賦人權之義女子亦當在天民之列斗等並立以其才選共預公議豈況國乎乃今各國 於國者固已多矣謂女子不能有才識明事理則女子之所學問者又更多矣女子所短 爲之公民則天 者獨爲兵一事此非女子不能任也木蘭從軍何嘗不策勛十二轉但國家以其體。 則 爲選之是非女子之罪也況爲 第 四不 人身有損其義何歟謂女子不能供賦稅任國事則今女子之爲工商 ·得爲公民。 職 也無所逃於天地之間且爲兵仗力爲民仗德行學識女子。 國者合人民以爲國人民者無問於男女者也國之存亡强弱 兵固 與爲公民異義也爲兵猶爲官也不 無關下不得廁公民 不出力未 必人 而 納 有天 重 短 力 稅

爲 亦 可 讓 大民。 在衆民之列若行 天職捨國責而甘受擯哉故天下爲公之世凡屬人身皆爲公民 同 爲 國 民與女子爲公民又於男子無損 有玷缺而 才不能 供國事者則 也何事擯之而侵於天學乎女子 無論男女皆不 ·得爲 而 有國 公民。

女子 爲 以 窮 列 同。 凡 亦 也。 咨嗟於貴胄據高位英俊沈下僚族有高才坐成廢棄終身不用<u>而</u> 而 女子 焉。 何 同 凡 人 太乎世歟以女子爲公民太平之第 孀 鄕 民得 得 第 其 小 居者論斷其 爲 知。 族其父老壯丁相與議 五 有 與焉傳簽 乃若都邑會館鄉 公民。 不得預公事。 鄕 曲族 叫 姓之 驟 事。 最爲明識而曾不得 添 而集衆公舉以任事。 事。 國民之一半旣順 或訟則老者判之而老 中國抑女之風不獨不得仕宦科第也夫公事之任惟才是 曲公所人人有分得以議事自道路壇廟水旱飢荒 事 於祠 廟妄愚乖 一義 與議致成大誤才女既自歎女身不 公理又得厚力何事背天 本無貴賤凡百平等然雖有貴 也。 謬備極可笑而有才女嫁於其 女叉不得 奥雖有 才智皆無 八心而奪 令盲 人指揮 婦 才女不 人權哉將欲 與議吾尤 所 (族伸家 祭祀 施。 미 吾見 得 否則 奥 會 與。

花。 皆男子預議皆男子貴婦才女雖得預會陪列而已意女子豈盡無才以任此歟無 誤大事是何義歟豈尊賢使能之公理哉豈惟中國今歐美亦莫不皆然凡百會所任事 權亦暴殄天地之精英甚矣火齊木難水晶之珍人猶寶之乃天產無量數不可。 精英可以平地成天與男子同數平等者而以形體微異一切挑斥此與印度之斥首陀 奇才無復有發憤展布之日僅爲一家一姓育子女主中饋而已非徒抑塞人才遏奪人 男黨旣多積男權旣久盡奪而取之歟竊以爲 屬之或統攝之卽失自立之權或如半主之國或如藩屬之國奴隸之人矣女子與男子。 **賤族爲尤過之不公無理孰有過此** 人也何可擯之乃至鄕曲族黨之間亦復一切擯斥不得預事則一現女身縱天地予以 季氏柄國孔子閒居勿謂秦無人吾謀適不用以形體異之故坐成永棄顚倒人才以 與人平等無形體之異也其有交合亦皆平等如兩國之交合若有一强 第六不得自立。 凡人皆天生不論男女人人皆有天與之體卽有自立之權 此旣不關國事但出人民之公義婦女亦 弱。 思議 或附 乃 積

長皆無 同為天民同隸於天其有親交好合不過若朋友之平交者爾雖極惟愛而其各爲一身 光耀 雖 從夫之俗如故。 義日出嫁從夫以爲至德失自立之人權悖平等之公理甚矣今美國號稱平等而· 其與男子之胖合也則曰適曰歸曰嫁創其義曰夫爲妻綱女子乃至以一身從之名其 强男之字下或因强暴搶掠級挾其相從於是積而成俗女子常託於男子之家遂失其 爲 自立之人權一日不得立門戶二日不得存姓名三日不得顧私親 各有自立自主自由之人權則一也乃因太古挾强凌弱之餘擘女子體少短弱托庇 國 爲 於千 君而名不稱伯夷餓死而百世稱之孔子曰疾沒世而名不稱今乃奪人姓名其悖 抑女猶得存其姓名尚存自立自主之義歐美則婦女一嫁卽改姓從夫本身之姓 婦 得自立於大地之上與强國滅人國土而自有之無異夫名與 萬 人故不得不從男子也諺所謂嫁雞從雞嫁狗從狗何謂不得存姓名也。 年。 思動 一嫁則 於千萬里皆以名存故也故志士捨身 永歸夫家惟夫所之焉夫貴則從而貴夫賤則從而賤蓋 而殉 名以名重 何謂不得立門戶也 身孰 一於身 大乎人 也。 爲 中國 所以 官爲 女子 於

而 得自爲人甚至夫得而笞掠之得而鬻責之幾若一嫁之後幾與奴同卽以奴論美國猶 制間有奪姓者尤過之孔子之著春秋也于魯女日伯姬日季姬于夫人日成風日齊姜 弟伯叔之疾與喪則捨己之兄弟伯叔之疾與喪而視夫之兄弟伯叔之疾與喪焉凡此 母之喪則父母之喪不得事而事夫之父母之喪焉己身有兄弟伯叔之疾與喪夫有兄 夫當祭祀祖父母則祭祀夫之祖父母而己之父母不得祭焉己身有父母之喪夫有父 哉何謂不得顧私親也自爲人婦之後捨己之祖父母而專事夫之祖父母捨己之祭祀。 因賣奴而傾國大戰以爭之乃以男女平等之故而屈折之至不得與美之奴等何其悖 爲李陳氏者哉此孔子立女子之平等自立之大義也而何可背之哉若從夫之後幾不 明著其姓字何嘗如歐美從夫之姓亦何有夫姓冠其本姓如近世之陳女配李姓卽稱 之男子乃人人盡奪婦女之姓字今世所誦稱之羅蘭實其夫姓名也此其與君主之專 公理而爭天權尤莫甚焉此惟唐宋君主專制之威乃尉有奪人之宗而賜姓者而歐美 專奉夫之祭祀父母有病夫之父母有病則不得視父母之病焉時節已當祭祀父母

義夫幼而從父則少之時養育之劬勞敎訓之義方不得不然也若子者乃其所生以尊 抑慈抬痛舍己為人皆奪自立之人權悖平等之公理者也其甚者乃至立夫死從子之

以形體之微異而終身屈抑服從於人乃至垂老無自由之一日是尤何義耶其奪人自 言則過之以恩言則育之何事從之哉不過以形體微異一律揚彼而抑此耳何罪何辜。

立之權未有過此禮運記孔子之立大同制也曰女有婦婦者當然獨立之象所以存其

自立之權也。

第七不得自由,人人有天授之體即人人有天授自由之權故凡爲人者學問

以自學言語可以自發游觀可以自如宴饗可以自樂出入可以自行交合可以自主此

嫁離吳略可以自由矣其他尙不列也若亞洲諸國則皆縛束而禁制之雖其程度有高 人人公有之權利也禁人者謂之奪人權背天理今歐美女子於學問言語宴會觀游擇

而其爲禁制則一也

不得婚姻自由 胖合夫婦為終身之好其道至難少有不合卽為終身之憾無可

母所惡 子 賊至牽 好文 或養 子女必與 何。 從左文襄軍幕於新疆官至知府遺孤女曰拾翠遂養於中丞公家聰明慧嫻令從予問 或 悔。 旣 通算 女與父母往往交異其性者其他狀貌文采技藝事爲皆人各有好萬不可强同 嫌 父 非 於庶母繼 而母好質又孰從而定其深得子女之性乎又況少無父母而養於伯叔父母兄嫂 怨 明 連 甚 所 而爲子女所好者卽以職業而論高名則莫如士吏好實業者則莫如爲農 母雖極愛子女然形質既殊則愛惡亦異故往往父母所好而爲子 深。 詩吾家當時簪笏相 而 好 父母同則天下之執業者 而踐踏之微意 爲郷人所不齒女子遂因 而 强合之則將有終身抱恨者矣況父母 母舅母從母主之如是者十居其三四也其親少遠則體貼之憂 有在。 接族 則所適非夫更有不 叔父則阿 一家一族必無異業 以自縊。 大中耶。 又吾從伯天民公文采風流 可言者吾見有卿士之後 **辜從則封胡羯** 本自異姓或 必無異情矣而如其萬 父好貴而 末。 蓋智見 倜儻 女所 母 **後傑** 心亦微。 好富。 裙 誤 思 無 展之 者父 嫁 若 商。 此 而 使

明慧孝謹 里巷相 難 夫未 粗 落 而長大被疾至肢體殘缺或肺痨就死者卽吾伯姊亦以此終身長寡矣又有幼年家富 不字則父母恐無人娶之更有不擇而妄適人者矣其爲大害不可盡言一則人有幼年 有異者夫人才行學藝乃至體貌皆年已長成乃可考見若在童幼則雖王冲管輅又亦 主之權又無文學技藝知識一切聽他人之播弄其慘劇豈復可言哉且其許嫁之道。 作傳奇已可盈滿卷帙況中國之大而叉亞洲印度波斯土耳其之衆耶女子旣全無自 無賴 知義方後喪父 力 知。 歸 丽 觸舉目皆是百千萬億不可勝道也隨令人人徵之見聞無不 之手展轉鬻賣而隳落爲妓流離遠方無親可依飮酖吞金而 而空嫁乃至終身未見其夫而夫死者若夫以良家女貪重金而賣爲人妾又誤 奪之其終則賣其妻以供一博者矣又有幼年美秀而長大醜恶又有 吾粤定姻多在童幼甚至有兩父相厚悖國律而指腹爲婚苟 而長大昏愚縱浪者更有橫逆顯狂之性幼少未露者其或少有父母之敎而 兄而賭飲嫖吹任性蕩 產者吾鄉有 此日叝竊其婦之首飾 流涕者但爲 死或抱恨而 年過 十四 幼 不 年 得 则 五 死者。 人 丽 更

炭而 族中有富家女來嫁而夫家中落者胼首胝足茹苦含辛一切自母家持饋而來執薪 賣菜傭乞丐婦者。 而. 之黨況未 之常 怨氣冲天父母雖愛不能救才德雖美不能補誰造恨天貽此咎害若夫天年不遂落則家家皆是觸目可傷削竹難盡沈沈苦海誰共百年渺渺孼緣空勞雙宿愁思 卒乃以盜 儒不 妻之義以胖 有代清之名。 長 自炊其苦不 大中落者甚至夫家田園皆盡幾於行乞而女家貴富日盈文采日盈以此 前 通 節 下獄而 道 義過激莫不守貞茹苦終身獨居畢世有不往守者人議鬼責 嫁乎身背父母而爲不識之人終身服義旣背孔子之經又苦生人之道而 生生之理但 合而定未之成親未之見面安得代守終 未嘗 堪而其夫不肖日事烟賭簪釧拔盡笞楚迫求索母千金夫應手立盡 示 妻恚憤致死殊可慘焉其所 嫁則不義嫁則 字人聞有某童死亦未嘗識之願以爲死夫而爲守終身代事舅 悅其行義之高相與輔翼激張之以成風俗豈不謬哉吾鄕 何以爲 生以此抱憾致死者又不知千萬 **適得人千百無**一 身乎禮於嫁未廟見 而夫 也不 與 尚歸 良。 世不容夫夫 文 或 家 道 也。 郎吾鄉 思徧 葬 丽 女氏、

事

地。

中

俗而誤緣飾笑義日烈女不事二夫考孔氏之世亦多出妻而韓非子稱太公老婦之出。 後疾前富後貧此固與幼年字人者相同而尤慘矣凡岩此者皆愚儒因男强女弱之舊 之宜無終身相纏之苦乃俗儒妄爲陳義之高至女子皆爲終身之守雖遇盜賊狂狡旣 夫也則古者夫婦不合輙自離異夫無河東獅吼之患妻無中庭相哭之憂得人道自立 依他人惡姑不慈待如奴婢酷不能忍輙復自盡若夫之不良長大變異前智後愚前健 姑此其背義非道尤爲怪矣更有童養媳者貧家多行之欲省婚娶之費也年僅數歲 己誤嫁飲恨終天無自援救。

子所適: 於時諺所謂嫁雞隨雞嫁狗隨狗今果然矣豈不哀哉同是人也豈可使萬百億千女 遂 使夫也不良得肆終風之暴而女子懷恨竟爲終身之憂救之無可救哀之無可 **「非人抱痛銜恨如此然豈徒不得自立自由而已哉更有爲囚爲刑爲奴爲玩具**

何曰爲囚 歐美女子之於出入交遊宴會皆不禁近升平矣中國尙不能也緣古 四焉。

名所 在 身 古 其首 交接游 同產以古者無同姓爲婚之禁於是矯之則已嫁而返不與同坐同食叔嫂亦出一家以 者 自少 有名 事皆不得預雖有名山大川勝地名跡禁不得賞雖有大會盛事奇人異物禁不得。 別 深居閨闥不出中庭號爲閫範以爲 者多有兄弟共妻者故益嚴禁之至於叔嫂不通問若夫男女之間非有行媒不相 男女大亂之俗於是以正 内 以 爲 師 能 间。 大爲 外內言不出外言不入女子出門必擁蔽其面男女授受不親甚至姑 出行 觀 母 修 碩學專門絕業禁不得從學問無由進識見無由開 者。 |教已自縛束長依婦道 禮 凡有 之界嚴爲之防者至矣不得見男子故無 則 防謂之賢媛不能從者謂之無 以手 此者輒爲不齒若夫印 ,持之目僅見足曳踵圈豚蓋目爲布蔽不見前 |父母之故不得不矯而禁之於是禮始於謹夫婦爲 更當閉閑故中國女子自非貿絲之婦倚門之倡 禮防旣禁出入亦禁觀游雖有良辰美景賞心樂 度之抑女尤甚雖極貧賤 廉 恥。 以爲蕩人夫蕩人之惡名誰能 外交既無外交自不得 步不可行。 面 必 也間有操作。 有紅布數尺以蔽 __ 物不 出。 姊 受之故 得 是故 宮室。 妹。 見從 見雖 本是 無 知

出若以中國女人視印度突厥又覽中國人句它导見了台灣上一。 美女子之不得議政任官哂爲異事怒其刻薄若以歐美女人視中國女人覺其深居之美女子之不得議政任官哂爲異事怒其刻薄若以歐美女人視中國女人覺其深居之 惟夫 食。 布 弱 拓 夫不從賢師 幽 如 掩僅露雙目。 帷 囚 無 心 心時穿-/持鑰此 此終 輒 胸。 量數之婦 尤 血 復 不 甚 色。 蔽 矣雖然既禁出 身此則歐美殺 遊美景良辰吹風受日 無 小 面故 良 則獄吏之持重 學 人壞不可以 而眉間布縫以小鎖扃之夫持其鑰惟夫命乃開身有窮袴扃鎖亦同:[故終日以右手執操作之物左手牽蔽面之布者尤甚焉全身全面皆: 孔僅露雙目外人不得見焉 友不見名人 則 蠢 著 鹿 「入其爲| 思議之人種其害何可 豕。 人之罪終身監禁者不 囚不若是矣印中婦旣孀守則獨處高樓 碩士則無由成就學術 不 開 拓 則 囚 無 則 也惟有罪人乃加 無 由强健夫婦 生人 凡此相待。 意 過此 趣。 大損大衆之傳種而 女爲生人之始。 不見高山大川勝地名蹟 非幽 矣印度富貴 **濫禁女子** 何以太平世人視今歐 傳種 《家女有看》 何罪。 去其 爲 所 而 自。 妄 下梯。 男子守以 則 加 演 而 不 無 監 劇 繩 田開 禁乎。 /厥之 健 者。 縋 則 簡 以 飲

戊部 去形界保獨立

答杖 然細 無能 歲之女卽爲纏足七尺之布三寸之鞋强爲折屈以求纖小使五指折捲而行地足骨穹 以竹棚務令上下大而中小以爲美觀而女子則被縛束而不堪其刑矣至於小足是大 若貫珠者無論矣中國古制本無是俗自蒙古入亂華俗乃有是風於是 藏諸蠻則不 生之耳完好孺子之身何罪何事以飾環之觀美而加劓刵之重刑無來由及印度暨衞 窿 地 同 而 腰之俗未改也昔楚靈王好細腰而宮人多餓死者歐美之好細腰也束以緊帶縛免是刵刑者矣歐美老婦尙有鑿孔懸環近則文明大開少女多撤環不復鑿耳矣 何謂 指 尙歐美女子亦復纏以胄娘之帛聳以跕利之歷以爲美觀但不若中國之甚耳數。 徒歐美則但用監禁不忍行之乃父母於子偏設嚴刑穿耳作孔以掛。 天以六寸之膚圓爲掌上之掌握日 爲刑 歲。 止穿耳而穿鼻鼻或穿其兩孔或正穿其中樞甚或彫額塗金而耳之纍纍 古於有罪者刻傷肌膚故作墨劓刖刵諸刑然後世猶惡不仁而 之中每日一痛及其長大扶壁而後行跪膝而後專敝俗所化窮賤勉 夕迫脅痛徹心骨呼號艱楚 夜不能 無量數之女子。 垂環· 寐。 大天

從以 足躬執井臼或登梯而曬衣或貧重而行遠蹣跚跼蹐顚覆傷生至若 兵燹倉

皇奔走不 年相繼。 亦 他 孰 受害者二萬萬人上推千載凡五十倍則爲百萬萬女子被其毒害矣古今大地之毒 主持尤力大開斯會於粵與滬上從者如雲斯風途少變戊戌曾奏請禁纏足雖不施行 心竊哀之誓拯一萬萬女子之苦故弱冠以遂即開不纏足會其後同志漸集舍弟廣 而天下移風矣夫天然之足光緻完好卽欲觀美何待矯揉以害女子哉蓋自宋至今千 面 刑之此 有如 損足傷以爲懽笑此與獄吏之迫索囚徒財物何異婦女何罪新婚燕爾方爲兄弟之 惡手足之大而 夕勒索醜言惡氣婦若不應扯其衣飾焚以炮爆甚或以熱水火鉗燙其 此事者哉且中國號稱敎化之國而大賢世出不加禁止致爲人笑尤爲恥矣其 人生三十年爲一 也若 及縊懸林木顚倒溝壑不可勝算。 夫婦 以鐵鉗夾之及一切指環手釧狀類枷鎖或有入而難出 初來之夕集賓客聚宗族入洞房索婦 世以禍害夭亡統算之實通算不過二十年耳二十年中女子 無道之敝俗至斯已極吾於羣妹目擊其苦 物多者干百數十金 火絡 手足至於 致傷是 一少亦

戊部 去形界保獨立

洞 · 辱吾為大憤然旣作人婦在人簷下豈得不勉强賠餉哉嗚呼此殆太古野**營舊**。 房窈窕乃爲獄囚之迫中國號稱敎化禮義之國而乃出此豈不悖歟吾妹之嫁 俗 坐

度波斯 歸。 家。 之遺而掃除未盡者軟 姊妹食莫不 唐已然雖歐美之俗室內亦皆由婦女治之蓋亦在中饋惟酒食是議者也若夫日本 其 事之如內 才秀之媛必當· 則嫂不爲炊唐人詩曰三日入廚下洗手作羹湯未諳姑食性先遣小姑嘗蓋自周迄 他掃除門庭縫級衣服乃自洗沐按摩盥衣甚至供食又皆隨意役使有同謀役夫皆 是非 何 謂爲 南洋其婦女莫不 奴 則之每日三朝馨膳潔羞捧度捧衽級針補衣燂湯請浴皆問所欲可也在先 立旁侍膳而進食撤食乃餕其 奴 而 何。 夫舅姑雖尊然不過推夫之愛以愛及之耳非有恩義 入廚治饌具閩中尤盛雖有婢嫗不得假手焉蘇秦之游說 奴非有他供服役掃除烹庖之事謂之奴云爾吾鄉娶婦者雖貴官之 以司庖烹飪爲事吾國號稱禮法之家則翁姑而外夫與兄弟 餘者若夫破柴汲水洗滌食器是非 也。 推愛及之則 不得意 奴 而 印 而

則 義。 奴既得爲姑肆其凌虐不獨任意役使有同奴婢乃至。 矣雖遇貴女才媛不得不以名分忍受而至喪身自盡焉自婦之初來也或以 其獻尊長必行拜禮甚至於姑之婢嫗亦强跪拜而平等之叔伯强行四拜之禮無論矣 之制禮。 嚴 張嚴威以臨之或重家法之名則行苛禮以苦之始具榛栗棗脩以見姑 至賓客在席亦跪 陳 約法問其允否其强之見族 不 先於女之義故墨子以爲祇惴若僕其於愼始何 ·過慮婦: 非己生故重其禮以相與爲親而世俗誤會幾若納婦 地獻酒而皆坐而受之此非奴而何夫孔子特行親迎之禮 人也則自小叔女妹猶子姪孫無不獻茶行禮 呼叱詈駡刻薄賤惡過於奴婢者 如故夫妻則 心跪拜而 之金等 明慎 親御迓 始之 日

姑。

則親饗婦致傳故孔子斥俟堂俟箸之非發冕而親迎之義曰妻者齊也妻與夫齊也

合卺同

食

於舅

將以合姓之好繼先祖之後敢不敬乎故曰敬身爲大敬妻爲大故明相

如奴之義也吾廣東有拜姑婢之禮致令貴媛因

此

與姑相

恶。

叉

八有順德

敬

如賓之

未

有

發

相待

家麥姓娶縉紳金家女其禮日當獻茶五次有所謂上床茶者其舅食阿芙蓉者五更

輪。

以明男

致家 罵 号 嫂 惟 三 少 執飪 之典訟· 事舅姑 叉見 事 不 如意。 敢食 有 室 婦待至四更不 而 卽 不 面 供具物以 能 女妹 夫家之食而又不得自買食必待母家而來供不呈於姑不分於叔妹則加譙 化離費金 巨萬 豈不 叔。 加 如 而已乃若小叔女妹一切供役自理髮浴身進膳獻茶浣衣濯足一若固然少 加 亦多立 堪其勞者大賢 訶 禮。 詬 服· 黑恶口交加迫於忍受更有持鏡几以相擲執火鉗以相烙者母家不。 則加詈駡諡以不敬詈爲 駡。 聲而已大約小叔女妹之憑藉母勢役使其嫂有同奴婢視爲固然少有 禮然夫婦仳離焉 則 奉。 訴 侍 無 及而寢其舅怒其失禮誣其不貞强子出之金家不服大訟 母斥之中家以下殆無不然至於兄口女口 不 小無大莫不 坐。 《之東身法》 而 尊長 異哉故爲新婦 或有 (無論矣· 致敬 (更之治) 在 無 盡禮 廚 小 恥蓋新婦之奇苦大難雖孝子之事父義僕之 者未明而知 :獄不能: 叔以男子之故尤爲專肆至子 與 婢嫗共食而 以待之自曉至夜不 比其嚴者此豈 起夜分不寢盛飾 不得 I 則 益 與 大及姑. 得須臾之 人情所能 | 算重 而 其體 女 朝。 叔 、共食者焉。 備食 旣 頃得 爲 哉豈徒 長隨 ·忍與 息焉。 而 讓。

與 無異不待言矣其或舅老姑沒只有繼姑庶姑繼者則子非所生無愛子之心更

輸以身 **茹痛而無可如何者矣中國婦女以此自盡者不知萬億此則南洋猪仔之奴終身囚苦** 或 無 子之爲婚禮 日相公日姑娘其餘羣從諸姪不日少爺則日幾官凡此皆奴隸之稱然敝俗相沿女體 且迫以自盡强行鬻賣雖有夫愛亦無所補其孀寡之苦更無論矣此則晝夜呼天飮泣 久賤則雖貴家才媛不能不俛首從之否則終身厭惡夫婦仳離焉其悖謬尤奇矣夫孔 「潛於舅」 愛婦之情應姑則出身婢女卑賤而不識禮體挾恃姑勢橫逆妄加或惡其嫡 於夫家則降爲皂隸雖有至親通家平日則以兄弟叔伯爲稱旣嫁則以少爺相公爲 、妹蓋兄弟之義也夫男女本爲兄弟且婚媾之好多出至交乃壻於妻家則視 上背聖經下違公理顚倒無義豈不異哉又非奴而何然此皆就都會士家言之若夫 命殆有過之且卽以稱呼言之吾粵之呼舅姑皆曰老爺曰奶奶呼小叔 而 誣罪始則自衣服飮食之徼橫加抑掠繼而施强奪誣告之事加以楚毒甚 也日嗣爲兄弟故夫妻之父皆稱日舅夫妻之母皆稱日姑夫弟曰叔。 女妹皆 如 而自 **美妹**

山 容讀書游覽不下廚執役此以知人道稍文明則男女稍平等人道愈野蠻則婦女愈遏 實爲買奴而已大概愈山野則抑女愈甚稍近士夫則抑女稍少其世家貴閥則或得從 **覔薪於田而其夫則高臥室中淸談以受供養故多添一婦實爲多添一隸故鄕民買妾** 四府之田家則男能食飯而女僅煮粥男女之間一切皆降等相待此亦待奴之一比也 抑亦足爲證據矣然中家以上男受珍食而女僅常餐或夫有午食而妻僅朝夕吾粵下 之仁智當施於人人職分所當爲者旣有人之心思當任其事業乃一爲女子旣嫁某氏 亦惟夫賣鬻之私爲一人之有若產業器用者故非洲多有鬻女之市然其悖天理而損 出以教人雖有才智不能出以任事愛則惟夫一人愛之用則惟夫一家用之甚至賣鬻 胼手胝足以爲其家守節從一以終其身茹苦含辛懷貞守獨以終其年雖有學問不能 即竭其才而爲某氏之家若私爲某氏之人而與天下及國無與者事夫畜子以盡其業 「野僻縣除貧家農業夫婦並出通力合作外中家以上婦女莫不跣足入山斬柴艾草 何 調爲私 女子爲天生之人卽當同擔荷天下之事者也性分所固有者分於天

之供養終日宴食游談嬉戲不事學業無益公衆有損生民是天生無數人而得半以爲 **勞各分其職通力合作以濟公益安有一人坐食者耶今歐美婦女不許爲官而藉** 權甚矣卽使藉夫富貴坐受繁華然天之生人予以耳目手足心知百體卽當各效其 男子

額細腰· 用者其於公理亦大悖矣蓋旣從夫姓卽坐受夫供其爲 至此。 之日本則齒黑印度則穿鼻以爲飾殆又甚焉女子不知自重又復爲墮馬之粧踽齒。 者非不極致愛寵然不過視爲花鳥而已故唐人有以妾換馬者其賤人道於禽獸無道。 珠玉石雖極美麗 之衣裙五采以絢之爲之金玉珠石以飾之爲之步搖花朶以麗之爲之塗脂抹粉以艷 之生皆出於天故人無貴賤莫非天民各爲獨立安有視爲玩具者哉其敢於玩人實玩 即自 何 小足以媚 謂爲玩具 居易亦有鬻駱馬放楊枝之歌以馬與妾並稱皆以爲玩於人之故 其與籠能言之畫眉鸚鵡檻剪裁之玫瑰牡丹豈有異乎夫豢鳥 男子雖歐美升平之俗未能免焉夫囚以重室鎖以細腰小足枷以 男子之視女子皆無人權天民之心但問其美否以爲愛玩是故意 不平等則一 也。 心夫 裁花 八人人 點

相習成 以 故 自 力 而 妻之風以女子僅爲一家之私人故以無才爲德一則男女旣別不能出於學校以求師 求及前· 廣 卽 嫉 也且男子旣有玩具之心故問美否旣有美否之心則其淫心惡念卽從而起爭。 m 炉漏 人オ 由 濟 生人之始本於胎敎成於母訓爲多女不知學則性情 人人獨立人人相敬豈得起此淫奪之事哉 不得爲學者 是生晉孫秀之奪綠 衆。 風故 女不 識。 無 也且人求獨立非學不成無專門之學何以自營而養生無普通之學何以通。 陿乖戾愚蠢鍾於性情扇於風俗成於教訓而欲人種改良太平可致猶**郤行** 可 與男子平等之學何以成名譽而合大 增人見聞內以養身外以用世人人不可缺者也婦女之需學比 泉 國 無學以人種 女子殆皆不學甚至士夫世家禮法森然文采有 天之生人予以耳目心思之靈卽皆予以通力合作之任學問者所 改良計女尤不 珠唐明皇之奪玉瓊亦因玩具之情而致若使知天民。 叫 不學今中國舊俗 羣。 何以充職業 不能 婦女皆禁爲學 陶冶胸襟不 曜而叩其 而任師長故以 能開 刀男子為 女學則花 則 人權 奪傾 拓。 賤 類 以

貌 心膏無所識蓋皆以候補奴隸無事深求也故一家之中男子則文學彬彬婦。

耽父母 坐爲 過 之事豈非婦女不學强集異類有以致然哉詩言妻子好合如鼓瑟琴兄弟既翕和樂且 非嚴威卽爲强忍故無論如何學道之人名士之家一及家庭卽有難言之隱及不可處 能 鹿豕蠢蠢雖被服相近有同異類夫人之愛其女子及其姊妹情親已甚豈 達專門閨秀之中古今罕聞是率二萬萬人有用之才而置之無用之地彌天: 無詬誶者皆張公藝之百忍耳安有合無數不學之人於一室各用其褊陿嫉妒之私而 !和樂者哉中國名士之家間有習禮明詩者然吟風弄月何足言學若其湛深經 然皆達於笄年卽已輟業且女自尋常小學以外富貴家女亦不過學佛國語學琴學 尤善深思以之爲專門之業制器尙象利用前民其功大矣今歐美升平女子雖爲入 此況當世界競爭優勝劣敗之時豈可坐棄人才哉況婦女之中奇才甚夥且性靜質 異類哉而習俗旣成竟不之怪夫强異類者以同居以此而日言齊家豈非怪謬苟 其順 矣乎鄙意此爲空言則有之若其實事曾天之下孝友之家必無此境其 可骨肉之間。 (憾事) 史通

不 偶現男身則自私至此雖有至親之令妻壽母姑姊妹女子子抑之若是甚怪大地之內。 爲公民不得爲學者乃至不得自立不得自由甚至不得出入交接宴會游觀又甚至爲 矣夫以男女皆爲 學致精者實罕聞焉則女智尙未開女學尙未成也蓋皆女權不足故也足則女學 皆不得辭其責矣推所以然則舊俗之壓力相承一由習而不知 默德又重男輕女之敎則敎猱升木如塗塗附益不足論就此而談則大地從上之敎 聖哲所經營仁憫者不過人類之一牛而已其一牛者向隅而泣受難 事不宜吾自少至長游行里巷每見婦女之事念婦女之苦惻然痛心怒焉不安甚不解 囚為刑為奴爲私爲玩不平至此耗矣哀哉損人權輕天民悖公理失公益於義不順於 於千萬年賢豪接踵聖哲比肩立法如雲創說如雨而不加恤察偏謬相承盡此千萬年 蒙憐拯若是佛號慈悲而女子不蒙其慈耶稱救世而女子不得其救若波羅門馬哈 卽 可見貴其日握一卷者率皆小說游戲之書無關大道者其女子中以著書自立專 人類同屬天生而壓制女子使不得仕宦不得科舉不得 一由時之未可也 無窮彼非人 爲議員不得 、歟何 必興

義 帶惟 安也嘗原人類得存之功男子之力爲大而人道文明之事藉女子之功最多蓋自男女 相 非 火化熟食則必當 自 始則 亦其岩居無 女子創之織縫之事至今猶爲女子專司況在 無暇爲制器之事婦女家居暇豫心思靜逸踵事增華日思益進然則範金合土亦必自 士。 女子 依以 不 人之編 夫 有 授拔繼而試植漸益推廣遂爲衣裳首寒則藝麻爲冕足寒則糾葛爲魔皆次第所 來。 以 創之至於調味和羹醬齊珍餌次第增長皆由 衣獸皮以 垂拯恤致使數千年無量數之女子永羅囚奴之辱不齒於人此亦君子所 女任室中之事男子獵獸而歸則女爲之鬱切旣司中饋則火化熟食之事必 强力凌暴弱質乃野蠻之舉動豈公理所能許哉而積習 樹葉尚 事閒肇樹枝見有麻葛愈擘愈纖愈韌繫之於身覺其細滑過於他木於是 爲服熱地惟有集芰荷以爲 範金合土以爲盛器男子日出 有 然者若其由! [編葉纏膝] 進 衣皮服卉服堯典爲然今冰海人 太古原人男子之緣益甚其章身之具寒 **獵獸山林所產皆有定數旣不易得自** 而 摭 Щ 中饋之事亦必皆創自女子既 麻 而抽 野葛此必女子之事蓋 生常視5 爲當然仁人 八之衣皮。 不忍 須

漸 白。 與目適宜於是麻

食逐獸遠遊 旁井 衣。
遂 增。 獸。 豈 以養之而蠶 婦 逢 樹竹之爲籬 女 原 見其 **今非洲之人室多** 邊從容顧 有定 所 一悟練染之法乃有五色之章然後玄黃交錯黼黻成文凡此皆由其閒靜之姿故有 之制若夫蠶 創故專歸 色思。 遊女子 居太古初民實同游牧然則編巢箜處隨地移 何。 落亦 以 乃吐絲無窮因與箔而令織於是蠶桑之利衣被無窮若夫折柳以爲 水漚之輒復 望見彼吐絲之異乃爲豢養之謀因彼眠 必岩 桑亦歸女業詩日婦無 登樹爲巢削枝編 婦女之業蓋蜎蜎者蠋時游 圓形。 暇。 邊棲息思阻猛獸偶思桿格 以泥 和 草編 席。 葉及後築之平地移 削 成高廣不過 木爲 公事。 几。 休其蠶織故後 於桑男子逐 故成藩籬。 數尺是尚質 衣縞服成矣已而按葉得汁異 爲盂。) 徙男子安有餘日爲之非女子 巢形 起桑中食之如掃 **窪**土 灣 以爲堂 爲 亦必女子所創 心粗豈暇揣摩。 世后妃亦尙親蠶蓋 爲 有巢氏之遺也男子逐 杯。 構。 亦 必自 知其所 臥。 也。 女子 女子 男子 則 樊圃。 嗜採 亦 求 必

食日

益

高

此

亦

非

逐獸轉徙之男子所能爲也然則

切什器

皆制自女子爲多矣卽

潔。

所

制

遊

而

居室閒

则

更編

草為

合土

以

坐以

以

飲以

X

人所能 論 字算 棟者。 範 女子創爲之也其他寶桴土鼓漸進而截竹裁桐編絲穿孔分柝音節更非逐獸奔走之 已豈能 造 子後起之秀漸丁文明之時旣在農耕熟食室居之後不待逐獸亦有靜暇乃取女子創 止 文字。 山 種 《鉞搢笏勒鐘銘鼎者非皆屠伯武夫偉簫屠狗之流哉彼只能拔劍擘柱醉酒! 一者所能爲也至於記數出於手指漸加千萬更爲 逐獸 數音樂圖畫凡諸美術大率皆女子所爲今古史所述類皆男子而女子無人則 水。 必旦某官 種之事爲器 創 亦皆性靜情逸乃能 創造亦必居室閒逸有靜性者乃能創之叉若圖寫 制作 自結繩 求食以存人類譬之開國之有武臣漢之韓彭黥英明之徐常湯 · · · · · · · · · · · 巧冶鑄鐘而 而畫圓畫方諧聲尙象亦必居室暇逸者。 物大推廣之既爲女子之主遂攘竊其名此猶大匠作室而 女子居室司饋閒暇制作譬之承平之文吏叔孫通制禮然後漢高知 銘 生趣盎然以爲摹寫 刻於筍篾者必曰某父其實皆非男子所能 必非逐獸 乘除亦非逐獸無暇者所能 乃能 血涌之人所能 禽獸極造草木描 創之非逐獸於 沐當 創造。 爲 也蓋 象 大書於梁 是改 黒 開 人 畋。 〉物 模 亦必 國 坐 男 文

之制 以爲美談虎賁脫劍敕勅作歌皆異事而非常例也知文明之制 建日月之旗立五經於學官見圜橋之冠帶必於干戈載戢然後黼黻承平凡號稱文明 天子之貴董仲舒明經義然後武帝有文章之治建三代之制行大射之禮奏六代之樂 作必皆文士爲之無有武臣爲之者也歸故鄕而歌。 大風預朝宴而分競病者古今 作。 在立 廟秉筆之文士

男子也又觀游牧之匈奴突厥蒙古其武力能吞滅中華·印度波斯阿剌伯全捲亞洲爲 地 球 在原野執戈之武夫則知創造文明之吳在居守司饋之女子而不在逐獸於田之 第 大國。 而制作無聞數千年不能脫野蠻之風若六朝南宋之偏安頻歲受吳訖

而

不

於削 牧縱橫之蒙古匈奴强則强矣居守司饋之女子譬之偏安削滅稱臣之六朝南宋弱則 山勢主羽石 面 詞章理學之盛其文明獨盛傳於後世故逐獸求食之男子譬之

制 作 矣而文明之事終在弱國而 故 也。 若謂 文 **一明之具爲** 男子所創則是匈奴蒙古能制 不 在强邦蓋游牧則必强而得食旣難日月遷徙 停 也以 此推之 训 必無 事

皆出於女子可斷斷矣今世界進化計趨文明凡吾人類所享受以爲安樂利

麻蠶 别 絲

宏翰 者自 同 **尊**卑。 男子長或逾尺少亦數寸歐美女子短於男子尤多形質之高卑天生已定高者自 軌大勢長往而不反美名久假而不歸是可忍也孰不可忍或謂全地女子之身皆短 始皆自女子爲之此則女子之功德孰有量哉豈有涯哉乃不念殊功之尤徒循强力之。 爲美術令人魂懽魄和者非音樂圖畫乎凡此皆世化至要之需人道至文之具而 於禽獸及野蠻者非火化熟食調味和齊之食乎非範金合土編草削木之器乎非織 |賤所謂| 身長 在乎才智不在身體故晏嬰身不滿五尺而爲齊相公孫呂身長三尺而爲鄭相桑 文章五宋之服乎非堂構獎圖之園庭宮室乎非記事計數之文字書算乎其 巨 四尺而爲晉相皆功名顯於後世若必以身體長短論之則長狄僑 無霸。 卑高已陳貴賤位矣故男尊女卑乃肖天道非人所能强爲之也豈知人之 亦當貴質 爲帝 王曹交當爲 上官而成湯宜屈下僚矣晏嬰公孫呂桑宏 加兄弟尊 算卑 其 於 創

翰不得齒於人矣夫斗有長短者在男子中所不能免者也而未聞以此分貴賤何獨。 男女而以此辨之且日本人以矮特聞而今者變法而强與强英聯鑣若印度之高人則

徒供英 25. 抑女則非人心所安也。 公理 所許 人服役然則人之貴賤在才智之高下不在形體之長短明矣而獨 乎當初民之始女子短體弱力受制男子造成原因則有之若以此故永遠 以短體 抑女。

; 1;

\$.

晉惠 傳 種。 謂男子之腦愈用愈智貌愈文秀女子之腦多用卽蝎貌愈醜恶此說粉紜各有是非 驗 男子之中腦度之高下才智之靈蠢精 驗未盡善不 之管輅郭璞 公子帝者之貴且以孔子之聖而爲陪臣顏子之哲終身陋巷若哀公之愚則爲 一八 或謂 少受關陷實爲無 帝聞 九三男腦 女子腦小於男男子腦度大而重女子腦度小而輕日本東京大學醫科乃剖 蛙 。陷實爲無可如何故以任兵事誠非所宜若人道平等與否則不在此夫以必信爲定論但女子旣有月經每月流血甚多精力自當遜於男子此爲人 術 鳴而問爲公爲私見飢死者而問何 窮天 四百二十一女腦一百七十六男女質同惟男腦重百五十杜廉 人而終於下位董卓王敦檮兀窮奇而執國命然則人之貴賤豈在 力之强弱固有相去天淵者周子之兄不 不食肉糜其蠢幾與禽獸等而 辨菽 君 何嘗 以 叉或 考

戊部

哉以一人之格猶 如 此。 況於無量女子其才智絕倫學識超 妙過 於尋

子殆不 則不 經時。 去豈 子之强記 腦 難於深思是亦 目 曾 有 夏竦 不遠 傳遂不得與 記檢書若某書某卷某頁某行不差一字其與山僧誦 幾 ·可道 辨菽麥之同類而賤其聰慧明敏之女子哉連類而貴及其人人若使女子平等就學豈遂無人安得以數人稍能深思創 哉。 里計此不待繁徵 山僧豈非男子李易安豈非女子乎豈得謂 或 然。 然揚雄 張衡哥白尼奈端 而盡人易見也故卽以腦度之高下言之若李易安之過 之流。 男子 能深思創作之故遂拔茅連茹中號爲深思創作者古今大地 女子腦度不及男子 法華經三年不能記憶者 創作之故途拔茅 灭。 山 僧 相

貴其 麟 並 加囚 趾 一速未冇若是之濫刑者也以是之故而抑女主擯不得爲仕宦科舉禁不得爲議 姓。 位並為王 一俟未有若是之濫貨者也連類而賤及無量數之女黨則雖十 無量败之男黨則 族

試核其實又公考其才恐女子之勝於男子者乃無量數卽不得界劃鴻溝剖半爲數必 理也使普地爲仕遠料舉議員公民之男子才智皆勝於全地無量數之女子則可也而 不止十得三四也然則強抑女子,切捨斥仕筐公民不維預列科學議員不准預選徒 **憑强勢而背公理徒失人才而途私心甚無義也** 公民乃至絕其往來交接宴會游觀囚刑奴私殆不然也不獨背乎天理亦不協乎人

化既定則無論抑人與被抑者皆忘其故而幾誤以爲義理之當然於是無量年無量數 尙力級制之時其積久成風爲千萬年禮俗敎化之順浸之既久抑之既深禮俗既成敎 子專房據有之私故以女子爲一家之私人而不爲一國之公民其造端致遠在千萬年 鄉國之人乎後世道化日開文明日進聖哲日出以狹弱抑强矯變舊弊凡天下以强凌 民並行交接宴會乎既爲一家私有之人又豈許其爲鄉國之吏議鄉國之事交接宴會 之女子永沈吉海而不之捄矣失既爲奴之人豈可與主人並爲仕宦科舉並爲議員國 **曹原女子被抑之故全在男子挾强凌弱之勢故以女子爲奴而不爲人其繼在男**

風。 亦 少 **弭矣故倡妻者齊也之義以體與夫齊故居官受封制赀**

享用 叉易一 不 不 切義理之本故以族制聚衆以宗法治人以世襲爲官以立家爲敎綱 而 何 別。 得不 先聖 屬 人類 丽 則 亦 於女子女子交合既雜生人不多生子 有宗法從何 女女朝短 父子 與 蓋 隨之而所以成其族制宗法世爵者則全在家人也夫夫婦平等亦固人理之宜 之所願也然無 不 夫同 檠。 小康之家其所通 亦 且 親。 一無從與 而 擁一男暮又易一 既欲父子之可 而成治道從何而立敎化是使人皆鹿豕世復狉榛也必不 (禽獸 如 夫婦平等則各縱其欲復歸 敵矣既爲保全 無多故其爲 決定而 男從 亦日少蓋奴風少去焉 何 仁不大無 無疑。 而 人種繁衍 能 亦弱養子艱難無人相助求食不給成 成 必當嚴女子之防而 家人從何而定父子 可 人 如 於太古野蠻之世 八類之大故ら 何因勢利導故以篤 然以男譜相傳子姓爲 且當 無亂。 本如此其條目自 視夫爲貴賤之等 從 男朝 何 女貞克守則 上 古 前 可也。 擁一 父子 文 有 重男女 明 族 女。暮 叉生 制。 從

切

未備。

勢不能行男女平等之事必有所忍乃能有濟必有小抑乃有大伸故不能不

皆男子也自萬無屈男子之理於是不能不少所偏忍而聽女子之受屈矣況女子久爲 偏 產皆傳 代之相傳而男子之子女不得襲之亞非利加之於高川之風俗世世傳君位於女族欲 爲傳姓矣故姓之爲文從女生姒姬媯姞奶莫不從女故至今野番之俗多有從母姓者 男子所掠役受屈旣久視爲固然無待强爲 及日 則太古各國之舊俗可推矣今以四海傳母姓者考之馬達加斯加之人民傳爵但於女 非 母 血 姓 地島亦然加羅連島馬置仙島亦傳爵位於女族皆因婚姻未定不知誰實爲父故從 統之接續 有 他馬· 所 女子弱而男子强凡執干戈以從事者皆男子也旣尙力矣凡登壇場而執政 屈實勢之無如何也則試 於 女族 來人各部落之風俗其遺財皆傳之女族之子孫亞美利 也希古忒至近代亦傳君位於女族故母非出於貴族其子即不得爲貴族 之子孫哥崙 一世亦有此風因以女俗爲主男子死則無後故以其姊妹之子爲至親而 布 之烟剪人品 屈男而伸女乎於時草昧未開禽獸偪人部落旣 八財産亦 爭。 且 傅 在 女族之子孫卽古昔文明之國 · 昔人類之初固尚 加之其尼路 母 姓人 、 皆以 人。 其 女系 財

羅安高 姓但以 諸民 於女 爵 難 無 如 而 辨所 位 從 要其 :多故知有母而不知有父也然人人不識父則無父子之傳凡生男子皆爲無用不能 陰 財產皆傳 族 他 陽 種皆同故日 母 之土 姓之確· ,母姓爲主子不能繼父位皆以國王之姊妹之子嗣之蓋恐混其血統也班衣人 之親各地皆同印度之尼也兒人子不知父父不知子故以財產讓與姊妹之子。 爾 其子不能繼而以姊妹之子繼嗣亞非利加之北部巴路揸爾人及非 生國語述魯桓公之言日同非吾子齊侯之子也故婚姻不定則父子難信故 姊妹之子可見蓋上古之人敎化未行婚姻不 媾。 人死不傳其財於子而傳於姊妹之子馬拉巴路之俗各地不同至於財產傳 其 酋 理甚 四 與之故基尼亞之富人死除軍器外其餘財產盡 也且母生有憑父生難識觀阿里那可 人皆國王 耳 微今草木之生雄蕊 曼之古俗姨舅之愛其甥猶父之愛其子以人爲質之時不 王姊妹之子其王子不能繼位亞非利 與 雌蕊之交合博學者猶難 定朝暮異夫誰知所 之烟剪人生雙子則以 加之俗王 層於姊妹之子。 知之況 位常 出。 野合 野 爲 洲 要其子。 超拉 人 奸 東 出 淫矣。 知識 任意。 北 部

糾結 傳母 屬 亦多傳於甥者然舅甥之愛結終不如父子情深愛不深則結力不厚而保類不固三 行男姓行父姓則父母並親有二人以撫養其子母盡字育之勤父盡教養之任通力合 以强力而役女又自狩獵易爲耕農聚叟一室獨耕一地婦不雜婚子知所出於是父子 能以宗法族制立 女姓之效非所以保人類而繁人種其害如此大地皆已經行之共知其不可而後 人則於人道含羣之道無益於人類自存之法有損故母姓之俗皆甥舅相親君主傳位。 作其子易以成人男子强而自立父子世世相傳故能久遠羣從以親結合故能廣。 男子占優雖聖哲仁人欲憫女子而矯之然屈男伸女旣於人道不宜又於事 相識而男强女弱故以男姓傳宗强力者爲天授之性傳宗者爲人事之宜天性人事皆 一夫暮歸一士姊妹不能懸處則無由結合而成族二也不能糾合强力不能結 姓則有母無父僅得一人之保養其愛力薄其生事難其强健難其繁衍難四也 無量男子以爲親則無由而得强力一也生當部落爭亂之時女子日爲 國如日本然人種之得以保全人類得以强大職男姓之由夫男子旣 勢未 人所掠 大用 设而 也。 故

行平等乎又復返狉榛更有不可故不得不因循舊俗難於大奧惟發明昏禮下達男先

齊者平等之謂也故後學守其遺義樊英病臥爲榻下之拜梁鴻舉案有齊眉之敬蓋以 純爲人道之君而女純爲其臣大勢所壓舊俗所積於是女子遂全失獨立之人權而純 除舊俗奴役之弊而明平等之風先聖之心苦矣 於女特著親迎御輪之義又發明妻者齊也與己齊體相敬如賓之義夫先下者矯之也 爲男子之私屬男子亦據爲一人之私有而不許女子之公升旣私屬而私有之則名雖 私有之故舍其 爲齊實幾與奴隸什器產業等矣故於夫曰歸曰嫁其義曰事曰從夫之於妻旣私 之玩弄之役使之管束之甚且駡詈隨其意鞭笞從其手賣鬻從其心生殺聽其命故以 一家之中妻之於夫比於一國之中臣之於君以爲綱以爲統而妻當俛首聽命焉國法 夫男子旣以强力役女又以男姓傳宗則男子遂純爲人道之主而女爲其從男子 (姓)而使從己姓舍其宗而使事己宗夫之於妻旣私屬而私有之故畜養 屬而

之仁刻周疎不同要之舊敎舊法皆以爲是一家之私仁國不必干預焉其漸仁者乃漸

數女者也而授以生殺賣鬻鞭笞駡詈其妻之權予以役使管束之尊其不能得當而偏 已久亦何能行焉夫所謂夫者不過十餘齡之男子未必被敎化知禮義者也又得豫 由 出。 謹夫婦爲宮室必別內外而男子强力而爲主自無制之之理女子微弱而從人自爲被 別則父子不親父子不親則宗族不成故欲親父子先謹夫婦故據亂世之制爲禮始於 天下人慘狀嵆天冤氣徧地也其所爲抑女之大因據以爲義所自出者則以 抑寃慘於弱女令無所告訴者不待言也夫以普天下人皆爲男女卽皆爲夫婦是使普 制之類於是以內屬女以外屬男外者極天地而 妹女子子已嫁而返男子不與同席而坐則以古者同姓通婚之故而預防之又日嫂叔 人權。 通問。 印則婦女與 於夫之殺妻則絞之夫之笞妻則杖而離之則極後起者雖有明律而舊俗相沿 則 不入之禮又爲男女非 以古 布 俗兄弟同妻之故而預絕之於是男女之別其嚴極矣印度突厥尤爲 蔽 面突厥則以鎖加眉中蓋亦同意於是所謂內者實囚之而已推其 有行媒不相知名非受幣不交不親之義其甚至 無窮內者誠 一室而有限故以 爲 一於姑 大婦不 内言 姊

以 然皆因防淫亂之故也故舊教之國皆以淫爲極惡故其禮俗皆以防淫爲。 大閑。

女子有 不論 所 來名士賢德亦爲尋常今時雖禁於國律歐美亦于犯法議然男子之爲 或罵詈或逼縊 也。 立 可 則是亂宗 大礙矣不可許矣既以男姓爲主以族制爲義則此法雖奇偏極酷亦不可以已大若宗 也。 老 十乃至窮巷之氓亦皆兼備數妄緣廣嗣續皆以爲禮義宜然故其狎娼挾妓唐宋以 之意。 極矣有外 和强。 夫均是人也均是淫也非常嚴酷之刑待女子而以非常縱肆 婦女之稍有不貞者顧歐美之俗亦得聽本夫自殺之而女子必不見齒於世 再 嫁者。 則以爲男子之得有妾以爲廣嗣也其聽外淫以爲無損也若女子之有外遇 不論一再國家特許本夫得殺之其雖無實事但偶涉不檢而見疑者。 也又 官皆 夫則以爲 不 無以折宗族之奸則以不真也夫亂宗則於男姓之傳族制 齒 於人類。 不問也人皆以爲宜然也若男子乎君主則宮女萬千富 奸。 而許殺之有內妾則以爲禮而公行之其不公可 不 收於父兄宗族不理於鄰 里鄉黨其婦 之欲待男子。 女 此者固無 有 之親誠 犯 謂至 奸之事。 A 或鞭笞 、亦侍 其 矣。 少傷 則猶 成 相 妾 反

族 聞 下獲偏 गु॰ 固 子。 爲 舊 之好。 法所得 嚴防者誠以防淫亂之 人之私 俗。 縱 或, 因 淫矣而 各有 |必若 與雜 此 彼 卽 禮義云者 則 酷 而 禁然 之國 名分或各聽情願則 爭 罪 屬 以 姓計。 妾旣 他 殺 而 尤 也女淫 加等。 而 法。 所 入 私 有名分則 得。 之宗敦善專事己之身 亦。 外 自女子之不 上犯國家之法。 有 上沿 得。 之也。 然則 而私屬私 所以: 無量數有 男强女弱 原 夫 不 致亂啓 也夫所以防其 爲亂宗 未聞因 一人之私。 亦何爭亂 欲 有。 亂 下侵 强力之男黨同 则-一爭者以既 無 男姓 此 也。 其宗爲一身 如 本 何預 mi 而 大之分故 爭亂 與 相 何的 女附之遺 重 原者慮因 於防淫也。 殺之與有故法律云者皆上承之分故致爭亂而相殺假而一 兼 既 於 Ē 事 有 國。 也妓亦各有所主各出 承干 共守此私有獨 計。 他人之身 本 而 自 風 夫則夫得禁之他 國 萬 女子之不 耳。 淫 夫 法 非 特深 年 所以 而 熟得。 之舊俗。 公理 亂。 以防淫如是其意 因亂 許 得 此 也。 其私 欲 不待再 中得 至樂之良 兼 夫 而 男子 人及 有而 從 自 争殺. 乎人。 數千 本 計。 所 外 也。 重刑 男主女從 切縱之若 人 以 夫。 法。 夫獨) 然男子 年 私 所 偏 丽 Ż 惟 屬 願。 者。 無 酷 禮 爲 亦未 實 人 所 而 而 之 願 私 男 不 助

顧尸 劬撫 力撫 疾而 而衣 然猶茹粥而撫童孫解衣而衣弱子終身貧冷呼天無可訴之人其或力撫遺孤艱難醫 巷皆是貧而 之義於是孀守之寡婦徧地矣中國之中吾粤女義尤嚴吾鄕族觸目所見皆寡妻 以從一而終之義始則稱烈女不事二夫是惟烈女乃然繼則加以餓死事 頭子媳則妻妾在旁孫媳則女兒並侍飢寒交迫榮絕可憐誰實爲之貽斯慘狀以 而 維 索繼母之財者又見妯娌二人皆爲孀寡同繼一子淫賭破家犯疾而 一選或自私 孫 被皆無年豐而半菽不飽吾椰居夜歸聞機杼鏗然五更未已舉巷相應皆寡婦也。 持日築之使高鑿之使深加之使酷而已故古者婦人夫死而嫁未聞議之後則加 孫旣長而盲猶冀傳宗爲之娶婦旣娶而天兩枝皆絕孀亦老矣年垂七十白髮盈 中道殤殂則終無可依矣卽撫孤有成而賢否未知然不肖者多或博弈飮酒 而 尽大叉夭終至絕嗣 無依老而無告有子而不能養無子而爲 妻子而時行忤道又或遠遊不反空對弱媳又或夭折徒遺孤 叉或旁繼 他子而本非生母棄而不顧以吾所見有 人所欺藁砧獨守燈織自憐冬寒 死遺妻及子合 小失節 孫又)或勤 心。 事大

柴。 投 之上。 **丐之爲國盡忠自有足以聳流俗而生景行者然若使大地之內人人皆爲佛之出家則** 之無定而以人理之有定限之其爲無量之苦必矣若印度之俗夫死且當殉之烈火然 種爲 靡有遺黎而茫茫神洲久爲異種殖民地矣此豈可行者哉宋儒好爲高義求加於聖人 五 二夫者乃烈女非常之節藉以鎭止淫風非不可敬此猶佛之捨家苦行及明世補鍋乞 中寡婦死者不可量數苦形慘狀尤不可言皆男子私屬而私有女子之貽害也夫不事 切 徧 使民樂其樂而利其利養其欲而給其求詩之言治日內無怨女豈 政教。 十年中人類立絕而徧地皆爲禽獸矣遇有國變人人皆爲補鍋丐者之畫節則 地爲至治哉夫爲治之義亦有捨一人以爲大衆者若犧牲國民以立其國是則以國 。身其上以爲美節否亦當高樓閉處絕其下梯以終身焉英人未得印度之先歲之 |致使億萬京陔寡婦窮巷慘悽寒餓交迫幽怨彌天||而以爲美俗夫善爲治敎者在 重故民命爲 無非力求樂利生人之事故化之進與退治之文與野所以別異皆在苦樂而 輕於立國之義實不得已然論天下之公理者猶非其私自此以 有以 幽 怨 彌天。 寒餓 中國

其爲害則有四焉一苦寡婦數十年之身是爲害人二絕女子天與生育之事是爲逆天 子之獨人計乎撫子傳孫庶幾少補若無子女者則於男子獨人亦並無絲毫之益矣若 公理也寡婦無數怨苦彌天於獨人享受有無量之苦於公衆大化無私毫之益其爲男 其令民樂利者化必進治必文其令民苦怨者化必退治必野此天下之公言亦已驗之 三寡人類孳生之數是爲損公四增無數愁苦之氣是爲傷和夫以人權平等之義則不

罕 聞。 聘。 當爲男子苦守以公衆孳生之義則不當以獨人害公以人道樂利之宜則不當令女子 之身輕重不倫無義已甚然實爲迫於風俗並非出自人情此固先聖所禁國法不容而 終 日高於是有未嫁之女守貞之事夫夫婦以胖合而親未嘗交合何義之有乃緣區區之 怨苦僅有獨男撫子之微益而有逆天傷人害公之大患萬不可行者也又不肯已加義 身嫞守茹苦食製上爲事宗廟撫舅姑下爲撫子孫事叔伯如斯高義實 為許以終身以爲然諾歟又非女子所自許也義何取焉而一言之故非因 而習俗旣成遂至盡人皆是乃背二十年父母鞠育之恩而殉一言之聘以苦父母 天下古今所 知己即

歸 教遏淫之嚴淸議之重而中人以下遇有劇場道路每見婦女評頭品足肆目妄言其 宴會推其法意皆爲防淫男女既不得接見則偶一見之屬目必甚淫念必興以 使然而不公不 下者則採手摩娑淫言撩撥不可聽聞非獨相風貽譏實亦狂且可惡而觀歐美之俗男 驚喜。 夫亦皆有粗 無妄言品評者至於如狂且之淫言若野蠻之探手更絕於觀聽矣夫歐美豈無狡童 女會坐握手並肩卽麗質麗人衣香滿座雖志形爾汝莫不修禮自持鮮有注目凝視更 有 儒 情 光為之發明哉凡此流弊此皆男子强力役人父姓傳宗於是以女子爲私有積極 歸有光之流乃必從而張之以爲義不妨過高情不妨過厚則豈先聖所不知而待 如鄉曲· 夫男子旣以私屬私有女子之故雖嫁而富貴亦等幽囚嚴禁出入游觀更禁交接 於目前所罕見之物未有不駭然聳動若所罕見者爲珍貴美麗之物未有不欣然 人下走其教化尙不 人言至都會城市一切詫爲異觀如賤隸之初見王公貴人必聳然變動顏 平寃魂愁氣遂至彌天塞地 如中國之嚴也然能 矣。 修禮防者實司空見慣 使然 中 也夫 國 狂

然 之而徒有虛名致遏關 相忘順受其正豈有驚聳之事令人失笑者哉若謂交接宴會易於通淫不若嚴以防之 一則令其無從拓心胸三則令其不能健身體四則令其不能資世用夫以大地交通國 中國桑間濮上之風自燕齊吳楚莫不極盛何能禁阻而況窮邊哉以言防則不能防 如 窮子之入珠寶市肆。 大 同 人權達逆天理舉數萬萬女子而幽囚之一則令其不能廣學識 必瞷然四顧徬徨若都士富人世家爵主生長其 中則但習與

富 之教也人之國男女並得其用己國多人僅得牛數有女子數萬萬而必棄之以此 少成爲性長學則難而人生童幼全在母敎母旣蠢愚不學是使全國之民失童 種並爭之日而令幽囚之人傳種與遊學之人傳種其必不美而敗績失据不待言也夫 敗。 强猶郤行而求及前也故言天理則不平言人道則不仁言國勢則大損言傳種則大 而爲 男子之私行其防淫之制又不至 也有此四害四不可何必禁女子之交接宴會 一幼數年 而求

出 爲今日第一要藥今若聽婦女之自由出入遊觀交接宴會無抑女之事於公理旣順除 入 觀游乎近者自由義實爲太平之基然施之中國 今日未爲盡宜。 一然以救女子乎實

解同 裘葛之各宜易日窮則變變則通通則久今當事窮之時以天理人心國勢地運皆當變 坐受童幼數年之敎傳種多美則全國之民永得人種文明之益甚爲無上之大效無極 而爲公望公才士農工商皆增其半天下之大效孰有過此若其敎子有方則全國之民 拯溺治分三世次第救援囚奴者刑禁者先行解放此爲撥亂禁交接宴會出入游觀者 矯舊弊大挽頹風男子當革世爵之貴無倚勢以凌人捄女當如救賣奴之風同發兵以 通之日猥以形體少異之故乃爲囚奴無限之刑此亦仁人所宜盡心拯救者耶今當力 而抑之今際升平之時以進全人類而成文明故必當變之亂世平世如冬夏之相反卽 之美利皆普天之事莫與京者昔在據亂之時以序人倫而成族制故不得已忍心害理 垂教實干聖之同心以掃除千萬年女子之害置之平等底之大同然後無量年無量數 川品物之大觀以開拓而心思益擴人才驟增其半而公用亦驟增其半化坐食閉處 歐美之風是謂升平禁仕官選舉議員公民者許依男子之例是謂太平此孔子之

幽囚之苦於人道旣仁婦女得以親師取友日聞天下之事理以閱歷而學識益深日擴

之女身者庶得免焉科條如下。

學校者皆得賜出身榮銜如中國舉人進士外國學士博士之例終身帶之一个未能驟至太平宜先設女學章程皆與男子學校同其女子卒業大學及專門

一學問有成許選舉應考爲官爲師但問才能不加禁限其有舉大統領之國亦

選舉爲之與男子無別

•

一女子中有願充公民員荷國務者聽其充補其才能學識足爲議員者聽其選舉

一切公議之事皆聽充會員預公議與男子無別 J's

一歐美風俗從夫姓者悉加禁改還本人之姓名一法律上應許女子爲獨立人之資格所有從夫限禁悉爲鵬除

以後乃許自由二十以前仍須父母約束 婚姻皆聽女子自由自行擇配不須父母尊親代爲擇壻惟仍限二十學問有成

國家當設媒氏之官選秀才年老者充之兼司教事其男女婚姻皆告媒氏自具

一女子既與男子各自獨立凡行坐宴會皆問爵德年業不必拘左右前後或以一相搶跳舞者出自野蠻徒起淫心皆加嚴禁 父母不必嚴為禁限所有據亂世防閑出入內外之禮悉予蠲除二十以前仍歸父母或尊親約束但遊觀交接宴會關於養身增識其無關損害德義 願. 計。 務在防淫故不 書領 一以別異章服以供玩樂之具夫男女無別則防淫難古者以女子爲 一女子既爲獨立之人其舊俗有纏足細腰穿耳鼻唇以掛首飾者及以長 一女子有出入交接遊觀宴會皆許自由惟 取憑照惟須限年二十始能領照其早婚未及年者悉當禁斷 不別其衣服一也凡樂人必別其衣服雖施以 仍須限二十學

布

揜 面

問

有成之後乃得

此權。

五朵但供玩樂故男子

男子

私

有之物。

戊

去形界保獨

能

黑齒剃眉敷黛施脂抹粉詭髻步搖不惜損壞身體以供男子一日之娛況於衣服其安 倡優者亦必美雕塗脂女子既爲男子私有之物但供男子玩弄故穿耳裹足細腰、

與百姓服色從同未聞不便於治道益以昭其平等君臣猶 既當大同少有歧異即生畛喊若古今君主之國貴賤皆有章服以別異之美國則 得不別有體制以供其玩弄耶故男子尙素朴而女子尙華采皆以蓍玩弄之義夫人道 如何爲衣仍服故衣亦可惟當公會禮服男女皆從同制不得異色以歸大同旣無形色女子男子服同一律太平之世獨立自由衣服瓊異無損公益一切聽人之所爲其男女 之分自無體制之異爲如是而後女子之爲師爲長爲吏爲 君執職任事乃不 可況男女乎宜定服裝之制 民主

蓋 卽 男女既皆平等獨 爲 附庸不得以合約 男女婚姻皆由本人自擇情志相合乃立合約名曰交好之約不得有夫婦舊名 立則其好約如兩國之和 名矣既違天賦人權平等獨立之義將漸趨於尊男抑女之風 約。 無輕重高下之殊若稍有高下 卽

政府當嚴禁之但當如兩友之交而已

生 强 兼 必 無 或 毗。 而 和。 生 厭。 量 相 亚 殉 忍終古故雖稟資賢聖斷 數 逈 · 睽 故 惟新 樂矣。 其 數欲絕交則傷名害義。 恶 **貪各具甘辛** 殊 女。 業尤富者則必生愛慕必思改交已 精志。 男女 貴賤 離 而 女子 是圖。 無 異或隱謀毒害蓋因强合終身之故 今男女平等 含舊 論 合約當有期限不 逈)異强 被 惟美是好如昔時合約已得佳人旣而見有才 何 殊 謀 人。 制 新昔時 但 其 好智 於 各得獨立有始爲士卒而後爲 男故 久合其事甚難一也又男女平等各自獨 叫 誓合斷難 愚殊等進退異科。 舊俗。 3無情失權% 雖 無 久處能 得爲終身之約蓋凡名曰人性必不同。 極 苦。 以女從夫貴賤旣 而 久持若必强之勢必 欲不絕則 勉强守之然 相 合相 而又有所 即極 樂之理者 而至終身茹苦或喪生命者天下古今蓋 坐视 懽 於 同。 見歲月不同所好之人 好 君 人 故能勉强 此狂夫酷婦。 者。 相有始 道 也。 斷 反 叉凡人 自 目。 無 7學尤高。 曲。 或 有 久處其 立。 爲 人 全同 相 八之情見異常 雖復合 士商。 權 亚 見 色相尤 僻 金剛 天 不 之 而後為 賦 險橫。 話。 亞 理。 之義。 約 洲 更爲殊尤則 或 水 ___ 舊俗。 美性 有 柔陰陽 不 思 彩 農 過 遷。 息 身 不 逆背 情 男 歷 難 異 久 尤 安 居。

戊部

去形界保獨立

二四九

財產各不相蒙或因理財而他遷或因避地而遠去必令棄其所業遠以相隨而人

至其 情又損自由之分其難二也又舊俗據亂之時夫婦之義專以傳子姓此爲。 各有文或難相負此時隨遷則難於棄業戀職則不能隨遷而令永久毗離旣非人道之 一男子之私

義故不得不强合以終身夫婦永定然後父子同親今世至太平男女平等各自獨立生。 遠懽合者原聽其頻頻續約相守終身但必當因乎人情聽其自由故不可不定期限之 非以正父子之宗傳又安取强合終身以苦難人性乎卽使强合亦爲無義假令果有永 約俾易於遵守卽有新懽不難少待約限不得過短則人種不雜卽使多欲亦不毒身兩。 人既養自公家不得爲一姓之私人而爲世界之天民矣男女之事但以殉人情之懽好

永好固可終身若有新交聽其更訂舊懽重續亦可尋盟一切自由乃順人性而合天

也義合則留不合則去不强人情之不樂甚得人道之宜故今歐美之制皆有棄婦出。 夫古者有棄婦之文孔氏猶三世出妻又有出夫之義韓非子稱太公者老婦之出

趨者許 父子之親的 識傳 獨 道 婦 無 而 得 好 道德 法。 所 立即人得自由人得平等若强苦難之損失自由多矣卽不如亂世之俗立夫婦 皆定於終 之懽得樂耽耽。 及。 爲笑言種種責備令人不堪故雖 否亦以爲 欲。 知 法 各得 識 其 無 國近者。 譏。 則 别 後 不 身。其 何不 以爲笑談凡人自無隱忍强合之心卽全世界並無離異絕告之事。 人人 期。 所 約 異事笑談於是鄕里私貶其輕薄公府亦擬議其行誼 時 求。 而 有離 時 各 皆同日月常見郷 改圖。 毎歳 順乎人情聽其交懽任立期限由其離合相得者旣可 實乃人道之宜也。 逡 再 爲盟約譬若故友重逢亦如膠漆豈若舊俗 所權。 |愛慕之私可 異卽犯淸議不言其薄行 夫婦離異之案萬 各從所 至 好。 里無所用其譏評公府 **遂則懽者益懽厭惡之意** 私恨甚深 此 於强為隱忍 乃眞 數卽 如 中國法律亦有離異之文然 寡恩卽議 鼓瑟琴和 木 得不 則其苦難有不可言太平 彌縫隱忍夫夫婦 樂 無所用其疑 其擇人不 已 生。 且 耽 一有離 則 也。 或 愼。 去 報紙 今 議。 纉 者 否則 異以爲覆水 日 報 卽 約 者。 加以譏 大 · 之 世。 雖 紙 去。 所以極 而 議 地 不 À 無 法 永 其 風 續約。 暇以 治家 律 以 消。 好。 人 俗。 Ē 異 所 知

難 收。 岩 仇 情奸案之事。 醬相祝 战。 即得 夫奸淫之案徧 人權自由之義尤得人道 於大地溢於古今雖有聖王賢 私合之宜不特 東萬 無怨女 . 百億千。 、曠夫之歎言 久道

成。 可 化行 無 淫 俗美而終無 術 以弭之者 也蓋 人情有 所不能 禁故 也。 然因 欲 奸 不 得謀詐 並 化 興。

甚 暮力交作或傷害人命或破產傾家或鄰里相竊或强弱相凌或兄弟相殘 至 釀 禍 株 连蒙以甲兵被於邦國 淫禍之烈自古爲昭故往哲畏之以爲 大戒。 或父子相 然築堤 爭。

愈 潰之虞今世旣 高。 而 水 漲 愈也。 大同人人各得所欲苟兩相愛戀即 I 蟻穴不: 塞卒於潰 決故防淫愈嚴。 而淫 兩訂約盟旣遂其欲復何所 風愈盛不 若去堤與 水。 奸若 自 無 非 漲

為强 好亂世平 世。 刑 茲 無 **热然是時** 人得所 欲。 其事至易人皆知學其欲 亦澹亦

本

願則

何 待 冒 犯刑 誅。 爲 此 强 奸 之事 哉。 故 日行期約之事 則奸淫 永 絕 也。

婚 姻 限 期久者不許過 一年短者 必滿 月。 懽 好 者 許 其續 約。

寸. 媒氏之官凡男女合婚者隨所在地至媒氏官領收印憑訂約寫券於限期之

內誓相懽好。

戊部 去形界保獨立

女子未入學及學問未成不能領卒業憑照者不能自立須仰夫養者不用此

足公民之人格則暫依附於夫以得養膽亦人情也且使女子欲求得獨立之權益務嚮 或男子疑女子而棄之亦於生育之事未安且女子所以能自立者亦以其學問才識備 蓋今舊俗尙多驟改必多不便或女子終身受夫男之養而忽棄之則於報禮不公

其 願 敗亂風俗不欲自任其咎也 背夫淫欲之情是大亂之道也夏葛冬裘各有時宜未至其時不得謬援比例作者不 從 上所論專爲將來進化計若今女學未成人格未具而妄引婦女獨立之例以縱

學則人才日增豈不美哉

三五四

己部 去家界為天民

巢啄虫而親爲之哺雌雄殷勤拔來報往其有羽毛則敎之飛雌則巢內雄則巢外其有 父母與子之愛天性也人之本也非人所强爲也今觀乎鳥之養其雛也몤枝而先爲之 **豕則抱子而乳之連羣咸從其母也其有强者口唧而手縛其母或子則跳躍呼號奮厲** 又未嘗計及其子之報也又非有師學以數其慈愛也又非有清藏律法以迫令愛之也 放之而不及也且夫鳥獸之愛其子也未聞其子之有以報之也彼未會望其子之報也 大如鯉生子百數十羣從其母出而游泳焉旣則復入母腹而宿焉昔吾從者會獵得狨 **嚙啄而翼救之乃至至無知之臘魚則亦有母子之親焉是魚也生於加拿大之海濱腹** 之母子羣狨列樹而長號及將烹其子也其母號呼而甚哀嚙從者之手而俱死焉吾欲 至則敷然偕逃若取其子歟則旁徨焉鳴號焉蹢躅焉其聲哀厲而彌長至於貓犬羊 原父母與子之愛理 夫大地之內太古以至於今未有能離乎父子之道者也夫

൬ 殷勤育子綢繆切至其有患難則捨身救之鳴號哀之者發於天性之自然至誠之

其類。 迫切真非有所爲而爲也此天性也仁之本也愛其生也愛其類也萬物所以繁衍孼長 而 不 滅絕者賴此性也若物類無此愛質則人物之生不育而萬類滅絕久矣故生

生之道愛類之理乃一切人物之祖也夫以鳥獸之愛其子慕其母猶如此而況於 原父子所以立 夫人者知識尤靈而天性尤厚也當生民之始未立夫婦也其生

子 也。 成尤難須養數年而後能成其難過於萬物遠甚矣且人道之始求養甚難母旣 既效人皆知男女合力養子易成展轉相師遂成風俗至於後古立制尙有同居繼父之 矣則不得不藉男子之力於是男子佐女以營養之護衞之女則坐哺男則力作其子得。 喪服至三年乃至今制及諸方蠻俗撫育人子備有慈愛者多矣由此推之父之於子不 之力抱撫其子旣須自養又須養子質無餘力以兼管之且大獸强人之相逼掠危患多 食既足護衞 則亦惟母自育之蓋父之傳精難識而母之孕體易明然人道之生難其養而至於 · 有情身體益健此之一母之抱養兼事者其强弱壽夭智愚相去遠矣行之 以

己部 去家界為天民

必 間 初 其爲 民以來之公識公俗也然質父子之道所以立者也。 親 生與否凡其所愛之婦之所生則亦推所愛以愛之推所養以養之此實太

數兄弟: 千年所 必以母 太古 **昔魯文姜通** 妊 確 之始契知有娀而不知有父則以燕之子爲姓自稷契以上有母無父之世宙不 好。 也。 知 或以勢迫旋合旋離不日不月旣離復合旣合復離風水相遭無有常者當此時而 爲吾子 草 無 太古初民有母無父 之氏爲 共娶 味。 有能 也。 雖 後 不能 於齊襄公而生魯莊公魯桓公曰同非吾子齊侯之子也蓋夫婦未定 世 人亦知有 知其爲誰氏子者也與犬狸之牝牡交亂無以異也人之生也惟母育之故 女猾以母爲主也是仍有母無父之世宙 雖 氏 漸 也若周室之先后稷知 確信爲吾子則 定夫婦 母 丽 然 不 夫獸之知有母而不 或當女子稍少之地 知 有父者也當時固不 無 所用其愛也初民之始男女野合逑 有姜嫄 面 知有父也以其牝牡相亂逑匹無定也 二妻 不 知有姓氏若其有· 知其父則以足跡之姬 也。 而擁多夫或數人共娶一女或 也世 远無定 爲 世 或以情 姓。 知 相 不能 傳。 商 其 懷

定 夫婦而後家制族制生 男女雜合既久則有情好尤篤者而不願離則有武力

之高張其事以定其名分爲使人勿亂之也於是夫婦之義成矣 欲也當草昧武力之世以男女無定之人因爭女而相殺者不知日凡幾矣後聖有作患 尤大者以强勇獨據之交久則彌深據獨則彌專於是夫婦之道立矣夫男女者人之大 人之爭因人之情制禮以崇之凡兩家判合者以儷皮通其儀爲酒食召其親友而號告

父母同愛之而諸子同依之父子夫婦兄弟立而家道成矣。 有男女先後皆爲一父之子也號爲兄弟同育於一室同居於百年同食同嬉同歌同悲 夫婦旣定則所生之子深信其爲吾子也則慈愛之保養之彌篤矣及諸子並生雖

爲族屬於是族制成矣然其本皆自一父母爲之然夫婦不定則子不親故有夫婦而後兄弟復結夫婦而生子則爲孫子孫各有夫婦則生曾玄羣從各有夫婦而生子則 有父子夫婦立而後父子親故族屬萬億皆自父子來實皆自夫婦來也

論人禽愛力之別卽强弱之別,夫夫婦父子兄弟旣出於天之自然非出於人之論人禽愛力之別卽强弱之別,夫夫婦父子兄弟旣出於天之自然非出於人之

並父 弟 力。 好 以 而 大者也其推愛力不 推立宗 爲 雖 母兄弟 固 禽 結。 獸 且然。 甚且 前 族禽獸久且並母子而不識人因愛家族而推愛及國種故愈强愈大禽獸 不識。 久而 但人之知識多推廣其愛力而固結之禽獸之愛力少不 故愈獨愈弱。 將固 進廣固結不 有之親 人禽之强 愛而 甚遠孳種不甚繁者其知識不 並忘之人禽之所異在此 弱在此 也故合羣愈大孳種。 也故 感繁者其 也。 人 能 能 推 由 父子兄 廣 知識 其

最

大

矣。問 歐 旣 羣。 百 美 一數十 無 有 文明亦 聚處 高 夫婦父子兄弟之倫然或僅知有父子兄弟或僅知祖父子孫伯叔父再從兄弟 論 洞 萬 廟其 代之世傳旁通者至能 加 國有 以上歷代之名字亦不知矣舉地球 墳 率 姓。 人倫 墓 知 石i 至 亚。 萬 一於子 而族 数千 曾 蒯 · 祭於孫 制莫如中國之盛 人以敬宗收族故一 以 下而 合億 止子遷他所則祭亦止 止。 印 萬千之族衆其崇祭千 度宗教至 故人類最 族姓之中有譜以紀之如國 萬國之政敎其能敬宗合族上 古知高 繁 故高 祖 矣然 凡大 數百年之洞墓而以尊祖合 궲 無祖 以 地 上之 各國。 廟以合族 者 族 無論 史有族 屬。 ·數者至 則 文 亦 尊 明 野 祖。 人 不 知 卽 知

長宗子以統之如君長官吏合族及房有公產祖嘗則公舉人管理有養士興學之典有 大 同

卹孤寡貧老病喪之舉其遠遊異國或異地必相收卹若新宵陳李余黃則在美國且有

吾中國矣故中國人數四五萬倍於歐洲冠於萬國得大地人數三分之一皆由夫婦父 會館焉其自治自收之法如小國然蓋大地族制之來已遠而至文至備至久且大莫如

子族制 子之大功也故歐美人以所遊爲家而中國人久遊異國莫不思歸於其鄕誠以其祠墓 來也此皆孔子之爲據亂制也然善於繁衍其種類固結其種類無以過之此孔

理也蓋行天合夫婦父子兄弟之道而推其至極必若中國之法而後爲倫類合羣之至 宗族之法有足繫人思念不如各國人之所至無親故隨地卜居無合羣之道無相 收之

鱊 因族制而生分疎之害 雖然有所偏親者卽有所不親有所偏愛者卽 育所不

也。

姓 中 相 國 鬭兩姓相仇習於一統之舊則不知有國而惟知有姓乃至羣徙數萬里之外若美 人以族姓之團結故同姓則親之異姓則疎之同姓則相收異姓則不 恤。 於是兩

院 其 萬人手足不能相助至以大地第一 國 而外捐捨之舉爲一縣者寡矣爲 捐 孤 他 或 老院者無聞焉故其流弊以 祖 而分姓不 分鄉 嘗義田義 土著積分之流弊也。 分縣分省以爲親同鄕同縣同省則親之異鄕異縣異省則疎之故自宗族 相 莊。 卹 以卹貧興學亦 而 相歐殺者比比也蓋於一國之中分等姓則如萬國即 八祇蔭其宗族的 省者尤寡矣至於捐巨金以 大國而至於寡弱此既大地萬國之所無推其 國 而 分爲千萬億 而他族不得被澤焉。 國及 油大 〈合而 爲 於國 爲微 國之學院醫院 分焉故 人 史 有富 無 了原 原 因。 與 且仁 四 貧 也。

千百萬 者是爲 墓。 之所賴 於子禮於孫止子他徙則亦止若祠 論 中西 錢。 忘 矣然亦萬國之所無 本至不 以 有 爲 無族 學院醫院恤貧養老院者以澤被一國者不可數也就收族之道則西不 孝 矣。 灰而 制之得失 大 也而歐美之以文 地 各文 夫中國 明國咸無之印度則焚其先骸而無墓焉 原則萬 **祠墓之重尊祖追遠之義至美矣其不** 明稱。 國所無也中國敬宗收族之事至美族人 以强 大稱。 且過 於 沖國 也。 歐美之捐 歐人 祭祠

亦

油族姓·

如

決之則中國長於自殖其種自親其親然於行仁狹矣不如歐美之廣大矣仁道旣因族 中就博徧之廣則中不如西是二道者果熟愈乎夫行仁者小不如大狹不如廣以是。

制而狹至於家制則亦 然。

依也。 賴以保護疾病賴以扶持死喪賴以葬送魂魄賴以安妥故自養生送死舍父子夫婦無 而 法有無家者也不獨其爲天性不可解也人道之身體賴以生育撫養賴以長成患難 論家爲 人類相保之夏法 夫家者合夫婦父子而名者也大地之上雖無國無身

既固。 矣甚者或下石焉若夫婦父子之親則雖死亡患難貧苦而得相收焉蓋人性旣親結合 於三族者產業則傳之於子孫故雖相棄鳥得而相棄雖欲不相收鳥得而不相收也, 相 朋友有至好者飲食安樂相從而嬉以爲可寄託矣至於有死亡患難貧苦而相棄 **論無父母之苦** 不見乎棄嬰乎無父母所罹則轉死於溝壑矣卽有哀而收養者 依既深故休戚共之富貴則封蔭及焉貧賤則同其糟糠藜藿刑戮則前古 有及

已部 去家界為天民

溝壑而 學而 怙 不 恃賤辱甚 過 不 以爲奴婢其文明之國有育嬰堂以收養之猶 爲奴 得遂病無所依其近親之忠厚者尙收恤之苟遇涼薄之人坐視不 **,婢者比比也孤女則襤褸零丁饑寒困苦鬻爲婢妾終身賤苦孤子** 一矣不見乎孤子乎依於近親艱食鮮食衣服單寒執業勞苦而不得 可以成人然稍長卽 自謀 一恤則且有類 其 親學堂 生。 飽[。] 欲 轉 所

而目熒熒倚門巷

而涕零零者無數雖有仁人哀茲無告然實

無術

以周

之也。

難 褓。 咻 出 於天 疾病不 而成 負 在 論父 撫食息得時以樂以嬉其富者勿論 嬰幼之時肢體 戴 人道。 而 而 含哺。 不 知所以調醫惟呱呱而哀啼從何而得成岐嶷此惟父母之愛撫養顧復育鞠 母育子之劬勞 備 知。 聰明而 啼笑則樂疾病 典鬻以醫藥辛勤而敎學故其子得 不能以運 强體肢嘗觀育子之劬勞蓋嘆成人之艱難故父母 有父母之子女衣食溫飽起居安閒學業得遂疾病得依煦 則 動手足不能以行持飢寒不識便溺 悲窮夜摩抱。 矣卽極貧之人勞作茹苦以養其子操作 心即起勞疲, 以成人得以知 哺乳 引戲。 **密察寒審** 不知衣食不能 學且夫人之生 之恩與昊天 飢。 故 得 以自 屯尤 致 前

二六元

而 罔極而立孝報德實為人道之本悲也至矣極矣孝之義矣

故夫父子之道人類所以傳種之至道也父子之愛人類所由繁擎之極理也父子之私 地 及其報也雖望其報而皆不必其償而後予也子又不多故人各愛之私之而育之故大 也計報而後施算之理也必償後予然果如是則地球十餘萬萬之人類立絕矣蓋母之。 親固多焉以據亂世言之成人少而殤子多肖子少而不肖子多卽幾於成人又獲賢孝 長大與否不可知也殤者固多矣及其長大其賢而能報與否不可知矣不肖而辱累其 皆由父子之道至矣極矣父子之道蔑以加矣 於子親腹爲父之於子傳精焉以其傳我類我故有天然之愛而甘辛勤以育之未嘗計 而遠遊官學或牽車服賈其得事親之日少矣或父母忽沒亦不得收其報焉夫人之情 人體所以長成之妙義也不愛不私則人類絕極愛極私則人類昌故普太地而有人物 之有此十數萬萬人皆由父母有此愛類之私性辛勤之極功也不然則人道眞絕也 論 有父子之道人類乃强盛 夫以育嬰之劬勞如此成人之艱難如彼而人之能

報之重大當貴之於人子矣詩日欲報之德昊天罔極孔子之重孝以爲報而已矣若不 之借錢不償則法有刑受飯不報則俗有議漢高祖入關之約法曰殺人者死傷人及盜。 乃熟也無父母則 抵罪言其報也諺云殺人填命欠債還錢言其報也佛法無量规世所負皆當報之蓋普 下計恩論德豈有比哉夫禮與律皆尙往來借人一錢者必當償之受人一飯者必當報。 世之義皆以爲報也報者公理之至矣無以易之者也受恩之重大莫過於父母故酬 **論孝爲報德宜重** 無由生無爲育則不能成熟少喪父母則飢寒困苦終身賤辱曾天之 故父母之勞恩莫大焉身由其生也體由其育也鞠勞顧復子

至學一 以異 千里之高等學大學從此長於學堂至於冠歲皆與父母遠矣父母間兩三歲或四五歲 於中國也子自六七歲出就外傳尙嬉遊於膝下至於十歲後則就學於遠方萬 諡 省視之及既出學則自謀業自娶妻與父母不相見焉其娶婦必別居室無有與 一歐美 人子之薄報 然今歐美號稱文明者也其父母之養子教子劬勞辛勤無

孝者其律可依欠債不還科而罪之

コスペー

哉 其 女 所日 絕無 少當冠 父老母寡亦絕無有同居迎養之事無問寢視膳之儀無疾痛疴養之義其子而富貴也。 病獨處無人撫摩所見惟燈火所對惟僕隸與死爲鄰無生人趣有施無報亦何賴有子 與 親見之如此是父母有生育之勞而子無酬報之事老而得子之富貴而讌游懽樂皆不 食酒宴琴歌戲舞之會其子居官而父母在鄰者其朋遊知識日夕延客皆延其子婦 見有慶會疾病然後詣問其父母至子婦之室視之致茶請安要不過與良朋 母之日矣一英婦有男無女嘗問我日中國愛女乎抑愛男乎吾意則欲得女而不欲得 母同居者其就業移居千 赴燕 衰老戚戚坐视子婦之富貴懽游宴樂而 延其老婦寡母者吾親與一英官鄰彼其有母也初固如是也而無人議其不孝者。 心之男其 生長。 會游戲僅偕其婦 不營生業學成而 女既嫁間或有寡母依以问居依 無有如 萬里外者無論矣卽同處城鄕亦 認未嫁之時尙依父母故歐美人之廬多有及笄之女絕 中國之奉養侍遊者凡羣官讌會人士雅 以爲 切見擯寡懽况鰥寡孤居無人慰藉疾 養者若子則一 多相 1去數里隔1 娶婦 後。 同耳至於 永 集。 日月 無論 無 事 亦

美之偉· 美人 蓋視墓亦不 貴不得從樂父母貧困 雖貧不之養也間或贈以金錢已爲罕覩雖國律有父母極貧當分工金之三分致養之 美之俗論之男誠不若女之親也美總統麥堅尼東定古巴西定呂宋可謂偉人矣其死 後與以遺產殷勤厚施何爲也哉及其死也不過送以花圈其同地也時省其墓者矣歐 極 則 之遺囑也以其遺財二十餘萬盡與其妻僅以千元贈其母此在中土絕無之事 否則國家可代扣之然罕有行之者也嘗見一英人父老貧甚而子婦不養者又有其父 貧 生子而作總統人生之幸事也然亦何益若其貧也亦僅與妻同居而養其妻其父母 、營業逐 勇既 無聊依於子婦子婦自奉華侈食於上室而令老父雜僕隸食於下室者故子之富 人亦如此蓋其俗然矣且觀麥堅尼一切大會皆與其妻同之不聞其母 長則游旣娶則絕同居無侍奉之道無迎養懽娛之日尙不若女云云蓋 數 利無遠不屆旣少子孫常住又多歲月卽遷無宗族之同居無 年 而置之僅懸遺像以寄相思亦不過與良朋等耳此後無春秋之祭無 不得迎養有施無報然則十年撫養十年就學生育備極劬勞身 祠 廟之追遠 與焉然 而 在歐

二六八

謂但須得富不必子女有子女無益反增累耳吾所識英星架坡兩巡撫皆不娶妻而近 年法國婦女皆不願產子下胎無算否則棄之於嬰堂不可勝數故數十年來法國 忌日之思無孫曾雲來之貽以視中國世傳數十祠墓常修祭祀常潔思慕常感者其去 死也多以遺產捨之公日本昔崇儒重孝近亦變矣吾見有名士母死數日即去鄉自城 命之重而殉收益之薄哉卽父之養子所費不貲而有施無報亦豈情願哉故歐美人之 **父子之効可見矣蓋婦女生子至艱至苦稍有所誤身命殉之而收益甚薄人豈肯捨身** 日少昔者與德戰爭時民數過德方今德人幾增半而法人不加今不及四千萬焉其薄 極遠矣其報太薄矣一歐人聞吾言 而爲友奔走者則報亦僅矣。 中國父子之道而極慕歎羨之一美婦 與吾論 1

飢寒無養如此哉推其立義蓋於自由自立而來人人旣有自主之權於是人子皆得 無報哉何以知有夫婦而不知有父子如此哉何以夫婦同樂而致老父寡母甇甇寡 論歐美薄父母由於重夫婦 夫今歐美之治近於升平矣然父子之道何其有施

義。 其 父子既不 縱其情好之欲少則孺慕長則好色故父母可離夫婦不可別也故制夫婦終身同一 動育子蓋 合異姓難親婦姑勃谿家多離索不如佇霜露而相思隔日月而思見反能永好不致傷。 之權婦女必不樂舅姑之壓制而人子亦不得不强從於是父子遂不同居矣又二女難 父母之恩違謬甚矣 **瑩獨寡**懽窮困無養而亦聽之律以欠借不還義旣不完理亦不公蓋徇夫婦之欲而忘 也故國制亦復聽之然因是之故乃至父母貧病而不見侍養人子富貴而不預懽游 有 其恩凡有所商 論孝報歐美不如中國耶教不如孔教 不同居祖孫更陌路吾與歐美人游寡見有撫其孫者況曾玄乎乃至老父寡以 久離居而不歸者許其離異矣且婚姻旣聽自由男女皆出相悅人人旣有 亦未始不 出於望報者焉覩乎垂老之無依而有子孫之養者則飽煖 必計其利之多寡而後出其本雖父子之愛出於天性然計人之殷 夫人之道凡有所施必計其報之厚薄 得 安 居之 自 無

己部 去家界為天民

子孫之養者則困窮無告也覩夫疾病之無聊而有子孫侍奉者則醫藥撫摩無子孫侍

情而 其報 惟立 擯之故老父肴所依寡母有所望貧窮有所養疾病有所事富貴得其尊榮孫曾得其 奉喪葬賴以送埋魂魄賴其祭祀故人咸願劬勞辛勤敏於育子故中國 也。 也∘ 奉 必皆爲法之婦人無有願出力以養子者矣三年顧復十年撫育十年就學所費不貲無 身後 者則孤 故 之哉蓋 Ł |孝之故也今歐美人之養子亦賴其國律有養子之責故不得已而養之假 爲之者哉中國無此律而愛子尤摯育子尤多而一生所得功業盡遺其子蓋報與 施於公家之學堂醫院蓋以子亦不親既已費無量之大本豈 而爲非常之施無其利而出非常之本非人情也故歐美富人之死多以其千百萬 無寄 子立孝以 苦無聊也覩未有子孫富貴者則迎養尊榮人同敬畏而無子者則俛 也覩夫子孫衆多則繞膝滿階人不敢陵而無子者則葬殮無。 亦人情之自然也夫父子天性豈待國律責之哉凡律者皆不得已强 重報其親老不養親疾不事生不尊事死不祭祀者則以爲不 再廿以 人口 人。祭 生之 甲於大地。 無國律。 孝人 無所望 祀 貨本 永絕 推 共

不報之異也或謂人爲天生非父母所得而私也人爲國民非父母所得而有也耶蘇敎

報其德吾取中國也吾從孔子也 尊天而輕父母斯巴達重國而合國民故其報父母也亦可輕也然報者天理也子而爲 大無窮之恩矣而無錙銖之報非道也故人子而經父母之顧復撫育敎學者宜立孝以 天養育爲國養育不須父母之撫養則不報可也旣已藉父母而後能育成已受父母莫

以奉窮老之雙親且中國人營業之艱亦良苦矣耕農所入則常有水旱之憂其舉家飢 其衣食其或妻妾繁多子女林立者則養之益艱矣以一人而養無窮之大衆安得嬴餘 能顧父母之養者寡矣吾但見縱欲累父母者也一身之累所供養如是之衆且多也故 則好聽淫聲有口則好美食有身則好美服體則好逸神則好游弱則好弄長則好淫魄 少之時爲 有嗜好魂爲所牽憧憧往來朋從爾思稍有金銀日爲欲耗其有不縱耳目體魄之欲而 人之有是四肢五官也有是體即有是體之欲此中西人之所同也有目則好美色有耳 論 中國人孝爲空義罕有力行者 身累甚矣安能養父母及其壯有室也少艾可愛則供其懽心子女日多則營 雖然中國之言孝亦以名焉耳安見其能報哉

寒欲養而無以爲養多矣工資所入北方率二三金南省之工則間有四五金者至才工

養者蓋亦無幾矣夫以所入如是之戔戔薄微也以歐美之例僅養夫婦然猶不足即如 若通籍而仕宦京朝或候補而聽差各省俸薪所入月僅十數其有優差多不過數十金 而 上品則十金八金爲至極矣士人就館月多三四金其舉人秀才多至十數金亦已至矣 輿馬僕從服食應酬租賃所費不貲自非騰仕優差大商素封其能竭其勞力可資孝

口如 僧人僅養一身猶爲未豐然而本一身之耳目口體嗜欲如此其多一家之妻妾子女人 此其夥蓋欲養而不得爲養者比比矣夫古人之分田制祿及歐美之操工執事皆

量人口之多寡度支之分量使其足而後用之故古人得以仰事俛畜從容有餘而歐美 人足以餬口養家逍遙自足然後報恩爲樂强體怡神所以有生人之趣也今中國之農

馘老翁曝日而無衣孝子捧糜啜粥爲嬉以吾所聞陽朔之富鄕五十餘家而得食飯者 以厚一人之生況能責其仰事俛畜哉故豐年而兒號寒有業而妻啼飢寡母倚門而黃 工商賈旣不開利源之路而執事作工復極得手業之難然極營得之而工資微薄 致無

孝養哉以吾鄕所見養父者千不得一養母而豐澤安樂者百不得一分其數金之入令 極貧之人或尙少中人之家則纍纍皆是矣試游於都會入於閭井聽鄉謠此戶可憂焉 或疾病無依致累其親或蠢愚無用待養於親或妻子林立待養於親或妄作非爲陷 得一而不孝子之窮侈縱欲不養其親或僅私妻子而不養其親或困窮無聊不能養親 老母安坐而食飽煖無營者十不得一其能以一 無度醉樂而荒都邑相望市衢相屬飢苧載道不可紀錄若是者甚多甚多豈復生望其 刑獄致害其親或縱欲覓債鬻田賣屋致累其親如是者舉目盈耳幾於十居其七八也 哺食其所生息者蓋此比也嗚呼幾見有竭力能報其父母哉 老婦隆冬無被乃典衣而療子孫之疾老翁白晝無褲乃力作而償子孫之覓其子孫衆 多壯夫環立。 一十餘家而已人人如此焉得不悲若其無工可作無田可耕閒民游手好賭而吹佚遊 而游手無食仰於一老乃至年七八十奔走遠方或爲人隸仰人鼻息歸而 金半金養母而母復操作助之者二不 於

一窓孝之難易由於意見 吾嘗見人之愛育子女殷殷摩撫勤勤敎養不假聖賢

慈何以人難於事父母而易於撫兒女乎此不可解者也嘗推其由人之於子女旣爲所而生子女乃我所施恩者非有恩於我者人情於報恩而難於先施宜人皆易孝而難於 仰事難耶然則孝乃逆德非順德也嘗原天理之至父母乃施恩於我者我非父母不得 許多鄉黨父兄之責有無限天堂地獄之觀而孝子不數見逆子尙無數是何故哉然則 之敎不待詩書之訓不須風俗之化不用旁人之勸不識一字不行一步乃至悍婦戾人 人之情於慈爲順德於孝爲逆德故耶觀人之體俛首甚易仰首甚難豈亦謂俛畜易 生香猺蠻無不能愛養其子者至於仰事父母則經無量聖賢之敎育無量書籍之言經 論 生則分己身而來旣以愛己身者愛之此愛之始也人之情好玩能動少知之物故貓犬。 自娛絕無望報之心者況於既爲同類分身之親又有將來酬報之望宜其樂於撫育也 比於貓犬又爲同形故尤爲可愛近美國有一賃兒會凡自數月以上至數歲之嬰兒可 之馴者人多豢之至有與同臥起者況於人乎當嬰孩童幼笑啼遊戲皆有天然之生趣 日計二三金而賃之夫無兒可弄猶日出數金賃而弄之況於所生之子乎此皆以之 而

人亦未 能 從之則極苦雖以生身之恩然其極反終有不得從者於是不和生矣其與兒女之可以 歐美之報少故人望子亦不切中國之報多故望子尤切此其等差也若父母義雖宜報 能養志者或難而有吝心其與養兒之一兒卽一兒更無他及者異矣二也又養母者尙 而父母有諸子女則必兼愛之兼愛則必取有餘而濟不足則是兼養數人矣子力薄 教訓約束可以惟意再不聽則怒詈鞭笞之必令從已逈異一也又養父母之身尙易也 夫天下之至大者莫如意見矣强東意見而從西意見既已相反卽難相從不從則卽! 之至於長大或有媳婦則父母愛子之心已不如幼少卽孝且才者已不免疑問橫生甚 否則有盛 多焉以母一身而寡欲父則或有後妻諸妾更或他欲則難供給之矣歐美人則子須養 養此歐美人所以望女過於子也然母之養於女而依於壻也則備極柔和助其執事 ·乃並父母而皆不供養女則尙有養母者以同 始不知也然以其尊長於己事當仰體而形體既分游學自異則意思 氣 而不能同居然則其養母亦以柔和易制與小兒同 形相撫則可同室同居子則並 耳。即 如子之童幼則愛 見迎多不 母 面 逆。

月日多豈 之則 則不能 自投於床以刃自刺何嘗必於愛哉合比而觀孝難慈易皆因意見之故耳不能同意 同處矣而中國則限於風俗歐美則限於法律不得已爲之耳今法國夫婦之離異者歲 庭 同處能同意見者則易處耳蓋處者處其意見也非處其身體也夫婦似以身體 決裂矣其不孝不才不肖者更不具論人之苦痛莫若生逆子以絕之則不忍容 可以唐太宗手定天下才兼文武可謂絕特不世之英矣而以魏王 非意同則合意異則離耶 承乾故。

其在富貴者或備膳潔滫板輿迎養袍笏戲綵蘭玉盈階是近

故 毒厲者有之或因女子姊妹積久生嫌而母徧聽其女或因甥姪待之未周而老人篤愛 於孝養矣然如是者億萬不得一人然是其外觀之美者耳其婦姑同居之不相悅因細 翁 姑 而 不同性則雖鍾郝同居多不相得賢者千不得一而不肖者十居其九故子婦未必孝 積 嫌 必慈子婦之不能承懽視色而拂戾悍逆者有之或因其姑之責備過 人强合之苦 交恶者殆無 有免者也夫人性不同金剛水柔弦急韋緩甘辛異嗜白黑殊好 甚而嚴酷

己部 去家界為天民

或因子 或 生嫌 或嫂 色於面。 **妒吝者有之或兄弟一榮一悴或孤寡** 子女分待不均而生嫌者有之或兄弟貧富不同而不能分多潤寡則父母愛憐貧賤 物米鹽瑣碎鷄蟲得失或一言失體或一事失檢而彼此疑猜不能情恕不能理遣。 可 童 有 則 數 於中矣不過不發耳然蓄藥者久必炸積水者久必瀉未有能遏之者也至於藥炸水 內外孤孫 妹 者有之或嫡庶交爭父母所偏愛而生嫌惡者有之或子富母欲養濟其女而子婦 不 也。 普張 婦 堪問 因此而恶其子婦有之或因父母有所偏愛袒助而兄弟娣姒以生嫌妒者有之 大則發於聲始則詬誶繼則鬩牆甚則操杖極則下毒或兄弟相訟 相詈或叔姪相怨或娣姒相倾 財 物 矣張 公藝 而子 有所私蓄不獻兄弟娣姒隱據自取而 九 公藝之美化豬如是況其不及張家之化者哉故凡中國之人上自簪 婦不 世同居千古號爲美談然其道 知體 慈意憐愛 甚至婦姑不 可憐或多財多男而相傾爭而怒其父母者有之 以觸其怨怒者有之凡此皆因 相聞者比比 不過百忍夫至於忍則已 生嫌恶者有之或因子婦 北地以此 縁同居 喪 (命自盡者) 或嫡 含無 隙 各 庶 量怨 不則 於薄 私 相

過於敵國名爲婦姑叔嫂而怨於路人賢者以皆爲骨肉極力隱忍彌縫不言故人不知 蓋無家無之若夫兄弟姊妹娣姒之中有性情貪戾才智譎詐者造謗輿讒巧搆疑似致 萬里之地家人之事慘狀徧地怨氣 據產而棄其繼母後母陰毒私子而陷毒其前子女者不可勝數大約童媳弱婦死於悍 父母相離兄弟相殺吾見蓋多矣又有悍婦制姑而絕粒惡姑凌婦而喪命或繼子不肖 之目爲德門愚不肖者則激發而爲家禍延及累世矣凡此皆源於薄物而釀爲深怨者。 國有太平之時而家無太平之日其口舌甚於兵戈其怨毒過於水火名爲兄弟姊 孤子 無能 禮之世家下至里巷虽氓之衆庶視其門外太和蒸蒸叩其門內怨氣盈溢蓋凡有 幼女死於繼母及甥婦依諸父諸舅而凌虐鬻賣者至多矣都中國四萬萬之人 免者雖以萬石之家規柳氏之世範其孝友之名愈著則其聞闥之怨愈甚蓋 衝天雖以數口之家竈下之婢錄其曲折皆成國史 姒而

錄格言而不能求備天堂地獄變相慘樂而不能化蓋以堯而有丹朱之不肖舜而有父

可盈四庫史遷之筆不能達其寃憤道子之畫不能繪其形相累聖哲經子語

其細

己部 去家界為天民

母 以同居限之則又室小如斗防禁如囚必以同爨限之則貧富既殊嗜味皆異顧此失彼 泱 甚 弟。 乎若有一不然 順 **詈之語兄弟** 子之親甚至一家多室莫不同居其居法甚嚴其含苦彌甚宜以爲五濁惡世也婆羅門 母 九 居同爨愈盛者其怨愈盛以吾居鄕里之日殆三十年所聞 u之恩棄親³ 任姒爲 絕。 弟之預囂文王周公而有管叔蔡叔漢惠帝太子賢而有呂武之忍酷。 甲忤乙必使四萬萬人皆孔顏爲父子閔曾爲兄弟任姒爲 者其不友孝愈甚其禮法愈嚴者其困苦愈深其子孫婦女愈多者其嫌怨愈多其聚 十六道及於佛氏 他若 **《婦姑鍾郝爲娣姒者乎則是家人無一之能和親者無一不相怨也其富貴愈** 馮敬通之有悍妻周伯仁之有傲弟聚羣不同姓之女與羣不同性之人而 **屬** 鬩之狀。 戚 則其怨毒 之好爲過忍哉然煩惱怨毒若此徒喪其魂靈而又不能和其家室是以 無可如 先聖格言徒虛語耳。 決裂有不可思議 何。 乃爲出家之法離絕六親以求除煩惱夫佛豈不 「求爲救度」 者矣夫天下安得 更無術焉。 無非婦姑詬醉之聲 有孔顏爲父子 婦姑鍾郝爲娣 印度男女之別尤嚴父 旣 以天合無可 姒或 閔曾爲兄 嫂 知 叔 庶 怨 必

然愴去也其忍之無可忍而出於此途者誠以家累至甚而惡世難化也不然豈好爲

收出於不得已也亦知其相合之難乃爲是丁寧反復之訓言以勸誘之又設爲刑。由了罪之祖則以則相合之難乃爲是丁寧反復之訓言以勸誘之又設爲刑, 福以隨之而終無一術可善其後也非惟怨毒煩惱無術以善其後而彌縫之且其立家 出家哉且何苦倡爲出家哉 弟子孫婦姑娣姒嫂叔亦不得賢焉以其不賢故謬種流傳展轉結婚而生人皆不得美 第一要因在於相收而因一家相收之故殃獨天下並其一家亦不得相安焉其祖父兄 相 質風化皆不得美俗世界遂無由至於太平人類無由至於性善其原因皆由於一家之。 氣王長學識通達矣貧賤者之子孫無所教養者身體尩獨耳目聾盲神氣頹敗學識闍 但養一己之子孫而不養羣從之子孫旣私之則但敎其子孫而不敎人之子孫且 一己之子孫而 :收也蓋一家相收則父私其子祖私其孫而已旣私之則養子孫而不養人之子孫且 輸立家之益卽因立家而有害 不教羣從之子孫於是富貴之子孫得所教育者身體强健耳目 夫聖人之立父子夫婦兄弟之道乃因人理之相 聰 明神 但教

異質乎: 被教養之全格者蓋極寡而强智仁勇之人亦極寡而愚弱暴怯者皆是也且毀妻 富貴賢哲能備足敎養者億萬不得一而極貧賤愚鬧疾病寒餓者十九也則舉國 富貴少而貧賤多則有敎養者少而無敎養者多强智仁勇者少而愚弱暴怯者多然大 亡耳何能平等哉夫以富貴貧賤之萬有不齊故其强弱智愚仁暴勇怯亦萬有不齊然 其邑卽能及其邑不能及其州羣卽能及其州羣不能及其國及其鄕族羣邑不 盡美善其及於衆也僅矣故能捐義田義莊以惠其族尙未及其鄕卽能及其鄕。 吳姓雖有富貴賢哲之家能得所娶之必賢乎其人而賢矣其傳種於父母者得毋多有 而傳此極不美之種則卽有强智仁勇之世種亦將與愚弱暴怯之種劑分兩而化生而 然人人皆當私其子孫安得多有餘財以博施濟衆乎若此則其醫院學堂必不美 甚者或疾病無醫乞丐寒飢不識文字不辨菽麥矣卽有捐學以敎貧子設醫以救病 父母之來因則多寒賤疾病無醫不識文字不辨菽麥者矣夫以富貴賢哲之家 此凡歐美有家之人所不能免如中國富貴之家多娶媵妾媵猶 可也。 妾 或 不能 過 心於 出 救 刨 及

·美之種復· 大播焉故有父智 而子愚兄才而弟劣若 其貪吝詐 謪 。 競 戻 之 性 。 分 播 於人

然則 得 人。 哉況多無敎者 放父子兄弟婦姑姊妹娣姒之間人人異性賢愚不 種桃 李而得桃李種荆棘 哉以此· 人性安得善風俗安得美而家人安得 而得 荆 棘。 乃固然也及長 齊而惡者較多幾爲什九。 (大後乃欲) 和是以天下人人受其 稍施 教以易之豈可 播種

弊無由至於 。 太平而專就一家言之先受其害無由至 一於和睦矣。

傳其 論 後夫家人之多寡至無定欲富之心亦至無極矣多人之用 有家則有私以害性害種 得。 則詭 謀交至 欺詐並生 且 一家相收旣親愛之極至則必思所以富其家 顧 廉 恥 盗竊。 顧 無盡而所入之資 誼 矣义 有 限。

且 一殺人奪貨作奸犯科愍不 畏死以爲常業夫貪詭欺詐盜竊殺奪惡之大者也而其 原

既欲富

而

不

甚

且

不

而

不

行

而賄

賂

甚

化。 因皆由欲富其家爲之旣種貪詭 熏相習無有窮已且人旣有家卽不欲富旣至親相愛責任所在亦必思所以收養之 不 可 思議。 故 貪詭 欺詐盗竊 作奸 欺詐盗 殺奪之性 **竊作奸殺奪之根種種** 愈布 愈大愈結愈深 相 人 傳世世交纏。 性愈 悪。 人 道 雜 愈壞 沓

相

夫以 於一人同此俸入昔羨今貧何以應之仰屋而顰闊田賣宅覓債纍纍煩惱盈前 累愈重憂病 屋舍歲哀死 之習之旣熟與性俱移則爲河間婦矣吾見鄕人家富巨萬有子十人子婦亦十子女孫。 是荷賤無恥之事貪汚欺誕之行亦不得已而强爲之矣旣一爲之後不得已復再三試 人既餒其氣實傷其魂困窮交迫雖有志士詐謀亦生或毀廉而喪節或貧詬而忍尤於 人況復天災無時死亡相因多哀多思懷我六親喪葬祭祀耗費無端力作旣窮夙逋。 立嫁娶偪人連環迭代追踵相因娶媳生孫膝下成羣人口日衆室屋當增家人嗷嗷待。 周 二十餘人曾孫數人然皆紈袴仰食一老少爲敎學長爲嫁娶月添 如筋力不及而妻若子女諸孫之饑餓待哺疾病待醫隆寒待衣者環集也子女林。 是者不可勝數皆人羨其多男多壽而彼實爲窮憂極苦者也大率子女愈多者家 一夫之力養一夫其事易以一夫之力養衆人其事難又或境遇阻之疾病阻之才 喪田宅盡鬻垂老侘憏稍營奸邪卒無少濟七十窮死幾於無葬自鄕閭所 愈甚鬱苦愈深改行營邪愈不得已子女稍少者家累稍輕憂病稍少鬱苦 孫子日聞醫病 憂能 迫

哉 蓋 雖 稍 相 敗 能 以 故。 欲 慮 耳 幾於無幾之可留推其原因皆由以一人養衆之供養不周也。 壞。 **| 有志節之士激昂於少年無不易節於晚暮者孔子曰及其老也戒之在得豈其所** 有子 自 供 去 纏。 教學糟糠不足肌膚不掩疾病不治十而八九也以故體皆羸瘠面爲菜色身多殘疾 奉。 世世無已俗惡業纏陷溺日甚從無始來浸漬已深乃欲於長大少施美言以敎之 神明沮則術業不精風俗敗則人心日惡將欲 有家之故不得已也夫以憂鬱苦惱之傷魂則神 改行營邪亦可已則 甚 不 無 且鬻爲 安得不養之有妻安得不收之不養不仁不收不義然以一人而 始甚深之性悪俗濁世之風是猶杯 聰 必不能給者矣雖有富者多子則教學不精飲食 明。 Ú 氣不 奴婢鞭笞榜毆終身苦役得食無憂以 和平。 ·目不知· 已然都中國之人四十以後不 文字手不知 水 技藝雖充 而救燎原之火也必無濟矣且以 求太平性善之效豈不遠哉若業種 此傳種愚癡弱柔若汰種而 明断 不美醫藥不周若貧者則 憂家累不改行義者蓋 人數有類馬 喪貪奸欺詐之喪行 牛驅駈 養衆 奔走寡 人即 有家之 亦寡矣。 則 並不 蝎 風 好 俗

身 平性善之世豈不遠哉蓋天下爲公者乃能成其私私者未有能成其私者也 之技此亦據亂世之人格哉殆萬人無一也則以家之貧富貴賤不同故也然則想望太 健强童齔誦數童幼入學得聞聖賢之訓得知古今之事得聞人道之宜得操世業 大約 都中國之人託生士家父母知方生長不飢寒飲食得宜衣裳適當神 明暢

不數年 孤貧者。 戲清談 作工 家多望茶 家則人各私其子吾子則養之他人之子則不養也吾子則敎之他人之子則不敎也雖 多乞丐徒跣 一則筋力 歐美个大發獨人自立之說然求至太平世之人格實未能也何也以其有家也有 有育嬰慈幼之院以收之雖人必入學孤貧者公家教之然所教養皆最粗者又 而聽就工矣諸專門學之學費甚重且非式大都會之學就學亦不能成高才貧 為 事。 而不得入小中學而就工矣疾病雖有醫院治之然粗汚甚矣倫敦阿爾蘭 則其不具人格徒供玩具可見欠老貧而寡獨者子女不養之況無 者則其不能盡效成材盡養無憾亦可見矣婦女但依夫爲食日讀小說游 逮無人用之嫁娶則面目老醜無人許之窮困淒涼無人過問形影相弔。 子女乎。

疾病無倚衣食無託送死無人則魂氣衰徵矣。

亦絕遠矣。 **詐欺狡詭誕僞爭奪攻擊盜殺之性惡種相傳遞代無已欲求大同之公性善之德其去** 爲納賄殺人之事其他詐欺相殺之事不可勝數意國尤甚歐美多相若也以此相傳人 商者請吾聽戲旣至戲場則反須吾請之以美國政體之美而以風俗尙富之故乃至多 至矣夫旣無所不至則凡詐欺狡詭誕僞爭奪攻擊盜殺亦無所不爲矣以英人之業破 手爲憘欲富旣爲人之情況風俗迫人之去貧而思富如此則人之所以求富者無所不 爲賤貧而尙富不幸而貧則故人猶覿面不識絕無車笠之誼若其富也則國主前席握 種之未善可知矣夫富貴無常人人可致婚姻之結展轉相交夫以貧下惡賤之種加以 既已有家則不能不爲妻子之計旣無公國則不能不爲送老之計且歐美之風尤

論有家之害大礙於太平 今將有家之害列左

風俗不齊敎化不一家自爲俗則傳種多惡而人性不能善

- 一養生不一疾病者多則傳種多弱而人體不健
- 生人養人不能皆得良地則氣質偏狹而不得同進於廣大高
- 自生至長不能有學校二十年齊同之敎學則人格不齊人格不具
- 一人之終身非日日有良醫診視一次則身體懷疾
- **骄自始生而鎔鑄冶쨐則易長後而鎔鑄冶勁則難故無家而全歸學校以育人太平之** 人人自生至長不皆驅之於學校則爲無化半教之民蓋人者雜質須加鎔鑄冶
- 世也有學有家以育人者升平之世也全家以育人者據亂之世也
- 一入學而不舍家全入則有雜化而不齊同蓋人自爲教家自爲學則雜隘已甚未
- 有能廣大高明純全者也
- 一因有家之故必私其妻子而不能天下爲公
- 因有家之故養累旣多心術必私見識必狹奸詐盜僞貪汚之事必生
- 有私狹好詐盜僞貪汚之性相扇相傳人種必惡而性無由 善。

己述

去家界冯天民

人各自私其家則不能多得公費以多養醫生於求人之健康而疾病者多人種 间

不善。

人自私其家則不能得以私產歸公產無從公養全世界之人而多貧窮困苦之

故家者據亂世人道相扶必需之具而太平世最阻礙相隔之大害也 人各自私其家則不能多得公費而治道路橋梁山川宮室以求人生居處之樂 人各私其家則不能多抽公費而辦公益以舉行育嬰慈幼養老恤貧諸事

第一章

皆健人質皆和平廣大風俗道化皆美所謂太平也然欲致其道舍去家無由故家者據 亂 世升平世之要而太平世最妨害之物也以有家而欲至太平是泛絕流斷港而欲至 **論欲至太平大同必在去家** 夫欲人性皆善人格皆齊人體得養人格皆具人體

通 津也不宵唯是欲至太平而有家是猶負土溶川添薪以救火也愈行而愈阻矣故

欲至太乎 獨立性善之美惟有去國而已去家而已

之報忽 之種若. 文明。 大誠 而 交合而得夫貸人財物猶當償之況恩莫大於生育敎養乎受罔極之恩而未嘗有 誇豪富其所以爲享用富樂則計誠得矣試問可乎國法能容之乎吾於佛義之微妙廣 地 內繁盛之都會壯美之宮室交通之鐵路電線精奇之器用皆廢阳敗壞荒蕪榛莽而 圖清淨然當據亂世之始人之有身本之父母生育敎養而來又人之傳後必待男女 惟 質賴 服而異之而於其背父母而逃不償夙覓而自圖受用則終以爲未可也且夫 論 有 出家爲背恩滅類不可 如其 乃逃而去之以自謀淸淨此與覓萬億重億而分毫不償乃挾 灌 木 人類自張之若人類稍少則聰明同縮復爲野蠻況於禁男女之交以絕 道。 叢林鳥獸昆蟲縱橫旁午而已是不獨不可行之事亦 **則舉大** 地十五萬萬人類之繁不過 婆羅門欲至太平獨立性善之美驅人出家以離 五 十年 而人狀盡絕百 必無之理矣夫以文 人財逃之他 年後 則 分毫 世緣。 大 方以 大 人 類 地 地

明之世界何必讓之與鳥獸草木哉雖有無遞嬗成壞相乘他日大地亦必至此境而今 日文明之世宙何事速速駈之入此破壞空虛之境哉是預憂嬰兒長成之煩惱而先坑

之預憂胎生出世之煩惱而先落之也以此爲仁是或一道也非天下大衆公共所許也。

人道然則何道以至之康有爲日赴之有道致之有漸曲折以將之次第以成之可令人 **論去家有天下爲公之良法** 夫旣欲去家而至太平而又不忍絕父母夫妻以存

無出家之忍而有去家之樂也

共設也公立政府當公養人而公敎之公恤之 康有爲曰人非人能爲人皆天所生也故人人皆直隸於天而獨立政府者人人所

公養之爲何 一日人本院凡婦女懷妊之後皆入焉以端生人之本胎教之院吾

欲名之曰人本院也不必其夫贍養

三日公立懷幼院凡嬰兒三歲之後移入此院以鞠之不必其父母懷抱 二日公立育嬰院凡婦女生育之後嬰兒卽撥入育嬰院以育之不必其母撫育

公教之如何 四日公立蒙學院凡兒童六歲之後入此院以教之

五日公立小學院凡兒童十歲至十四歲入此院以敎之

六日公立中學院凡人十五歲至十七歲入此院以教之

七日公立大學院凡人十八歲至二十歲入此院以敎之

公恤之如何 八曰公立醫疾院凡人之有疾者入焉

九日公立養老院凡人六十以後不能自養者入焉

十日公立恤貧院凡人之貧而無依者入焉

十二曰公立化人院凡人之死者入焉十一曰公立養病院凡人之廢疾者入焉

人之父母子女無預焉父母之與子女無鞠養顧復之劬無敎養糜費之事且子女之 夫人道不外生育教養老病苦死其事皆歸於公蓋自養生送死皆政府治之而於

與父母隔絕不多見其遷徙遠方也並且展轉不相識是不待出家而自然無家未嘗施

恩受恩自不爲背恩其行之甚順其得之甚安

贱不能教養子者多富貴能教養子者少從多數決之蓋必願明歸公養者多故必天下 萬孔融所謂父母於子爲情欲來耳男女自由後則私生子必多卽合天下人計之亦貧 或日父母於子天性也舍去非天理也然今法美澳洲私生子多矣日本歲亦八十

爲公而後可至於太平大同也。 治風俗人心爲先矣則諄諄於敎化摩之以仁漸之以義示之以信齊之以禮勸善懲恶 **崇節尙恥若後漢之俗束修激厲志士相望亦近於化行俗美矣然其實數不過一二士** 矣孔子所謂民免而無恥也其距性善之平世不可道里計矣其進而言教者知人道之 修其法律未嘗教人而多爲法網以待其觸是以罟待獸以網待魚也此真據亂世之治 第二章 人本院生人之本皆在胚胎人道之始萬化之原也世之言治者曰明其政刑又曰 人本院

是受教卽使興起而未學之先子張之爲駔艙子路之冠雞豚周處之斷弛戴淵之盜賊 以禮樂人研義理家守禮法然皆頁笈而從經師聞風而赴講會皆在冠歲壯夫之時至 人性善不待勸懲不待激厲其相去不可道里計矣卽漢宋盛時講學大興授以詩書被 大夫儒生之向上者耳即賊畏賢人鬼讀書其於國人分數不及萬一其去大同之世人 時決裂者哉凡物質已堅壯難於揉屈故長大而後教氣質强盛難以變化故皇甫湜教 其含根已多發芽必甚況其家庭之習慣瘳邑之風尙國俗之濡染浸漬已久安能以 子乃至嚙肩拔劍而逐蒼蠅着屐而踏鷄子卽薛煊居敬之篤而二十年不能治一怒謝 之早起夜臥必祈禱懺悔佛耶之每食必祝時時拂拭勿使惹塵然誠切省身實少況有 日之學而拔之哉自非豪傑罕見成德卽如曾子之日省趙抃之夜夜焚香告天如耶氏 學堂童幼被敎章程精密然敎藝而非育德也且敎之於有生之後氣質已成見聞已入 多賢而氣質難變如此何況中人以下哉故曰少成若天性習慣成自然也若今日歐美 上蔡之高明而七年不能治一矜朱晦庵之賢而張南軒謂其氣質漏隘以茲大哲熏以

求滋 教之義教之於未成形質以前令人人如此普天如此則受氣之先魂靈之始已無從染 猶欲北而南其轍也無至之日矣昔之人孔子乎淵淵深思蓋知之矣故反本溯源立胎 萌芽發揚賈誼日習與正人居之不能不正猶生長於齊之不能不齊語也習與不正 知識 思濁矣源旣淸矣流自不濁必如是乃可至性善乃可至太平惜時未至大同不能 交於聞見習爲故常種此惡核而欲果之良美安可得也以此而欲至太平性善之世亦 居之不能不不正猶生長於楚之不能不楚語也今生於惡濁亂世人相食之時而童 某律太宰曰滋 戶左太宰持引而御戶右比及三月者王后所求聲音非禮樂則太師縕瑟而稱不習所 遠行之也今按大戴禮記保傅篇日古者胎教王后腹之七月而就宴室太史持銅而御 已開夫腦者天下之至善居積者也一有所感於外物終生受之而不忘遇事逢 味者非正味則太宰其引而言曰不敢以待王太子太子生而泣太師吹銅曰 味上某然后卜名上無取於天下無取 於墜中無取於名山通 谷。 無 聲中 拂於 人人 幼

鄉俗是故君子名難知而易諱也此所以養恩之道古者年八歲而出就外舍學小藝焉

則敬。 納其 履 之聲是以非僻之心無自入也在衡爲鸞在軾 故 乏 與慮是以封泰 周后妃任成王於身立而不跂坐而不差獨處而不倨雖怒而不詈胎敎之謂: 鏘 小 仰則觀天文俯則察地理前視則睹鸞和之聲側聽則觀四時之運此巾車敎之道 者養之孝者襁之四賢傍之成王有 節焉。 間。 此御之節也上車以和鸞爲節 鳴 据瑀 也古之爲路車 束髮而 以雜之行以采茨趨以肆夏步環 山 就大學學大藝焉履大節焉居則習禮文行 间 禪 也蓋圓以象天二十八橑 梁甫朝諸侯 下車 。 一天下猶此觀之王左右不可不練 知而選太公爲 以佩玉爲度上有雙衡下有雙璜衝牙批 中規折還中矩進則揖之退則揚之然后 爲 以象 和馬 師周公爲傳此前 列星軫方以象地三十輻以象月 動而鸞鳴鸞鳴而和應聲曰和 則 鳴佩 玉升車. 有與計 也。 也。 則 成王 聞 卹 珠。 和 以 生 和

今人本院專爲胎敎以正生人之本厚人道之原**。**

廣額 者其人 胎孕多感 、性漏 地 狹 氣故 銳 眼。 重性深阻險僻寡有光明廣大者水澤沮 山谷崎嶇深阻 之地其生人 多 瘦瘤突 額銳 洳之地其生人多柔 随黄酸 無有豐頤

已部

去家界為天民

第二章

人本院

質弱 寒帶故 哉若加拿大地當五十度落機雪山日照於面故華人生子多紅白明秀歐洲各國地近 突其英人久居於是傳至子孫面變黃藍華人之雜婚傳子於是者亦然豈非地 黃黑叉汗出太多聰明亦減若印度萬里平原多熱少水故人被日光積成黑面目 長熱地居住山谷致之也南洋諸島地近赤道華人英人來此居之歲月皆爲疲損色變 秀者此華土之大概也若非洲人之黑面銀牙尖腮斜面腦後頤前固由傳種 他 感成然則犀 岩 態潤 石 犖 多白南意大利葡萄牙西班牙在三十餘度地在濕帶故面色稍黃是皆地氣所 色靡顏鮮有勁骨雄魄者其人性多委靡卑濕曲折柔脆寡有剛直貞固者其 确原陵衍隰皆可以此 角端 盈與預邪窮固皆地所關而天下之人皆出於胎胎生旣誤施敎 而推矣故都邑之地廣原厚土乃有豐頤廣顙白皙 亦半由 氣 使然 多 生 明 圓

種改良之計 **今欲定胎教之地皆立於溫冷帶間以受寒氣而得凝固得紅白而去藍黑以爲人** 然則

胎教之地其爲治者之第一

要數。

之地。 移 此 日電 難然必當決行之故此熱帶之地只可爲耕牧之場決不可爲生育之地並不可爲學校 然無幾亦自有高 耳且熱帶地之文明而廣大者莫如印度橫北皆有雪山可移居若澳洲近赤道之人皆 自熱帶之初度至溫帶境不過五千里以美國方今汽車一小時可行二百七十里則 日已逾五千里况千數百年後五千里路不過一二時可至如枕席上行如門戶之中 於雪梨坤士蘭紐西蘭之境非洲之人移出沙漠之南或遷入歐洲之北南洋諸島蕞 黑色終爲黃 學未精道路未通國土各限故耳若在大同之世國土同一電汽極精飛船滿空則 必使生平年逾二十日謀生計始許來遊來居此義關平等甚大必決少棄此地然 璟 球 熱帶地方無數婦女無數豈可盡遣之冷帶中此豈可行之事哉然此不過今 白人所不齒是人類終不能平等而進化必不能至大同 山可居但須少待以漸移徙不能速成之耳若憚於遷移留此惡種存 也茲事雖· 大且 遊

院地常擇平原廣野丘阜特出水泉環繞之所或島嶼廣平臨海受風之所或近 去家界為天民 **第二章** 人本院

後大同得行

也。

營之於江河原陵之地遠山而有土氣近水而無濕蒸凡崎嶇岩險犖确崚嶒壑谷褊隘海廣平之地次則遠背山陵前臨溪水又次則高山之頂及嶺麓廣平者若不近海亦必

則生人乎必多豐頤廣顙隆準直面河目海口者盡爲高加索人相矣其性必能廣大高 幽閉遮壓狹窄銳曲皆所力戒而舍棄之選擇極奇位置極精務令多吸天氣多受海風

一院數之多寡量人數以隨時酌增

明和平中正開張活潑而少險詖反側悲愁炉隘者矣。

有司皆以婦女曾業醫者充之由衆公舉其仁慈智慧尤深者其員數俸數隨時

視人數多寡公議

教養愈密其始平世或六月乃入其中平世則三月乃入其極平世則有孕卽入略可因 婦女有孕皆應入院其孕之月數多少乃入院隨時由醫生公議然世愈太平則

世之進化養資之足否以定之

有孕之婦入院後自以高潔寡欲學道養身爲正誼雖許其與諸男子往還若其

己部 去家界為一天民 第二章 人本院

保人元胎本夫太同之道雖以樂生爲義然人爲天生爲公養婦女代天生之爲公孕之 交合宜否隨時由醫生考驗生產之道與交合之事礙否及與一男之交合若衆男之交 **嬔私樂以覔公任也若縱私樂以覔公任與奉官而曠職受贓同科矣** 必當盡心以事天盡力以報公乃其責任婦女有胎則其身已屬於公故公養之不可再 合礙否或定以月數或限以人數務令於胎元無損乃許行之否則應公議加以禁限以

歌泣死生憂患得失變亂感動其中則胎孕感之必不能和平中正而亦有愛私愁感 形於動靜無愛私愁感以亂其中生子乃能和平中正若有私交則有愛私愁感纏綿 和性未盡善此事 **逐**患得失亂之矣卽大同之時無此諸患而死生得失變亂亦難盡泯則其人德必不 之時矣奉職者在端恪奉公欣喜歡愛中正無邪情欲之感無介於儀容燕私之情不 正義必當斷其交合然十月絕欲人道所難特恐因此無權紛紛隳胎反爲大害稍徇 按婦女以生人爲大任故公政府尊崇之敬養之旣有胎矣則奉職之時非行樂 所關在人種卽與大同太平有礙故萬不能縱私樂以聽之也故以

其樂欲許以他物代之必不得已則於懷胎可交合月內不許易夫以專篤其心志而 萬法有弊斯亦不得已之道也乎 不亂雜其情思然若其夫有疾病死喪憂患官應斷其往還並許易夫以節其憂感蓋

以實星所在禮貌皆尊異於衆焉蓋大同之世無他尊惟爲師爲長爲母耳而師長無苦 婦之禮凡孕婦皆作爲公職之員故得祿養貴於齊民凡入院之孕婦皆當號爲衆母贈 生子之苦又須節欲謝交乃一極苦難之事公衆宜爲天尊之爲公敬之故當立崇貴孕 有子而人類得繁乎 如官滿閒散 而母有苦故尤宜尊崇其位在大師大長之下而在尋常衆師衆長之上至旣生產後則 於在孕本職之時以示別異既有隳胎之嚴禁又有產子之榮章兩者相輔庶幾人樂 孕得一寶星可以衆母寶星之多寡爲位次之高下焉但生後免職之寶星其帶較短 孕婦代天生人爲公產人蓋衆人之母也況旣無將來有子尊養之望而有懷胎。 者在小師小長之下然猶在衆人之上於諸產婦之中又以多孕者爲 上每

一院中醫者皆用婦女爲之

侵以弱其體而感其胎除初入院被疾外其後孕婦有遘疾者則罰其醫者其祭祀次數 孕婦每日有二醫者晨夕祭視二次務愼之於未疾之先令有胎時無使小疾之

多寡及醫者罰之輕重隨時公議施行

一孕婦宮室由醫者考察其最宜無有愆陽伏陰之虞無有引濕閉風之患無有藩行率意飲食其有犯者可微罰之隨時由大醫巡視其當否 粗動靜以定其多寡之數及消受之宜每日開單如給藥然孕婦悉當奉醫之命不得自 孕婦飲食由醫者選擇食品之最能養胎健體而後給之並各因其人之强弱精

身體相 **陵**之別異務令生產相宜嬰孩相宜隨時由醫生考察新理而精改之 **濶穢汚之迫其室外遊觀之所樓觀高竣林園廣大水池環繞花木扶疎皆務使與孕婦** 宜俾其强健其室更預備產子之時陰陽寒暑之所合風日之所宜忌及山海原

衣服冠履隨時由醫生考察其最宜於孕婦身體者辨其寒帶溫帶之殊山

又若歐美行禮之時及跳舞之際大宴之會甚至來復日之夜食大酒店之夜食皆袒肩 露臂婦女勉强行之多感冒致疾者此等弊俗當亦大同世之所無然若未盡除尤孕婦 海原陵之異若中華纒足歐西細腰彫琢人體旣爲文明世所不許而尤爲孕婦之大忌

產婦之所大忌所當嚴禁者也。

時養生之道當產時生產之法旣產後育養之方皆能自得其宜無所待於旁人並不必 精微之新理以涵養其仁心使之厚益加厚以發揚其智慧使之明益加明每來復日又 專倚於醫者則其孕育必安生產必易 有女保醫生講全體之用衞生之法生產之宜忌育子之良法使之了然自解則 孕婦旣入院後卽離其所業每日有女師講人道之公理仁愛慈惠之故事高妙 、於未產

(原注)今未至太平時鄉僻貧婦不知產學而得醫尤難富婦亦自不解而醫者不能常侍故孕育多失生產

極數人以爲苦事亦由此也。

孕婦爲大地衆母爲天下傳種種之佳否皆視其母故當立一女傳教之監之女

悪聲刑人惡言皆戒不得近人本院其孕婦出入遊觀宴會前警後蹕凡有異形怪事惡 事使耳目之所染心知之所遇無非高妙仁慈廣大和平安樂之事其有異形怪事惡色 傳亦自醫出公舉爲之視孕婦多寡而立一女傅隨之出入同其起居以傳其德義化其傳亦自醫出公舉爲之視孕婦多寡而立一女傅隨之出入同其起居以傳其德義化其 時不發觸物卽生雖至垂老隨事發現觀夫近世人或噩夢而醒或死而復生所見鬼神。 肢體達於營衞銘於魂魄發於夢寐觀童少耳目之所感卽爲一生心思之所印縱使一 非異事故感染之大未有若胎孕之易者昔孔子操琴見貓捕鼠而顏子驚其 要義當見吾鄉人生子有面分兩色者人皆駭異究其所由則以孕婦好看演劇而劇場 氣質令孕婦目不視惡色耳不聽惡聲口不道惡言鼻不聞惡臭身不近惡人心不知惡氣質令孕婦目不視惡色耳不聽惡聲口不道惡言鼻不聞惡臭身不近惡人心不知惡 多冕旒而髯。 有塗面者孕婦尤爲賞心一念所動遂如影相之照深入胎中乃成着色蓋電氣所傳並 色恶聲刑人恶言皆走避無使有絲毫入於孕婦之耳目以感動其魂知此爲 在高 山流 t金甲而刀3 水而鍾子期知之蓋物感於外卽情動於中情志旣動血。 道服白衣紅黑其面或號稱閻羅觀音或號關帝呂祖或見有地 氣從之故周於 有殺心伯 胎教第

土從未見一歐洲人者蓋說部之所演廟像之所塑佛典之所染積久漸漬遂爲固。

然也楚子玉夢河神問取瓊弁玉纓則以古者瘞玉祀神之故後世以紙爲元 **甚深好之成僻者亦皆由其父母懷感此心傳種入胎浸漬使然蓋下種一誤此根途生** 亦其父母懷 感成孕故古稱履武吞卵而生子亦非異事 紅跡又見其孕母聞雷而懼者其子聞雷及砲一切響聲皆戰栗其他產蛇產繁蓋皆 生卽食烟止之卽病三月而烟癮日重又見族人妊子而毀改室牆子生而死額有毀改 爲屠家子於是太子遹亦好屠肉宮中作市而自賣之親自論斤播兩當見孕婦嗜烟子 爲氣質所傳感入正同故父母之性情子女多肖之者以晉太子遹之聰明其言 鬼神亦索紙錢元寶而已其他深信喪門神三煞者其人卽有所遇若不信者亦復無之 有說部見貓犬仇者而畏之後誤殺貓犬病果患貓犬仇之而死蓋夢魂知氣之與胎皆 感殺 心而成孕存胎有以致之自餘一切貪心淫心詐心怒心畏心其蓄之 心故胎姙之時感入最易其人之好殺者蓋 八母謝貴 寶祀 榊 因

身有生死魂無變易展轉傳染無有已時故傳種養魂母儀胎教實爲人道無上無始之

之學校之先更敬愼之於旣姙之後不使物感情移而誤其胎元也。 於胎姙時拔其根本及質形旣成乃思矯易欲有以敎之治必無當也故母儀旣敎

不諧其有跳舞之事弦歌之雅登高臨深坐作進退出入周旋嬉遊走舞皆由醫生體察 中采薺趨中肆夏之義若腦中須臾不和不樂則佩聲不諧體中斯須不節不文則佩聲 加以節度務令四肢百體血氣心知皆由順正皆由中和則胎感所被亦無非順正中和 孕婦入院之後必有所佩佩皆作衝牙相觸成聲鏘鳴協和必中樂律若古者行孕婦入院之後必有所佩佩皆作衝牙相觸成聲鏘鳴協和必中樂律若古者行

所素業亦當禁斷院中所讀所學皆有禁限不得逾越蓋孕婦如當官奉職皆有職守入 吉祥順正以及嘉言懿行足以蓄德理性興起仁心者號爲胎敎叢編至工藝學之中若 **淫論皆不得藏故於羣書之中皆當別編選其高明超妙廣大精微中和純粹仁愛慈惠** 天文樂律圖畫最爲有益其餘凡與胎無損乃許學習其他用精太過或與胎不宜者雖 院中所讀之書所見之畫凡有異形怪事恶色恶言及爭殺貪詐詭僞奸偷邪說

己龄

去家界為天民

三〇六

院之後以養胎爲宗旨職業其有礙此宗旨職業者皆可不行也

一孕婦出遊女傅皆當監察其有異形怪事惡言惡聲之地皆不得往及機器廠之

農動兵器廠之傷生皆不得往

後乃聽往還大同世實無惡聲惡事姑極言之 告固禁之於院中相見之時亦禁之於出遊過往之日甚者則女傳可暫斷其交俟產子。 孕婦交遊之人女傅皆當譏察其有不正之業不正之人,其有惡言相聞恶事相

自爲之蓋聲音動蕩最能感人其入魂尤易故佛氏稱清淨在音聞但取其最和平中正 者常以聲樂養其耳必能養性情而發神智。 一人本院終日常有琴樂歌管除早夕某某時停奏外餘皆有樂人爲之亦聽孕婦

眠濕坐之苦種種爲累男子所難在據亂升平以篤父子之世婦女待子而養待子而 鄉入院亦非人情之所樂既生之後乳養之時必須節欲戒行之苦保抱攜持則有失 按懷胎之事旣人所不便生子之苦尤人所難堪禁欲節交固非人心之所願難

門戶子不得事父母不養父母歐美人又無墳墓之掃除廟祠之祭祀則所以望於子 女學日明美法國且有爲官吏學士者以自由之故女嫁旣不事舅姑而子娶必各樹 苦身禁欲辛勞累年而不敢畏惡也今歐美自由之風漸昌平等之義漸出女權日達 以自立於世不待其子之養不待其子之榮而保抱携持之苦實於爲學有大損故爲 子之責任故勉强撫養之然苟無國律則棄之者必衆矣又女之能學問能爲官者足 者甚薄而無所待計自十歲出就外傅之後多遠遊學於都會至冠乃還則又娶婦別。 學之女尤不願有子以自累其身體自損其學問夫凡人之茹苦冒難者必計其利息 居矣則所以撫於子者甚疎而無所親子之於母旣薄且疎徒以國律所定父母有養 之難保抱攜持之艱誰願爲之故法國婦女多事隳胎比十年來英民增至千萬德國 而後爲之夫以無待無親之物而有大累大損之事而重以懷胎生子之苦節欲禁行

榮所以望於子者甚厚則所以事於子者最苦皆所願樂而不敢辭又足跡不出戶庭

學問不通名理耳無聞目無見則惟風俗之是從而不敢稍萌他念以不容於衆故雖

增至千五六百萬美國增二三千萬而法國民數且損至數百萬凡萬國之民**雖野營**

樂而無生產保抱之艱必不肯爲十月之勞任胎姙之重矣若果如此則未至大同之。 等自由大行之後婦女惟有爭事隳胎而已於懽欲無損於苦累不受有超脫自由之 名譽同操事權彼男子則逍遙自由縱欲極樂無所累無所苦矣彼女子之學識名業 之法女已不願生子矣何况大同之世男女平權男女齊等同事學問同充師長同得 方令法女之智識自由之風俗其與千數百年後大同之世不及豈只千萬計然而今 樂自由不願生子故也今法國深畏民少途懸生子之賞夫生子有賞豈不異哉夫以 之國苟非亂亡無有不歲增人數者而法乃歲減其事大反者何哉則以婦女多智皆 佛氏婆羅門戒淫不嫁娶之苦其事相反至極點而絕人種蕪地球同歸於狉獉草莽 之什器皆廢棄蕪沒毀壞斷爛欲望野蠻之世亦不可得矣故大同縱欲自由之樂與 世人種已絕普地球又復爲大草大木鳥獸狉獉之世繁盛之都邑壯麗之宮室精妙。 仕宦皆同豈肯甘受懷胎之累生子之苦節欲禁行之艱保抱攜持之難哉故女權平

獸者途: 然各國 至爲不 之世則不約而全同若交線而合符也乃知人道全在得中凡義不能極南 因病 者也若人食禽獸則極不仁印度古教戒殺印人最慈蟲蟻不踐然印人之歲食於猛 古俗抑女而不平等固出於强凌弱之餘風重子而待其尊養固出於親所生之順勢。 相遠相反而爲冰海則同亦其理也故據亂升平之制明知其有害而有不得已者故 則西倒法立則弊生故物方生方死方盛方衰竟無全理凡聖人立制皆順勢以因之 地之故亦文明所由興起以勝於野蠻而成爲大國之故乃進化必經之道而不可已 之暴與利民之仁適相反而賴以相成道無一致體無一 因以 而 本。 |據亂之制皆因之義雖不公不樂然實人類所由繁華以勝於**禽獸** 以萬數矣且人之聰明多賴食內以充其精氣故能日創新制以改文明故 補之而已夫以同爲天生之人形體聰明之用皆同而 ·而豈 滅絕地球因以燕沒哉卽使人種不絕而生人日少則執業任事者不足爲 知 **尊男抑女之事効人類賴以孳繁國土賴以文明男女平權** 面故立法者難矣哉扶 乃尊男抑女至爲不公 北極 而立 於天 地 東 食

總機壞則羣機不行羣機不行久則生鏽而不可用矣至是則道路不通不可越 際學術斷書器壞則人類復歸於愚一物不修則衆物牽連而不可行如機器然。 理者更寡勢必政事隳壞學術斷絕機器缺乏宮室敗而不修圖書焚而不續夫 山海。

則復分爲部落之小國以相爭戰人類無學不能知古術則復化爲野蠻之風俗以受

禁其自由親其所生女但望生子而待其尊養經此部落野蠻之世又不知經幾千年 苦毒夫智則必樂愚則必苦乃自然之理也至是時也强復凌弱男子復抑制女子而

他星之來觸而地球已粉碎矣或去日漸遠熱力漸少則生人之熱力亦弱聰明亦微 經幾歷刼經幾許仁人聖哲創制立法肝腦塗地而後漸爲一統漸爲升平不幸則

無復能制作之精美是大地人類因男女平權之故人類永無文明之跡地球太平大

仁人之心亦非時勢所宜也故太平之世男女平權後懷胎產子實爲人種存亡繼絕 同之樂矣豈不大可畏哉然若因此而抑女禁平等自由於理不公於事失用不獨非 之第一大事不可不極思良法以保衛之禁制之也

小,0 拘以歸 事皆不 息而 律有犯此者重則監禁終身充當苦工諡爲不仁剝削名譽雖貴太上罰之無赦輕則 得不然也今大同之世人皆性善刑措不用當廢殺刑然隳胎之禁應以爲刑律第 之與殺生長之人尤加重焉嚴著以爲律俾人知畏昔周公之酒律日羣飮汝勿佚盡 樂肆密賣際胎之樂皆爲禍首罪比殺人並監禁終身剝削名譽或輕減年數出監後異 **尊榮之職皆不許充所有合衆宴會公議之事皆不得預懸爲重禁庶幾懷胎生子之苦** 有胎之月數爲監禁之年數卽出監禁別異冠服戴隳胎之章人皆不齒所有爲師爲長 冠服仍戴隳胎之章終身不齒所有爲師爲長尊榮之職皆不許充大衆宴會公議之 而監禁不齒之苦大則相比較雖無將來之望而深懷刑恥之恐則隳胎之患庶幾可 爲 人種之傳庶幾不絕矣又有醫生日監視其舉動庶幾可免其醫生密爲隳胎 得預 全地 於周予其殺飲酒之罪亦微矣以殺刑施之亦過矣然當時紂王沈湎之俗實不 懸爲厲禁庶幾少免其藥肆則有大醫生隨時察視著爲烟戒 人種之故而思保全之則禁隳胎乃第一 要義矣當以爲無 上第一大禁視 防察周密名 以 重

大

恥相尙以茲救平權自由之女庶人種或可保全歟。

衆母 **姙胎時旣日有二醫視之調養得宜安胎保胎懷胎自皆有日出新法以安**

之令無痛苦令人無所畏悪之

衆母將產時診而知之告之大醫生視察預備產具衆醫日所診視次數隨時議

增。

本院醫生專考求安胎保胎養胎及生子最易無苦之新法其最得宜之法令孕

弱而以方施之務令孕婦絕無痛苦考求之學旣專尊榮之賞旣重生理自易令人無畏。 婦懷胎生子絕無痛苦者予以最榮高之寶星及厚賞醫者別孕婦之長短肥痩大小强

衆母將產時移置產室密靜不虞風寒者一切產兒養兒之物皆備並設電話線

以通大醫生室以隨時問話

衆母移入產室後女醫看護人卽常時看護其飲食居處皆女醫節度務合於生

產最適宜者

產室應有樂室書畫室及玻璃草木室以爲衆母不出門之淸娛

接產選醫生精於生理學者充之其十全無缺者經若干人加俸再若干人賞榮

銜有不合法或不得成全者俸金多者削名譽

視數次隨時酌議其助乳之法或養育之宜由醫者隨時考查良方爲之此爲生人之始 一子生後卽有女看護人專爲撫視凡剪臍洗浴穿衣皆女醫每日親爲之醫者日

尤當鄭重。

本院醫生專考求養子之法壯健之宜務令孺子壯健無疾

衆母產後氣血大虧應急補養其飲食滋味皆日有數醫診視爲之節度 衆母除字子之外皆有一女看護人爲之撫視衆母仍可照常聽樂讀書看畫

產室常有人鼓琴誦詩於將產已產之時產母未能自由之日其琴詩作之雖有

時 祥不仁不正之言入於其中俾衆母及孺子感入無閒放於血氣暢於四支。 亦聽衆母之所欲其琴詩旨義皆仁愛慈祥愷悌中正和平安樂之音不得有不類不

子於戶內與官行禮執事人皆集奏樂誦吉詞而爲之名重人之生也人口吏乃上之本 度地方總長其父知者聽其省視預聞可也 子生由管院人報知人口吏每七日人口吏來視新生子一次院內羣醫衆母抱

尊有力成族姓也然不論從母從父皆因父母所養其功最大故當從之升平之世兼從 寡而設院院室各有以某日生號卽以某度某院某室某日數成一名可也 有私其於天下爲公之理最礙矣故必當去姓各人本院皆有甲乙號數每度因人口多 泣父哭母據亂也兼從父母升平世也舍父母之姓大平之至也蓋有姓卽有親有親卽. 父母爲複姓可也然大同之世人旣皆養於公父母無殊功焉不必再從其姓以生畛域 一人生之姓太古從母以是時知有母未知有父也後世從父以父母可並親而父

一子生彌月後醫者診視强健乃可減省視次數然每日尤當一次因小兒體弱頃

刻變態也。

產母生後在乳字之期爲飲食當受醫者節度以乳食爲小兒託命不能少誤

產母以何時可出院行遊何時可見客何時可與人居宿應否一月或數十日皆

由醫者考察最宜施行

產母字子以歲月爲期然後斷乳由醫生考定最宜月數務令孺子得以健全而

後斷乳大約多則六月極少亦須三月也

衆母斷乳之後卽可出院一切聽其照常復業自由

考定適宜日敷若斷乳時早則可定於斷乳出院時其在期內者未便在產院居住偶留 日或若干月許其與男子同遊同宿未許宿之先或只代以機器之男行懽樂皆由醫生 衆母在人本院字子期內原應不得與男子結約住宿然恐人性或難限以幾十

產母既產子後能出門時一切聽其自由但有赴會飲食宜受醫節度其有

預 知者歸時當報醫生若有損於孺子者應立加補救。

產母出院時人口官長到院會同醫生集各官長奏樂誦贊功詞贈以衆母寶星

大

或以金錢並以旗幟送之出院至其住所或遠方則送以汽車以示榮耀見者皆爲

貧者

爲師 慈保 由人 則減削名譽終身不得選上職一年爲期岩至斷乳時產母出院稱其慈美卽由公贈以 恆心而無倦性者爲之其妥否由產母品定若其不妥由產母告明司事易人若被易逐 爲長。 本院嬰幼院醫老院之保傅看護人出身乃得升上職未充此職者終身不得爲君 寶星以爲榮耀此寶星下產母一等下育嬰慈保二等與慈幼女保同凡女子 各看護人皆用女子其名曰保由總醫生擇其德性慈祥身體强健資禀聰敏有 必須

第三章 育嬰院經知不設 慈幼院。則總歸於育嬰院可同。慈幼者。自三歲至五歲入

凡嬰兒斷乳後產母出院卽移送入此院

此院看護者皆女子以男子心粗性動而少有耐性不若女子之靜細慈和 而有

慧有恆 耐 任其責最大人類所關不可不重其選也 性也其名曰保凡女保皆由本人自願而由總醫生選其德性慈祥身體强健資稟敏 性而 無倦心有弄性而非方品者乃許充選蓋孺子旣離產母則女保有代母之

異禮以待之。 報之德昊天罔極蓋以子生三年然後免於父母之懷也故罔極之恩不在一日之生而 尤 撫之如子人類所託命其事至仁其行至難蓋數月之嬰兒體弱無知事事皆待於女保 抱持擁臥哺食矢溕提攜嬉弄無晨無夕稍一不愼卽致疾病竟夜哭啼終日襁褓勞苦 在三年之懷然則保母劬勞人類賴以育成其有大公德於公衆豈可言哉故宜有殊榮 甚而長大或不能相識不能知報無所爲而爲之其事尤難孔子之爲子報父母曰欲。 女保皆懸有女保字於冠服見者不論貴賤皆加敬禮以其代爲衆母非其子而

則 可少次於人本院者然不得在山谷狹隘傾壓粗石拳确水土旱濕之地又不得近市 育嬰院擇地之精當與人本院同或與人本院接近尤易移送若地狹難容二院

去家界為天民

第三章

兒歌樂者亦然。 兒之仁心凡爭殺偸盜奸詐種種惡物皆當屏除無使入嬰兒心目中其爲歌樂及敎嬰 日臨池水以得淸氣多植花木多蓄魚鳥畫圖雛形之事物皆用仁愛慈祥之事以養嬰 育嬰院結構當擇與嬰兒最相宜之式大約樓居少而草地多務令爽塏而通風

本院凡弄兒之物無不具備務令養兒體樂兒魂開兒知識爲主

管院事者皆以醫生充之由衆公舉在選仁質最厚養生學最明者

戲安息如何而合兒神務令得宜以壯兒體一切皆由醫者節度而女保受命奉行若幾 本院嬰兒早暮有醫生診視二次其衣服若何而宜兒體飲食如何而適兒度嬉

兒歲月無疾則得賞幾兒有疾則得罰其女保不愼者罰女保

診視以康泰復愈然後如常 一小兒有病每日醫生診視三次分別其輕重其重者有常醫視無次數且歸大醫

嬰兒數月以上者一人專撫之其兩年以上者或以一人而看護二三人隨時酌

子能言時敎以言凡百物皆備制雛形或爲圖畫俾其知識日增。

嬰兒能歌則敎仁慈愛物之旨以爲歌使之浸漬心耳中

親各私其親勢必如廣東各姓之互爭而相戰此在太古人類自立則賴之大同之時最 償之矣既不必從太古之母姓不須父養亦不必同後世之父姓也且凡有姓則有所私 忌別異必當去之矣 地之公物非父母所得私有之不過藉父母以生之耳公家有寶星以賞其胎產之勞足 嬰兒入院後人口官全集各院行定名禮爲嬰兒立名惟嬰兒旣經公養人爲全

若性及其長也貧而謀生貴而監督皆熟悉工藝多能鄙事行之自然矣 知識稍開時將世界有形各物自國家至農工商務皆爲雛形敎之制作則習慣

嬰兒知識日開感染不可不愼故設院之地不可近戲院聲技之地葬墳火化之

已都去家界為天民第三章。 育學院

三〇

旁作廠市場車場譁囂之所以愼外感之染而保淸明純固之神。

足以奪人神魂觀印度馬來非洲之人可見故今冷帶五十度熱帶二十度以外皆不設 嬰幼身體釋弱不能當所寒盛熱且魂體未定感非時之氣旣足以變人體貌又

當推升其慈幼院之女保一年爲期則降生母寶星一等以兒長易撫也其有願再任者 功德大過於生母也凡有此第一等仁人寶星出身者足爲仁愛之實據凡有各上職卽 星此寶星爲第一等者蓋嬰兒無母卽以女保代爲毋而育之非其所生而愛撫如子其。 任滿再贈仁人慈保寶星凡仁人寶星愈多者尊榮愈至他職推選愈速 女保以二年滿任任滿時若公察看其仁慈盡職嬰兒健長公贈以仁人慈保實

第四章 小學院

凡人自六歲卽離嬰幼院而入於此至十歲而止或人智愈開人腦愈濟則自五歲

2

至九歲亦可隨時議定

慈和。 **僔而不用男傅也今用其義** 弄性皆不如女子 愛撫嬰兒而有耐性有恆心有弄心而男子粗强好動撫嬰之性不如女子又耐性 此院司理及教者皆爲女子號曰女傅所以用女子而不用男子者以女子靜細 ,也故中國古者教子十年乃出就外傳出宿於外則十歲以前, 必用女

善良習於正則正習於邪則邪入蘭室則香居鮑肆則臭故人生終身之德性皆於童 最深人情先入爲主則終身有不能化者況人道蒙養之始以育德爲先令其童幼熏德 數年預爲印模童幼習於善良則終身善良童幼習於邪惡則終身邪惡有童幼善良而 長大變易者矣未有童幼習於惡而長大能改者矣故欲造世界於善良則選女傳最要 乃其知識甫開之時舉動顰笑言語行爲入耳寓目皆以女傅爲轉移熏陶濡 女傅當選德性仁慈威儀端正學問通達誨誘不倦者爲之以兒童性情未定小 染其氣 幼

强健少年腦氣舒展則長大益舒展又童幼之性尤好跳動易有失誤蓋未至自立自由 至重其管理人數亦不能過多也 稍少而遊嬉較多以動盪其血氣發揚其身體而又須時刻監督勿貢非幾故女傅之任 束縛以苦其魂亦不可全縱肆以陷於惡大概是時專以養體爲主而開智次之令功課 之時故嫩穉也當養之臥起行遊提攜保持衣服飲食照料節度其事極瑣其行極繁非之時故嫩穉也當養之臥起行遊提攜保持衣服飲食照料節度其事極瑣其行極繁非 有至慈好弄之耐心不能令童兒之身安而體强也以至出入嬉遊跳舞戲弄固不 女傅非止教誨也實兼慈母之任以人方幼童尤重養身少年身體强健則 可多

欹 故孟子之聖。 也故學舍之地宜遠閱闠第一當遠戲館聲妓酒宴之地第二當遠墳墓葬所第三當遠 有損墜之患水澤沮洳則濕氣過感精神不爽也見童當知識甫開之時尤易感染學習 嘔水澤沮洳之處蓋林谷幽暗不通風氣則養生不宜岩谷欹嘔則於童子之跳動恐。 學地當擇山水佳處爽塏廣原之地以資衞生以發明悟不得在林暗谷幽岩洞 而近學宮則陳俎豆近墓地則效葬埋近市則爲買賣故所鄰染不 ·可不愼

110 保其靜正之原乃可廣其知識之學至於學室之式務便養身多其容率以得氣愼其 作 養正之功進益之大相去豈啻天壤哉 射以宜目酌其戶牖以通風多植花木以娛遊旣人無私家皆出於公財力旣厚布置合 廠 無有今村舍之陋陋塵囂無有今城市之穢汚惡習無有家庭之牽累分半其於蒙以 車場市場喧嘩之地庶使非禮不祥之事不接於耳自譁囂雜亂之物不 一擾於神思。

體操場遊步場無不廣大適宜秋千跳木沿竿無不具備花木水草無不茂美足

以適生人之體

其心且以編入學課中使之學習若夫金工木工範器築場既合童性之嬉卽資長大之 圖畫雛形之器古今事物莫不具備旣使開其知識而須多爲仁愛之事以感動

業童而熟習長大忘形尤於工藝易精也

好歌當編古今仁智之事令爲歌詩俾其習與性成

大同世文字語言皆歸於一學之自事簡而功倍自修身習算地理歷史外所有

己部

去家界為天民

郊四章

小學院

世普通之學皆當學習其學類學級隨時議定

數時矣故學時可減其有安息記念嘉時吉日可肆其遊覽跳舞沿樹水嬉無所不 一學貴以養身健樂爲主蓋人生壽命基於童穉也其時物備課明一時 可抵

不許爲非禮不正之事見非禮不祥之人。

度以上熱帶一十餘度以內皆不宜設學(和暖當別論。2) 越盛寒之地使入隳指裂膚瑟縮戰栗血氣不流功課減少皆於童幼不宜故冷帶六十。 一小學之數以人數多寡隨時增設然盛熱之地人多發汗使人筋骨緩弱神 思散

第五章 中學院

一凡人自十一歲卽離小學而入此學至十五歲而出學此時純爲學齡一生之學

根 本於是。

此學可習高等普通學各視其人資稟之敏鈍好尙以爲學級學類隨時 増議。

以 漸有自由自立之志但身體釋弱故養體開智以外又以育德爲重可以學禮習樂矣禮, 心肌。 固其肌膚之會筋骸之節人世相交之道公家法律之宜樂以涵養其性情調和其 節文其身體發越其神思 入此院時知識日開當大同發化美備之時人類當此可以比古人十五歲以後

令導之益開有節有度以養其正可也 入此學時腦氣未充身體尙弱不能專事於智思故德性當令養之益熟智識當

男女皆得為師惟才德是視導之以正義廣之以通學繩之以禮法雖於慈惠之中而 此學年齡已長衣服飲食皆可自理可純用禮律以繩之不須再用保傳故不論

用嚴正之氣

及夫時過乃悔而欲學則勤苦而難成年長乃變而化性則崛强而難屈故中學之師尤 專門之學而終身受其害矣德性不習定主長大後氣質堅强習行慣熟終身不能化矣 人生學問之通否德性之成否皆視此學齡中學不通則無由上達於上學及爲

去家界為天民

第五章

rt:

當妙選賢達之士行誼方正德性仁明文學廣博思悟通妙而又誨人不倦慈幼有恆者。

方當此任全世界之人類才能德性皆繁之豈不重哉。

一管學總理之人皆由公推須學行並高經驗甚深慈愛普被者方許充之其分理

助教略同。

中學院舍當擇廣原爽塏近海近沙之地令基字極廣可容萬數自食室藏書樓、

體操場遊步園操舟渚莫不畢備其專門之學則自農工商礦凡百實驗之事莫不備具

以備學者遊觀玩摩摹學故體裁當極偉大乃足備用其院舍皆當令與人體相宜

譁囂之地院舍皆不得近此以絕邪緣而正思感 中學之童年少血氣未定易於感染凡劇場聲伎之所葬墓市場作廠車場不淨

中學之童年少體弱在寒帶則患以祁寒而減功課在熱帶則患以盛熱而損身

體除冬夏各有所宜外餘月皆在溫帶設學

中學之藏書樓凡中學應用之書器圖畫古物雛形應皆具備令學者可一 見而

博物會通。

以其時教洽化明物備時節又無家累故人之智慧比今倍蓰也。 中學雜列各學並延羣師以資講習其最高級者與今各國大學專門學殆過之

終身不容於衆以爲愧恥故亦寡矣 有荼火之觀。 大師如將帥分敎如偏裨小敎習如隊長坐作進退講習息遊皆有時限衣服如一望之 中學每所可藏萬人或數萬人食堂及起居出入皆有部位分班序列儼如軍隊 人愈多則觀摩愈大衆愈積則激勵愈深道德易一風化易同其有過失者

第六章 大學院

門之學實驗之學蓋自十五歲前於普通之學皆已通曉至此時則腦體已通不待束縛 不事防檢精粗高下惟志所之聰敏鈍塞惟人自受從古貧人至是時皆不得爲學之候 凡人自十六歲離中學而入此至二十歲而出學生人之學於是終焉凡大學皆專

律則爲 寫 德强體之後 惟 匠。 大同之世天下爲公欲成就同類俾其大成故令人 一雖貴賤攸殊高下逈 **君為長學教育哲理則爲傳爲師學貿易種植則爲農爲商學一技一能則** 再以開智爲主人人各從其志各認專門之學以就 兴。 前 各禀天賦各極人官各聽自由各從所好分業成能 人有 此五 年之學此時 專科之師其 時之學於育 學政 治 巡 力 法

解一 育公家同學公學無家可恃無私 衆 年 辨 合作其於利 有 後其 中 愈 生之意 門雖極愚下之姿篤守一業亦足以下之自養其身上之足贍公用此乃大同 為故大學分科之多備極萬有又於一科之中擘爲諸門一門之中分爲諸目。 門之師以爲 大同之時無一業不設專門無一人不有專學世愈文明分業愈衆研求愈細究 門目 心蓋自有生以來十五年中同爲世界之人無一人之或宮或貧或貴或 之多牛 物前 民以供公衆之用則一 毛繭 絲不能 人口擇其門目之多與時遞增 可 比 戀。 | 數五年之中强敏 無累可牽無德可感無遊非學無羣非學齊驅並 也。 者既聽兼 不須今日爲之預定 通 數學中才者亦得 至 皆各 賤 妙 萬

全侧。 羽冠。 **侨**輩 固 雏。 能 治 不 殿 淵。 備 成[。] 效 無 無 死 巡 懽 至於老 未備 恥 終身不齒 下無父母 郤 不 藝或父兄椎魯鄉曲愚鄙不知所敎假有家富能學父兄爲都士知所敎敎學能 樂。 喪。 然其間濡染家庭市井都邑之惡習費去家事事病送死吉凶祭祀之間 德 無前萬千並 **派熊萬千** 心既激循序可升雖極頑鈍之資無有不成之材矣今天下子弟之無賴人才之 困苦哀傷之感情 性齊一 之所 無 之罹。 於人類矣此义中人以下所不甘者也况導以善誘之良師 !之道而後人人爲有用之美才人人爲有德之成人! 主 齊驅 學。 能。 也。 欲 或其 頭。 終身窮餓寡廉 业 不發憤 喁喁 通 進之策 明 加 少失父母無人敎化或因 矣及其入大學也資格五 向上雖欲不學乎有引於前 無公家園舍園園之精 勴。 **而成學業將立** 無學級 鮓 恥或為盜 學類 一爲餓莩矣否則入恤貧院 R 城而就 師盆 一窮不 潔度 年重 友之敎導觀摩其 有鞭於後行 得 刑 大。 學不 念二十出 無 歌 ·識之無或 過一樂 無由有 也。 [學之後· 畫 人之 間。 而爲 書 失學者 相 器 愚 學 夾以萬千之 苦工名譽 去何啻天 雛形 日多。 上無 僅 不 肖。 歲 月。 亦 有 由 至

故

必行大问

皆有用之才無不效之業惟其所分門目愈細故試之實驗愈周不似統括大概之學得 於醫病之室故雖講極虛之文字亦寄之實驗場試於經用而後可信百科皆然故學成 以虚文高論 必從事於作場學商必入於市肆學礦必入於礦山學律則講於審判之所學醫則講 大學分科五年之中雖有事於虛文而必從事於實驗若學農必從事 也。 於田野學

廠礦學設於山顚漁學設於水濱政學設於官府醫學設於病院植物學設於植物院動。 地蓋大學專為 物學設於動物院文學設於藏書樓乃至冰海學設於近冰海之地熱帶學設於熱帶之 大學院舍不能統一並置一地譬如農學設於田野商學設於市肆工學設於作 世界有用之學而設預備之方考求之用故其學舍不在內而在外不統

一而分居乃所以親切而有用徵實而可信也

主此人生學終之事不於此時盡其智識不可得也大學亦重體操以行血氣而强筋骸 大學之師不論男女擇其專學精深奧妙實驗有得者爲之大學之敎旣以智爲

大學更重德性每日皆有歌詩說教以輔翼其德涵養其性而所重則尤在智慧也

各大學皆有遊園備設花木亭池舟楫以聽學者之遊觀安息舞蹈

場進退出入皆有部伍有大師爲司理人統之如將帥分教如偏裨小分教如除長大同 一大學衣服皆同式飲食皆同時人數萬千部署整肅當若軍法自食室至講堂操

之世每一院如一小國學者卽其人民敎習司理卽其公卿士夫也 書亦令出學公家不能養之聽其就業 一二十歲學成給卒業證書而出學聽其就業其至是資鈍未卒業者不給卒業證

一大學各師及有司人於學生成材者開其學行薦於各業公所而各業公所擇而

聘用之。

出者由大師幾人公同保薦除就業一年外公家特給學士榮銜別給俸祿三年以成其 一大學卒業後其尤高才者或有精奇之思博綜之學或著新書有成或創新學獨

絕學。

一二十出學後若無人延用則俛就賤業若賤業亦不可得則就卹貧院以苦工代 大

食為人不齒。

第七章 恤貧院

凡人無業無所衣食者許入此院公家衣食之

一凡入恤貧院者須作苦工官監督其作工出入定有時限各就所能者爲之不能

者敎之。

一凡入恤貧院者亦有安息遊觀之時亦許出遊但有時限

一凡入恤貧院者鬻其作工之金以養之其不足官爲給足其饒溢官別賞給之其

勤而精美者獎之惰而粗者罰之

恤貧院內有敎導之傅有勸善之師有療疾之保日集而講善二次醫者視身體

恤貧院衣服粗惡僅足飽暖室宇低隘但不汚穢而己

恤貧院· 小有園囿以供作苦工後之遊觀亦有體操場以供工人之體操其他秋

千蹴踘玩器書畫亦皆薄具。

凡入恤貧院皆別具衣服以恥之若其再三入院則以衣服之色別之令人不齒

一凡二十歲新出學而入院者不別衣服惟經一年不出院者亦具別服若再入者。

與衆人同。

凡再入恤貧院者削除名譽後此不得充當爲師爲長之職

凡三入恤貧院者人不與齒宴會不與。

入恤貧院而精勤寡過者三月以外考驗其性情屬實管理人得具保給而薦之

再入恤貧院者若同院上下皆稱其精勤寡過院長聯合幾人公保得復其名譽

蓋大同之世旣有公產人不患無所養則有恃無恐然則人之大惡於懶惰乃至 部 去家界為天民 第七章 恤貧院

職。

入恤貧院故必須重罰以懲之以勸勤也民生在勤勤則不匱此大同之公理。

四入恤貧院者罰作極苦之工

五入恤貧院者移至圜土七日以辱之其一次入則增入圜土七日之數蓋累過

不悛宜加禁辱以令其有所憚而思改也

恤貧院司理之人由其地公舉仁慈而善敎誨者充之。

恤貧院有報述本院之事及入院之人事並稱述天下古今善行博物以教育院

人卽以院中文人充撰述也

第八章 醫疾院

凡人有疾者入此院醫者視其疾之輕重而善待之

疾病亦甚少然不能無疾者許其停工入院居住醫治所有藥費醫費皆公家所出 每日醫生到各人家診視人一次治之於未病之先全地皆然是時人體强壯則



醫院皆選良醫尤精藝術者主之羣醫皆集蓋毎日診常人之醫生可屬專常之

醫者其來院者則或有奇難之症故必精選名醫乃能勝任

美備有高轉之秋千可吸空氣裀褥帷幔皆精軟床榻几案皆有音樂聽病者伸手屈足 以怡悅病者之身心 觸動機關樂音卽起足以爲娛其各處戲院皆有電話相通可以高臥而得清音在在可 醫院構造務於養生之理備極得宜其園亭水竹花木魚鳥足以供清娛者皆極

一醫院設有書畫樂室大置書畫樂器供病者娛樂其樂器並按時有人操之且聽

病者所好欲奏何曲即爲奏之

一病人各有所好各如其意備其物聽其爲懷

日有講師講古之善行名理及衛生之宜聽病者悅解於心。

長之地宜燥濕之變節分化之宜忌以爲治病之具。 醫院備置藥品凡百草萬木金類非金類皆備置全物而考究其性色品味及生

己部,去家界為天民,第八章中醫疾院

銜。 按其功効之多寡以爲寶星之等級以剖解益精治病益效爲主 冉得新理一次再加仁人寶星其醫雖未得新理而治病累奏十全者亦贈仁人寶星 醫者凡卒業後羣醫皆集其考究醫學精益求精有得新理者由公贈以哲士榮

醫者有誤殺人者科以重罰削除醫士之職永不得充並酌儗監禁年數其有醫

人累久無效者卽永削醫職滅削名譽

須醫學卒業曾充看護人者始許充之然大醫生尙須察其人心術技藝心術以仁慈有 醫者須日就人家診視或早或暮一人數日僅可視數百人故是時醫生甚多皆

耐性醫藝精通者爲主否則革除

否以病 年卒事皆稱其仁公給仁人寶星凡醫者必有本院看護仁人出身乃許充補遷秩至 醫院看護人不論男女皆可充之以心術仁慈神思靜細者選補一年爲期其賢 者所出之保舉證書爲主病者惡之者則革除永削名譽職業終身不得選

大醫生總醫長。

成人德者其歸宿亦終於保人身樂人生而已故保人身樂人生之政尤重故大同之世 穢恶蓋大同之世無軍兵以開人智成人德保人身延人壽樂人生爲政而所以開人智 樣登報公告其人家違式者醫官可罰之醫者視人可以入其臥室溷廁庖廚巡視以 服之事皆歸醫者監察人身之事統歸於醫故道路官設一醫者監之宮室之式必經醫 以 死皆託命焉豈有重過於是哉故可號大同之世爲醫世界然醫者徧布全世界中數百 醫士最多醫才最出醫任最重醫選最精醫權最大蓋亂世尙力則武人爲君兵權最尙 少生人愈多蓋千年後人數不可紀但是時卽以醫論亦當如今日一千六百兆之數矣 者許可市肆衣服飲食皆設醫官監察醫者隨時將飲食衣服擇其衞生最宜者標舉式 四百人用一醫猶有四百兆醫生以千年之後行大同之法世愈文明生理之阻力愈 世尙文則學士爲君哲權最重平世尙仁則醫爲君醫權最重也全世界人自有生有 有一人則全世界醫者無量蓋依今生人二十五年過半以今數一千六百兆人計之 自人本院育嬰院慈幼院養老院監護皆以醫者其餘世界中道路宮室飲食衣

聚人愈多奇才更出聯黨更大既爲醫世界則醫者之中或有梟桀藉醫行教以爲敎主

蓋大同之世旣無國之爭無家之私無軍兵之擁無一人無一學能擁大權者惟有醫者 亂世矣大同破壞卽由於此故不可不預防之宜立醫者結黨之禁宜立醫者傳敎之禁 抑藉醫行權以爲君主蓋有之矣既有敎主君主則必有爭戰必有統一如是則復歸於 可防耳故防女子之隳胎以絕人種防醫者之結黨以復專制則可久保大同二者之防

一人之有盲啞跛躃及諸廢疾皆入院治之其美備與各疾同而各有特別之器具。

以供特疾者之娛樂與無疾之人懽快無異

乃大同世之特政也

此院官以所能督其作工收其所入以半予之俾其快然生事之樂而無憾焉然大同之 之識字讀書專學一藝俾得營生於其二十歲後聽其自由執業其有不能者終身養於 生而盲啞者有特別之院以女子爲保傅看護而敎育之皆設小學中學大 學教

世生理甚精當無復有盲啞諸廢疾者矣

中教其耕種作工官醫其所工而半給之然大同之世亦無感瘋之人亦無傳瘋之種亦 瘋疾者置之特島中而官養之不許男女同居以絕其種無俾遺育以亂人種島

無瘋疾者矣。 一五官有廢疾若塌鼻缺脣種種人體及肺癆不完者不許結男女交合之約以淘

汰其傳種其有人欲者聽其報官結男子互交之約可也然是時有機器人以代之

使得全民命而絕傳染其徙民之費安插之所皆出公費令其遷如歸忘其亡徙也 別醫院而治之禁其地之往來交通者或傳染過劇則由公家暫墟其地而民遷他所務 傳染之病皆歸醫者統攝而愼防之考求而杜絕之遇其地有傳染者咸令入特

不得近汚泥穢染之所及市場作廠墓地譁囂不祥之所 下谷沙漠暍熱之地其有在冰海寒熱帶所設之醫院遇有重病仍當移置溫帶地中尤 醫院擇海濱河畔山巓水涯廣原高埠之地設之以養生得宜爲主不得在深林

第九章 養老院

己部

凡年六十以上者許入此院養之公人爲公家勞苦數十年及其老也宜有以報

此院以安人之年老務窮極人生之樂聽人自由懽快一切無禁是時人經久化

自 無干犯法紀之理卽有偶犯者除殺人傷人隳胎仍科罪外餘罪但減削名譽不列宴

會少加恥辱而已。

升上秩 賢否以老人所許可之證書爲據老人所惡者革除凡革除者削除名譽職業終身不得 選上職一年卒事皆稱其仁公贈仁人寶星凡男子必須在老病兩院充過護侍入始許 者之安否全賴護侍人之服事故護侍人之不能服侍則老者不安大同之世老者無子 女卽以護侍人代之故護侍人之於老人如孝子之於父母先意承志怡聲悅色問所欲 、未充此職者不得爲君爲師爲長與女之曾在人本院嬰幼院充保傳者同蓋老 此院有護侍人以事老者不論男女其職任一年爲期以仁慈及精細者充補其

而敬進之以得老人之懽爲主

人八十乃用一人以次遞改可也。 愈文明則人愈壽考人愈强健不待多人之扶持則隨時公議或七十則兩人用一 人三護侍人百歲者每人四護侍人過百歲者每人亦以每加十歲遞加一護侍人惟世 一六十者數人一護侍人七十者每人一護侍人八十者每人二護侍人九十者每 護侍

可不窮極其樂事也 不窮極美備其有新書器物隨時增置蓋人一生之勤動至是休息人道於是將終不 院中院宇樓閣林園池沼廣大莊嚴備極華適其裀褥簾幙床榻几案玩器樂具。

慕 教習及有功 德高名爲人所公推爲元老者爲之第二等曰大老凡曾爲各職長官各業總長各學大 勵而不怠惰也第一等曰元老凡曾充全世界之大長官大敎主總醫長及有殊功大 於大同之中仍有差等蓋於養老院中仍寓獎功之意以資勸戒俾其壯者有所 德大名碩 學者爲人所公推爲大老者爲之第三等日羣老其第四等凡有

己部

去家界為天民

第九章

養老院

仁人智人寶星者皆爲庶老不待公推第五等曰老人其未嘗得有寶星者則但曰老人

而已其曾犯刑罰削名譽及不齒者則曰老年是爲第六等以此考功校德別其享受一

以壯年所行爲判如斯則判領在生前其亦足觀感乎一等與二等爲上等名號雖殊而

發同義故於諸院皆無差別至養老院獨差等者蓋以尊賢崇德尙智量功以示衆人壯 受用略同三等與四等爲中等五等與六等爲下等皆名號殊而受用略同大同之世專

年之奮勉俾知所向往知所愧戒其亦不得已者乎。

一上等元老大老之享受自宮室飲食起居衣服玩樂之具窮極世界之珍美精異

示別異蓋有大功於公衆則公衆以殊異厚禮報之乃義之至也故大同世無別異無章 有遊邀皆用公費其有所欲皆告於長吏而供給之其定制隨時公讓其車馬衣服皆

服。 有之者其爲議報之養老時乎其每人宮室崇偉特爲大院一切具備膳亦特設護侍

人數惟所欲隨時定議仍以年限爲等

中等之羣老庶老宮室飲食衣服玩樂之具皆次一等不供遊費不問所欲其羣

己部 去家界為天民 第九章 養老院

老六十則用一人以次遞加每人一室室有內外內爲臥室外爲客室附設臥室一 室一所以容客或讀書浴室一所雜物房一所以便一切。

壯 室外爲客室偪浴備具。 切減下七十乃兩人用一護侍人八十乃用一人以次遞增每人一室室有內外內爲臥 年無補於衆無勞無功虛覓公養是實有罰徒哀憐其老而恤之耳無所報也故宜 一下等之老人老年宫室飲食衣服玩樂皆削減粗下矣雖爲人身少受公家教養

院中皆有戲場樂場舞場聽老者遊觀其過老應而難起者皆有電話線入室中。

聽其臥聽

養老院以在溫帶之地爲上其冰寒盛暑皆非老者所宜故冷帶熱帶可不設

養老院擇地當於海濱山麓河畔水邊平原高阜園林茂盛山水宜人者建之令

風 景絕佳俾老者悅樂不可於墓地市場作廠譁囂之所又不可在山谷崎嶇不通風氣。

院中園林宜極大池沼花木亭臺魚鳥當極美備俾老者扶杖足以自樂修身養

神。 足以超曠。

院中書畫樂玩皆具俾好學者得以補秉燭之心遊藝者足以有怡情之樂其著

述者亦得有所採取。

一老者入院以序授室聽之管理院事人惟其有交好許其請於所司遷於鄰近以

便交接情話互相慰撫其有隨時欲遷就山水林亭佳處苟先無人皆聽其遷其有遠遊

許隨在入其地養老院以聽遊樂

附 居其室不收其租以示優老惟不許占室若衣服飲食皆不得出公費惟上等者許其 一老者非人不暖院中許其男女同居而其所交之男女或未及養老之年則許其

附食以示優異中等雖許附食當收回公衆租費其有男子同居者亦同惟下等者不許

久居以防私租之弊。

養老院有講堂每日講道談古今天下之名理大率以養魂積德爲主聽老者悟

受院中所懸圖畫亦然

老者每日有醫生二人診視其有重病皆移入醫院

馬以示別異惟下等者宜示限禁每七日許乘車馬一次中等者隔日一次上等者常備 老者出有車馬以逸之惟下等者七十始許得乘上等者乘文軒或猶用馬則雙

岩廢馬車用電車以精粗爲等

內公出中等費位汽車費其上等者全地惟所之皆公出遊費在上等位 一老者出遊下等者本度百里內外汽車之費皆公出之在下等車中等者千里之

一老者以養魂爲主許其招僧同居講道院中特設寺庵近高僧高尼住持以備老

者講習

老者飲食衣服皆有醫者監護之以便養生以衞血氣

老者若死院中卽由護侍人守侍在醫院亦然考終院人爲理之皆裹以帛盛以

棺移於考終院其儀物視等爲差皆通知其交好知識者相送元老大老則其他羣官司。

三四六

盡到警察兵盛陳以送之羣老庶老亦有一官及數警察兵以送之

第十章 考終院

凡人死不論老少貴賤有疾無疾在私家在公家報考終院或裹以帛或盛以槍。

立移於此院。

司職 停月乃化中等者半月乃化下等者七日而化以待交友知識之臨視盡哀中等者曾爲 視盡哀其高位大名殊功大德若全地統領若大敎主若大醫士若大黨魁若大哲學者 高位大名殊功大德者陳三日乃殮中等者二日殮下等者越日殮以待交友至好之臨 主男女至交師弟至好皆許住院盡哀院中人爲陳喪儀備喪具院堂內外上下皆熏香。 充各職及無仁智寶星無功德名譽者也高位大名殊功大德若全地大長官者其喪儀 長 一凡尸移入院者皆陳於堂其父母子女兄弟姊妹長從至契師保至恩者可爲喪 吏師長各學各業長管及領有仁人智人實星多有功德名譽者也下等者未嘗

全地 不 生模帷蓋盡易 黑色門堂皆派人護視每日以午後開 用至暮而止 甲者皆至 尸前鞠 帷堂張帷親交赴而哀之焚香燃燭撤花爲敬有司至期與其交好送之化人院陳尸堂 弔或遺人赴弔餘儀皆同但警兵送客簾幙帷蓋旗鼓象駝牛馬減等下等者無他儀但 旗蓋衆駝馬牛以張之至化人廠所陳柩堂中弔客鞠躬撒花旣畢送入化人機器則隨 躬行禮撤花致敬以金鼓爲節及化日弔者咸集而送之盛陳警察兵以嚴之大陳旛幢 中鞠躬撤花致其哀敬卽入化人機而化之喪主弔客乃散。 風立盡喪主及弔客於是散歸中等者或本地下旗罷市閉門牛日或一日一時遠近走 下旗罷市閉門或半日或一時各地大長遣人赴弔近者或親赴弔喪次陳設視其

凡喪主交好者至院殮舉不得居住化後不必哭泣

而累諸生者或瘠羸或滅性於死者無益而醫事無窮蓋大同之世人者天生公衆之身 之私情宜盡哀以昭其厚就公家之衞生宜奪哀以保其身義各有宜也否則一人之死 蓋死者已矣不能復生雖生人思慕無窮而哭泣哀思最爲損魂而害體故就一人

去家界為天民

第十章

考終院

大 间

無 復 有 私屬之人故不許遂其哀 也。

以三年也母恩亦止生產撫育至斷乳而止此後卽不常見愛願報之亦朞年可矣若夫 蓋 焉。中。 慈保撫育之恩質與母等而勞尙過之在學師傅敎育之勤亦有與父母等者故大同之 **交親愛無盡或保傅師弟主臣之恩長者不許期年短者只須一月朋友無文皆聽其情** # 0 相 女恩義之深何以不爲定制蓋大同之世人皆教養於公家父母無非常之恩義 必有 뺂 大同之制私人之事皆聽自由故服制亦不定限 知有父母者少而! 者故各聽其情若能相識 凡 服 主有夥故以主從名之蓋有主從終身提攜相依恩義極深者故以與師 制 各有其情不爲定期若 知有師保者多蓋以師保易父母矣大同之世雖無君 知則基己 全地大長官則爲一日之服然雖父母子女男女私 可矣不同往者父母生養教誨 也惟越喪次則皆解喪服夫父 長大成 臣而 保並稱 人當報 或 業之 仙子 有

儿

喪服或帕其首或帶其腰或繡其肩或圍其臂凡四等視喪之輕重爲差皆以黑

損而大同之世率皆平等雖有父母師保之尊親而皆養自公家恩義實減非有往古之, **之色足以表哀思也黑白本爲三統今從用黑禮何以行鞠躬也蓋伏地搶頭於人魂有** 深者其伏地搶頭久喪三年亦何嘗不可但人爲公家所養故公家制義皆屈私恩以伸深者其伏地搶頭久喪三年亦何嘗不可但人爲公家所養故公家制義皆屈私恩以伸 厚且其時父母或展轉遠遷亦多不相識故改從鞠躬之制若有父母相知識而恩義尤 公義如古禮公子父在為妾母總豈非屈私恩以伸公義乎 布別異之在服期皆不可衣繡瀰月或二復一復不聽樂服何以黑色蓋 黑有 幽

之師 友臨馬小學之童以下殤即日殮化保傳即司理人看護人臨焉恤貧院之人死即 凡大學之童殤卽日殮三日化同學之師友臨焉中學之童殤卽日殮越日化同學

暮殮三日化獄囚死卽日殮越日化

之墓上刻石。 有 殊 功吳德者死後若時得有異術如埃及以藥水保全尸者則可保其尸而葬 如其像若阿刺伯之制以昭敬 與。

按中國 及歐美皆有土葬樹墳而弔慕之若合符節蓋愛其生則不

度日本多以火葬其諸蠻有鳥犬之葬者以孔子之義觀之喪欲速朽則非欲其永

也。 割肉 谷 人 電 骨臭穢變形尙不如生前之爪髮矢溺也今於爪髮矢溺未有寶而存之者若有病則 存蓋人之死也骨內歸土不葬於水則葬於蟻與火幾無吳但有遲速之分耳腐胔敗。 之心不忍遷 故季札曰魂氣無不之孔子曰知氣在上不在體魄骨內中明矣故腐胔朽骨存之可 化 使 觀者慘傷親者愛者實有不忍焉千數百年行大同之時機器日精電化更奇必有 焚之亦可 八之生也。 新機器 居 刮骨去腐流膿無所愛焉以人之生氣在其魂知不在其血體也夫在其魂知也 人者有葬地不潔之近豈不善哉於欲速朽之義至爲迅速 也總之與 自無 鼓動風轉頃刻足以化形骸骨內於無有者上復歸於虛無下散入 棄故欺其心目而掩埋之若推死者速朽之心則火葬爲最矣然火葬烈 之有者亦自有之無是全歸於天也無使掘 魂知無與不過矢溺膿腐之比耳古者格物未精而人子不忍 地者。 大同之世莫若行 有拾骸践骨之惨 於山

此

乎若有大功德者有異藥保其尸以風示天下道兼存之豈不美哉大同之道以求

界 矣。 節於是時也人道幾有喜樂而無怒哀豈非佛所謂極樂之世界耶佛欲强逃煩惱世 爲哉故去人人之至親相結旣掃其哀怒之原復減其服制哭泣之文亦損其哀怒之 武之身命不過爲衆人求安樂耳有可以得衆人之安樂者旣無害於仁義何爲而不 界別覺極樂世界而不可得今爲演出極樂世界於全世界中後此世界無復煩惱世 人生之喜樂爲主故於人情之崇喜樂而去怒哀夫古令數萬年竭聖哲之心思糜才

忘則本院任之。 由衆公議歸議院核定告之考終院爲立金石之像刻其行事於石表以著功德而昭不 凡有殊功異德於大地及有功德於一地之中及一職一學一院之內其功德事蹟

學堂立一醫院起一養老慈幼育嬰人本院或捐捨多金多地多器皆是大之則若開 大河鑿一火山或造有益生民之業利物前民者皆是也小之若爲師保看護人亦是也 凡人仁智並備者曰賢大仁大智並備者曰聖凡有功德於人者皆曰仁人若建一

去家界為天民

第十章

考整院

方回 多少之差及其鑄像立表則仁人之石表以方智人之石表以與其仁智並備者 凡 大者動全地之衆小者集一 級多寡皆考終院制之像成揭幕則視其名位功德之大小以爲號召遠近人數之多寡 刻鏤其方圓以表之其下層之石級亦視其仁智以爲方圓之形視其仁智多寡以爲石 創 並備以其仁智寶星之多寡為方圓層級之多寡若其多無可算者則為 一新理新器為前古所無後世大利者號曰智人生前有此皆錫以寶星有大小 界之民備樂設器供奉香花公舉有位望者主祭而揭幕萬 ,角八角。 則石

鞠 躬瞻禮撒花 凡 人死皆累其行事及其產業器物悉由考終院記之於册其人產業器物除依 致敬以垂不朽於是生人之事終焉

遺囑 所贈皆以半歸公會同遺產官理之其行事則詳戴於册以備查其有功德者上

於史館以傳後。

庚部 去產界公生業

勸日 觀於民生獨人之困苦公德之缺乏未能略有補救也。 **徧於**五洲皆創數千年未有之異境文明日進誠過疇昔然新業雖瓊瑋不過世界之外 登天鐵軌縮地無線之電渡海比之中古有若新世界矣商運之大輪舶紛馳物品交通 加講求日精凡農工商皆有學校農耕皆用機器化料若工事之精製造之奇汽球。 人生之所賴農出之工作之商運之資生之學日精則實業之依倍切至於近世獎

第一章 農不行大同則不能均產而有饑民

農學 足舉家兼勤不足事畜食薯煮粥猶不充飢甚者鬻子以償租稅菜色褸衣其苦有不忍 未開不知改良而田主率非自耕多爲佃戶出租既貴水旱非時終歲勞動胼 **今以農夫言之中國許人買賣田產故人各得小區之地難於用機器以爲耕無論** 手胝

同

仁甚然亦可 爲 能 田 機器 不得其道而妄行之則適以致亂英人傅氏之論生計欲以十里養千人爲大井田 也孔子昔已憂之故創井田之法而後人人不憂飢寒而此方格之事非新闢之國實不 農 則 之治爪哇有地頭主領地於國而下稅於民則爲重稅如諸侯天子矣蓋非太平之道然 有國則陳兵而租稅日增以此制度而欲行共產之說猶往南而北其轍也無論法國革 者 行若孔子所謂蓋均無貧則義之至也後儒日發均田之說又爲限民各田之法王莽 然自美洲新闢得有大田外各國殆皆不能免焉而亞洲各舊國地少人多殆尤甚者 雖 卽 日出精 或多荒蕪而 有仁人欲使全地養民無凍餒之患無不均之憂實不可得也故以今之治法雖使 使農學徧設物種大明化料具備機器大用與歐美齊而田區旣小終難均一大 均養 不 可行也蓋許人民買賣私產既各有私產則貧富不齊終無由均若 奇。 也或亦能倡共產之法而有家有國自私方甚有 人民更加才智政法更有精密而不行大同之法終無致生民之食安樂 小區者徒勞心力或且無田以爲耕飢寒乞丐流離溝壑此不 家則 身而妻子待養 惟 如 荷蘭 其意 中國

第二章 工不行大同則工黨業主爭將別成國凱

家而後能爲之故今者一大製造廠一大鐵道輪船廠一大商廠乃至一大農家皆大資。 者今則皆爲大廠之機器所攘而小工無所謀食矣而能作大廠之機器者必具大資本。 之或抑勒之於是富者愈富貧者愈貧矣 本家主之一廠一場小工千萬仰之而食而資本家復得操縱輕重小工之口食而控制 若夫工業之爭近年尤劇蓋以機器既創盡奪小工疇昔手足之烈一獨人可爲之

貫大地商舶横 君其百執事 之秋樹幹分枝布葉之時也自爾之後資本家之作廠商場愈大愈遠銀行周國土鐵道 機器之在今百年不過萌芽耳而貧富之離絕如此過是數十年乃機器發達長上 如士大夫其作工如小民貧富之不均遠若天淵更慮昔者爭土地論貴賤 五洲電線裹大地其用工人至爲億爲兆而不止如 小國焉其富 主 如 國

货部

去産界公生業

第二章

也此其貽禍於人羣豈可計哉。

之號爲 . 國者改而爭作廠商場以論貧富爲國焉則舊國土之爭方息而新國土之爭又 大 三五六

始無由 也。 美个不過萌蘗耳又工黨之結聯後此必愈甚恐或釀鐵血之禍其爭不在强弱之國而 乃爲後此第一大論題也然有家之私未去私產之義猶行欲平此非常之大爭而捄之 在貧富之羣矣從此百年全地注目者必在於此故近者人羣之說益昌均產之說益盛 夫人事之爭不平則鳴乃勢之自然也故近年工人聯黨之爭挾制業主騰躍於歐

第二章 商不行大同則人種生詐性而多餘貨以殄物

造作偽貨以誤害人若藥食舟車其害尤烈者矣卽不作偽而以劣梏之貨妄索高貲欺 人自得信實全無廉恥暗喪及其同業之爭互相傾軋甲盛則乙妒之丙弱則丁快之當 若夫商業之途競爭尤烈高才並出騁用心計穿金刻石巧詐並生由爭利之故故 展部 去產界公生業 第三章 商不行大同則人種生能性而多餘貨以發物

政是矣

詐 哉。 其 以 傾人身家豈知裁成天道輔相天宜者哉。 爲 相陷以欺凌爲得計百事萬業皆祖競爭 近自天演之說鳴競爭之義視爲至理故國 無餘讓以待人矣資性之日壞天機之日喪積人成俗以此 爭 利。 優勝劣敗乃天則之自然而 躍先恐後雖有至親不相 生計商業之中尤以競爭爲大義豈徒壞人心術又復 顧恤或設第陷機許百生中於心術 以才智由競爭 與國陳兵相視。 而 後 以吞滅爲固 而欲至性善之世豈 進器藝由競 盡其力之所至 然人與 爭 而 前得 人機 後精。

全家號 無所不 則 夥矣卽有貧人以商驟富而以一人什佰千萬於衆不均已甚夫富相什則下之富相 事之富相千則奴之在富者則驕在貧者則詔驕極則頤指氣使詔極則憑淫吮癕蓋 夫强弱 主矣故驕與詔非所以養人性而成 眺 而 無常智愚 無 賴。 生計 無極。 既失憂患並生身無養而疾病叢 兩商相關必有敗者一敗塗地資本盡傾富者化而爲 人格也然而循競爭之道有貧富之界則必 起家無養医 而 死 亡相從吾見亦 貧。 劕

第四章

說而最妨害於大同太平之道者也夫以巧詐傾軋之壤心術如此傾敗之至憂患困乏 近世論者惡統一之靜而貴競爭之囂以爲競爭則進不爭則退此誠宜於亂世之

疾病死亡如此驕詔之壞人品格如此其禍至劇矣其欲至人人於安樂亦相反矣然則 主競爭之說者知天而不知人補救無術其愚亦甚矣嗟乎此眞亂世之義哉雖然不去 人道有家之私及私產之業欲弭競爭何可得也故不得不以競爭爲良術也

夫以有家之私及私產之業則必獨人自爲營業此實亂世之無可如何者也今以

獨人之營業與公同之營業比較之

第四章 獨農與公農之比

好惡無常人之銷率多少難定則耕者亦無容定其自耕之地及種之宜於是有餘粟滯 多者矣木材果實畜牧漁魚銷售與否多寡孰宜無從周知無從預算於是少則見乏而 以農業言獨人之營業則有耕多者有耕少者其耕率不均其勞作不均外之售貨

不可言也。 失時多則暴殄天物而勞於無用合大地之農人數萬萬將來則有十百倍於此數者一 其所失敗豈恆河沙無量數而已哉然則不本大同而循有家私產之害但中於農者爲 者矣有十百萬萬人之殄物失時枉勞則百事失其用萬品失其珍以大地統計學算之 人之乏而失時一人之殄物而枉勞積之十百萬萬人則有十百萬萬之殄物失時枉勞

第五章 獨商與公商之比

富之人而因此敗家失業者多矣夫旣有贏虧則人產難均而一切人格治法卽不能平 能得其統算之實卽能統算而各店競利不能不預儲廣蓄以待人之取求所儲蓄者人 夫有餘於此則必不足於彼於是同一物也不足則昂涌有餘則賤退雖有狡智億中致 未必求人所求者未必儲蓄不獨甲店有餘而乙店不足抑且人人皆在有餘不足之中。 以商業言之商人各自經營各自開店用夥無能統一於一地之人口所需什器不

必 敗 腐 人。 失 敗。 業。 商 人好利。 則 全家 必不 之憂 患疾 輕棄飾欺作僞仍售於人雖有律限不能盡察以腐敗之食 病 中之甚 且死 亡繼 之。而 人則 人不 能 樂。 卽 在 百 物 有 餘。 壅 物樂 積 久

食 物 物 藥 物 機 器 疾病。 外 切用 而衞 生有礙。 器 之腐 敗 以腐敗之機器 、者誤 人誤 事作僞 與 生欺豈 (其誤害之大尤不可言矣即 可 令其存 於天 壤。 而 爲 太

自

與

則

可

致

言若合 4 之蠧 大地 哉。 且 政府 之商店餘貨而統算之其爲 卽能 查察餘貨 不 售則 恆河 必棄之是爲暴 沙無量 敷始不 %天: 物以 知 加 幾零位而 店之餘 物。 不 能盡 已 不 也。 山

當 太 平之世。 大地 全通。 生人 繁 殖需用物品益 爲 浩繁夫以生人 之數 無 量而 大地 之產

有 涯。 今以 人之用 品計 之。 如 日需食粉質 幾何。 肉質 幾 何糖質 幾 何。 銷料 幾 何。 需

布 何。 丹青 帛 幾 料幾 何。 級料幾 何藥料幾何。 仰。 皮料 幾 機器幾何萬品千彙爲 何需用· 木 料竹料幾何。 人所需者出之於地作 金料 石 料幾 何。 潮 毛 之於 料草 人皆 料骨 有定 料

而 徒 供 無 量 之 腐 敗 棄 擲。 非徒 大 地 不 給。 亦治 大 地 統 計 學爲 國 人 謀 利盆 者。 所 大

也。 愚謬甚矣孔子爲大同之策曰貨惡其棄於地也不 必其藏於已則雖欲不

不 需其所以爲同胞厚生者增幾倍哉以此爲恤貧復何恤貧之有故不本於大同而欲治。 商業者不可得也 可得也夫以全地商店久積有餘之貨皆當棄地者而一一移而爲有用以供 生人之

第六章 獨工與公工之比

無由 苦之而工人同一操業而價賤者無以足用若其求工不得者不能謀生飢寒交迫 物則必至甲物多而有餘乙物少而不足或應更新而仍守舊或已見棄而仍力作其有 盜賊其害益甚矣卽大作廠機場之各自爲謀亦不能統算者也不能統算矣則各自製 腐敗貽害無算夫凡百 餘而見棄者則價必賤不足而更新者價必昂旣有貴賤則貧富必不均而人格必不平 致太平之治且其有餘見棄者必作僞欺人壞其心術若機器藥物之有詐僞若有 以工業言之又工人各自爲謀各地工人多少不同多則價賤少則價昂資本家旣 ·什器皆豈有腐敗而欺人哉若不欺人而不售則必棄之夫以全 三則爲

去産界公生業

第六章

獨工與公工之比

室器用也又豈止暴殄天物而已哉爲大地統計學者爲人民謀公益者雖日謀之計之 棄之是棄無量數人棄無量數之日力棄無量數之精神及其他一切無量數之衣食宮 之作器器必有用必不虛作其益於全地同胞豈有涯量而今以無量之工人之作器而 日力無算弊精神無算費備用之百器無算無量數之工人之需衣食器用者無算若以 地之工人統算其作器之見棄其爲恆河沙無量數不知加幾零位矣夫工人之作器費

而無以爲策也惟有失謬無算而已無術救之矣不去人之私工故也 農局之中學之考驗有成則農局吏授之田而與之耕其耕田之多寡與時新之機器相 而分掌之數十里皆立農局數里立農分局皆置吏以司之其學校之學農學者皆學於 公有人無得私有而私買賣之政府立農部而總天下之農田各度界小政府皆立農曹 第七章 公農 **今欲致大同必去人之私產而後可凡農工商之業必歸之公舉天下之田地皆爲**

工商 府 統計 椰、 漁 瘠燥濕出產幾何皆據各分政府之農曹所報之地質出產以累年之比較而定其 推 島 額 南 百穀果木牧畜 蕉黑 其 之宜 以 緬 產。 丽 遷。 甸 部。 時 有 其 如 行 丽 白檀、 蔗、 商 聚 之宜米北口外之宜牧畜沿海之宜漁鹽山西之宜 之移之農部 預算之定應用若干因各度界之地宜 餘 百 中 八農官議 部 穀草木牧畜漁魚皆然其 則酌職業而增之以求致精 加 國 以全國 及諸 非、 江 胡椒是 南之宜稻河 漁 產之用物何地宜於何品何 香 而損益之歲時 農 料。 人民所需之食品 也。 部 溫帶繁植 大凡熱帶 核定下之各度界 河北之宜麥江浙之宜桑四川 以其 稍 次之<u></u>而食物用物乃最多若楓楡欅柳松柏桂樟 雨 職業與學堂之堂 水最 用品。 度界 人愈多則農業愈增關地 多草 統計若 小 內所出之材產告之公政府之農 政府 一應種 地 木 不宜於何品若山陵原隰川 最繁盛。 之農曹令各 干與其意 植牧畜魚產 生相 之宜藥廣東之宜花果 則 鹽煤印度之宜五穀南洋各 等不 生 外水 福 愈多講 足則 小 |若干令各度界 人早天災彌 花藍靛糖蘇 度 界如 兼 求 職取之兼業 愈精。 額 海沙漠腴 部。 補 種 岩干凡 木、 暹 如 植 移 各 棕 羅 其 農 牧畜 告之 小 額。 政

農産 富 牙利 爲 玉蜀 候 蔴 葡萄牙之葡萄 阿 樺 溫 於材 千年 大。 拉 桑 加 麥玉 希臘產米棉烟瑞士產裸麥洋薯而又富於堅材日 伯 濕。 麻 產 烟橙鳳梨有名矣科侖比亞以椰爲著可製帽其藍棉加非烟藨又若樹膠蘇木則 非。 一之大棉 產 榛 盛棗及加非土耳其產 木焉。 小麥裸麥穀蔴 而 麥棉 米尤盛 蜀 桃米麥之類是也寒帶植物少西伯利亞宜松及麥長白高麗宜參若波斯 米蔗烟豐栗桃李梨杏梅棗 黍 此 桑烟 熊米 利時 大椰樹棗樹 酒爲絕美之專產若橙檸檬小麥玉蜀黍馬鈴薯意大利略同而棉茶 西 印 產 葡萄欖林 烟 度諸島 忽布。 馬鈴薯及諸果 烟瑞典蘿蔔最美俄羅斯荷蘭丹麥多產各種麥而 內地則加非胡桃北岸則欖桃埃及產五穀藍棉薦美洲 大約歐洲 尤饒 檎。 小 英以棉麥甲 麥葡萄橙欖松柏蓋花卉香料。 兼 八祕魯同 北 熱帶諸產物扣勃島產糖冠 阿富汗愛烏罕暖地產棉米冷地產麥蔗 部。 有松柏榛楡及 · 各 國。 之而鷄那最多墨 西班牙產蔗栗欖橙桑藍葡萄 耳曼多種葡萄 矮小之楊柳 西 亞洲為盛 |哥產蘇 天 下。 也非洲 墨 叉 木 西 荷 與 矣。 无 法 哥 有 澳 熱帶有 加 蜀 烟 大 國 瓜 非 黍烟 利 葡萄。 棉 地 桑 產 米。 宜 匈

易所 極其 種 萄 應 決算之分之各地農場應用農人若干應備化料若干應備農具機器若干應開墾若干 卽 補 漁 府 南 分別 小 植 美洲所獨矣智利阿根廷產大小麥葡萄蔗夏哇尼島產麵 產 商 各度界之凶荒 扣 牧畜漁 麥 留之以 瑣分業愈多 曹。 各品為億爲兆歸之公政府商部商部乃合收全球之農產而均輸於各地以所有 無以有餘補不足其預備水旱虫蝗天災地變之不時者曰預備 毎 統計 玉 種百穀果菜樹木畜鷄鴨鵝與魚牛馬羊豕若干廠場若干各分其職 度界為一 一蜀黍 派取之各小¹ 寬 其 度界內 棉 地 心方其農具 自治 蔗烟 災患不時者若 則愈專而愈精。 政府立一 政府農曹召各農而 應留用之物品若干預告之商 米及諸果此其大略也凡五洲土 (機器) 農曹其下數十里爲一 地無遺利。 化 無災 料皆購 而 有 公商 餘。 人無重業及其種植牧畜漁產之收成。 之於各地 則 留以 界內種植牧畜漁取侢額之法 待下年 商 部。 農局其下數里爲農場其爲稻 店其 產各有所宜分其地質之宜 而截留其若干其餘 之用。 農 ②包澳· 人 應給 大利 而 額。 下 略留 年 亞洲產竹椽葡 之 價。 而專爲之 統 隨 多 種 數。 統 時 植 議 小 預 牧 算。 畜 政 彌 而 而

伯者。 場愈廣 得有新 之所合皆記而備之累年之報告調查存考而求其進化及其變皆有農學士多人歲時 形別其肥瘠及泥沙水石之差風雨霜露之度以色別而詳識之其地產之所宜及化料。 者也其農場者農田種植之所也里數不定者機器愈精道路愈關人之智力愈强則農 不得 皆然擇其最良之種而支配之其惡種去之凡農夫皆得有農學考驗證書而後用之其 專考而以報發明布告之又皆有農學會以講求之其農學校有考驗所水產牧畜鑛產 曹之屬若百穀花果牧畜漁產鑛產各視其地之有無多寡以設司無則缺乏全度界皆 佐之其下有史府二官胥徒分任之府史皆有長貳掾屬胥徒焉其官數各視其地其分 證 分司之提 百穀花果草 書。 義亦許給證明書而遷爲長伯學士焉其農曹立長其下有副 |也每度農曹皆有地質調查局將其本度內之山陵原隰墳墓川海 而 年逾二十者亦得用爲農夫但不得爲長及農學士矣但其 調 木漁產牧畜各置分司皆有主伯亞族府史胥徒以司之主者總辦也。 也亞者副之助者也族者羣執事也府者收藏者也史者統計及記 長有參贊有學士 後 有閱 人居為 歷 日深。 小模

參佐必由學士工技師出身乃許任職亦有府史二官及胥徒焉其各農局則分監督各 以報歲時發明布告之其鑛產水產山林則有工師技師司之卽學士也凡分曹其長貳 農曹同其農場若百穀花果樹木牧畜漁產鑛產劃其地宜數里以爲區其各度人口之 旅以任之並有學士工師設地質調查講習所考求之有報以歲時發明布告之與各度 記事二職有胥徒焉以奔走其事其百穀花果草木漁產牧畜鑛山皆有分曹有主伯亞 農場者也設於各農場適中之地有長副長參贊以領之其屬有府史二官以分領收藏 農曹府史之統計而指撥之史則凡本場種植牧畜漁鑛之事日記而月省歲計之而上 待農曹長之命或截留之所耕之地或交之近耕地之商店或納之農局農曹之倉皆聽 旅者奔走管工者也府則凡百穀花果樹木畜牧水產鑛產之所入司其收納及支出以 多寡卽以農場配分之各有主伯亞旅府史胥徒學士工技師以任其事主者總管全場 之事伯者分任農具機器用料養料化料用人之事及各小區之監工也並有亞以助之 物也則農曹長自領之而不設司每一物品皆有調查講習所有學士多人聚而講之

其衣食之資自此等而上之可也其支俸以先安息日給之俾其游樂其農場皆有室居 價之厚薄略分十級其尤者則拔遷農曹各司但其長貮則必以學士工師出身爲之可 取皆有部勒程度其每日作工皆有時限世愈平樂機器愈精則作工之時刻愈少然作。 之於農局以聽指撥之命令胥則奔走之人徒則耕作漁牧之人也其耕耘收穫牧養漁 不住而別住客舍者聽之其場所皆有公園囿公圖書館戲院音樂院以備遊息有公飯 遞遷爲公政府各洲分政府農部官其農夫漁人牧夫鑛工林工至下級者其俸令足爲 工之時坐作進退幾如軍令矣自農夫漁牧鑛工各視其材之高下閱歷之淺深以爲工工之時坐作進退幾如軍令矣自農夫漁牧鑛工各視其材之高下閱歷之淺深以爲工 校卒業之後不論男女皆許爲農其男女有交好者許在公室同居焉其公室人占二 廳公商店以備食宿但規模稍粗而小耳其演戲鼓樂則諸農自爲之凡能任農事者學。 行賢豪之事及農業之事以養其德性學識其公室則公置之不取值其衣食之事則由 **今富室其食聽人之所好而扣其費又有公共講堂有講師每安息日則講古今道德品** 爲臥室一爲客室並有浴房十人則爲大公廳皆高廣疎達花草楚楚樓閣綿麗過於

謹重者任之。 作工而欲結友遠游購書之計其稍遠則有公旅舍以備游行食宿則收費矣其去市近 其府司倉庫者不必納押金以是時人心無盜詐而商賣皆出於公也但選閱歷深老成 凡累經逐者削其名譽焉其主伯府史職業雖優而居室仍同以示平等但工金不同耳 者皆聽其游其告假不作工者聽之按日扣其工價其太惰不作工及告假太多者逐之。 役卽可遷拔農官若由學士工技師出者則可進爲公政府之農部長及各議員其榮至 之親卽有安置提攜之愛苟其不惰未有不見用焉若其才明智巧者則耕農牧漁之徒 寄之農局之中則知識明而身體强諳練熟而習慣安其農局之長與諸生有父兄師弟 坐得工金聽其揮霍居得公室逑匹同居好學者有圖書之益中才者有聽講之敎食有 矣人無私家昔有仰事俛畜之累而今無之民無私產天有水旱螟虫之患而今不患之 夫農人牧夫漁人鑛工中古至賤者也然其出身既人人由學校而來本業學校又

工金支之出自費焉聽其自由而工錢常留十分之一存於公中爲儲金焉以備其不願

公廚游有公囿除每日作工數時外悉皆自由近市府之場所游樂無方卽稍遠者鐵軌 之牧畜而已叉凡百舉動皆有機器無沾手塗足之勤檢褲耰耡之狀不惟無苦而反得 屋車之密有如蛛網輪舟汽球之行有若拋梭自行電車於時尤盛工事餘晷皆可暢游。 大夫之所不得者其作工之數時不過等於逸士之灌花英雄之種菜隱者之漁釣豪傑 凡市府聲色之繁華山水登眺之淸娛禮樂書畫之文明皆可挹而受之此中古 一帝王士

農 皆適足以應全地人數之所需少留嬴餘以備各地水旱天災地變之虞是以地無遺利 近者以省轉運近地有餘乃運配於遠方舉全地所出之百穀花果草木牧畜魚產鑛產 公政府之商部與各州分政府之商部統計全地各度物品之消息盈虛而分配之先其 至樂非大同何以得之 力以樂其身心增其德性長其學識以成他益舉全地之百產而操縱之舉全地之農 無誤作物無腐敗品無重複餘贏留其無量之地力物精以待將來留其無量之人力 若天下農田之收入則各度農曹截留其本度應用之物品而告之農部農部移之

以爲大有益豈可並論哉 牧漁鑛之夫而樂利之非大同而安得此其與私產之農其安苦憂樂愚明不有類於天 人之與凡夫哉其與私產之農物有無量之重複蠃餘腐敗得失豈可數算哉且移無益

第八章 公工

不許有獨人之私業矣公政府立工部各部小政府立工曹察其地形之宜而立工廠或 若干凡精者搭者日用者游樂賞玩者新異者尋常者察各物多寡之差以累年之報告 近水而易轉運或近市而易製作皆酌其工之宜而行之商部核全地人民所需之什器 之絲織廣州之螺鈿刻牙博山之鱸成都之錦其在歐洲則意人尤長於工佛羅練士之 比較,而定其額乃察各度界之工其精擅專門風俗尤長者譬若江西景德鎭之瓷蘇杭 畫與雕刻威尼士之玻璃雕刻羅馬兼之法巴黎之於衣冠杖履首飾理華之瓷里昂之 大同世之工業使天下之工必盡歸於公凡百工大小之製造廠鐵道輪船皆歸焉

絲。 皆以學校之及年者爲之其有成業證書者授爲學士工師技師匠師工長技長匠長 大數分之於各度精工擅長之地而定各地各品物什器製造之額移之工部工部核定 下之各度界工曹工曹督各工廠場如 國定 宜之工工 業稿 加注 (入一語) 皆統於工部者也商部乃以舉國所需之物品 額而製之各工曹工廠皆有主伯亞旅府史胥徒 什器

累遷 號得爲主伯府史累遷可至公政府分政府之工部長皆專門爲之終身不。 其工價因其工之美惡勤惰爲數十級而與之其有精能而幹才者則工人可遷工長以 本曹之主伯府史焉其工曹有各工講習會各工學士技師入而講習其有所發明。 移官不貳事

皆於報 用 人可至千 布告之其廠亦然當大同之時工廠旣盡歸公則一 百萬三 地 可至千百里廠內儼如古國土廠主儼如古邦君其分管各職之 廠之巨大爲今 世 所難 思議。

其 補助之亞管數之府記事之史如大夫其羣管工之族如士其巡察之胥如 下士作

役之徒 日月獻納如天祿石渠其公園花木水石如上林皆有音樂院戲園聽工人自爲之工人 如民其議工之院 如朝 延其蓄圖畫器物之府皆有學士技師 百 數以 朝 夕論思。

許同居其別寓旅舍者亦聽有公飯廳食聽 皆有公室人二室一臥室一客室更有浴溷小室十餘人則有公廳作工者不論男女皆 講道德之名理古今之故事及工業之良術以敎誨之其工費皆於安息日支給衣食玩講道德之名理古今之故事及工業之良術以敎誨之其工費皆於安息日支給衣食玩 必足給其衣食之需以時議之其公室樓閣宏麗花木幽靚過於今之大富室矣 好自費焉聽其揮霍而留其十分之一作儲金以備其將來遠游辭工之用其至下之工。 人所好而扣其工費有講道院日日有學士

驚猶 美術畫圖雕刻音樂爲本而縮地飛天便人盆體靈飛捷巧之異器乃日新政府之所獎 所尊高所尊高者工之創新器而已太平之世無所苦爲工者樂而已矣故爲樂之工以 焉其創有新 萬之重 人民之所趨向皆在於新器矣凡能創新器者給以寶星之榮名如今之科第焉賞以 鬼神日新不窮則人情所好也故太平之世無所尙所最尙者工而已太平之世無 夫野蠻之世尙質太平之世尙文尙質故重農足食斯已矣尙文故重工精奇瓌麗 金如今之商利焉當是時舉 器 者如今之登高第中富籤其創新器而不成者如士之落第商之倒肆焉。 全地人民之所以求高名至大富者舍新器莫致

≅

學旣足思想日進其倍過於今者不可以億兆思議故今之作工者中國毎日十二時或 故野蠻之世工最賤最少待工亦薄太平之世工最貴人之爲工者亦最多待工亦最厚 作工者逐之經三逐則削其名譽不得升遷不得列於上流焉然當是時爲工之時甚少 外皆游樂讀書之時矣其作工期限亦隨時議定勤者獎之精者賞之加其工價其情不 十六時歐美半之爲八時太平之時一人作工之日力僅三四時或一二時而已足自此 者日進而愈上以今機器萌芽而一器之代手足者以萬千倍計過干數百年後人旣安 工皆學人有文學知識者也太平之世人旣日多機器日新足以代人之勞併人之日力 勞動苦役假之機器用及馴獸而人惟司其機關焉故一人之用可代古昔百人之勞因 自出學校後舉國凡士農商郵政電線鐵路無非工而已惟醫可與工對待耳至於是時

自學校不患無生事之才能少時之工不待惰逐而不憂無工之苦爲工又皆掌執機器 ,身計之旣無內顧仰事俛畜之憂又無婚姻祭祀廬墓之計人皆出

亦無有不作工而惰游者矣

物以其嚋昔作重複餘剩之器聰勤者易其時日以好學深思愚下者易其時日以樂游 足樂遊樂以養魄讀書以養魂故太平時之工人皆極樂天中之仙人也 益巧曆不能計也。 魂魄交養德性和樂其於人道之美豈不羨哉其與私產之工窳人苦波害大衆較其損 健身好學深思則新器日出以裨公衆樂游健身則傳種日壯而人類進益人無憂苦則 而不待沾手塗足少時工訖卽皆爲游樂讀書之日工廠旣可男女同居又有園林書器 令所宜之地農場工廠如額爲之乃分配於天下**令各度小政府立商曹其數十里間水** 農出之地工作之人萬貨所由成也商部核全地人口之數貧富之差歲月用品幾何旣 爲全地公計之工人之作器適與生人之用器相等無重複之餘貨無腐敗之殄天 第九章 大同世之商業不得有私產之商舉全地之商業皆歸公政府商部統之夫物品者。 公商

庚部

去產界公生業

第九章

辦 陸 也。 要 佰 品。 者。 立 分司 商 局。 之長 各種 也。 商 亞者佐· 店。 其 數 也。 運間 主伯皆有之族者。 立 商 店其 (曹局 ¹羣管事 店皆 有 主仙、 也。 府者司 亞旅府史胥徒 財幣之收納 也。

之萬 者。 司 記 商 貨由 賬 政 者 者 商 也。 也。 曹局 膏者巡察者 部 核各度人口之數日用之宜 有 商 務考究會 也。 徒者各店之執 各商 學士入而 而由 事 送貨 考 鐵路汽船支配之轉運之商曹核本 求。 也。 商 前 以 局 報 者。 發明布 監督各商 告之凡 店者 農 也商 曹者。 所 度 成

大。 鄕 陳 列 市 如 之人 全地之貨萬品並陳每品之中萬 都 口。 會。 而 百 分配之各商 數 十 里大者乃數 店 中當是時 百 色並列。 里。 皆 與 市 如 汽 僅 今賽珍會然惟 車 商店。 汽 船 大市 相 通。 有機器 大店。 人所擇皆 小 市 運 之。 小 貨 店。 有 定價。 其商 倉 卽 不待 店之 分 類

商 略。 不原 能註 謂太 之商部日商部者俾人易解耳)商店偏陳小模形浩大如平時物不二價只能謂之運部)商店偏陳小模形浩大如 市。 隨 地皆有

聽 電 知 商店需用何品日月若干 而 機 書之電告於管貨倉者即照送 器 皆 有 號 數欲 購 其貨以手 則按日按時送至其門皆有收貨機器貨至 撫機。 其 家其尋常日用 書 姓 名 居 址。 之食品用品 或 傳 電 話。 其 年 掌 月中人 櫃 門則嚮而收 書 記。 口 聞 開 電 單 機 告 刨

用人多者至百數十萬夥如一國然總辦如邦君司事如大夫每業之中各有主伯亞族、 府史胥徒焉然合農工商三者而較之商之用人至少矣但有運貨會計振機三者靜而 時物價之賤可過今什百倍蓰矣 此器或在屋上或有餘不足改用他品則皆有電話可傳至商店而立取之然商店之大 之高下高者無過什一下者可至百一但以取足養十二局之人民爲度而調劑之計其 不譁間而寡事貨無僞品價無欺人政府但除農工及運送之所出之本以時酌定其價

中而 而非 而皆 則 貨居奇之所致也且私工之所作私商之所售凡一工廠商肆小者十數人大者千百人。 一市而備一肆與備萬肆同耳則所省九千九百九十九矣合大地計之坐於商店之 生利 蓋貨品之所以貴賤不時而人民受累者由各地生養造作運送之不時而私養滯 有主伯府史坐食之多人又運送之費一機之運抵人百數主伯運夫之費皆分利 分利者蓋十萬萬而不止九萬萬也若總歸之公則運貨歸一由電汽車船皆以機 者也中國一店之中分利者幾居其半歐美各國亦有三四如合一市而

器直運至店無無數運夫分利之事一也一店而百工並作萬貨畢陳用人寡少昔之一 購者自易全地之貨皆集日日皆如賽珍會知識自開而無有地僻難於購物者之患矣 是全地無量之人只有向公中而支工金公中更未嘗向一人而收賦稅掃萬國亘古重 叉無地僻運難價至騰涌百數十倍之患矣國家但以公商養民權其輕重而充公用於 任之矣是可省百數十倍也盡去百數十倍分利之人而物價可賤百數十倍物價旣賤 市萬店店用十人爲十萬人者今則歸於一店用千人可總任之矣否則萬數千人無不

爲樂利豈有比哉 室卽以客舍爲之其欲取優室者半其費其宏麗與工人同其食卽在公飯館聽其所擇 樂館以娛之有講道院講道德之名理古今之故事及商業之術以日浸灌教導之其公 征厚斂之害而太平世之生人不知抽剝追敲之苦只有領得工金爲歌舞游觀之樂其 而自出費男女皆可爲商皆可同居其別有屋者聽當太平時人無私商皆工人也其出 凡 此商店以時而市過時卽閉店夥散歸商店在市有飯館客舍亦公爲之有戲園

會之商者見聞尤博雍容甚都哉 可至商曹商部長無仰事俛畜之憂無虧本散家之苦近市而不囂博物而不勞其在都 身皆自商學卒業其商學卽在商店之中日勞數時而卽有讀書游樂之暇其才者遷轉

第十章 總論欲行農工商之大同則在明男女人權始

身不齒且其時凡人之金皆寄金行其得金之多寡視其工價及創新之賞人人得而知 種教更良孔子所謂雖賞之不竊也而何慮焉 爲之而令終身見棄乎太平之人無家累無貧病坦途懸在前而清議迫於後風化旣美 之若司商務而驟得多金侵盜之跡卽露夫大無恥之事苟非家累貧病迫不得已孰肯 自無侵盜之事卽使有欲侵盜而別無私店雖侵之盜之而從何售鬻之萬一洩漏則終 言也太平世人無私家無私室無私產無私店無家而祿厚性美而敎深必無侵盜之心 若慮農工商皆歸之官得無有司作弊侵吞盜竊爲害更甚者此其所慮爲亂世之

脱部 法废外公生菜 第十章 植物的欲行 美工商之大河则 在明男女人植始

行 去國界者亦自去家始。 也然欲急至大同最難則在去國若去民私業此事甚易卽自去人之家始也卽欲急。 凡諸農田商貨工廠之業全地至大從何而歸之公卽欲舉公債以承之亦萬不能

當小需歲月而已 許訂歲月交好之和約而已行之六十年則全世界之人類皆無家矣無有夫婦父子之 大同之世矣全世界之人旣無家則去國而至大同易易矣於是時也最難去種界之別 ||矣其有遺產無人可傳其金銀什器皆聽贈人若其農田工廠商貨皆歸之公卽可至 欲去家乎但使大明天賦人權之義男女皆平等獨立婚姻之事不復名爲夫婦只

之生是使獨也夫使天之生人使男女以兩人偶合也則不能獨立也天之生男女使如 下絕不相異也極相愛也徒以形中微有陰陽凹凸之小異而男子挾其强力以凌弱質。 人獸之異形也則不能獨立也今男女之魂知形體各自完成各能自立不相待也不相 夫男女平等各有獨立之權天之生人也使形體魂知各完成也各各自立也 庚部 去产业界公生菜 第十章 總統一於八歲工商之大同則在明男女人權始

立始矣此天予人之權也全世界人欲去種界之爭乎在明男女各自獨立始矣此天予 平等各自獨立始矣此天予人之權也全世界人欲去國之爭乎在明男女平等各自 男女平等各有獨立之權始矣此天予人之權也全世界人欲去私產之害乎在明 仙哉人有棄帝王而爲乞丐棄神仙而爲凡夫者乎故全世界人欲去家界之累乎在明 雖彼男子得擁一日之私尊然以視大同太平之極樂不猶乞丐之視帝王凡夫之比神 收爲私屬下齒平人習久成常視爲義理遂大背天予人權之義而永爲 欲以度我全世界之同胞而永救其疾苦焉其惟天予人權平等獨立哉其惟天予人權 始矣此天予人之權 人之權也全世界人欲致大同之世太平之境乎在明男女平等各自獨立始矣此天予 人之權也全世界人欲鍊魂養神不生不滅不增不減乎在明男女平等各自獨立始矣 天予人之權也欲神氣遨遊行出諸天不窮不盡無量無極乎在男女平等各自獨立 也全世界人欲致極樂之世長生之道乎在明男女平等各自獨立始矣此天予 也吾採得大同太平極樂長生不生不滅行游諸天無量無極之術 小康憂苦之世 男女 獨

平等獨立哉吾之道早行早樂運行遲樂不行則有苦而無樂哀哉全世界人生之苦也 其宵甘之而不求樂數

三八二

辛部 去亂界治太平

第一章 分地為百度

南北極之度少狹矣其餘各度近中國之四百里弱略當英之百里乎以四洲海陸截長 千萬方里當一千七百萬方英里每萬方里爲一度共得一千七百度界歐羅巴東西長 得三百七十度界北美洲南北長四千五百英里東西廣三千英里並島嶼計之面積共 補短計之亞細亞東西可七千英里南北可五千三百英里並島嶼計之面積可一萬七 八千方英里凡一萬一千五百四十八萬方英界共得一千一百五十五萬度界澳洲並 英里略當六千五百萬方里共得六百五十度界非洲並島嶼面積一千一百五十四萬 可三千四百英里南北廣二千四百英里共三千七百萬方里當三百七十萬方英里共 八千六百方里當八百六十萬英里共得八百六十度界南美洲面積凡六百五十萬方 舉全地經緯分爲百度赤道之北五十度赤道之南五十度東西百度共一萬度近

李祁 去鼠界治太平 第一章 分地写百度 第二章 全地通问

各島 焉今旣知爲地轉且亦非三百六十之定數則與測侯無關又以計里太碎宜槪與删改。 而不整皆緣古者草昧妄以地轉三百六十五之晝夜而周天因斷爲三百六十以測天 全球之陸凡五千二百三十八度大地各國言天度地度者率以三百六十爲數極 四百二十三萬二千方英里凡四千二百三十二萬方里共得四百二十三度通共 零畸

巢掃穴奔魑走魅成爲都會邑居相望鐵軌貫穿於絕壑車馬交橫於戈壁文明之器無 但以度爲全地計里之數從其整數劃分爲百度縱橫經緯爲萬度多寡得宜易於數矣 地深叢密林之域毒蛇猛虎之所盤據毛人生番之所棲宿莫不夷險平難除莽滌穢刮。 **[守剷除天險併作坦]途所有自古之崇山盤棧絕漠橫沙頭痛身熱之區風災鬼難之** 第二章 凡 大同之世全地大同無國土之分無種族之異無兵爭之事則必劃山爲塞因水 全地通同

有僻壤絕域莫不廣被昔日近水之區皇都之所人民輻輳百貨盛集其僻壤絕域崇山

之具未備。 深谷則山鬼躑躅人跡不至此特開闢之先駈事勢不得不然耳蓋其時機器未興開道 太平也惟北近冰海南纏熱帶寒暑太過足以鑠人非人之弱質所堪也夫於人生之長 地 養人身之健宜及人體魄皆有大損有所大損則徧布種於人類其害甚劇故生人養人 之地皆不宜此以護養人種之美者有進無退如農工商之所在則不擇地無所不屆也 之地若人本院育嬰院慈幼院小學中學大學若養老院皆擇溫帶之地爲之寒熱! 面汽球飛舞於天空故山水齊等險易同科無鄕邑之殊無僻鬧之異所謂 無法以與之故有山谷水源之殊形都邑村落之異狀大同之世鐵道橫 大同。 所謂 兩帶 織 於

界三章 地方分治以度為界

樹 學成則充看護人一年 石 刻字以表之人生其中卽爲其度之人由人本育嬰慈幼三院養成則入小中大學 大同之治 體無國種無險要故分治之域不以地勢爲界而但以度爲界每度之疆。 則入農工商各場有疾則入醫院老則入養老院死終則入考終

- 本本

去佩界治太平

第三章

地方分治以废爲界

院人民以界爲表則於一界之中政府設司立職焉。

也。理。府。勢。若 在 則 以 民 勢。 又 縮, 爲 小者其治通自治之制則 四達處處交通人人直達何事多立此分洲分國之分政府乎惟一度之地以之上通全 在議 則 心本無大小之分若以一鄕落如十里之地爲一政府未嘗不可也以今分國分洲之 此 分析之廣狹大概其域大者其治疏其域小者其治密而其層級多者其治塞其 大才仍 |洲或國置一大自治 將 以一洲或今一 不 夫 何 漸 特 院選人則百千萬數苦其太多而難舉標名識號粉錯浩浩亦爲無術 君 爲於每度立 生。 少物力不足其於振興爲難在公政府統之則百千 主國 而 不平叉出矣。 爲 國爲之則其下必置多分治之區然與公政府隔絕疏邈矣等級之 《然卽民主之國亦不得不然也勢也大同之世》 二政府 政府亦未嘗不可也然皆非大同之宜也蓋以 又無大小通塞之分惟視有國與否以定其自治之權不 大同之世全地皆爲自治 心凡行政之區有上達下達之異皆視其國土之大小以 全地 一切大政的 -萬數苦其· 全地皆爲 皆人民 郷落為 (太繁 故不可 公議 自治。 丽 難綜 官卽 得 電 層 政 級 不

千議員 球 可成 當今一道數府之地幾多於全國容人無數太平之世可至數千萬人或不止此則人才 地。 合衆難出產事業太繁而綜理難故以此爲極矣至於上達乎全地分度之政府約三 大同時交通之利器極捷故 無數以與百業無所不可其農工漁牧鑛業產出極繁政事極繁其講求鼓勵以之與作 毎 小時行 公政府下合人民大小得宜多寡適當故可立爲自治之小政府也每度約爲英里之 亦由 百其時鐵道極多而 如 **夫電話鐵路汽船數事者開創不及百數十年今之疾速過前世界遠矣今美之鐵路** 一个中國 ___ 各度公果 大團體卽以境內容十院生人養人之地甚多若在今日分域自治尙歉太大幸 亦三數千人雖似稍多而用人皆由各度公舉與公政府無關卽公政府之行政 大城 英里 則 亦 耳有事公議電話一通數刻咸集此公權便一也 日 極捷數刻而度內可通電話汽船 無關至於稽察政事風俗則每度有一二人查核報告消息已 可 可矣再增此乎則地太遠人太多傳宣之腦筋漸不敏捷則 一千六百八十英里如此過百年當大同之世人智大增其 如蛛網交織其短縮視度界之 有中國· 十萬方里 數

不過月餘。 進化之速率豈今日所能思議不止十數倍抑百千倍耶今西伯利鐵道已成環球週行 大同之時環球一週多者不過數日急者或不待此則交通敏捷地球雖

過如 親疏。 爲治尙易通於今之一縣則無待中間一洲一國之大分政府矣且人情一有所分卽有 之家族鄉 中國之一大縣而已以一公政府領三千度如今一大縣領二三千村落而已其於 如今中國同姓有分房同國有分省則親其同房同省疏其異房異省今已盡去人 國 以絕人自私之根卽如各度界之小政府已屬不可得已豈可再爲厲樹分

第四章 全地大同公政府政體

政府而公立全地大政府不可少不可多不可加不可減矣。

洲之分政府以生親疏哉故合全地之大經緯縱橫劃爲百度每度立一政府合數干小

民 部掌各度人本院育嬰院慈幼院養老院恤貧院考終院之事其游徼消防之

數及整頓之事爲諸部之長

二農部掌全地各度百穀草木產物之事

三牧部掌全地之畜牧酌其用敷而支配之

四漁部掌全地之漁產酌其用品而支配之

五鑛部掌全地之鑛政。

六工部掌全地百工之作貨分列其地宜總其多寡而支配之

七商部掌全地貨物之運輸支配於各度各場廠其會計至難

九闢部掌開闢荒地深山窮谷而爲坦途都邑

八金部掌總全地金行出納度支之金政定其用之多寡於大同世界部之權最大

十水部掌全地治河導水之政海亦屬焉。

鐵路部掌全地之鐵路而日圖擴充之各度內小路亦屬焉。

十二郵部掌全地郵遞之事

十三電線部掌全地電文電話之事

杳

十四船部掌全地船事內河小船亦屬焉。

十五飛空部掌全地汽球飛機飛船之事

十七文學部掌全地文學之事測候亦隸焉 十六衞生部掌全地衞生醫疾檢疫之事天文之關於測候風災火山等事亦隸焉。

十八獎智部掌全地獎勵創新特許之事

十九講道部掌全地講道勸善之事凡有宗教煉魂者統之乗獎勵仁施之事。

二十極樂部掌人道極樂進化之事凡音樂美術游戲博物動植物之事

二十一會議院凡有官聯之事及公共大政二十部公議之從其多數隨時隨事舉

議長不爲定位

二十二上議院全地各度各舉一人議全地法律職規大政並掌大裁判政教文藝

評論之事

二十三下議院但有書記無議員傳電話於各度合全地各度之人公議之一切法

律規則財政以此爲極

二十四公報院全地各度公舉數人掌公共交互查報全地之事報告全地還報本

部。

者羣執事之官也府者主納史者主記事胥者主奔走徒者役也既統全地之事自須用。 多人其職員分司隨時公議。 凡各曹皆有主伯亞族府史胥徒主者長也伯者分司之長也亞者主伯之佐也族

亦雖由曹主選派然必由大仁大智出身無其人乃許擇及多智上仁之人出身者 亞由全地各局主公舉必由上智至仁出身其人乃得用大智大仁者乃得爲曹主其伯 路郵政汽船電船汽球分局之員由曹主分派然亦必由衆公舉而曹主乃擇之至曹主 凡一曹之主總全地之事皆由各本度本曹之主數千人公舉之從其多數其餘鐵

其行政之諸長皆全國政黨競爭大昏博夜喧走道途號召徒黨密謀相攻或至動兵行 政黨之事惟競爭乃能進化不競爭則不進然競爭則壞人性術矣今立憲之政體

刺。若 議 舉之先兆人萬衆旁皇奔走大羅酒食以媚庶人所取卽未必公卽公亦 大 出大

故無 壤 立 焉。 傷 以 由 一統領之人萬幾百政法律章程皆由 德教 電 人 公舉公政府名雖總統其實無權不過坐受各度之成而司會計品節獎勵之事而 讓三讓再以舉賢若夔龍之美事及再三爲大衆所推乃得受之以弘讓德而鎭囂 於心術其視今政府之爭將以爲 凡各度公舉 **灬須有一** 小 話 術。 固 立 盛。 問 侵 入根種: 人爲之總統之理各部長不能· 立復皆從其 而 事 ___ 切 實在公衆公政 此 曹司皆當類是其 大不可大同 多者 而用之無有競 府諸 之世無 、野蠻之舉動而笑之者矣且各曹長被舉之人亦必 有不 長雖有責任而實極小不過以高譽盛德 大地大衆公議餘事 ·讓者則爲 由 有 爭諠譁之事 一人選派皆由各度各曹自舉選舉之日 國 爭。 無 醜 秘謀大舉須假 『德清議』 更無 則各度小 所不 有互 容焉。 政府 權 攻刺殺之事。 於行 是 專行事事 ·政之長及 時 坐 人 性固 則 無

凡 大小政府議院之員雖許慷慨陳詞抑揚透闢而辭輯辭擇皆有脊倫言笑晏晏 爲名譽之事而已則高陳三讓亦自易事

宜殊異也。 皆有程度而擇善從之若如今政黨議員互攻激刺大笑喧嘩失儀無節乃野蠻之至可 爲大恥則必糾儀彈之淸議不齒然太平世人德至美敎學尤深議員爲賢哲高流固無 世無有民也舉世界之人公營全世界之事如以一家之父子兄弟無有官也其職雖有 各度政府邑也人類不能無者也只此院場廠館諸司之主伯亞族府史胥徒故大同之 此野蠻之舉動也太平之世只此公政府各度政府地方自治局三級地方自治局鄕也 儀從之別惟仁智之人特許殊榮者以致進化而防退化耳益同胞而福大衆其功德固 上下但於職事中行之若在職事之外則全世界人皆平等無爵位之殊無服裝之異無

第五章 各度政府政體

民曹掌地方自治之事凡人本院育嬰院慈幼院養老恤貧考終諸院之事並游

激消防之政爲諸曹之長

各度政府政體

二農曹掌百穀草木漁牧之事其地不能種百穀但爲牧場者則立牧曹若有林麓。

則改爲虞曹其地產備兼者則立諸曹如有百產之物如鹽茶之類多者則立鹽茶曹

三礦曹掌開礦之事。

四工曹掌百工之事土木建築屬焉。

五商曹掌商貨之運輸

六金曹掌金幣會計金行之事

七關曹掌開闢荒山河漠無大山無荒地者不設凡地理地質學掌焉。

八水曹掌治水之政無水者缺

九通曹道路船車之政大者皆爲鐵路此其小者。

十一文曹凡小學中學大學及圖書館測候館掌焉 十醫曹凡醫疾院掌焉及衞生飲食市場查驗之事掌焉。

十二道曹凡各處講道勸善之事而修魂鍊性之人爲其掌焉。

十三智曹凡創新之事特許之榮者掌焉

十四樂曹掌人間進化取樂之事凡音樂館博物院動植物園其施捨仁倫之事獎

勵之章掌焉。

十五會議院凡十四曹官職之事則會議之從其多數取決而民曹爲之長

十六上議院公舉度內之元老文學仁智之人爲之其人數視其度內人數多少隨

時議定略以數百爲度十四曹之長皆爲議員每年一任以太平之世人才太多各使得 展其才也凡大政掌之而專主職規法律行政裁判評論之事各地評事不斷者則此院

公評之

十七下議院下議院無選議員凡人皆預議但有書記之人傳電話於全境內人衆

合而公議之

十八公報館由公政府派來一人會同在度內公舉之人掌考查布告度內各情於

公政府及各處政府暨本境人民俾彼此上下四旁交通聯互

去凯界治太平 第五章 各度政府政體

三九六

情 非 其 時 不 詳 備 耳 之爲書也唐虞之世九官自平水土敎稼穡明倫共工水火禮樂皆爲民之官庶幾小近 兵故無海陸軍無刑訟故無刑法無國際交涉故無外務凡諸司皆爲民之官而已孔子。 智二曹則掌人民開智之事道曹則掌正德之事樂曹則掌極樂之事當太平之世無爭 凡各曹自民曹以下至農牧漁鑛工商金水闢通醫十曹皆掌人民厚生之事自民

亞府史之用。 曹之主則各地方自治之各局主伯府史及本曹之伯亞府史旅皆同舉焉或聽胥徒並曹之主則各地方自治之各局主伯府史及本曹之伯亞府史旅皆同舉焉或聽胥徒並 凡各曹皆由地方自治局公舉及終身不貳事不移官凡各司之職皆有本曹公舉如一 選舉之從其多數其伯亞府史則以下遞舉而聽主用之其族胥以下由徒公舉而聽伯 凡各曹皆有主伯亞旅府史胥徒主一等府史與伯亞二等旅三等胥四等徒五等

第六章 公通

等其在鐵道汽船者風塵波浪或太勞苦歲許休息其半當休息之月仍支工金焉。 門學卽在五者局中其有工學士出者得補主伯皆有報以發明布告之其有司皆爲 纏於大地旣爲公產而不歸私有人口尤衆游歷通信尤繁則五者所收之費不可勝數 師工長其才者累遷至部長終身不貳事不移官其五者終日無息則人輪數時與百工 史以記賬府以收納而府之權尤大府之中又有主伯亞旅焉其用人皆自學校出其專 矣五者網於大地處處設司每度有總局數里數十里有分局皆有主伯亞旅府史胥徒。 五 者皆爲大地交通運送之要政公政府各設專部以經營之是時五者繁密如網如梭 大同之世鐵路電線汽船郵政皆歸於一皆屬於公是時飛船大盛通行亦公爲之 技

第七章 公開

至於是時深山窮谷絕島深箐無不大通視同都邑故通路治水築橋之大工役最多汽 大同之世公政府日以開山通路變沙漠浮海為第一大事蓋人口愈多用品愈繁

辛部

去鼠界治太平

第六章

公通

第七章

鐵道之修築需費最鉅故夷山鑿嶺通川河而橋峯巒所在皆開 無論老林深礦無

皆築於山頂山麓而富人學士罷政之逸老亦皆爭築室於山頂以納空氣而便養生人 間。 不關雪山冰海探撫日深利源皆出農場林圃花囿果園電碓石廠礦場 既多聚則商店公園圖書樂館皆設於山頂開爲都會焉譬如中國之泰華衡嵩羅 .其溫帶熱帶之高山空氣至多暑氣較少尤於養生爲宜則各學校各養老院養病 徧 於高 山 絕 浮 匡

凡此名山皆爲都會之勝地其他羣山莫不開鑿並開岩架壑鐵路盤空電線飛馳今已館室徧峯巒矣太地各國名山加入一語 廬天台雁蕩印度之須彌北美之落機南美之安底斯歐之巴幹比爾裊士而阿爾頻岳 空船 來 往。 名 山盡闢以爲公園。 引飛激以四奔激澗泉以上射異花殊草聚 大地 之珍奇。

怪 雲霞其欲上下周遊則跨汽球空船或機亭而立至矣斯亦逸士眞人之極樂也蓋據亂 組以鐵紐玻房玲瓏植以繁花廊檻縱橫著以翠鳥几榻之機皆含音樂嘘吸之氣並屬 默珍禽皆栅欄以公養諸峯直峭則通以飛! 橋飛橋架空則懸以飛屋 飛屋高懸天牛

澗壑樓間 之幽。 道 盤旋。 人多住· 風 闌干環繞織山若網匼陷迴 氣 玲瓏於五雲眞 不 通故於衞 山升平堂構 生不 人多住原。 宜太平極樂則 **太平極樂** 環亭榭點綴於峯頭 樓。 居山 人復居山周而復始 頂風氣四通。 几榻交橫 焉。 故於養生最益 於道 但窟居 是左電燈掩 者。 也若 在 映於 其 山 磴

閣

有仙

山五

步 __

+

步

閣之

觀

焉。 爲 樹 客室商店盛 架 嘘 、橋綴以亭榭其上室客堂環繞其間逸老名士好吸海風多賃居於是以周遊 近 若 海之地。 吸天 其輪船之大不可 地此又海桴之樂也。 備。 或無洲島川絙以巨鐵廣袤數里其上堆 浮 海遠游聽其所之以鐵爲巨堤環周其外巨浪難撼大魚 思議長以千 萬 · 丈廣 亦 百 l數尋有若· 山築 小島焉。 池。 種花 植 船 樹。 中 聽 堆 不 人 Щ 驚。 築 居 心築 四海 出 池。 種

苦之則]1] 液。 有 叉 若 如 引之鐵管導以流泉以汽 大河 蘇 彝 士 海峽之橫 巴 拿 馬 之開 宣則 河。 渡以千萬丈之長橋石地積沙之瓦 、車運泥以石堤阻風及石堤彌天汽車匝 及 紐 約 之築橋蓋處 處皆是沙漠之地。 阻。 則 久壅揚層 聞其 地風難旋 首千 行人 里之

去鼠界治太平

第七章

四〇〇

原。 沙 此雖莫大之程而公政府之巨力爲之亦不難也。 漸低平於其泊狀漸引川河偏植草樹將多雨澤漸可使沙漠化爲壤土戈壁成爲中

雖 史胥徒以任其事其府主金出入其史日月記事又各有主伯亞族焉每一工程皆立一史胥徒以任其事其府主金出入其史日月記事又各有主伯亞族焉每一工程皆立一 品機器工料之物品仍流入於公設之商店則用其一而尙存其半焉可以成大工可以 闢之山海道 凡全地有無工無養之人皆可充此工以養之大同世之鐵路汽船空船電線郵政五者。 之鑄跨海七十里銅人埃及之築五 法政皆與工部之工曹工局工廠同其局之大者役徒百數十萬人若秦之築長城波斯 局又各有主伯亞旅府史胥徒以督之其人並出身於學校其專門學校皆在局中一切。 歲之入不可量數況自製紙幣而公行之雖多發無數商貨游資亦收 多深林邃谷雖奧不數百年皆化爲都邑焉故公政府立闢部以督之有主。 凡茲鐵道汽船電線電政飛船之歲入盡以從事於工程焉則大地雖大崇山 路橋 梁水利巨工亦不可量數而役徒雖多物料機器雖多役徒 里石陵然皆用機器爲之力省而不勞舉之較易 回。則 之所購物 伯 歲所開 亞族 大河 府

成大衆可以闢窮荒政府統算而消息之可也

第八章 地方自治

船局長鐵路站長佐之不必設鄕官焉其有事則開議人人皆有發言之權從其多數而 兆人故太平之世無散人之村鄉而但有公家之廨署其時道路平廣電車四達瞬息百 **囿店廠場局皆出於公幾無私宅者矣旣出於公則必崇宏浩大一院而萬千人多或億** 行之其應上告而整頓者則大衆列名而農長代表焉每月必聚議其場政而上之於農 聚落焉故太平世之農場即今之村落焉其地方政治卽農場主主之而商店長郵電飛 數里一農場亦可也有農場之地則商店從之郵局電局從之飛船鐵路之站從之爲一 里自行車更巧人人皆具亦頃刻十數里故農場耕牧之地可散而食宿之院可聚雖十 人口雖多皆歸之農工運闢四部否則老幼疾病學校十院之養於公者然則屋室園 當是時人之所居都會之大聚以山頂海邊及島嶼爲至多而河流川源之間次之

去鼠界治太平

第八章

地方自治

M 〇二

來而 局。 則歸 有川 無獄 以 行公園博物院植物院動物院音樂院美術院講道院大商布店郵電局飛船鐵道局。 院慈幼院小學院中學院大學院養老院醫疾院養貧院考終院十院 直上於各度政府之工曹焉其農局居農場之中或 各局長佐之其有事開議人人皆有發言權自其長親入議堂外其餘皆自各處電 院歲以數月開之公議本局之立法諸事院局之長咸入一堂聽人人提議而以電話問院歲以數月開之公議本局之立法諸事院局之長咸入一堂聽人人提議而以電話問 山 其爲工 .谷則有闢山一司其橋堰陂塘皆歸於道路司其稽察飮食之宜室屋之式疫祲 任 之衞 史以書記之月必聚議其廠政從其多數行之其應上告而整頓者與農 矣。 其 原者則有船局。 其 地 一廠地 有罰 政其曹有道路警察衞生講道評事測 生司其餘場廠講道之人則歸講道司 者則爲今之市鎭則工厰主主之其地之商店郵電局鐵路飛船並 者。 削 **《或有工廠作廠如是則設** 其 名譽再有甚 者付之恤貧院作苦工而已其人皆由 一地方自治局焉。 其有諍論 候五司若有 山 水原陸之要則 則歸之評事可是時刑 水道。 有主伯) 則有 或有· 在其間則必有 亞旅府 都 議院舉 水 人 一司。若 本 場同。 史胥徒。 院。 話聲 措蓋 告 育 則 有 其 銀

智人仁人之徽章多者舉之無仁智之徽章不得被舉焉又有公報館以總公政布告之 於各場廠局院司之衆人人皆有發言之權而從其多數其公舉主伯府史皆取其地有

事其職圖如左。

地方自治局之屬

農局 議院

牧廠

工廠

漁局

漁場

牧場

礦局

農場

凡鹽場各產物場皆同

人本院

育嬰院

慈幼院

小學院

中學院

大學院

醫疾院

辛部 去鼠界治太平 第八章 地方自治

金店

商店

四〇三

大

徼員 講道

植公美音圖博物震節館館館 動物園

考 強 資 院 院

公議而公用之

公報館 臺

公金行

第九章

政府爲總金行下至於各地方自治局有分金行各工廠作廠農場皆有小金行凡全地 酌其多少請於公政府總金行而撥用之其地方自治之收費用費亦歸焉而聽自治局 店郵政鐵道汽船電線電球之數報之公政府而其所出農工商三部及養人十院之費 疾考終十院之用其人民儲金亦付之而予之息其各地各度分金行歲月將其所收商 以應農工商作鐵道汽船電線郵政飛船之需及人本育嬰慈幼小學中學大學養老醫 商店鐵道汽船電線郵政飛船之所入皆歸於總金行分配於各度及各地各場之金行 凡全地之金行皆歸於公無有私產立金行部於公政府卽度支部分立於各度小

也凡金行 得富則皆聰智人也又必多有仁人徽章而後舉之蓋大同之世權至大者莫如金行故 行不名銀行紙幣皆製自公金行亦無作僞者由公印發出之無窮令民饒裕而多行樂。 用 不 其主伯亞旅皆選商業富人充之各業大富人充之亦可其時富 ·能不鄭重之 為幣但爲器物可也金錢略爲三品小者作十用次者作百大者作千用是時實名金 當是時金幣用二品上幣金下幣銀其銅留爲器物不作幣而皆有紙幣代之其紙 者 有司各有主伯亞旅府史胥徒皆自學校出身其學士累遷可至金行 如今各國之印花每紙百錢焉計其時鑛出益多或只用金一品 人必由造 出新 而銀 部總長。 器 亦 丽 可 後

則 於性根而爭禍將出二者交病且太平之世農工商學鐵道郵政電線汽船飛船皆出 作皆敗而大禍隨之大同不久而復歸於亂世此不可不預防也若導人以爭又慮種 將 芍 太平之世農工商一切出於公政府絕無競爭性根皆平夫物以競爭 且 丽 退 化如 一一國一 統 之世夫退化則爲世界莫大之害人將復 恩人. 而進上不爭 旣 愚矣則

線汽船飛船亦必不改進而腐敗隨之諸事腐敗人將復愚事將復塞而大同亦不可久公人皆作工只有工錢無貧富則新器亦難銷流而新機將息且其農工商鐵道郵政電 至於平時則平之禍义出矣補偏救敝不可不慮患而深防之此尤太平之深憂也思防 則復歸於亂矣夫天道不平者也不平則亂人道感於亂禍故裁成輔相而力求其平然則復歸於亂矣夫天道不平者也不平則亂人道感於亂禍故裁成輔相而力求其平然 弊之法而調停於二病之間則救之有二道

第十章 競美

各度小 而加新趣樂心音樂院美術館動植園博物館如何而加美妙博異農工如何而改良獎 無競爭何肯改良何肯進上必將坐聽其弊其害又甚大此不可無以鼓舞之也其道 橋梁道路鐵道汽船在各度境內如何加其安樂華妙公政府許其於本境商場售貨 爲公衆進化計大同之世室屋園囿農場工廠商業鐵路電線汽船皆出於公旣 政府主持一切若養人十院如何加益公屋之如何而 加精美偉麗公園之如 何

去亂界治太平

第十章

及其 船 電 車亦無幾耳故不得不以商業鐵路郵政各費聽其議加凡此汽船馬車之收費商業 車皆歸 本境鐵道汽船汽球郵政收費聽其酌加以爲興起改良增進之計各度境 於本度政府。 專利自辦以爲興起改良增進各事業之費但其時 自行 入內小汽 車多。

事之人凡境內有獨立權者皆預焉從其多數而行之蓋商貨之售鐵道電線郵政汽 鐵路郵政電線 乙加費皆由各度本境人公議徧傳電話於各農場工廠商店及十院執 船

馬

微涌收費微昂而得十院及公園公屋公音樂美術動植物園博物院舟車道路橋梁之 馬車之收費其貴賤多少皆境內人受之益則公益損則公損苟境內各人皆甘願物價

奇精新妙則涌貴者乃其人民之自願非由公政府之暴政安得不聽之夫所 私損 者少。

所 有尤爲日 者多凡人民亦孰不踊躍以聽以期鄰度之稱美仰望於公政府之民部 (新進上者則贈徽章於其度公獎其公民於歲中列表等其高下而榮異之) 於各度

巨質其於率作興工增美釋回固甚易易各度各自爲之各自競上則室屋園囿農場工 合各度行 養會賽其高下各度 人民私益公榮一舉兩善誰不願稍涌毫釐之價已得

政府之物其有新式妙術增進者公議院與全地人民傳電話而公議之稍加物價 廠百物安有患其坐弊不進退化不改者哉若夫鐵路汽船汽球不能分度界乃全爲公 輸收費亦不過以衆人之力爲衆公益所以私損少而公益大亦孰不願豈患其不能改 及運

第十一章 獎智

極遠則人智不出器用法度思想意義不能日出新異則澀滯敗留甚且退化其害莫大 焉欲防其弊卽對其害而嬌之當太平時特重開人智之法懸重賞以鼓勵之分爲 響樂理醫氣 1 一日新術以術有法可尊者也第三日新益有益於人道者蓋理與術窮極造化該括天 日新書科有能作新書爲昔所無者不論農工商鐵路電線郵政汽船飛船學法政教 爲獨人進化計當太平之時人人皆作工而無高下工錢雖少有差而相去不能 力形質聲光數電皆可其新書分三等第一日新理以理能推所以然也第 四科。

去鼠界治太平

第十一章

奥深或遠於人道新益者卽切於人道者

一差其 益者爲明智一日新器科大之若今之鐵道電線小之則百器皆是以有益助進化爲 所益公私大小而爲等一日新見科凡天文之星氣地層之礦質通鳥獸之語 也創新理者爲聖哲創新術者爲慧巧創

出之物未有之事皆是以其大小深淺定其

等焉一日新織 由 然公政府設獎智院專任鼓舞勸導鑑定之事每州設分院各度小政府皆設一局小者。 **割用之考醫藥之物而用之及一切人世未** 各度· 小 政府鑑察而特許之大者呈各州分院或公政府總會鑑察而特許之其 科因舊有之物質物品物理而薈萃貫串擇精去粗而成之政敎藝樂皆 新

博士由大衆公定而得之公鑑之公定之而須發其特許之賞差其高下以爲賞之等其 著新書發新見若力不足則公助之或公出資優養其人爲之其獎智院設各 科 學士

·次則爲多智人其創新之卓絕者則爲大智人積十次卓絕之創新則爲上智人其尤。 厚。 凡名譽之賞能創新者公贈徽章謂之智人每一次創 新則得 次智 人 徽

有實名者榮銜也實者金錢也其理之精與偉大者其名高其事之切實益

賞

有

名

同 更易創 焉。 舉人也學士猶今之進士也大智人猶今之翰林也博士猶今之鼎甲也其上智之號猶 大智人選出聖人哲人必由上智人選舉故其時之智人猶今之秀才也多智人猶今之 定格以爲等積次積等而比較之以爲其位之高下凡學士必由多智人選出博士 **今之狀元也聖人則曠年累世而後一遇其人而得爲之大約聖哲之號多於死後** 千金至百萬之千級以爲歲俸終其身而後止智人徽章用圓形繡其所創之物其大智 甚多方至千百等以益於人用之多少爲差然雖至下等者賞金亦必極多俾其人富而 其賞 服。 **運不能繡者繡以月爲眉弦望之形至十次則爲上智繡以滿月哲人則繡** 則繡大日繞以羣星如天焉凡領徽章多者則盡懸之於身及背猶不足懸則及於手 則衆上其徽號凡得是名譽者衆共尊禮加敬之其創新之輕重大小皆有比例 者則爲哲人其卓絕而不可思議者則爲聖人聖人哲人不爲定例遇有其人公議 金則 也略以千金爲至下位自此等而上之千級凡至百萬焉大智又有歲賞焉 與名位不同凡名位略從同苟非卓絕皆爲智人而已而賞金則分析級 "以日 若 聖 亦自 公推 必 由 數

四二二

其領得· 新之次數爲其級數級皆用圓其爲大智之章則用他式亦視其次數爲層數其別領得 之司而餘人以時與議焉其大智之賞必於是學士之號必於是各度小政府無是權也 仁人徽章者亦按其次數爲級數仁章則用方形按其領章之年爲其級數方圓之次第 時與議焉其哲聖之位號必於是公議其上智之章號亦於是領之博士之號亦於是推 其公政府 之學士博士而爲公鑑員然每業每學皆設專員以司之而餘人以時與議焉可以賞智 之各州皆無是權也凡始創新者隨時呈進領賞贈號亦隨時若學士博士位號則每 人徽章其全州獎智分院則必博士乃得爲公鑑員全州博士盡與焉亦各設專業專學 之士心思才力之用日夜研究之事行遊採訪之意皆創新之是圖無他志焉無他思焉 大智以上之徽章則懸之於冠其死也有功德於人而人思之者則鑄其像以其創 一次。 大仁人之章者亦用他式亦按其領章之年以爲次第焉凡各度獎智局聚全度 之獎智局聚全地博士之盛名者爲公鑑員各業各學校皆設專司而餘 無額惟其才哲人聖人則俟有公舉者無 年限當是時舉全地之人聰明 為秀 人以

茍 競 室之外不患無私宅矣其他車馬衣服什器之瓌偉奇麗與室屋之偉麗自並起競 則 其 疾病之虞無身後之計每日作工數時之暇皆是餘閒魂淸體健比之今人思精慮密神 不 道日見進化而不患退化矣賞金旣巨又有歲 其視今者之製作何止 之士日盡其 **閒氣足何止干萬億倍** 忠其 筝其? 得名號則佩戴圖章樂尊於領獲巨金行樂於時富貴迫人迥非疇昔有若今者之考 新器之出不患不多义不患無有力者之爭購於是銷流矣既有賞金歲俸之富則公 求 人 科第 境遇 漸趨 爭 者焉其得則如今登第 也 神 簡陋矣太平世人 必於創新 心 明之優飽又當圖 思 才力以思創 極恆 乎其競也必在 而又榮名巨金以驅策之當是時之人惟在日思創新而已夫以 河 新。 沙倍也蓋猶天人之視五濁世也豈復今亂世之人所能 書器質之精備 無國爭兵爭之苦無仰事俛蓄之憂無祭 其新 有若升天其失則如今下第 理 獎智乎智愈競而愈出 新器 俸無力者 新 而又有巨 術 H 出 金榮名驅策則 而 义有公助或公代 無 新愈 有若墮淵蓋太平 可 涯 量精奇 爭而 全 祀 愈 上則全 而 地 洞墓之 辨 而優養之。 聰 不 n 明 世 事。 睿敏 思 地 無所 無 而

思議哉其進化之速一日千里豈猶患其退化哉。

第十二章 獎仁

榮當是時人無父母妻子無族孄之養恤無祭祀祠墓之費無疾病之虞無身後之計一 號凡有仁惠之事皆公贈仁人之號差其仁惠之大小以爲之等凡其等高下論次數爲 以勵慈惠之事各州則有獎仁分院各度小政府有獎仁局司施捨慈惠之事而獎其位 時爲男女之交屋宇不待大室玩古器多藏於公除遠遊外幾無以用多金之地然則得 惟智與仁而已智以開物成務利用前民仁以博施濟衆愛人利物自智仁以外無以爲 金無用而又有仁人之榮號徽章以鼓舞之故其時人惟有好施捨而已不止其性之善 也亦其俗制使然夫一人善射百夫決拾衆人好施則風俗隨之公政府於是爲獎仁院。 人而得百重金或千百萬重金或有百十萬饋俸將何用之是時人不爲奴不得有妻因 當太平之世旣無帝王君長又無官爵科第人皆平等亦不以爵位爲榮所獎勵者。

或 此 公德殊 兩 以多爲貴積領十次則爲上仁人積領五十次者爲大仁人積領百次者爲至仁人 號待 **% 絶者則爲** 之公議 不常 大仁人積領大仁十次則爲至大仁人其尤殊絕者則爲大人天人 贈。 其

皆三歲考之其完課無過者皆得贈仁人之號其等類高下賞金多少皆視其功以**。** 焉蓋野蠻之世以殺 爲 同之其醫人尤多而有效者可驟贈大仁人其賞金尤重焉其十院執事人及諸學教習。 贈仁人之號高一等其醫院醫生積歲無過者皆贈仁人之號其等數賞金皆視 **德**則爲仁人大功 執 有 差每歲或三歲一定之其有過者扣除仁人之號其賞 照者皆得贈仁人之號其賞金視其執照之功大小以爲差以千百金爲度其產母皆 過 凡 者。 人本院育嬰院慈幼院養老院醫疾院之看護人考終院執事人領有完業無過 扣除仁人之號其賞 德則爲 人為事最 上 一人功德殊絕則爲大仁人至仁人其有過者扣除之其施 金可自十 重 爲兵太平之世以 百至千萬其爲官者積歲 生人 為事。 金可自百千至百萬或 最重爲醫故其賞之厚亦 有功。 《獎勵亦』 同。 加 其 小 歲 功 功 以

號。當· 捨 者。 大同之世人人皆不飢寒人人皆少疾病人人皆入學校雖欲施甚難其所施捨者。 亦視其功德之大小高下以爲差皆有格焉或積累焉以定仁人上仁大仁至仁之

多購學校之圖書多贈人本院育嬰院慈幼院恤貧院養老院醫疾院之費用多建園林 多置樂院多修橋梁多通道路而已而以闢山鑿荒爲功德之尤大者譬若里息勃斯之

開蘇彝士河則一 凡仁智兼領而有一上仁或多智者則統稱爲美人上仁多智兼領者則統稱爲 舉而可爲大仁人至仁人矣此宜贈金干萬者也且可公議爲大人矣。

人上仁多智並領而或兼大仁或兼大智則爲上賢人大智大仁並領則統稱爲大賢人。 大智大仁並領而兼上智者則可推爲哲人大智大仁並領而兼至仁者則可推爲 上智至仁並領而智多者則可推爲聖人仁多者則可稱爲天人天人聖人並推可合稱 大人。

爲神人。

德不 尙爵也所以使人勉於道德而化其美俗也所以使人化於慈祥而盡於公德也所 凡 議事之位則以職爲序其宴會公集之位次悉以仁智之等爲序蓋太平之世尙

以使人增其靈明而收公益也

抑不足算矣若漢武帝光武唐太宗皆有文明之嚮波及亞洲與拿破崙之大倡民權爲 亮之才擯而不得與也若樂毅王猛耶律楚材俾士麥者則在民賊之列當刻名而攻之 凡其有功於人類波及於人世大羣者乃得列若其僅有功於一國者則雖若管仲諸葛 矣卽前古之敎主聖哲亦以大同之公理品其得失高下而合祠以崇敬之亦有限: 於民者皆可 於世界者也日本之親鸞耶敎之瑪丁路得亦創新敎者也印度若羯摩富蘭那瑪努與 有後世功者也自諸教主外若老子張道陵周程朱張王余眞王陽明袁了凡皆有影響 九十六道與諸雜敎之祖歐美則近世創新諸哲若科侖布倍根佛蘭詩士凡有功 然雖有神聖尊之亦有限制以免敎主合一人民復受其範圍則睿思不出而復愚 尊之。 制焉。

多仁心日厚智識日瑩全世界人共至於仁壽極樂秀慧無邊之境而已非亂世之人所 當太平之世人性旣善才明過人惟相與鼓舞踊躍於仁智之事新法日出公施日

去鼠界治太平

第十二章

獎仁

第十三章

能測已。

第十三章 學校

學人人皆學至二十歲人人皆無家累人人皆無惡習圖書器物旣備語言文字同一日。 會鄉邑之殊但以擇善地爲養生之宜耳故除非洲印度南洋熱帶及近冰海處不設十 亦立學曹以司學務皆有主伯亞旅府史胥徒以司其事當太平之世地地相等無有都 重故大學科專行之至於古史則略備博學者之溫故而已爲用甚少如今人之視務變 時時公議改良固非今日所能預議若其公理乎則德教智教體教之外以實用教爲最 力旣省養生又備道德一而敎化同其學人之進化過今不止于萬倍矣其時學校所敎 會而講求之非公學之所急卽不待公學之教之也公政府有學部以統之各度小政府 生番聊資進化之考驗或爲笑柄而已若名理之奧靈魂之虛則聽學者自爲之或開學 太平世以開人智爲主最重學校自慈幼院之敎至小學中學大學人人皆自幼而

學校習出轉推至學部長若學部長欲議改良學制則合各度學校而公議之公議皆以 院不立學校外其溫帶近海之地則多設之無據亂世學校全聚京都而鄉邑則皆橫健 電話從其多數而行之其學官如父兄其學生皆如子弟蓋以大地爲一家而鞠育後進 不文之俗此不平不同也太平 世地地相同。 地 地 平等不待裹糧遠學焉其學官皆自

第十四章 刑措

以負荷家業也其疇不勉為

愚性觸刑 人之故则 **賭博之事**基 大者矣夫原人之犯罪致刑皆有其由夫人之生而有身有家則不能無困也天也以貧 觸刑犯網刻削肌骨斷絕驅體殃被親族若其損害廉恥敗壞風俗浸薰天性尤其孔子日必也其無訟乎太平之世治主利措乃爲至治傷哉亂世也人民之生惡質 不能忍不能忍 者則有殺 人者矣不治其救貧之原而嚴刑以待之衣食不足豈能顧廉 則有竊盜騙級贓私欺隱詐偽偸漏恐嚇科斂占奪强 索匿逃、

辛

สย์

法倒界治太平

第十四章

而 矣雖有萬億婆羅門佛耶蘇欲捄之而欲絕其欲而必不能使全世界人類絕交合之欲。 也假令能從其敎而絕之則全世界之人類不數十年而盡絕矣則莽莽大地復爲草木。 絕必不能絕則必有淫奸之事自情好强合占奪偸搶以至瀆倫亂宗殺人傾家者有 畏法律哉人之生而有生殖之器而不能無交合色欲之事者天也以天之故則必不

爲 才智復出又相爭矣是徒舉全地百億萬年經營辛苦而得有文明之世界而草莽之其 禽獸之世界矣然使永永爲草木禽獸之世界猶之可也然未幾則獸類進化展轉爲人 大禍莫有過焉比之共縱色欲交合之害過之不啻恆河沙倍矣是故諸教主之教幸

不給豈能顧廉恥而畏法律哉若夫有君長則有爭而傾國爲吳有父子兄弟宗族則有 不盡從之耳若盡從之則人類絕而大禍至矣不善其救欲之源徒嚴律待之彼色欲

貨之爭訟多焉有尸葬則有墓地之獄焉有稅役關津則逃匿欺吞之罪生矣有軍兵則 出焉。 有爵位則有鑽營媚蹈作爲恃力、驕矜剖奪之事起矣有私產則田宅工

而望養責善爭分之訟獄起矣有夫婦則爭色爭欲而奸淫禁制責望怨懟甚至刑殺

軍 毛日 張陷穽而致 之情離乎人之性反乎人之欲遠爲期而責不至重爲任而責不勝凡若此者皆設網羅。 者。以 之方將來之瘳此無量大病者必當行之也孔子曰道不遠人人之爲道而遠人不可以不具醫器難作生當據亂不逢其世有術無具如之奈何今之世藥猶未備也吾思救之 或針灸其孔穴間有小廖而終不能起其沉疴而至於長生也滔滔數千萬年往者聖哲 已矣哉雖有良醫如婆羅門如耶佛及希臘諸哲暨於近哲方亦多矣而深 諸教主之號稱聖者不過如巫者醫者之治沈病然鐃鈸並作燈燭雜陳或拔除其不祥 **河道莊子論** 事俛畜之累無病苦身後之憂無田宅什器之需無婚姻祭祀喪葬之費孑然獨立之 議輕 尤嚴重殺人如草芥焉有名分則上之欺凌壓制下之干犯反攻起矣此外違乎人 生人 刑如慈母日講道德如諸聖主終不能救之也無具甚矣諸帝王之號稱仁 不堪故也今諸聖主之道其亦有離於天下而生人不堪者耶惟大同之道無 人入於刑興人於訟者也人道所必不能免也不知治 墨子曰離天下之心生人不堪離於天下其去王也遠矣墨子之敎不能行 此而 日 張法 山僻野藥材 律如 4

私、 向 而 上即謂 y. 欺隱詐偽偷漏恐嚇科斂占奪强索匿逃賭博乃至殺· 入 於恤 少有二十年 貧院 人性無厭貪心易起則又經累世大同之化傳種改良則無復有竊 者。 倘 學校之教長有專門生計之學老疾皆有所養作工僅三 不患無所 養 X也若稍有E 所 犯終 身不齒 人謀財之事則凡此諸訟 無 所 迫 |而爲之何| 數 **盗騙**以 忍 時。 自 其 (無業 悉 絕 無。 於

犯之事 諸 離。 約 所訂。 既 刑 無 悉措矣太平大同 親屬。 長 矣夫人稟天權各有獨立女子旣不 可繼續 人人相等夫寬游堤以待水泛則 而 終 身短 之世男女各有獨立之權有交好而非婚姻有期約 可 來復 而 易人凡有色欲交合之事 可爲男子之强力所私其偶相交合但以 無決漫之處順乎人情以言禮 **州**歡 則 相 合。 而 律則無淫 兩 非 夫婦。 僧 則 各 相 期

堅城 天性。 若 適 召 夫牝牡之形譬猶鎖鑰之 炮 攻立崇隄者適 來水 機。 決必不能防不 納指 於口。 流 涎於地 如 平 一之故不是 何 웲 ·若 法律。 無 而 城 待設嚴 無 堤之蕩蕩 防 哉築 也。

並立 一時所可有哉故大同之世交合之事人人各縱其欲而給其求蕩蕩然無名無分無 ·侍妾則 爲 義。 女有 [ii]背則 爲 好。 故嚴 刑 峻法。 一特爲男子之私設之耳豈 大同

辛部 去鼠 界治太平 第十四章 刑措

立。 列此在教師之訓導又在友朋之激厲苟不謹而犯此雖不速於刑獄亦當見擯淸議削 自由之義乃行之於二十出學之後若在童男童女之時身體未成方當學問受公政府 事 惡風皆出於中世淫律過嚴之時人有欲而無所洩故致犯此若太平之時人得所欲何 減名譽此爲冒犯學規不隸刑 之敎養未有獨立之權亦無自由之義不獨强奸之有害亦交合之損身自當在禁防之 律復類上古以人不爲惡不須預防也女色旣易固可無犯然美男破老固又有好男色 矻 強 雖索格拉 逼淫之名無親無屬故無復有亂宗瀆倫蒸報之惡又安有帷薄之訟淫奸之刑哉惟 矻 所 無限惟兩情之所屬人人可得故無復有强合占奪搶爭之事人人可合故無復有和 以制 以預防爲非太平之世苟尙有惡欲若此者必非自好之士亦必不畏法律故 好童幼尙絕無滋味之事可不待防若果有之付之公議以言其罰可也蓋法律之 刑 書也他事倣此蓋古世法律未立議事以制中世有法 底已冇之矣雖非陰陽之正或於人身有損然好色亦未有不損者。 司焉至强奸童幼有損身破體者本當予以嚴刑惟 律以防奸恶太平無 人情既 無 此 須

矣蓮華 許 則 孔子 自 Щ° 之有 荷 生親鸞及瑪丁路得公然在 非 妻。 亦犯戒律當際地 則 獄矣孔子言 佛耶界內創新教 不孝 無後爲 而行淫然天 大。 則 佛 下亦無 那二 文 《有非之者》 主。 亦 佛 犯 法 戒 戒 且 律

多從之 人 者則 故 知 善恶 者。 寫 ,非無害於人者則爲是昔之禁男色者恐好於彼而惡於此慮害嗣。 西 難 藏 定是非隨時惟是 紅教居: 大半皆居蓮 非善惡皆由 華。 本 親鸞 人生公理亦 教從者人 過千 由 時 -萬路得新 定。 我儀 圖 之凡 教則 續。 有害於 而寡 過萬 入 萬

類。 故 禁之太平之世男女平等人人獨立人人自 曲。 衣服無異任職皆 间。 無復 男女之 異。

若 懽 以淫 論。 論 則 女與 男女之交及兩 男交男與男交一也其 男之交皆到官立約以免 時 人太安樂不 他 忠人類 爭。 惟人 之不繁 與 熠 变 則 無待 大 亂 過 靈明之 慮。 其 有

種。 ED 先[。] 以至退 度 有 古 交 普 獸者殺與周公之羣飲勿佚盡拘以殺同慮以惡種亂靈明之種也則其時獸交 化。 有 驢 則不得不嚴禁矣太古之世獸交最多人之本 仙 人尙 未 大脱獸 ·交之俗猶· 太女子 成 人至 始亦自靈獸之交展 今先與羊交故 摩 四 立 轉 法

不能 子類獸 之獄無爵 逆不 之俗 備 猴 此 色欲之爭奸淫之防禁制責望怨懟離異刑殺之禍, 極香美豈能復與獸交哉義當無之 亂 犬交者蓋 閉門與交其生豕多有人頭者又稱有婦 無尸葬。 道然究其所 盛 脫。 大同 種之不道若在大同世但在情懽絕無禁戒則人得所欲以文明之人類起居飮食 者 前 矣中國文明已久早無此風故律無明文然今各國所傳其交猴。 位。 無 不 年加拿大女子生狗登於報紙紀曉嵐閱微草堂筆記稱一 邦國。 多矣此 則無有恃威怙力强霸利奪鑽營倭詔之事無私產則 絕羨殺鳥龍臥 則 無 有墓地 故 人。 無有 皆由 於保全人種之大義最爲悖反若有此者應科 乏訟。 中世 軍法之重律 S錦茵李義 無稅役關津。 禁淫之律法過於崇嚴而人欲之大發有不 無君 可不立 山之所 主則無有理 則無有逃匿欺吞之罪 與馬交而死有男子與牝 禁若有犯此者公議恥 爲 詂 無宗 心。 香港某 犯上作亂之悖 親兄 第則 **氏婦畜** 無名分則無欺凌壓 無 無 非常之嚴 一何某者音 ··有望養· 事無 絕不 有田宅工商產業 牛 犬 交而 大豕 丽 齒 夫 미 與 婦。 於 禁故 責善爭分 律視 死。 牛 臥 大約 則 牝 人 起。 馬 可 也。

至

爲

大

畜

火

而

生

無

有

無罪 制干犯反攻之事除此以外然則尙有何罪尙有何刑哉我思大同之時或有過失而必 恶 心也其過失る 爲 何於一 業 一職之中或有 失職誤 事者焉或有失儀過 語者焉。

或不能 之非禮者皆歸其本司依例敎戒或少加罰鍰極矣卽兩有諍論 不 而無干刑犯律也自職規之外立法四章而已 人人皆有士君子之行不待理矣故太平之世不立刑但有各職業之規則有失職犯規 待刑訟者也故大同之世百司皆有而無兵刑兩官其各業各職之失誤者失儀 年學校之教化行俗美之休人性旣善精力又强其殆並失誤而無之必謂有之此亦 無則公請評 事 人定其曲直不須設官理也故太平之世無訟大同之世刑 亦君子所有太平之世 過語 措。

第十五章 四禁

有恤貧院以收之若人人如此則百事際壞機器生鏞文明盡失將至退化故情之爲害 第 禁懶惰。 太平之世園林音樂男女同遊飲哺歌舞人太逸樂卽不作工

天地之間也公家既教養人民二十年人民亦當報公家二十年故四十歲以前不許出 出家實爲失報施之理况今公政府乎夫投桃報李欠債償錢此爲公理之至無 之世人之生也養之公家二十年豈可空受養而逃之雖在佛法曾受父母之養而 鍊精魂深山獨處草衣木食與世長辭者此爲出世有道之士本不能科以世法但大同 **皆當議罰蓋大同之事業治化皆以衆人公共任之一人不任職則一職有損卽有好修** 名譽再久則不得充上職其入恤貧院則作苦工苟非富逾巨萬銀行有憑者久不作工 以 大同之世復還於亂世其害莫大故當嚴禁有惰工者計日罰鍰若過經月則 可 逃於 飄然

放是時 孔子所謂見羣龍無首天下治之世也若首領獨尊者即漸不平等漸成專制漸生爭殺 而復歸於亂 第二禁獨尊 有欲 爲帝王君長者則反叛平等之理皆以大逆不道第一惡罪公議棄之圜土 世故無論有何神聖據何職業若爲黨魁擁衆大多共尊過甚者皆宜防抑 太平之世人人平等無有臣妾奴隸無有君主統領無有敎主敎皇

家修煉過茲以後乃聽自由。

去鼠界治太平

第十五章

其 甚 然太平之世人智濬發欲爲君主敎主 也。 其 地 恐 八禍害不 分極 刨 雄 球 有摩 有 有 大 才大略托醫挾術以講道收衆則由地球醫長爲地球大統領由地 皇帝 難擁衆惟醫 神靈絕出之人以敎主收衆亦當禁絕蓋敎主雖仁智覆衆非出害人而尊 西 可勝言此不可不立嚴律以預防之也故凡有獨尊之芽宜衆共耡之不 王君長卽不 馬哈墨之倫假教主而爲君主則專制復 是秦始皇復 生之權最 平等卽生爭 出而將 大而 挾權恃力炎書坑儒以愚黔首則太平之極 人身多托 殺而反於亂 者甚難 必無是事 命焉。 世凡成 或 成平等必亂义將復歸 有靈異絕出之人 然不可不預防之計 一人之尊必失公衆 球大教主 如 拿 復爲 破崙 其 於亂 太平之樂 時 據亂。 者以 而 世也。 人 長

始 原 有身只知有身而自私其身於是爭他身之所有以相殺其後有家則只私其家於是 人之始所以 一禁競爭。 **戦勝於禽獸而獨保** 人之性也莫不自私夫惟有 人類。 據 有 全 地。 私故事競爭此自 實賴其有自 私競 無始已來受種 争 致勝 之功 也其

毒。 餘 利。 甚 物 則 有以 爭 相 國。 於 本 者遂 强 若 有 矣夫 創 殺。 他 有 家之所 者之一人則卒爲 循 愛 相 口 天 (天演者: 復 揭 演 之中。 國。 得 天 質 殺。 之說。 以强 發 演 則 而 日 有以 之壯 之例。 擴 月 一於同 而 充之。 凌弱。 無能 無知 以 而行賢者皆奉之而 老之時 則普 爲 其 體 相 國於是爭 遏之不 因以 之物也人義 同 天之使然導人以 以勇欺怯以 殺。 胞。 大鳥獸所食 大 有 哉。 裁 地 姓族 爲 ·得已 大同 成 有 人 大害豈 類。 天 他國之所有以相殺 部 之 者 道。 强 者。 詐 落則 世。 也。 而 者 輔 不 欺 有性識之物 己且是義治 若 《愚以衆暴》 bl 無 凌 相 恥於是全地莽莽皆爲鐵血 競 只私 復播此惡種以散佈 異類。 在 弱。 天 爭爲 大同 宜。 互 其 無 相 而 大 姓族 之世則 止 義。 異 也在昔者異類 也人道所以合 吞 寡。 一於至善 國。 其妄 於是 嚙。 有 部落於是爭 皆 日 種。 爲 同 事 競 謬 則 過 體 兵戎。 極 爭 而 於世 於大 去 同 爲 有 至 相離。 胞 如鬭 羣。 古 其 他 ----界哉夫 同。 恶 種。 所 此 也。 令 知 姓 之物。 競 乃能 以能 其 於是爭 諸國並立之世 鵪 世 半 族 鶉。 大罪過: 爭 界 解。 部落之所 如童 然其 據亂之世人 者。 大 太 公共之至 如 平者。 於 衆 達 他種之所 手 於洪 異 卒 得 爾 類 帶 以 文者 也。 有以 其 異 僅 其 痘 獝 水 恶

光也勃怒者巨炮攻爭之氣也囂譁者對壘爭聲之影也太平之人有喜而無怒有樂而 亦無有競爭者矣其競爭者惟在競仁競智此則不讓於師者雖然作色者流血大爭之 **尙私爭升平之世人人各有度量分界人不加我我不加人故大同之世視人如己無有** 器之議者則反太平之義亦以大逆不道論公議棄之不齒焉 **岭**喊貨恶其棄於地也不必藏於己力惡其不出於身也不必爲己當是之時最惡競爭 大恥報館引爲大戒名譽減削公舉難與焉若其弄兵乎則太平世人決無之若有創兵 無哀其競爭雖或有之則不能不嚴禁焉凡有爭氣爭聲爭詞爭事爭心者則清議以爲

第四禁際胎 見人本院篇。

王部 去類界愛衆生

苟似我者則愛之矣甚矣愛類之大也孔子以祖宗爲類之本故父母子女者愛類之本 **豊不以類之故哉是以胎孕而生者苟有生蛇犬異類之物則必撲而殺之卽子生之耳** 大義號於天下能愛類者謂之仁不愛類者謂之不仁若殺異類者則以除害防患亦號 也兄弟宗族者愛類之推也夫婦者愛類之交也如使與獸交者則不愛之矣自此而推。 目手足少異者亦多不養焉然則人之所愛者非愛其子也愛其類己也故螟蛉之敎誨 則愛之養之惟恐其不至矣生蝨則殺之絕之惟恐其不至矣均是所生也而愛惡逈殊 不同狀貌體格則惡之殺之是故子者吾人精氣所生也蝨者吾人汗氣所生也然生子 之爲仁夫所謂類者不過以狀貌體格爲別耳與我人同狀貌體格則親之愛之與我人 種耳當太古生人之始只知自私其類而自保存之苟非其類則殺絕之故以愛類 人類既平等之後大仁盎盎矣雖然萬物之生皆本於元氣人於元氣中但動物之

壬部 法類界愛衆生

之朋友者以類之同聲氣 而愛之也君臣者以類之同事勢而愛之也鄕黨者以類

摩西馬 天生萬億兆物之中僅私一物愛一物保一物以私一物愛一物保一物則不憚殺戮萬 **諸聖乎耶穌乎祚樂阿士村乎索格底乎言論** 爲限因而經營之文飾之制度之故殺人者死救人者賞濟人者譽若殺他物者無罪救 濟他物者無功盡古今諸聖聰明才力之所營不過以愛其人類保其人類私其人類若 居處而愛之也爲邑人國人世界人以類之同居遠近而爲愛之厚薄也以形體之一 哈麥者以立國爲事自私其鄕國率人以食人其爲隘陋殘忍不待擯斥卽 心思之所注亦不過私其同形之人類於 中 國 類

物矯揉萬物刻斷萬物以日奉其同形之一物其於天也於愛德也所得不過萬億 也其於公理也於愛德也所失已萬億兆之多已乎已乎公之難乎愛德之羞 僅愛其同類同形之物則虎狼毒蛇但日食人而不聞自食其類亦時或得人而與其 共食之蓋自私其類者必將殘刻萬物以供己之一物乃萬物之公義也然 乎。 剿聖 夫將 兆之

人之與虎相去亦無幾矣不過人類以智自私則相與立文樹義在其類中自譽而

供博 年之據 天視之其可 所謂 他物亦然故人者私而不仁之至者也所謂盜賊者能殺人而建其私家之功故官刑之名義蓋皆由於人之狡智哉夫立國者必以背己者爲賊而以誅除異己者爲功人之於 肉。 可 龍 全 鳥 地皆爲 . 衣鳥獸之皮剝削草木雕 而 有 跡交於中國故風后力牧殪大風而殺揳渝益烈山澤而焚鳥獸周公驅虎豹犀象蛇。 而 豪傑者能殺人以建其私國之功而聖人斥之聖人者能 人忘之耳久之又久於是虎頂不仁之名而人覓仁義之名其實人者日食鳥獸之 異之考求而已自餘蕃孳皆豢養之馴物若牛馬羊豕犬貓等非有與人爭殺者也 絕 放之以爲大功蓋不殺鳥獸則人類絕不得存矣豈特無望於大同而欲求 亂 可斥 人居鳥穴獸窟捜焚淨盡恶獸毒蛇其無遺種矣雖有猛獸亦皆圈之囿中以 類之大不仁則殺之宜 世。 亦安可 一也雖然殺鳥獸者亦人之有不得已也夫以太古大鳥大獸之期獸蹄 得哉。 以親疎之殺言之兩害相形則 刻土金不仁之尤莫有大者虎曾不得人之萬一而 也雖有殺根存於種 性。 取其輕寧有 而不能顧 殺物 也。 而建其私類之功在 至於 殺獸 大同 之不 世子則 此 顚 倒

矣亦不盡 以 樂 也。 之口腹日屠殺之熟視其觳觫宛轉哀鳴而 供 乎亦非也日常食之不識其美以爲樂也以爲有大益於人而足補精健體乎是似然。 以爲權 獸令其痛苦呼號以博我之一飽哉以一飽之故而熟視鳥獸之痛苦呼號上背天理。 人用者也且牛馬犬貓之知識靈明其去人蓋不遠矣其知痛苦亦甚矣而縱 一也日本人只食蘿白而亦精健印度人亦多不食內而亦强健則亦 其輕重不得已而殺之以救 人乎則亦非 不顧以爲 也。 與人爭殺而自保其種 供口腹而已以爲 、味美 類乎則 何 必日殺 而足 非

下種殺根其不仁莫大矣

下之好 能行也故孔子有遠庖廚之義不能至於至仁也但勿使殺根種焉亦不得已者乎孔子 |矣哉雖然 且食 故婆羅 也。 人 肉。 **〕雖苦不捨也仁人也夫吾好仁者也主戒殺者也嘗戒殺一月矣以今世必未** 未至其時而發高論 門佛者人道之至仁也無以逾之矣印度人見蟻不履見虫不殺其餘化亦 何有 於鳥 獸乎雖爲大仁施之少躐等矣亂 必不能行也方當亂世國與國爭 次濟矣雖然婆羅門佛者 家與家爭 人 與 眞天

矣大同之世至仁之世也可以戒殺矣其時新術並出必能製妙品足以代鳥獸之肉而。 親升平仁民太平愛物此自然之次序無由躐等終於愛物則與佛同矣然其道不可易。 衣之斯爲大同之至仁乎 合全世界人而戒殺矣其視牛馬犬貓如今之視奴僕親之愛之憐之恤之用之而食之 補益相同者且美味尤過者當是時人之視鳥獸之內也猶糞土也不戒殺而自能戒矣 之道有三先日親親次日仁民終日愛物其仁雖不若佛而道在可行必有次第亂世親

其殺根也斯亦於不仁之中有仁在焉亦遠庖廚之推類至盡也 苦耳今既不苦則鳥獸終有死之日雖不得終其天年乎然於彼無苦而在人亦不致植 之其殺之也以電機殺之不使其有呼號痛苦之苦夫所尤惡於殺而惻隱所生者在其。 當代內妙品之先必不能絕內食也於是量全地人之所食而牧部量地畜牧而供

留其一二種以考物種皆由人飼養之各因獸所生所樂之地爲之堆山穴石以處之而 當 大同之世全地之獸皆治及之其惡毒而噬人者絕其種焉各地皆有生物院或

四三

以鐵欄 獸與人同宗而才智稍下遂至全絕此則天演優勝劣敗之極至也 地之大自生 圍之焉其數取足供全地生物之院而止生物院皆置於山中否則假 物院而外無復有猛獸者矣只有馴獸耳蓋至是全地皆爲人治之地矣夫 山焉蓋全

必通 以人道其仁愛之至歟。 以供玩樂蓋人治極强受其馴擾者則生存而孳其種不受馴擾者則掃除而絕其種亦 鹿之奇大而馴鹿之文明皆人所愛畜者其種亦繁孳不須約束聽其遊於園囿山原間 而已當是時猴鸚爲上牛馬犬貓次之此則人多畜之滿於全地其種最盛若象及剛角 人治之不得不然者耶凡茲豢獸皆用而不殺死則化之孔子以敝蓋埋犬敝帷埋馬待 其語則供僕從使令之用鸚鵡供傳言歌舞之用蓋人等皆平則惟奴使馴獸靈鳥 其 刷獸若牛馬則爲駕重乘躍之用犬貓則爲娛弄隨從之用猴則尤靈至大同時

樂也若其大鷹雄鶻力能殺人者則捕絕其種焉此爲保人類所不得已也若其孔雀白樂也若其大鷹雄鶻力能殺人者則捕絕其種焉此爲保人類所不得已也若其孔雀白 鳥盈 天空旣戒殺生則聽其飛翔歌舞以流暢天機之行點綴空中之畫皆供人之

壬部 去類界愛衆生

於昆 鶴秦吉畫眉聲色可娛供人豢養由來久矣大同之世園林益多游樂之人更衆 尤盛焉鳥與人遠宗而依天不依地與人不爭故其類多全焉鱗介類之生下於鳥 沼澤嬉嬉蛤蛙之類當得比例惟黿鼉蛟鱷之大者時能殺人則除之凡治鳥獸之大例 虫而皆有知必亦痛苦是皆衆生也與人爲遠宗耳既已戒殺一律縱之龜鼈。 八則此物 默。 上 遨

大同之太平世也進化之漸也魚以其知少也是故食肉殺生大同之據亂世也電機殺獸大同之升平世也禁殺絕欲魚以其知少也是故食肉殺生大同之據亂世也電機殺獸大同之升平世也禁殺絕欲 故 戒殺者先戒 殺牛犬馬以其靈而有用也 | 次戒殺鷄豕鵝鴨以其無用也終形

其害人者則除其不能害人者則存之此通義

也。

人者許殺之是亦不得已也若未一 人其疾病多矣是與印度 然則如佛之一 則亦 不 須殺之矣雖然人既爲人既有身有形矣滯於形 切戒殺乎亦不然也虫則游於地上無地無之若必盡戒殺 無異也人之自保其 切虫虱之類是時亦必有新藥能令虫虱自不侵犯 類亦不若是其迂也今定一律 矣有所限之矣雖欲 凡有犯 颠 虫能

鳥能 盡吾仁雖欲爲愛鳥 能盡吾愛萬物之形有 大有 小其大· 有 盡。 而其 小 則 無 能

也蟭蟆 生物 則 佛雖 大同 之巨 生 物 見 之大。 萬 倍恆 微 者 之世顯微鏡之精拓於今日不 無 不 心是亦 、巢於 假 史 於 飮 生 數。 物。 河 將 蠕 生物 令 水。 舉足揮手 蚊 蠕。 沙 如 而 不 不 有圓 不能不 · 當 負青 無量 加 生 崨 見 物 不殺之乎仁乎仁乎終不能盡故孔子上遠庖廚生乎 前 者 取 含有長者 而 數 蚊 天之大鵬矣滿 也佛者號戒殺而日殺生 而 吸氣 飲之佛謂 ·而殺蟻· 也謂彼爲么麼無知 爲 不 知。 人 八个夫瞧蟆蛤 也氣 也。 有輪 則 史 有呼 亦 無數蓋吾自 不 知幾億 見即 空盡皆微生物 而 可 吸即 \物之至: 殺之 角者。 可 乎。 物 飲。 ,乎而顯微鏡視之則過 兆京陔秭倍今之視蟻如象矣異日之視 有翅而足者干怪萬 謂 有殺生矣吾不能遁於氣 蓋 夫 無數矣昔者佛命阿難。 大 (佛言衆 並 奸 者 也今置滴: 水不 仁而 也以人之宏巨一 飲實 **火生但當論**: 自 有 不可 生 水 彙跂跂縮 於杯。 以 來殺 行。 生 於龍象矣是亦 以鉢 欠呻 故 物 而 外而 生乎終必有 佛 不 微 以顯微鏡 為 取 生 嘘 縮。 生 不 遁 物。 水。 吸。 物 不 吸之。 阿 能 詞。 不 不 而 當論 抑 衆 難 殺 盡 知 視 卽 知 微 微 生 經 也。

之仁戒殺之愛置之天天之中其爲仁不過大海之涓滴也夫雖然諸天之內諸天之外 已其不可行者雖欲行之不能不止矣吾仁有所限矣吾愛有所止矣已夫已夫雖大同 故佛限於不見已乎已乎生生無盡道亦無盡惟其無盡收以盡盡之故道本於可行而

爲仁者亦無以加茲。

四四〇

去苦界至

華食則爲之烹飪炮炙調和則益樂服則爲之衣絲加采五色六章衣裳冠屢則益樂居 之飽之飫之則樂以風雨霧露之犯肌體爲苦則披草樹織蔴葛以蔽體焉不得則 之益覺亦無量二者交覺而日益思爲求樂免苦之計是爲進化 欣快暢者也其不得是樂者則以爲苦神結體傷鬱鬱不揚者矣其樂之益進無量其苦 則爲之堂室樓閣園囿亭沼雕牆畫棟雜以花鳥則益樂欲則爲之美男妙女粉白黛綠、 而服之則樂以不得人欲爲苦則求妃匹擁男女不得則憂得之則樂後有智者踵事增 熏香刮鬢霓裳羽衣淸歌妙舞則益樂益樂者與人之神魂體魄尤適尤宜發揚開解懽 當生民之初以飢爲苦則求草木之實鳥獸之肉以果腹焉不得肉實則憂得而食 憂得

其耳目心思焉制爲禮樂政敎焉盡諸聖之千方萬術皆以爲人謀免苦求樂之具而已 聖 一人者制器尙象開物成務利用前民裁成天地之道輔相天地之宜 去苦界至极樂 以左右 民竭

矣。 無 他 道 矣能令生人樂益加樂苦益少苦者是進化者也其道善其 於生人樂無所加。

而 苦 尤甚者是退化者也其道不善盡諸聖之才智方術可以一 者 斷之。

雖 然聖法之爲苦樂也循環以相生則視其分數以爲進退焉聖法之爲苦樂也因。

時 而 異境則權其輕重以爲去留焉

點綴 形 百千 殊式。 萬之室備作數等以待客之有貧富者其下室亦復珠璣金碧光采陸離花草 幽雅若其上室則騰天架空吞雲吸氣五色晶璃雲窗霧艦貝闕珠宮玉樓瑤殿詭 大同之世人人皆居於公所不須建室其工室外則有大旅店焉當時旅店之大有 不可形容而行室飛室海舶飛船四者爲上矣 · 虫 魚。

擇得。 行屋 之 大廈精室然以電 之遷遊蓋室屋之滯礙而不動旣無以吸天空之淸氣又無以就山水之佳景偶能 行 室 者通路皆造大軌足行大 納清佳此數千年之所苦也惟屋可遊行則惟意所適或驅就海濱 氣駛之處處 可 車車 通蓋徧地皆於長驅鐵路外造此行屋之大 之廣大可 數丈長可百數十丈高 可數 、軌以聽 丈。 如

亦難徧

而

挹海

癸部 去苦界至極熱

或 氣。 世 室 就 則 居。 林 島 太平 嶼滄 野而棲遲則草木淸瑟 世 茫。 或 剘 復 駛 爲 向 遊 湖 國。 邊 如循環焉若夫爲 ŽĽ. 二屋之小 湄。 而 飫 波 享樂無窮泛宅浮家於馬 光則天雲渀瀁。 大舟以 **一**娛遊。 或就 泛海 山 船以跌荡 中面 娱志蓋太古游 聽 瀑。 此則易見矣。 則 殿 谷 牧。 刚 #

之故太 數 旅 凝 店 ·
文游 成 膏飄飄乎不羽化 飛 平 備。 屋 之世。 其餘 行 飛船 2空中備攜 者。 人 Ŧi. 無建 步一 汽 球之製旣精 而登仙焉。 樓。 食品。 私 干步 宅者。 從容 雖 一閣蜂房水渦幾千 大富 然是但供遊行。 眺 則 詠。 日 **俛**视 貴逸老皆 推 H 下 大。 界都會. īŋ 居 不能常住者 繑 萬落。 旅 小 店 如垤人 室。 大小高 而 小船 已。 也凡茲行屋 民 4-下。 數 如 拱交繡 錯聽: 蟻。 丈 者。 山 嶺 再推 飛船一 如 廣 涌 波。 則 切 汇 爲 租 大 海

矣蓋太平 大鵬黃 愚之反 間 鵠。 或 也。 之世人 夫 草 智 舉 士。 創新 木 八好行遊不樂常住其與創新領賞財富巨盛亦口 里古 至 一思者故 世老死不 繁而 ·出郷者· 不 其與古世 動。 八月自 羊 如草 豕 之愚勝 創 百里 木中世遊行 行 屋。 於草 放 鷄狗相聞而老死 浪 於 木能 加 山 羊 嶺 動 而 水 太平世 涯。 不 不相往 能 而 致 無 颠 遠 有 者 來最 如 爲 大 也。 坐 若 有 尾 者

皆置 以 宜 鵠 焉。 怡 其四壁及天蓋地 凡公所客 機 神 器。 魂 激 而 暢 水 生風。 心靈焉 店 私 凉 屋。 製造 論定 板綸 氣 砭骨。 交繡錯花 形 冬時 求按 式。 皆 樂以 背 之上 以 2卉人物¹ 合 道總 通 熱電。 於衞 日月能 不置 生爲 火 且° 變皆如生者中皆藏樂撫機 爐。 必 暖氣 經醫生 襲人令氣候皆得 評 可。凡 公所 旅 養 店。 節作。 生之

物。 攜 里自 挾品 並 百 华 焉。 大 非遠 或借 馬 物。 同 之世。 不須費力大加速 亦 途 無 電 鐵 所 力或鍊新質 水 用 路。 有 之。 或只以載 自 行之舟流 飄飄如遇 率之妙其速率此於今者或百千倍焉其可增 陸有 重焉其牛馬之車但資近 自 風焉。 行 之車。 入人 今自行之車 挾一自行 地 載物之用。 車幾 ·已盛 叫 矣。 無遠不 選日 且 新 或 坐人 屆。 電 有 瞬 車。 坐 (數者或 息百 可 臥 以 從 數

故 偉 大同 麗。 其 大 之始居· 大舟 小 舟皆 上。 一並設 山 電 頂其· 運。 設林亭魚鳥花木歌舞圖書佛連不假水火一人司之破浪千 (中居 水中其後居空中上 害備 于 極 舟安 里。 娛樂故 其 車離 疾 之按 樂以 捷 亦有千一 人亦多舟居以泛宅浮家焉 百倍於今者其

機器。 代之以機器爲鳥獸之形而傳遞飲食之器私室則各有電話傳之公廚則可 送去來食堂四壁皆置突畫人物 食桌下爲機自廚輸運至於桌中穹窿忽上安於桌面 遞入 大同 、私室。 之世只有公所旅店更無私室故共飲食 聽 人所樂其食品聽 如 生音樂交作則人物交舞用以侑食其歌 人 擇 取 加 給其費· · 列座萬千口 大同 則機復合撫桌之機卽能開 之世 日 日皆 無 奴僕。 如 無遮大會 切 舞皆 飛遞。 皆 以 合運 亦有 或 機 於 葄 器

品。 精 用 1只用精: 、蒸氣者其精汁多和以樂魂之品似印 汁之時凡血精皆不走漏以備養生以其流 大同 之世飲食日 汁 汽 水 生果 而已故· 精。 漸 取精 人愈壽定 華。 而 棄糟粕當 度麻 飲安 食謹 華。之按 及 質銷流至易故食日多而體 樂以 酒。 有新製令食品皆作精汁 而於 人體無損性 加醉樂故其時食 日健。 如 藥 其 水 水皆 焉。 取

善

事以導

迎善

氣。

肉。 加 至仁成矣獸與 大同 之世。 新 製 人同 日 出。 則 本而至親首戒食之次漸飛食鳥次漸飛食魚爲 有 能 代 內 品之精 前 大益 相 同 者。 至是則 可 虫魚與人最 不 食 鳥 獸之

故食肉之時太平之據亂世也戒食鳥獸肉之時太平之升平世也戒食虫魚之時則卵 新當有代者到此時豈有復以强凌弱食我同氣哉是時則全世界當戒殺乃爲大平等。 國 衆生皆爲平等人以其狡智以强凌弱乃以食鳥獸之肉爲宜然徒以太古之始自營爲 至是而吾愛願始畢 先故保同類而戕異類乃不得已然實背天理也婆羅門及佛法首剏戒殺實爲至仁但。 生胎生濕生皆熙熙矣衆生平等太平世之太平世也始於男女平等終於衆生平等必、 爭未了人猶相食何能踰級而愛及鳥獸實未能行也若大同之世次第漸平製作日 又最愚故在可食之列然以有知而痛苦也故終戒之蓋天之生物人物皆爲同氣故

獸有 出 且若並草木而戒殺則人將立死可三日而成爲狉獉之世界野獸磨牙吮血偏於全地 也若吾無知吾亦不仁故手足麻木者謂之不仁實不知也故仁之所推以知爲斷鳥。 知之物也其殺之知痛苦也彼旣無知吾亦無所用其仁無所哀憐 草 木亦有血者也其白漿卽是然則戒食之乎則不可也夫吾人之仁也皆由其智 也故不 必形殺。

其時 化 仰革以便走貼 而 樂在其床焉皆仁智吉祥之喜事神仙天人之懽喜者也男女搆精萬物化生實爲 長 而 人道之本始宜皆有節奏廉均淸濁高下以應節 內以 故 短 却寒納涼者自此之外燕居遊樂裙屐蹁躚五宋雜杳詭異形製各出新器以異爲尙 耳衣之從同者裹身適體得寒暑之宜藏熱反光得養生之要帽之前簷必蔽目。 須經數千百年變化慘苦而後成文明豈可殉無知之草木而斷吾大同文明之人種 霧殼珠衣自有新物非人所能擬議矣上衣服之樂 草木可食上論 大同 大小惟其意夕而臥息皆有輕微精妙之樂以養魂夢若夫男女交合則有房中之 大同之世衣服無別不異貴賤不殊男女但是人也無不從同惟仁智異章以 正生人 .之世什器精奇機輪飛動不可思議床几案榻 之本則生人之傳種庶皆中和明妙焉其他舟車之奇妙敏急用器之便 身而裁以作工戴章而榮以行禮時雖嚴寒盛暑必有一新製足以一衣 戒謹 殺按 以 合拍蹈 中履 莫不藏樂屈伸躍動樂聲鏗然。 和。 庶幾外以極 人欲之樂 全地 層之 厲

進

之明 巧 **詭令人驚猶鬼神之在左右使人不敢爲惡則善行自進蓋觀於鐵路所通卽文明驟進** 省事日有所進于百萬倍以省人之日力日力心力記事者殆不 智 亦日以進焉交相爲 用其益莫大用器精可以調察人之行事令人 可量也用器進故 難惰難偸難

大同之世自髮至鬚眉皆盡剃除五陰之毛皆盡剃落惟鼻毛以禦塵埃穢兒用器之關於進化如此用之樂 之人剪髮太平之人文明之至也故一毛盡拔六根清淨是故多毛者去獸不遠者也少剪而留之蓋人之身以潔爲主毛皆無用者也凡鳥獸則純毛野蠻之人體亦多毛文明 毛者去獸遠而不離近於獸者也惟無毛者超然爲最高明之人矣 氣。 則略

而因以爲退讓致敬之禮然於近冰海寒地實不可行行之必傷人此非可爲通行之禮 本身之肢體而假於外冠實不便之尤也中國古者刑人有罪亦免冠蓋自取卑辱之意 熱帶也或謂剪髮而少留寸許可以護腦此爲歐美免冠之俗言之也夫行禮 今歐美少女披髮數尺尙爲野蠻之舊俗惟其剪髮先於中國矣印度最先者以其 而 不用

叉不損人乃可 #:0 近 也。 自 眉亦殊汚亂皆當去之於是男女皆熏香含澤日浴數次體氣香潔清淨妙美傳種旣久 也。 人 於獸則知清香華潔而遠出於獸矣所謂惡亂者汚也所謂文明者華潔也故太平之 然香潔今亂世之人以香澤爲婦女之事此以玩具視婦女而 旣 夫獸豕最汚者無論 人皆 不 須発冠。 色相端 全無否則薙之勞不如剪之逸也太平之文明必有妙藥一毛不留矣鬚 則 好潔白 不 須護腦矣惟鬚髮日出 也野蠻又最汚者垢面 |如玉香妙如蘭紅潤| 日 臭口臥地 · 薙殊煩必待有新藥製一 如桃華美如花光澤如鏡今世之美人尙 便旋餘穢迫人知野蠻汚垢之 不以文明之高物 塗而 髪不 自 復

草 亦然且帶香氣。 雲 物以噴 太平世之浴池純用白石皆略如人形而廣大數倍滑澤可鑑、太平世之醜人也香之樂 水冷熱惟意水皆 不 須 別置 | 熏籠 心其 **有妙藥製之一浴而酣暢懽欣如** 行浴次 、數及其 時。 則醫 生隨時 飲館酒 定之。 可盤曲坐臥刻鏤花 垢膩立 盡。

不及太平世之醜

其 溷廁悉以機激水淘蕩穢氣花露噴射花香撲鼻有圖畫神 仙之跡以令人超觀

思 玄。 有音樂微妙之音以令人 %自遠也游 X 蓋 八就溷時] 乃最靜逸去囂嘩之一時。 有 IJ.

其 出 世 之思棄形之想則神 魂自遠 之以 樂上 沐

癆傅 生考 全 而 商店旅館處處皆有醫生主焉以其人數多寡爲醫生之數凡飲食之品皆經醫生驗視 遊。 而 地潔 後 感 無 . 免臨死呻吟之奇苦焉故 者。 #10 核 種 有 大同之世每人日有醫生來視一次若 淨。 之疾 許 及夫宮室之式 則 憂慮體極强壯醫視詳密故 可然後得為 考終焉若其 而後疫無從起有一地不治則疫可生焉故太平之世無疫太平之世人皆樂 미 《矣其所居 藥 而 愈故太平之世 之其有疾痘 擇地胎敎精 衣服之度道路林野溷廁庖浴之宜 氣盡呻吟太苦衆醫脈之上醫脈之知其無救則以電 大同之時人無有權惟醫權最大蓋亂世以殺人爲主 詳惡種 雖有 太平 熏傳之 症則 病院。 世 則淘 有病。 無 恢其有疾的 而 汰之並 幾無人其病者則將死 各 則入醫院故所有農 地早防之亦 無盲 |也則外感者耳必| 工作之事 |啞跛躃 必有 廢 妙藥掃除之蓋必 牧漁場礦工作廠、 ----切人事。 者也。 疾 無 人 氣盡之 然皆氣 疴 內 皆 者 傷 矣。 其 經醫 內 俾 肺

歲之後乃許辭工專學道也蓋神仙者大同之歸宿也神養二十年報之作工亦須二十年如亂世人之當報父母 加 權 亦 精 之出家自然之學道者· 可 思議蓋可由 有 最 焉。 出 必 神仙之後。 有 神。 大同 新器助之叉鼓勵之故其時醫術 大太平世以 於時人皆爲長生之論神仙之學大盛於是中國抱扑貞白丹丸之事鍊煞制氣養 養 形 Ĺ ·之世人無所思安樂旣極惟思長生而服食旣精憂慮絕無蓋人人皆爲自然 之極。 焉若是者可當 解胎變之舊學乃大光於天下人至垂老無不講求於是隱形辟穀。 佛 則 一二百歲而漸至千 义 生人爲主故醫權最 學又興其極也則有乘光騎電御氣而出吾地 有 也。 好 新 大同之全運或亦數千年 奇者專養神魂以去輪 數百歲焉疾病之 神明不可思議養生日精服食日妙人壽日長不 大時義然也醫權 迴而 而 餐樂 不 仙以也。 遊 絶益精 最大醫 視 無 有 極。 樂煉 丽 也。 主 入山屏處者必須四十 形 士亦最多醫學亦 一
於
不 入他星者此又爲大 惟人受公政府之教 生不 滅。不 飛昇

游戲。

四五

指 以 同 之極 厚 人 仙 爲 公政 致。 佛 則 mi 無 府所教養二十年非己 人 智之一新也然有 人執事作工而文明之事業將退化也。 專精修道入山屏人謝絕世事者 所得 私有須作工二十年報之乃聽自由亦以慮 只許 四 + 歲 後爲 之。 人

演 滅不 則滅矣回敎言國言君臣夫婦之綱統一入大同卽滅雖有魂皆稱天而行粗淺不 仙 可 信。 於言語道斷心行路絕雖有聖哲無所措手其所包容尤爲深遠況又有五勝三明之妙 其滅 之自 傳 佛之 者 離 大行。 耶 而 1然則天不5 更先。 敎 學 乎 不 以 方 蓋 世。 顯 《矣蓋病· 大同者世界 始 大同太平則孔子之志至於是時孔子三世之說已盡行惟易言陰陽消息 尊天愛人 而 矣。 出 **愛**。 仙 乎世間尤出乎大同之外也至是則去乎人境而入乎仙佛 己除矣無疑 學太 知 無量衆 間法之極而仙學者長生不死尤世間法之極也 為海善以悔罪 粗。 其微 所用藥岸已登矣筏亦當捨故大同 魂之難立待 言 奥 理 末斷爲悚惡太平之世自能愛人自能 無 2於空虛則7 多。 ·令人i 醉 心者 不信末日之斷 有 限。 送若佛學之博 之世。 耶 佛學者不 蘇之敎至 惟 神 之境於是 大精 仙 無 罪。 與 微至 足徴 佛 知 同 學

之後則爲天遊之學矣吾別有書魂之樂。
一之後則爲天遊之學矣吾別有書魂之樂。
一之後則爲天遊之學矣吾別有書魂之樂。
一之後如爲仙學後爲佛學下智爲仙學上智爲佛學仙佛。